



Հայկական գիտահետազոտական հանգույց  
Armenian Research & Academic Repository



Սույն աշխատանքը արտոնագրված է «Մտեղծագործական համայնքներ ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial 3.0 Unported (CC BY-NC 3.0) license.

Դու կարող ես.

պատմենել և տարածել նյուրը ցանկացած ձևաչափով կամ կրիչով  
ձևափոխել կամ օգտագործել առևտնա նյուրը առեջելու համար նորը


You are free to:


Share — copy and redistribute the material in any medium or format


Adapt — remix, transform, and build upon the material














ՇԱՀԱՆ ՇԱՀՍՈՒՐ

---


ՅԱՊԱԼԵԶՆԵՈՈՒՆ  
ԴԱՒԱՑԱՆՈՒԹԻՒՆԸ



ՓԱՐԻԶ  
1933

## ՅԱՐՈՒԹԻՒՆ ՖՐԵՆԿԵԱՆԻՆ

ՏԱՌՈՒՐ ԵՒ ԵՒ ՈՒԶԵՑԻ ԺՊՏԻԼ, ԲԱՑՑ  
ՎԱՐԴ ՇՐՅՈՒՆԵՍ ԽԱՂԻ ԶԵԿԱՌ: ԱՑՆ  
ԱՏԵՆ, ԻՆՉՊԵՍ ՄԻՋՏ, ՇՐՅՈՒՆԵՍ ԽԱ-  
ԾԻ ԵՒ ԳՐԵՑԻ: “ԼԱ՞Ս ՅԵ ԻՆԴԱՍ,,  
ՊԻՏԻ ԸՍԵՍ ԱՑՍ ԳՐՈՒԹԻՒՆԵՐՈՒԻՆ  
ԱՌՋԵՒ՝ ԻՆՉՊԵՍ ԿԵԱՆՔԻՆ: ՔԵԶԻ ԿԸ  
ՆՈՒԻՐԵՄ ԶԱՆՈՆՔ ՍԻՐԵԼԻ ՖՐԵՆԿԵԱՆ,  
ՈՐՈՎՀԵՑԵԼ ԴՈՒՆ ԻՄ ԲԱՐԵԿԱՄՍ ԵՍ:  
ԻՈՐ ՍՈՒԳԻ ՄԵՐ ԱՑՍ ՕՐԵՐՈՒՆ ՈՒ-  
ՆԻՆՔ ՄԻԱՑՆ ԱՑԴ՝ ԲԱՐԵԿԱՄՈՒԹԻՒՆԸ:  
ԳՐԱԿԱՆՈՒԹԵՆԵՆ ՎԵՐՋ: ԵՒ ՄԻՆՉԴԵՌ  
ԳՐԱԿԱՆՈՒԹԻՒՆԸ ԳԵՂԵՑԻԿ ՈՒ ԳԵՇ  
ԲԱՆ ՄԸՆ Ե, ԲԱՐԵԿԱՄՈՒԹԻՒՆԸ ՄԱՐԴ-  
ԿԱՑԻՆ ՄԻԱԿ ԶԳԱՑՈՒՄՆ Ե ՈՐ ԿՐՆԱՑ  
ԲԱՑԱՐՁԱԿԱՄԵՍ ԱՆԱՐԱՏ ԸԼԼԱԼ: ԵՒ  
ԴՈՒՆ ԻՄ ԲԱՐԵԿԱՄՍ ԵՍ:



**ԱՌԱԽՈՏԵԱՆ ՃԵՓՈՐ**

---

1.

Զենոբ Գլակ պատմաբան – իմաստասէրին  
կեանքին մէջ նշանակելի առաւօտ մը գոյութիւն  
ունեցած է : Այդ առաւօտուն է որ Զենոբ Գլակ ապ-  
րած է իր ամենախոր եւ ամենաբուռն գայթակղու-  
թիւններէն մին :

Գլակ կոնակի վրայ պառկելու սովորութիւն  
ունէր : Երբ այդ առաւօտուն աչքերը բացաւ, իր  
բաց բերնին ճիշդ դէմը տեսաւ թիթեռնիկ մը եւ  
ահմիջապէս բերանը գոցեց : Գարնան դեղնորակ  
թիթեռնիկ մըն էր, ճառագայթի մը պէս վառ թի-  
թեռնիկ մըն էր եւ որ կը թափահարէր : Ո՞ր ծակէն  
կրցած էր ննջարան մտնել ան :

Գլակ ըսաւ .

— Ծո գուն ո՞ր ծակէն կրցիր ներս մտնել :

Յետոյ իր բոպիկ ոտքերը դրաւ զետին, գիսախոփւ մազերը ճմոելով քունին վերջին կաթիլները քամեց եւ ուղղուեցաւ դէպ ի պատուհանի: Բացաւ զայն ամբողջութեամբ, ու մնաց անոր առջեւ ափ ի բերան :

Իր աչքերուն առջեւ կը պարզուէր Հայոց աշխարհի ամենազեղեցիկ առաւօտներէն մին: Դարնան աննկարազբելի առաւօտ մը: Եւ ահա որ դայթակղեցաւ Զենոր Գլակ: Ափը վերցուց բերնին վրայէն եւ բացազանչեց.

— Վա՛յ շան որդի ... Աս ի՞նչ տօն է, աս ի՞նչ հանդէս է, աս ի՞նչ հարսանիք է ...

Եւ անմիջապէս յետոյ աւելցուց .

— Եւ ի՞նչ իրաւունքով: Ի՞նչ բանի առթիւ, եւ ինչո՞ւ համար: Ամէն կողմ սուգ կայ ու ցաւ: Աղջամուղջը պատեր է մեղ: Կեանքը ծանր տուրք մը եղած է միշտ եւ հոգիները ցաւատանջ պիտի մնան յաւէտ: Եւ դո՛ւն, գարուն, ի՞նչ իրաւունքով հարսնիք կը սարքես: Աս քու ըրածդ տառական հակասութի՛ւնն իսկ է կեանքին: Դո՛ւն, գարուն, ինչպէ՛ս չես անդրադառնար որ ծիծաղելիութեան վերջին աստիճանին հասած ես, յոյս ներշնչելու քու ձեռնարկովդ: Որովհետեւ, խոստովանէ՛, յոյսով կը ներկայանաս մեզի, վերակենդանութենէ կը բարբառիս, զարթօնք կը խոստանաս: Եւ այս բոլոր խարուսիկ բաները դուն լուրջ կերպով կը ներկայացնես: Դարո՛ւն, քու ըրածդ տղայութիւն է, եւ վտանգաւոր տղայութիւն, քանի որ անմիտները եւ պարզամիտները խաղի կը բերես, զանոնք ոտքի կը հանես եւ խենթ բաներ ընել կուտաս ա-

նոնց : Դուն ե՞րբ խելքդ գլուխի պիտի ժողվես գարուն : Դուն ե՞րբ պիտի լրջանաս եւ հասուն մարդ դառնաս , գարուն :

Այսպէս խօսեցաւ Զենոր Գլակ , թուչնագիր լեզուով : Անկէ ի վեր շատ մը մարդիկ իր այս խօսքերը վերլուծեցին , բացատրեցին , եւ մանաւանդ վիճեցան անոնց հետ : Մենք միայն սա գիտենք որ գարնան առաւօտը իրաւամբ խաղի կը բերէ եւ կը մանկացնէ բազմաթիւ բաները : Շեփորը , զոր օրինակ :

Մինչդեռ երեկոյեան շեփորը խելահաս է ու լեցուի՝ մեկնումի մելամաղձոտութեամբ , առաւօտեանը կ'ըսէ տղայական ու անկապակից բաներ : Եւ հակառակ իր այդ հանդամանքին , կամ իր այդ հանդամանքին խկ պատճառաւ , որքա՞ն հաստատակամութեամբ կը շեփորէ : Տղայական բաները կը ստորագծէ , կը պնդէ ըսածին վրայ , երդում - պատառ կ'ըլլայ , երկինք - դետին արձագանդ տալով : Ունի ճամբորդութեան հրաւէրներ , ունի աղեղներ երկնասլաց , եւ ժպիտներ՝ արդարի : Ո՛չ , գարնան առաւօտներու փողը մարդ չպիտի՛ ըլլայ , խելքը գլուխը չպիտի՛ ժողվէ , չպիտի լրջանայ :

Ահաւասիկ ան արթնցաւ մութ նըբանցքի մը խորը որ կը պատկանի հաշէջ զօրանոցի մը : Անմիջապէս ոտքի հանեց քնացող զինուորները եւ սկսաւ յառաջանալ : Ներդաշնակ քայլերով ուղղուեցաւ դէպ ի ելքի մեծ դուռը որ բաց կը մնայ գիշեր թէցերեկ : Հոն կանգ առաւ սուխնաւոր պահակին քով , որուն գլուխը կայ կարմիր սաղաւարտ մը , իսկ մէջքին լայն դօտի մը , նմանապէս կարմիր : Իր

կեցած տեղը բարձրադաւթակ մըն է, քանի որ հոն  
կարելի է բարձրանալ քովբնտի երկու սանդուղնե-  
րով: Դաւթակին առջեւ կան չորս սիւճեր որոնք ի-  
րենց վրայ կը կրեն յունական քուտօք, թրքական  
գրօշակով մը միասին: Սպիտակ սիւճերուն մէջէն  
է որ առաւօտեան շեփորը կը հնչէ կրկին: Իր առ-  
ջեւէն սկսող մեծ պողոտան որ Աէլամսըզի շուկա-  
յին մեծ աղիքն է, կ'ուռեցնէ իրմով, կ'երթայ միի-  
չեւ զնչուներուն թաղը, նոր ասպատակութիւններ  
կը փորձէ աջ ու ձախ եւ յանկարծ կը փափաքի իջ-  
նել մինչեւ վար, մինչեւ նաւամատոյց ու Վոս-  
փոր: Ապահովաբար կը հասնի իր նպատակին, քա-  
նի որ երբ կը լոէ, իր պղտիկ բերնէն ջուրը կը  
կաթիթի: Պահակը կը բարեւէ զայն յարգանքով:

\* \* \* \* \*

Ամէն կողմ սուգ կայ ու ցաւ, աղջամուղջը պա-  
տեր է մարդիկ, եւ հողիները ցաւատանջ են, քանի  
որ պատերազմի չորրորդ տարին է: Հաղար ինը  
հարիւր տասնըութը: Բայց ի՞նչ զարուն: Առաւո-  
տը կը սահի հեշտորօր, գաղջ, անտարբեր: Հըշէջ-  
ներու վարդագոյն զօրանոցին դէմ ինձէնեան դե-  
ղարանը հիւանդ է, ինչպէս ամբողջ շուկան: Իր  
ոսկեղօծ մեծ տառերը տժգուներ են եւ տախտակ-  
ներուն ներկը կը թափի նշխար առ նշխար: Դեղա-  
գործ Արթաքի էֆէնտին իր գրասեղանին առջեւ  
նստած է եւ խոր զզուանքով ականջ մը կուտայ  
պաշտօնական զեկոյցին: Յաղթեցինք, պիտի յաղ-  
թենք, մեղմէ ջորի մը միայն մեռաւ, շաքարը պի-  
տի սղէ, պօլչէվիկները սկսան մանուկներ ուտել:

Ընթերցումը կը կատարէ ծերուկ Տոքթ. Փաշայ-  
եանը, գեղագործին դէմը նստած, և ինչ ինչ նախա-  
դասութիւններ կը կարդայ շարականի եղանակով,  
« ի Դանիէլէ մարդարէ »ով : Ծաղրելու իր ձեւն ալ  
այս է : Յետոյ կը խօսին պարտասած ձայնով մը :  
Բժիշկը շատ բան կը յուսայ Ամերիկայի Ուկլսը-  
նէն, իսկ գեղագործը՝ նոր բաշխուած պանիրի Վէ-  
սիքայէն : Ցնցոտիններ հազած կիսամեռ թուրք  
զինուորներ անօթի աչքերով ներս կը նային գեղա-  
րանէն, ու կը հեռանան՝ աչքերնին ետեւ : Արթաքի  
էֆէնտի կը սկսի ծուէն – ծուէն եղած դրամատոմ-  
սեր կարկտել ու ափովը արդուկել, դէմքը աւելի  
թթուեցնելով : Դուռը կը բանայ ծաղկոտ լաճ մը,  
հանրածանօթ Բենիկը, ըսելով . — « Հաց կ'ու-  
զե՞ս » : Դեղագործը կը հարցնէ թէ ի՞նչ տեսակ  
հաց է ու յետոյ կը դոչէ . — « Դետնին տա՛կը անց-  
նի քու վէսիքայի հացդ : Դգալ մըն ալ պէտք է այդ  
ցեխը ուտելու համար » : Եւ մինչ Բենիկ կը հեռա-  
նայ, Արթաքի էֆէնտի կը պոռայ ետեւէն . — « Ե-  
թէ զինուորի հաց դոնես՝ բեր, կ'առնեմ » :

Բժիշկն ու գեղագործը բոլորախորշին (rotonde) ետեւ գացին : Հոր է որ քիչ վերջ լսեցին Աղաւ-  
նիի խնդուքը : Տոքթ. Փաշայեան հարցուց թէ ինչ  
վիճակի մէջ է Աղաւնիի սէրը : Շատ չնորհակալ եմ,  
լաւ վիճակի մէջ է : Նշանածները շատ յարմարած  
են իրարու եւ կը պաշտեն մէկզմէկ : Երկուքն ալ  
կապուելիք խենթեր են : Իմ արիւններս կը դար-  
ձնեն : Գրեթէ ամէն առաւօտ Աւետիս կուգայ  
« պարտէղ », ու կը սիրուըտի Աղաւնիին հետ : Ե-  
թէ երբեք ես բուռն կերպով կը փափաքիմ պատե-

բազմին վերջաւորութեանը, պատճառներէն մէկն ալ սա է թէ, այդ պարագային Աղաւնի պիտի ամուսնանայ, պիտի կորսուի, տէփ պիտի ըլլայ, եւ ես, Արթաքի, մոմ մը պիտի վառեմ Ս. Թագաւորին առջեւ:

Բժիշկը պղտիկ եւ մաշած ակուաներով ժպտեցաւ ձեռքերը շփեց ու մտաւ նրբանցքը: Յառաջացաւ կիսաստուերին մէջ, ու հասաւ այն գոց գըրան առջեւ որուի ետին կը գտնուի « պարտէզը »: « Պարտէզը » հաղիւ երկու մեղք խորութիւն ունի: Պատերազմէն առաջ ան խճողուած էր հաստափոր շիշերով, տուփերով, սնառուկներով, որոնք երեմն տախտակորմէն վեր ալ կը բարձրանային: Այժմ ոչինչ մնացած է այդ բազարէն: Վառած են, ծախած են եւ մնացած է միայն հոր մը: Հոր է որ Աղաւնի կարեւոր գործեր կը գտնայ ընելիք, ամէն առաւու:

Ընդդիմացաւ Արթաքի էֆէնտին: Բժիշկի ձեռքի հրաւէրներուն պատասխանեց ըսելով — « ձգէ՛ սա խենթերը »: Յետոյ՝ « կ'երեւայ քու սիրտդ կէնիշ է »: Յետոյ՝ « դուն բնաւ չպիտի՞ փոխուիս »: Ուրիշ այս կարգի բաներ մըն ալ ըսաւ եւ վերջը ինք ալ գնաց « պարտէզի » դրան առջեւ:

Ականջ տուին :

Սանդի աղմուկը երբ որ լոեց, Աղաւնիին ձայնը ըսաւ:

— Շա՛տ լաւ գիտես որ կիրակի օրերը մայրիկիս կ'երթամ: Վերջն ալ միս — մինակս կը վերպառնամ Գատըգիւղէն մինչեւ հոս: Եւ դուն բնա՛ւ չես մտահոգուիր խորհելով որ կրնայ ճամբան ին-

ծի փորձանք մը պատահիլ։ Դուն ի՞նչ տեսակ նշանած ես։ Զե՞ս գիտեր որ Հայտար - Փաշա դերմանացի զինուորները կը վխտան։

— Կը վխտան . . .

— Եւ ես շա՞տ կը վախնամ գերմանացի զինուորներէն. շա՞տ կը վախնամ . . . սաստի՛կ . . .

Աղաւնի աւելցուց անմիջապէս յետոյ .

— Որովհետեւ շա՞տ գեղեցիկ են անոնք . . . Ան ի՞նչ վարդագոյն այտեր, ի՞նչ ոսկեզօծ մազեր . . . ես շա՞տ կը վախնամ աղուոր զինուորներէն . . . Հապա՞ եթէ փորձանք մը պատահի . . .

Դեղագործը իր բուռնցքները ուղղեց գոց դըրան, բայց բժիշկը բոնեց զանոնք։ Արթաքի էֆէնտի ըսաւ — « քսանը մէկ տարեկան է՝ հաւու չափի խելք չունի »։ Բարեբախտաբար սանդին մրճահարութիւնը վերսկսաւ եւ խափանեց իրենց աղմուկը։

Յայտնի է թէ Աւետիս կը շոյէր աղջիկը։ Իր խուլ ձայնը կ'ըսէր մեղմօրօր — « սիրե՞մ, ես քու լօփիկ միսերդ սիրեմ . . . վախկոտ միսերդ սիրեմ . . . »։

Քիչ վերջ նոյն արու ձայնը ըսաւ՝ այս անգամ առանց փաղաքշական շեշտի .

— Զե՞մ դիմանար կոր Աղաւնիս, չե՞մ դիմանար կոր . . . Աս պատերազմը ե՞րբ պիտի աւարտի որ կարգուինք մենք . . . քեզ քանի կը սեղմեմ, այնչափ դէշ կ'ըլլամ կոր . . . չե՞մ դիմանար կոր . . .

— Ինչո՞ւ կը տրանջաս, ըսաւ Աղաւնի։ Նորէն Աստուծոյ փառք տուր որ ասանկ հանգիստ տեղ մը մնացեր ես։ Ի՞նչ պիտի ընէիր եթէ քեզ լեռները դրկէին, քար կոտրելու դրկէին ամէլէ քապուտիին

մէջ : Ուրիշներ հարիւրաւոր ոսկիներ ծախսեն՝ նորէն չեն կրնար քեղի պէս հանդիսատ զինուութիւն ընել : Ազօթէ որ լաւ խոհարարութիւն գիտէիր եւ շուն Սիւլէյմանը քեզ քովը առաւ :

Աւետիս կրկնեց .

— Խոհարարութիւն գիտեմ . . . բայց չե՞մ գիմանար կոր . . .

Տքթ . Փաշայեան նստաւ բանի մը վրայ որ կրծտեց : Արթաքի էֆէնտի որ կ'ուղէր անոր հեռանալը տեսնել , դժգոհեցաւ որ կը տեղաւորուի մարդուկը : Իր դժգոհութիւնը ծածուկ չըլլալուն համար բժիշկը բռնեց գեղագործին գաստակը եւ ըստաւ — « բազկերակդ դէշ կը տեսնեմ , դո՛փ ալ չես դիմանար կոր . . . » :

Յանկարծ Աղաւնիին ձայնը ըստաւ .

— Զգէ՛ : մըներ . . .

— Ի՞նչ կ'ըլլայ աղուորս , պատասխանեց խոհարարը : Մարդ մարդասանք չիկայ : Մեղ ո՞վ կը տեսնայ . . .

— Ի՞նչ ըսի՞ր :

— Ո՞վ կը տեսնայ :

— Ո՞վ պիտի տեսնայ . . . մօրաքոյրս : Գիտնալս վերի պատուհանէն ինայելու սովորութիւն ունի . . . աչքդ մէյ մը վեր առ՝ առանց յայտնի ընկլու :

Դեղագործը ըստաւ բժիշկին ականջն ի վար — « Կնիկէս այդքան մը խելք չեմ յուսար ամա . . . կեցիր երթամ մէյ մը նայիմ » : Թէեւ Աւետիսին ձայնը կ'ըսէր թէ նայող չիկայ , բայց Արթաքի էֆէնտի հեռանալու պատրուակ մը գրած ըլլալով հե-

ոացաւ։ Անձայն քայլերով մտաւ կողմնակի բաց դուռը եւ սկսաւ կատուի պէս բարձրանալ սան-դուզները։ Երրոր գաւիթը հասաւ, յառաջացաւ չորս ստքի վրայ, մինչեւ ննջասենեակին առջեւ։ Ննջասենեակին դուռը բաց էր բարեբախտաբար եւ Արթաքի էֆէնտի վիզը երկարեց։ Քիչ մը աւելի, քիչ մը աւելի։ Ճիշդ այդ պահուն է որ սաստիկ վախցաւ գեղագործը։ Սարսուաց ամբողջ մարմնով, որովհետեւ իրենց ճերմակ փիսիկը՝ ոստումով մը իր կոնակը նետուած էր։ Արթաքի էֆէնտի հայհոյութիւնը կուլ տուաւ, թողուց որ կատուն իր ծոծրակին վրայ տեղաւորուելու փորձեր ընէ եւ կըկին գլուխը երկարեց։ Իրաւամբ կինը ննջաբանն էր։ Մէկ պատուհանը կիսով վեր առած էր եւ տակը դրած իրենց մեծ ու սեւ խողանակը։ Քիթն ու բերանը այդ բացուածքին մէջ՝ դէմքը վարագոյրով պատուպարած՝ Տիկին ելակիս կը ջանար թէ՛ լսել եւ թէ տեսնել։

— Իրա՛ւ է եղեր, ըստ Արթաքի էֆէնտի երբ որ բժիշկին քով դարձաւ։ Կնիկս ալ մօիկ կ'ընէ կոր… Ա՛խ Աւետիս. ոչ տեսնող կայ, ոչ աւ Ա՛-սող… մա՛րդ – մարդասանք չիկայ…

Կըկին դադրեցաւ սանդին աղմուկը եւ Աղաւնի ըստաւ։

— Երկուքիս ալ անունը Առվկը սկսի։ Մեր ճերմակեղէններուն վրայ միշտ Ա մառքան պիտի ըլլայ։ Էյ ան ատեն ինչպէ՞ս իմ ճերմակեղէններս քուկիններէդ պիտի դմանաղանենք…

Նշանածը ըստաւ.

— Քա Աղաւնի, ադ ի՞նչ գէշ լուս առւիր…

ամառն ու ուշաւ

— 2 —

— Հապա՛, շարունակեց աղջիկը խնդարով, շա՛տ գէշ լուր... Զելլաս իմ քոմպինէզօններս հագնիս... Այս ատեն ես ալ քու փաշալը վարտիքներդ կը հագնիմ... Հա՛, Հա՛, Հա՛...

Համբոյրին աղմուկը այս անդամ երկար տեւեց : Իսպէ մը կը զաղըէր ու կը վերսկսէր : Իրարու կը նայէին երկու տարեցները, քիթ քիթի փակցուցած : Տքթ . Փաշայեան վերլուծեց բնախօսական պատճառներ : Դեղագործին բարկութիւնը ամեցնելու գնոով՝ ըստ թէ մարտը կատուներուն ամիսն է, իսկ մայիսը...

— Աս բերանդ հանի Պէֆիր է, ըստ Աւետիս, աս քիթիկդ Փընտըլս քուռփի է : Աս աչուկներդ պիինայ են... Գառն Աստուծոյ ես Աղաւնիս... իշանելոյ Աղաւնոյ...

— Ինչ ըսի՞ր...

Դեղագործը իր բոունցքը գլխին դարնելով ըստաւ.

— Հա՛ստ է, Հա՛ստ... Առաւօտէն մինչեւ իրիկուն « ինչ ըսի՞ր » մտիկ կ'ընեմ : Միտքը արագ չի գործեր : Մէկ բանը տասն անդամ պիտի կրկնես որ խելքին մէջ տեղաւորուի :

— Շատ իմացած էի որ սիրահարները կը հալին կը մաշին, բայց շատ ականջ չէի կախած : Հիմայ կը հասկնամ կոր որ շիտակ է եղեր : Քու սիրովդ հալեցայ Աղաւնիս... նայէ՛, միշտ կը նիհարնամ կոր...

— Աւելի աղէկ, ըստ միւսը, ես ալ նուրբերը կը սիրեմ : Կը կարծես որ ես գո՞հ եմ իմ այս գիրութիւնէս :

— Բայց շա՞տ կը նիհարնամ կոր Աղաւնիս : Քանի  
վրադ կը նայիմ , այնքան դէշ կ'ըլլամ ... ինծի ա-  
նանկ կուգայ որ սիրոս կը հալի , կուլայ , ջո՛ւր  
կ'ըլլայ ... անօթի եմ ... չէ՛ , չէ՛ , սիրով է որ անօ-  
թի եմ ...

— Ինչ ըսի՞ր ... ես քեզի կ'ըսեմ որ լաւ չես  
ուտեր կոր ... հա՛ , հա՛ , հա՛ ...

Նշանածը քիչ մը մտածեց կ'երեւի եւ իր նոյն  
թրքախառն հայերէնովը ըսաւ .

— Զե՛մ դիտեր : Միայն թէ միշտ անօթի եմ ,  
միշտ ուտեր կ'ուղեմ : Եկուր տես որ մեր խառավա-  
նայէն բան հասկցած չունիմ : Շատ անդամ սոված  
դայլի պէս անօթի եմ ... դա՛յլ , դա՛յլ ...

— Սո՛ւս , ըսաւ Աղաւնի , դիտես քի սա ծակէն  
մէկը կը նայի կոր մեղ ...

Դեղագործն ու բժիշկը որ չէին դիտեր թէ որ  
ծակին կ'ակնարկուի , անդամ մը եւս նայեցան դը-  
րան նիզին զոր հրած էին արդէն :

— Նայող չիկայ նանըմ , ըսաւ Աւետիս : Առջի  
օր ալ ատանկ ըսիր եւ դուրս ելայ որ Լիզոռին շունն  
էր :

— Շունը մուկը ես չեմ դիտեր ... Միայն սա  
դիտեմ որ զուն զիս բնա՛ւ չես սիրեր կոր : Սո՛ւտ  
ես , ինծի համար չէ որ կը նիհարնաս ... Զիս սի-  
րոդ նշանածը քու ըրածդ չըներ ... Հրամմե՛ր ես  
միւսիւ , դուն լեռնցի ես , դաւառացի ես : Պօլսեցին  
աս քու ըրածդ չըներ ... ինչպէ՞ս , ինչպէ՞ս , ըսել  
է տեղեկութիւն անդամ չունիս ըրածէդ ... բայց  
ժա՛մ մըն է որ հոգիս ելաւ հավան ծեծելով եւ չես  
ըսեր որ տուր ես ծեծեմ ...

ուածներ տեղացին « պարտէզ »ի տախտակորմին վրայ եւ Բենիկին ձայնը ճշաց .

— Օրիորդ Աղաւնի՛ , աղ պաջիկէն ե՞ս ալ կ'ու-  
ղեմ . . .

Եւ մինչդեռ բժիշկը կ'արձակէր շատ երկար բացազանչութիւն մը , քանի որ անդամ մը եւս կը հաստատուէր թէ սիրահարները տեսնող բնա՛ւ չկայ , լսուեցաւ վեր ելլող պատուհանի մը սկըթու-  
քը : Գրեթէ միաժամանակ Արթաքի էֆէնտիին կի-  
նը պօռաց վերէն .

— Ծո Բենիկ , ծո չամցա՛ծ տղայ . . . աս անդամ պիտի ըսե՛մ միւսիւ Արթաքիին : Պիտի ըսե՛մ . . .

— Հայտէ՛ քա , պատասխանեց կավոօշը , չէ  
քի ես՝ դում պիլէ չես վախնար միւսիւ Արթաքիէն :

Այնքան ուժով որ ձեռքը պիտի վիրաւորէր , Արթաքի էֆէնտի քաշեց նիզը (բժիշկը փախաւ) , ուղցաւ « պարտէզ » , բացաւ տախտակորմին դուռն ալ եւ սկսաւ լաճը հալածել : Իրեն հետ կը վազէր նաեւ հրշէջ զինուոր մը , Աւետիսը :

Աղաւնի կուլար : Մէկ ձեռքին մէջ բռնած էր սեւ ու խոշոր խողանակ մը , որ վերի պատուհա-  
նէն ինկած էր իր գլխուն վրայ : Երկու արցունքով կուլար :

Կ'երեւայ տղան աճապարեց ծեծելու , բայց Ա-  
զաւնի սկսաւ ծիծաղիլ ծաղրանքով եւ ըստ թէ  
արդէն ծեծելիք բան չէր մնացած , թէ ինք նիհար-  
ցող չէր , եւ մէկ ժամուան աշխատութիւնը շուտով  
կը լմնցունէր : Նշանածը ինքինքը արդարացնելու  
համար կրկնեց իր յանկերգը .

— Ա՛խ , մէյ մը կարգուինք . . . Զես գիտեր որ  
առաւօտները որքա՞ն գէշ կ'ըլլամ կոր : Երբոր աչ-  
քերս կը բանամ , մութն ու լուսուն քեղի կը մտա-  
ծեմ եւ « ա՛խ » կը քաշեմ . . . կը հալիմ կոր Ազաւ-  
նիս . . .

— Միայն գո՞ւն , պատասխանեց աղջիկը : Բան  
մը չըսելուս մի՛ նայիր , ե՛ս ալ շատ գէշ կ'ըլլամ  
կոր : Երբոր առատուն փողը կը հնչէ , վերմակիս  
տակ կը սարսոամ եւ ծունկերս կը դողան : Ի՞նչ ալ  
ուժով կը փչես Աւոս , մինչեւ ոսկորներուս ծուծը  
կը մտնայ կոր ձայնը : Հապա՞ . . . ծունկերս կը սեղ-  
մեմ եւ կը դողամ փիսիկի պէս կծկտելով . . . շա՞տ  
գէշ կ'ըլլամ . . .

— Հէլպէ՛քտէ ուժով կը փչեմ , ըստ Աւետիս  
խրոխտաբար :

Ամէն ոք գիտէ թէ շեփորը զարնողը Աւետիսը  
չէ , եւ ամէնէն առաջ՝ նոյն ինքն Աւետիսը : Ազաւ-  
նին ալ գիտէ : Բայց ուրեմն ինչո՞ւ երկուքն ալ ի-  
րարու սուստ ընդունելով կը զուարճանան : Աչքերը  
բացած՝ Արթաքի էֆէնտի բնաւ չէր կրնար ըմբո-  
նել եւ յուսահատութեամբ կ'ըսէր թէ երկուքն ալ  
խենթ են , կապուելիք խենթ են :

Նոյն պահուն է որ բումցքի եւ ոտքի հար-

Բուռն վիճաբանութիւն մը կար սպաներու սեն-  
 եակին մէջ : Զայները կը լսուէին թէ՛ փողոցէն եւ-  
 թէ խոհանոցէն : Գրգոռուած ու դայթակղած՝ Արիֆ  
 պէջ իր ամբողջ ուժով կը քննադատէր Գատըգիւ-  
 զը : Անոր պատճառաւ է որ Մալթէփէյի հրդեհը  
 այդքան մեծ համեմատութիւն էր առած : Սեղանին  
 վրայ էր Ագշամը, ուր լրացուցիչ տեղեկութիւններ  
 կային աղէտին վրայ : Այրած են 102 տուն, 10 խա-  
 նութ, 1 մղկիթ եւ 1 պանդոկ : Եւ այս բոլորը այն  
 պատճառաւ որ Գատըգիւզ չէ ուղած օգնութեան  
 փութալ, առարկելով թէ Մալթէփէ քաղաքապե-  
 տութեան սահմանէն դուրս կ'իյնայ : Իրաւ է թէ  
 դուրս կ'իյնայ, բայց միթէ Մալթէփէն մարդ չէ՞ :  
 Արիֆ պէյին գեղեցիկ մոյկերը կ'երթուղարձեն

սենեակին մէջ կրկնելով — միթէ Մալթէփէն մարդ չէ՞ :

Խոհանոցին մէջ ալ նոյն նիւթին շուրջ կը խօսուի : Յած աթոռի մը վրայ նստած , թէճէպ կը կարդայ նոյն Ազշամը եւ ուրիշ զինուորներ ականջ կուտան : Հո՛ս ալ Մալթէփէն քաղաքապետութեան սահմանէն դուրս կ'իյնայ : Հո՛ս ալ Գատըգիւղ օգնութեան չի փութար եւ կը պատասխանէ իրեն եղած հեռածայնի կրկնակ հարուածներուն — «մինչեւ որ հրշէջ զօրաց հրամանատարութենէն հրաման չառնենք , չենք կրնար ճամբայ ելլալ » : Բայց չեն կրնար արտօնութիւն առնել , որովհետեւ « հըրամանատարը անհանդիստ ըլլալուն համար մէկ քանի օրէ ի վեր հանդիստ կ'ընէր իր տունը : Փոխ հրամանատարն ալ բացակայ էր , որովհետեւ Պաքըրքէօյ էր դացած , ադարակի մը մէջ այբող խոտերը հրդեհ կարծելով : Մինչ այս մինչ այն , կրակը մեծ համեմատութիւն էր ստացած : Ստիպեալ՝ Մեծ Կղղիէն օգնութիւն ուղեցին : Մեծ Կղղիի հրշէջ գունդը ճամբայ ելաւ անմիջապէս , բայց կարելի չեղաւ գտնել Պաղտատ շոգենաւին նաւապետը : Մալթէփէյի կէսէն աւելին մոխիրի վերածուած էր արդէն երբոր Գատըգիւղ ճամբայ ելաւ վերջապէս : Հրամանատարը իր տունէն արտօնութիւն տուած էր հեռախօսով : Բայց Գատըգիւղի օթօները Պօսթանձը հասած՝ պէնզինի խողովակները աւրուեցան ... » :

— Ա՛խ , սա աղաւնիներուն նայեցէք , ըստ Աւետիս որ պատուհանին մէջ էր նստած : Ի՞նչ համով կ'ըլլայ Փիլաֆին հետ ...

Ճակատը երկաթէ հաստ ճողերուն կոթնցուցած՝ անօթի Աւետիս կը նայի Սուրբ խաչ եկեղեցիի աղաւնիներուն։ Անոնք աղքիւրի ջրակոյտերուն շուրջ կը դառնան, կը վուզույեն եւ կը լոդնան։ Գիտեն թէ զանգակատունը դիրենք պիտի կանչէ քիչ զերջ եւ կ'ուղեն մաքուր ներկայանալ անոր։ Վերջալոյսը բռնկած է անշուշտ տուներու ետին, քանի որ մթնոլորտը վարդապոյն է եւ բարձր թառած փոքրիկ պատուհան մը հնոցի պէս կը ճարճատի։ Վո՞ւ, վո՞ւ։

Օգնական խոհարարը, Բէճէպ, թերթը ձգելով մօտեցաւ պատուհանին եւ նոյնպէս անօթի աչքերով նայեցաւ թոչուններուն։

— Ի՞նչ լաւ կ'ըլլար, ըսաւ ան ալ, մէկ հարուածով սա երեքը մէկ փոէիր…

Եւ իր թեւերուն տուաւ զէնք մը կրելու դիրքը, գլուխը քիչ մը գէպի աջ ծուեց, ձախ աչքը դոցեց ու նշան առաւ։ Յետոյ աջ ձեռքին ցուցամատը պարապին մէջ խաղցնելով զէնքի ձայնը կեղծեց։

— Պո՞ւմ…

Իրաւ ալ աղաւնիները թափահարեցին սարսափած՝ հակառակ որ Բէճէպին ձայնը բնա՛ւ իրենց հասած չէր կրնար ըլլալ։ Աւելին կայ։ Թոչուններէն մէկը ինկաւ ու սկսաւ տապլտկիլ, ողեվարիլ։ Զարնուած էր։

Պատուհանին մէջ խմբուած գլուխները սկսան մէկզմէկ դիտել՝ կատարելապէս ապուշցած։ Բայց շուտով պարզուեցաւ խնդիրը։ Զես գիտեր որ անկիւնէն դուրս նետուած էր Բենիկ, որուն ձեռքին մէջն էր տակաւին պարսատիկը։

Աստումով մը տղան հասաւ վիրաւոր աղաւ-նիին մօտ , անոր վիզը ոլորեց եւ իր ծոցը նետեց անասունը : Երկաթէ ձողերուն ետեւէն պօռացին , հայհոյեցին , սպառնացի'ն ալ , բայց բոպիկ տղան հեռացաւ ծիծաղելով : Նոյնիսկ համարձակեցաւ ը-նել աւելին : Կղմինարի կտորի մը վրայ թքաւ , ու դայն արձակեց դէպի խոհանոց՝ պարսատիկին շը-նորհիւ :

Ոչ միայն պատուհանը պարպուեցաւ չուտով , այլ նաեւ զինուորները ցրուեցան խոհանոցէն , ո-րովհետեւ Ֆախրի պէյը ներս էր մտած : Ենթաս-պան Աւետիսի առջեւ դրաւ փոքր ծրար մը , որուն հաստ ու գեղին թուղթէն կ'երեւար թէ միս կը պարունակէ : Պատուիրեց որ չուտով կասկարայ ը-նէ դայն , որովհետեւ այս իրիկուն կանուխ ճաշել կ'ուզէր : Անմիջապէս գործի սկսաւ Աւետիս , շատ սովորական ակնարկ մը նետելով միսին վրայ : Ի-րականին մէջ յուզուած էր որովհետեւ միսը առաջ-նակարգ էր : « Սառի պէս » :

Ենթասպան կը դառնար խոհարարին շուրջ , անհամբերութեամբ : Պահ մը գուրս ելաւ երթալ երկու բառ տեղաւորելու համար ներսի վիճաբա-նութեան մէջ , եւ յետոյ վերադարձաւ կրկին : « Հա-րիւր երկո՞ւ տուն » կը կրկնէր Ֆախրի պէյ : Յան-կարծ հարցուց .

— Ան չէ ամա , քիչ մը առաջ ինչո՞ւ կը պօռա-յիք կոր :

— Պէյս , ըսաւ Աւետիս պատուհանը ցոյց տա-լով , շան որդի լակոտ մը կայ , Բենիկ կ'ըսեն . . .

— Կը ճանչնա՛մ, ընդմիջեց սպան, նորէն ի՞նչ  
ըրաւ:

Սովորականէն տարբեր տրամութիւն մը կար  
երեկոյեան զօղանջին մէջ: Կարծես թէ զանգակա-  
տունը երկչուութեամբ կուլար իր մէկ անդարձ  
աղաւնին: Մօր մը պէս զօղանջը կը դառնար թաղէ  
թաղ, երեք լեզուով տեղեկութիւն կը ժողվէր, ու  
յետոյ յուսահատ՝ կը նուազէր: Կը կանչէր, նորէն  
կը կանչէր աղաւնին ու կուլար դառնօրէն:

— Հաւատքի՛ս քՓրեց, ըստ Աւետիս:

Ֆախրի պէյ այնքան բրտօրէն բացաւ գեղա-  
րանին դուռը, որ ցուցաբեղիկին մէջի զմոսուած-  
սկիւոը վար ինկաւ: Աղաւնին սիրտը թունդ էր ե-  
լած: Ֆախրի պէյ աղջկան հարցուց անձկու-  
թեամբ:

— Ո՞ւր է Արթաքի էֆէնտին: Շո՛ւտ, շո՛ւտ,  
կանչէ Արթաքի էֆէնտին:

Դեղարան կը մտնէին նաեւ զինուորներ: Ա-  
նոնցմէ մէկը Աւետիսն էր: Երբոր Աղաւնի իր նշա-  
նածը այդ վիճակին մէջ տեսաւ, աղեկտուր ճիչ մը  
արձակեց ու նուազեցաւ:

Ի զուր սպան ջանաց ցնցել ու արթնցնել գե-  
տինը փոռուած աղջիկը: Զգաց որ այդ բանը ժամա-  
նակի կարօտ է եւ ինք բնաւ ատեն չունէր կորսն-  
ցնելիք: Փողոց նետուեցաւ ու պոռաց գեղագործին  
անունը: Շուկան որ երեկոյեան պատճառաւ քիչ մը  
ողեւորութիւն ստացած էր, յուզուած է արդէն:  
Կը վաղվզեն դրացի խանութպաններ, « Արթաքի  
էֆէնտի՛ » պօռալով: Գտան զայն Լիզոռին սրճա-

բանը ուր թուղթ կը խաղար : Իրեն երկու բառով  
բացատրեցին պատահածը : Աւետիս՝ ենթասպային  
բացակայութենէն օգտուելով միսի կտոր մը նե-  
տած էր բերանը . բայց կոկորդը մնացած էր ան՝  
երբոր փորձած էր կլլել, ֆախրի պէյի յանկարծա-  
կան վերադարձին պատճառաւ :

Երկու զինուորներ անհուն դժուարութիւննե-  
րով կը զսպեն Աւետիսը : Աւելի ճիշդը՝ կը ջանան  
զսպել : Աւետիս կը խեղղուի : Կը ճանկէ, կը գա-  
լարուի, կը մեռնի : Աչքերն ու լեզուն դուրս են ին-  
կած, վիզին երակները ուռած են զարհուրելիօրէն  
և շատ վախնալիք գոյն մը առած է իր դէմքը : Կը  
մեռնի :

— Զեմ տեսնար կոր ըսաւ Արթաքի էֆէնտի .  
լոյսին առջեւ քաշեցէք սա . . .

Իր ծունկերուն վրայ ինկած հայ զինուորը  
քաշկուաեցին : Սպան անոր գլուխը անշարժացուց  
նորէն, բայց դեղագործը այս անզամ ալ չը յաջո-  
ղեցաւ : Կը սահէր գործիքը : Մկրատի նմանող եր-  
կարավիզ իր աքծանը երբ որ չորրորդ անզամ ըլ-  
լալով միարձեց կոկորդին մէջ, կրցաւ բռնել միսը :  
Զգուշութեամբ քաշեց զայն ըսելով — « Հոս ե-  
կուր, հոս եկուր նայի՛մ » : Երբոր միսը « Հոս կու  
դար », Աւետիսին համար կարծէք արե՛ւ, արե՛ւ,  
արե՛ւ կը ծագէր :

Արթաքի էֆէնտի նայեցաւ իր աքծանէն կախ-  
ուող միսին, յետոյ նայեցաւ Աւետիսին ու ըսաւ .

— Զի՛ւշ . . . ա՛ւանակ :

Անմիջապէս որ վերցած էր թեւերու կաշկան-  
թումը, Աւետիս ինկած էր գետինի քարերուն վը-

րայ : Կը շնչէր կուշտ ու կուռ եւ կը ժպտէր երա-  
նութեամբ : Կիցի հարուածներով զինքը ոտքի հա-  
նեց ենթասպան ու դուրս չպրաեց զեղարանէն :  
Դրան առջեւ խմբուած բաղմութիւնը ճամբայ բա-  
ցաւ զինուորներու փոքրիկ խումբին , եւ ամէն ոք  
ակնարկով հետեւեցաւ հայուն : Բացուրոշ է թէ ոս-  
կորները կոտրելու աստիճան պիտի ծեծեն Աւետի-  
սը : Ոչ ոք կը մեղագրէր զայն : Ներկաները , բո-  
լորն ալ առաւել կամ նուազ անօթիներ , կ'արդարա-  
ցնէին անշուշտ խոհարարին արարքը եւ ծերուկ կին  
մը կ'ըսէք՝ արցունք մը սրբելով — « քա անօթու-  
թիւնը ի՞նչ ընել չիտար » : Շատեր կ'երթային լու-  
րը տարածել , արդէն իսկ չափազանցելով միսին  
մեծութիւնը : Այս բոլորին մէջ մէկ հոգի մը միայն  
ուշադրութիւնը ունեցաւ չնորհաւորելու Արթաքի  
էֆէնտի ինճէյեանը իր մեծ ճարտարութեանը հա-  
մար — Բենիկը :

Արթաքի էֆէնտի զեղարանին դուռը դոցեց ,  
ամէն մարդ դուրս ընելէ յետոյ եւ զարմացաւ՝ սե-  
ղանին վրայ տեսնելով խաղի թուղթեր : Իր աճա-  
պարանքին մէջ՝ հետն էր բերած դանոնք : Հսաւ .  
« ամէն մեղքիս՝ երկու հատ ալ պէյ ունէի » : Երբոր  
զեղագործը դէպի աղբաման կ'երթար աղտոտ մի-  
սը նետելու համար , նրբանցքին առջեւ դէմ դէմի  
եկաւ Աղաւնիին հետ որ սաստիկ տժգոյն էր դեռ :  
Աղաւնի նայեցաւ աքծանէն կախուող կարմիր մի-  
սին ու բացագանչեց լեղապատառ .

— Աւոյիս լեղո՞ւն ... Աւոյիս լեղո՞ւն ...

Արթաքի էֆ . ատեն չունեցաւ « լեղու չէ » ըսե-  
լու : Երկրորդ անգամ ըլլալով նուազած էր Աղաւնի :

Կրկին նստաւ անկողնին մէջ եւ գլուխը երկու  
 ձեռքերուն մէջ առաւ Արթաքի էֆէնտի : Կը տառա-  
 պէր անվերջանալի գիշերին խորը : Պառաւ կիներու  
 պէս կ'օրօրուէր , իր գլուխը սեղմելով շատ ուժով ,  
 կարծես մահուան մտածումը ճզմելու համար հոն :  
 Երբեմն իր խաշած կոպերը կը բանար արտակարգ-  
 օրէն , խաւաբը հարցաքննելու համար , բայց տժ-  
 գոյն պատուհանի մը չէզոքութիւնէն դատ բան չէր  
 տեսներ : Մտովի կը կրկնէր միշտ « եթէ իրա՛ւ մե-  
 ռաւ... » : Արթաքի էֆէնտի կտրած անցած է գի-  
 շերուան բոլոր յարկերը վերէն վար , կորսուած է  
 աղջամուղին նկուղներուն մէջ եւ վերջապէս խը-  
 րած՝ մութին մրուրին խորը : Յոգնած միտքը գիտէ  
 թէ փրկութեան միջոց պիտի չդտնէ այլեւս եւ վիշ-

տը ծամելով պիտի տուայտի : Կը կրկնէ միշտ « մա՞նչս , մա՞նչս . . . » : Կը ճգնի խորհրդածել , բայց իր խորհրդածութիւնը մարմին չունի այլեւո . անոր սկիզբը անմիջապէս կը յանդի վախճանի մը որ միշտ նոյնն է : Լոյսին ցանկութիւնը : Միայն զայն կը ցանկայ , կառչելու համար բանի մը , բաներու , բայց նախ իր մարմին : Կը զգայ թէ լոյսը իրեն պիտի բերէ սովորութիւններ , հարկադրութիւններ , պատշաճութիւններ , մէկ խօսքով փրկարար վատութիւններ : Բայց լոյսը մէկ անդամէն չի դար , ու մարդը կ'օրօրուի :

Գարնան արշալոյսը իր յաւիտենական արդարութեամբ համբուրեց իրերը , անոնց երկու երեսներէն : Բայց տրտմութիւնը հետղէետէ աւելի պտղեցաւ գեղարանին մէջ ու թանձրացաւ : Խորապէս ընկնուած՝ Արթաքի էֆէնտի դարձաւ ու դարձաւ իր խանութին մէջ , եւ գեղարանին առարկաները ամէն օրուընէ աւելի իրեն յիշեցուցին իր « մանչը » : Թուրքը կ'ըսէ « աղջիկը հօրաքրոջ՝ տղան մօրեղրօր կը նմանի » : Եւ ճիշդ իրեն կը նմանէր իր քրոջ որդին : Չորս տարի աշխատեցաւ ան սա բոլորախորշին ետեւ ու իր ստուերը շրջեցաւ շիշերը ծածկող մեծ ապակեղուներուն մէջ : Արթաքի էֆէնտիին « մանչը » եղաւ չորս տարի եւ երեք ամիս , մինչեւ որ զինուոր տարին : Փրկադինն ալ օգուտ չըրաւ ու զինուոր տարին : Սուտ ու սխալ լուրեր շատ կուգան Անատոլույէն , այդ բանը լաւ գիտէ Արթաքի էֆէնտի , բայց ատենը անգամ մը հառաչելով կը կրկնէ — « եթէ իրա՛ւ մեռաւ . . . » :

Ժամանակը չէր յառաջանար կարծես , քանի որ

նոյն տիսուր նիւթով էր գրաւուած եւ եղած էր  
միակուր ժամանակ մը : Ան իր բնոյթը չը փոխեց,  
երբ որ Արթաքի էֆէնտիին քոյրը դեղարան մտաւ  
ու աթոռի մը վրայ փլաւ : Չը խօսեցան քոյր եւ եղ-  
բայր : Յայտնի է թէ տարէց կնոջ վրայ ոյժ չկայ  
ընաւ, բայց անզսպելի զգացում մը զայն կը նետէ  
աշ ու ձախ : Տիկին Արմենուհիի աչքերն ալ կարմիր  
են անքունութեամբ եւ կը փայլին վախով : Արթա-  
քի էֆէնտի ակնարկը վեր չառներ ու կը տեսնէ իր  
քրոջ կօշիկները՝ փոշիով սպիտակ : Գիտէ թէ ա-  
նոնք դարձեալ մութն ու լուսուն վաղած են Ս. Կա-  
րապետ, Ս. Խաչ, Երկուքն ալ աղօթելու համար :

— Նորէն նամակ չկայ, ըստաւ մայրիկը :

Արթաքի էֆէնտի գիտէ թէ հաւատացեալ չէ  
Արմէնը : Գիտէ թէ քաջ է Արմէնը : Միայն թէ, «ե-  
թէ իրա՛ւ մեռաւ...» : Տիկին Արմենուհի յոյսեր  
ունի, պիտի երթայ մինչեւ Նահապետեաններուն,  
անոնց հարցնելու համար թէ իրենց փեսայէն լուր  
առա՞ծ են այս վերջերս : Նահապետեաններուն փե-  
սան Ներսէսին հետ էր այս ձմեռ . ճիշդ է թէ անկէ  
ի վեր բաժնուած էին իրարմէ, բայց տիկին Արմե-  
նուհի յոյսեր ունի : Արթաքի էֆէնտի պոռպոաց,  
բայց զրեթէ անմիջապէս վերջը զղջաց՝ քոյրը յան-  
դիմանած ըլլալուն համար : Զղջաց որ ձայնը  
բարձրացուցած էր անիմաստօրէն եւ խօսած կոպ-  
տութեամբ : Ինչո՞ւ դպիլ յոյսերուն : Լուցին : Բայց  
գիտէին թէ իրենց լոռութեան մէջ կայ միշտ նոյն  
նիւթը : Նրբանցքին խորէն կուզար Աղաւնիին աղ-  
մուկը եւ աշ կողմի ցուցափեղկին դեղին ջրագուն-  
դը կը վառէր արեւի մը պէս : Մէկ ճառագայթով

բոնկած էր ան : Աղաւնի բան մը կոտրեց ու ըստ — « չո՛ւն շախ որդի » :

— Եթէ մանչո հոս ըլլար , առ աղջկան տերտը չպիտի ունենայիր , ըստ Տիկին Արմենուհի իր եղբօր բարկութեան :

Դեղագործը փախուստի դուռ մը գտած ըլլալով սկսաւ առատօրէն խօսիլ : Գանգատեցաւ իր քրոջ՝ Աղաւնիին ձեռքէն քաշածները թուելով : Կը խօսէր յուզումով , ու թէեւ բացորոշ էր թէ այդ յուզումը ուրիշ նիւթի մը կը պատկանի , բայց Արթաքի էֆէնտի գոհ էր : Պատմեց Աւետիսին դլխուն եկած փորձանքը եւ իր միջամտութիւնը : Քիչ մը ժաղիտ եկաւ Տիկին Արմենուհիի դէմքին վրայ , եւ վերջն ալ կուշտ քահ քահ մը թող առւաւ մայրիկը , երբ որ լսեց Աղաւնիին խօսքը — « Աւօյիս լեզո՞ւն , Աւօյիս լեզո՞ւն » : Արթաքի էֆէնտի ըստ որ Աղաւնի տեղեկութիւն չունէր թէ ինչ տեսակ փորձանք եկած է իր նշանածին դլխուն , քանի որ նուաղած էր բացատրութիւն ստանալէ առաջ : Եւ սթափելէ յետոյ , երբ որ փախած էր գեղարանէն՝ ակնթարթի մը ընթացքին հաղիւ տեսած էր թէ Արթաքի էֆէնտի բաներ մը կ'ընէ դուրս ինկած լեզուին հետ : Ու բնականաբար , իր կարճ խելքով լեզու կարծած էր աքծանէն կախուող միսի կտորը : Տիկին Արմենուհի դլխով հաստատական նշան կուտար , հասկցայ ըսելով ու կը խնդար : Դեղագործը խօսելով հանդերձ կը զգար որ իր առւած բացատրութիւնները բոլորովին աւելորդ են , բայց կ'ուզէր երկարել իր քրոջ զուարթութիւնը , ի դին նոյնիսկ կրկնութեան :

— Աչքդ խաղայ Արթաքի , ըսաւ ան . դուն բը-  
նա՛ւ չպիտի փոխուիս : Օր մը եթէ մեռած զիս դե-  
ղարան մտցնեն , խնդալիք բան մը պատմելով զիս  
նորէն ոտքի պիտի հանես :

Եւ արցունքներ կ'իջնային իր այտերէն : Դե-  
ղագործը ըսաւ թէ սաստիկ ծեծուած էր Աւետիս :  
Իր ոռնոցը դուրսէն իմացած էին : Հիմայ երկու օրէ  
որ մէջտեղ չէր ելած եւ Աղաւնի բոլորովին թոցու-  
ցած էր իր չունեցած խելքը : Կոտրած շիշերուն հա-  
շիւը չիկար : Հաշիւը չիկար նաեւ « ինչ ըսի՞ր » նե-  
րուն :

— Ճիշդ ու ճիշդ կնիկս է , ըսաւ Արթաքի է-  
ֆէնտի : Մէկուն տէրտը չէր բաւեր՝ հիմայ երկուք  
եղաւ :

Եւ այս ըսելով ճեռքը կ'երկարէր դէպի ոտնա-  
ձայներ որոնք ապահովաբար իր կնոջ կը պատկա-  
նէին : Իրաւ ալ երբ որ սանդուղներուն կրճտուքը  
աւարտեցաւ , Տիկին էլաղիս մտաւ դեղարան , ըսե-  
լով թէ Զայն մը իրեն հաղորդած էր ծախօթի մը  
ներկայութիւնը : Երբեմն այսպէս Զայներ կը լսէր  
Տիկին էլաղիս եւ վար կ'իջնար : Զրոտ համբոյրներ  
տեղաւորեց ան Տիկին Արմենուհիի այտերուն վը-  
րայ , որպէս թէ ամիսներէ ի վեր նոր տեսած ըլ-  
լային մէկզմէկ : Դեղագործին քոյրը ուրիշ ատեն-  
ներէ աւելի դժկամակութեամբ հանդուրժեց այս  
յարձակողականին եւ կորսնցուց իր զուարթու-  
թիւնը : Տիկին էլաղիս երբ որ լսեց թէ « նորէն նա-  
մակ չիկայ » , յուղարկաւորութեան դէմք մը առաւ  
ու քիչ վերջ սկսաւ թղկալ բացէ ի բաց :

Բնականաբար դեղագործին բարկութիւնը մեծ

Եղաւ : Աթոռները զարկաւ դետին , պօռաց ու գոռաց իր լալկան կնոջ դէմ : Ըսաւ թէ կին արարածը պէտք է գուլ սղոցով սղոցել , որովհետեւ պարզ հացի դանակը շատ քիչ բան է : Բայց վե՛րջապէս , ինչո՞ւ լալ , ի՞նչ բանի համար , ի՞նչ է պատահեր : Ազմուկը չափազանց մեծցաւ դեղարանին մէջ , որովհետեւ քանի Արթաքի էֆէնտի իր կինը կը հրէր դէպի սանդուղ , ան աւելի կը ճչար : Ոչ միայն կը դիմադարձէր ամուսնին , այլ նաև կը պնդէր թէ կարեւոր բան մը ընելու համար է որ իջած էր դեղարան : Ի՞նչ ընելու համար իջած էր : Ինչո՞ւ զի՞րքը կը չփոթեցնէին ու մոռցնել կուտային այդ բանը :

— Բան ման չիկայ , պօռաց Արթաքի էֆէնտի շատ ուժով , չիկայ . . . քիչ մը առաջ Զայն մը քեզի ըսաւ որ վար իջնաս , հիմայ ալ ուրիշ ձայն մը կ'ըսէ կոր որ վեր ելլաս . . . ասկէ կորսուի՛ս . . . ա՛ս ալ ձայն է , իմացի՛ր . . .

Պոռպոցէն զղուած՝ Տիկին Արմենուհի ուղեց մեկնիլ եւ ոտքի ելաւ : Բայց երբ ելքի գուռը կը բանար , դէմ դէմի եկաւ Աւետիսին հետ ու նահանջեց :

Աւետիսին դէմքը կը ճառապայթէր երանութեամբ : Աննախընթաց երջանկութիւն մը կար իր աչքերուն , կարմիր այտերուն եւ խնդացող բերնին մէջ :

Երբ որ երեքն ալ զարմացած կը նայէին զի՞նուորին , Տիկին էլպիս ըսաւ յուզումով .

— Ա՛չքս ելլայ . . . արդեօք որչա՛փ ծեծեցին քեղ . . .

Այս խօսքը բաւական եղաւ որ նշանածը քիթն ու բերանը կախէ : Ծեծին վերյիշումով տրտմեցաւ, ջղայնոտեցաւ, բարկացաւ նոյնիսկ : « Ա՛խ, խօսքը մ'ընէք » կ'ըսէր ու իր բոռնցքը կը զարնէր դիստին : Իսկ զեղագործին քովիտի ակնարկը կ'ըսէր իր կնոջ — « նորէն ըրեր — չըրեր՝ պարկ մը թուղը փացուցիր » :

Մանրամասնօրէն Աւետիս նկարագրեց իր ծեծը, փոթորկալից խօսելակերպով մը՝ ուր թուրքերէնը կը տիրապետէր : Բայց յանկարծ իր մէկ նախաղասութիւնը կէս ձգելով ուղեց յետաղարձ ակնարկ մը նետել եւ ըսել թէ ինչո՞ւ միսի կտորը բերանը նետած էր : Այս կէտը կարեւոր էր : Խիստ շատ կարեւոր : Միսի կտորը բերանը ինետած էր ուրովհետեւ անօթի էր : Սոված դայլի պէս անօթի : Այսինքն արտասովոր կերպով քաղցած : Ուշադրութիւն ըրէք այս խօսքիս, հիմայ պիտի հասկնաք թէ տակը ինչ կայ : Կ'ըսէի ուրեմն թէ զիս ծեծեցին երբ ասկէ ելլելով զօրանոց դարձանք : Ոտքերս թեւերս կապեցին, զիս վարի ծակը նետեցին եւ ես կովերու պէս պօռացի : Ահաւոր բան էր : Կնքուած օրս միայն այդքան շատ պօռացած եմ : Տիկին էլպիս, եթէ հիմայ հանուիմ, չորս կողմս սեւ նշաններ կան դեռ : Աչքերը գոցած՝ հանդպած տեղին կը զարնէր շուն Ֆախրին : Քիթիս, բերնիս, հապա՞ փորիս : Ինծի այնպէս թուեցաւ որ աղիքներս իրար կ'անցնին, թնձուեկ կ'ըլլան : Բայց այդքանով չի բաւականացաւ Ֆախրին : Բանտերու մէջ հաշիշամոլ բանտարկեալները պատժելու եւ զիրենք այդ գէշ ունակութենէն զզուեցնելու համար, իրենց բերնէն

վար աղտոտ բաներ կը լեցնեն ըստաւ : Եւ որպէսզի  
ես ալ ուրիշ անգամ գողութիւն չընեմ , ուզեց  
պատճել նոյն կերպով : Ու բերնէս վար լեցուց  
դարչելիք բան մը : Լաւ ուշադրութիւն ըրէք այս  
խօսքիս : Այս կէտը խիստ շատ կարեւոր է : Աղտոտ  
ջուր մը լեցուց բերնէս վար բռնութեամբ : Լուաց-  
քի՞ ջուր էր ի՞նչ էր , լաւ չեմ գիտեր . բայց զզուե-  
լի հեղուկ մըն էր : Պիտի փախէի , պիտի մեռնէի եւ  
աղիքներս մէջ մէջի անցան : Ամբողջ գիշերը չեմ  
կրցած քնանիալ ցաւերուս պատճառաւ ու ապահով  
էի թէ թունաւորուած եմ : Բայց ահա որ վերջը...

Աւետիս հոս կանդ առաւ եւ իմաստալից ակ-  
նարկ մը պտըտցուց իր գէմիններուն վրայ որոնք  
մեծ ուշադրութեամբ կը հետեւէին պատմութեան :  
Անշուշտ՝ մեծ էր Տիկին էլպիսի սարսափը : Եւ Ա-  
ւետիս սկսաւ ժպտիլ կրկնելով — « բայց ահա որ  
վե՛րջը... » : Կրկին իր գէմքին վրայ եկած էր այն  
ուրախութիւնը զոր ունէր՝ զեղարան մտած ատեն :  
Ըստաւ .

— Արթաքի էֆէնտի , չըլլալիք բան մը պատա-  
հեցաւ վերջը... խելքէդ միտքէդ չ'անցնիր Արթա-  
քի էֆէնտի... փորէս որդ ինկաւ , ո՛րդ... շերիտ  
ունիմ եղեր ...

Եւ որովհետեւ Տիկին էլպիս չէր հասկնար ,  
ստիպուեցաւ աւելցնել թէ աղտոտ ջուրին պատ-  
ճառաւաւ որդ ինկած էր աղիքներէն , ո՛րդ...

Դեղագործին կինը իր երկու ականջները գո-  
ցեց եւ ճչաց .

— Արթաքի , եթէ աղ բանը ինծի պատահի ,  
վախէս կը մեռնիմ ...

Աղաւնի որ իր նշանածին ճայնը առնելով բոլորախորշին ետեւը եկած էր ու պատմութիւնը գըրեթէ ամբողջութեամբ լսած, առաջ անցաւ ու միացաւ միւսներուն : Աւելի կանուխ չէր կրցած ընել այս շարժումը, որովհետեւ յուղուած էր եւ սրտին բարախումները զինքը կը դամէին կեցած տեղը : Այժմ միայն սկսաւ շնչել հանդստութեամբ :

— Հիմայ խնդիրը բացատրուեցաւ, ըսաւ Տիկին Արմենուհի զինուորին, այդ որդին պատճառաւ է որ միշտ անօթի ես եղեր : Իրաւ ալ անօթութիւն կը պատճառէ ան, քանի որ քու սնունդդ...

— Հապա՛, ընդմիջեց զինուորը, իմ սնունդս ան կ'ուտէ ... Ատոր համար է որ սոված դայլի պէս եմ եղեր ... բանով մը չէի կշտանար եւ ծակաչք եղած էի, գող եղած էի ... Յանցանքը ի՞մս է . մարդ կը կերակրեմ կոր եղեր ու լուր չունիմ ... Եւ ատոր համար է որ միշտ կը նիհարնամ կոր եղեր :

Հանդարտեցան վերջապէս :Աւետիս իր ձեռքերը շփեց գոհունակութեամբ և Արթաքի էֆէնտիէն խնդրեց որ պէտք եղած դեղերը պատրաստէ քանի որ դեռ փորին մէջ բաներ մը մնացած էր : Պէտք էր մաքրել ամէն ինչ : Դեղագործը ըսաւ որ ատկէ դիւրին բան չկայ եւ թէ կրնայ կէսօրէ վերջ հանդիպիլ, դեղը առնելու համար : Յանկարծ Տիկին էլպիս ըսաւ Աւետիսին .

— Սա՛նկ ըսէ ... ատոր համար է որ միշտ կը նիհարնաս կոր եղեր ... մէյ մըն ալ կ'ըսէիր որ աս աղջկանը պատճառաւ է որ կը հալիս կը մաշխ կոր ... սիրոյ չես դիմանար կոր ... ի՞նչ սէր, որ-

գին համար է եղեր . . .

Իր ամբողջ մարմնով ցնցուեցաւ Աղաւիի : Բայց գոյն Փէսի մը պէս շառագունեցաւ վայրկենաբար : Ամբողջ արխանը գլուխին էր խուժած : Ահարեկած աչքերով նայեցաւ իր շուրջիններուն որպէս թէ անոնք հսկայական որդեր ըլլային , բայց իր ակնարկը մանաւանդ դամեց Աւետիսի աչքերուն մէջ : Արթաքի էֆէնտի եւ իր քոյրը փորձեցին միջամտել , բայց Աղաւնի չէր լսեր զանոնք : Իր ակնարկը բնաւ չէր հեռացներ զինուորէն , հեւ ի հեւ պահանջելով որ խօսի , ըսէ , պոռայ , բողոքէ : Թէ այդ գարշելի որդը իրենց սէրին մէջ դործ չունի , չի կրնար ունենալ բնաւ : Կը նայէր Աւետիսի բերնին , եւ կարծէք անդունդի մը եղը կախուած էր Աղաւնի , մէկ մատով : Աւետիս ըսաւ դեղագործին կնոջ՝ խեղճ ձայնով մը « ատ ըսածդ վայլե՞ց . խելքը գլուխը մարդու խօ՞սք է » : Բայց այս խօսքերը Աղաւնիին համար հաստատումներ էին ինքնին եւ ոչ թէ ժիտում մը , եւ ոչ թէ պոոթկում մը : Մատը փրթաւ սուր ցաւով ու Աղաւնի ինկաւ անդունդը , այսինքն փախաւ սաստիկ լալով :

Դեռ քիչ մը առաջ լման արեւ մը կար աջ կողմի ցուցափեղկին մէջ : Այժմ կայ միայն հասարակ ջրագունդ մը՝ մէզի գոյն :

Կարկուտ մըն է գլխուս պիտի տեղայ՝ լաւ է որ  
 ժամ առաջ տեղայ : Այսպէս խորհեցաւ Աւետիս եւ  
 անզամ մը եւս ուղղուեցաւ դէպի « պարտէզ » :  
 Քալեց կորագլուխ եւ սրտաբեկ : Թէ կը փափաքէր  
 որ իր նշանածը վերջապէս զինքը ընդունի եւ ան-  
 խուսափելի կարկուտէն յետոյ հաշտուին , եւ թէ  
 կը փափաքէր որ Աղաւնի կրկին վանէ զինքը որ-  
 պէսզի բաղխումը քիչ մը եւս ուշանայ : Շաբաթէն  
 աւելի է որ զիրար չեն տեսած արդէն : Երեք անզամ  
 դիմած էր Աւետիս եւ երեք անզամուն՝ ալ վոնտը-  
 ուած էր Աղաւնիին կողմէ , նոյնիսկ անզամ մը Ար-  
 թաքի էֆէնտիին ներկայութեան : Այդ անզամուն  
 սապէս եղաւ : Զինուորը դեղարան մտաւ յանցաւո-  
 րի կերպարանքով եւ դեռ բերանը չէր բացած երբ

Աղաւնի գուրս նետուեցաւ բոլորախորշէն եւ մատը  
իրեն ուղղած՝ պօռաց դեղազործին .

— Աս հոգաբարձուին պիտի ըսես՝ որ իր երե-  
սը, երեսը, երե՛սը տեսնալ չեմ ուղեր :

Եւ խոհարարը սաստիկ ամչցաւ Արթաքի է-  
ֆէնտիին առջեւ որ իր գլուխն իսկ վեր չէր տաներ :  
Բայց հոգաբարձուն իմա՛ստ չունի կ'ըսէր Աւետիս,  
եւ անիմաստ ըլլալուն համար կրկնապէս ծաղրա-  
կան կը դանէր զայն : Յետոյ կանդ կ'առնէր իր այս  
խորհրդածութեանը պատճառաւ ու կը ժաղէր զէշ  
կերպով : Այլեւս բնաւ չհամարձակեցաւ զեղարա-  
նին գուռը ափ առնել : Իր միակ յոյսը « պարտէզն »  
էր, ուր նոյնիսկ եթէ զէշ ընդունելութիւն մը ստա-  
նար, գոնէ ականատեսներ պիտի չգտնուէին :

Հակառակ անոր որ ամէն վայրկեան կ'ուղէր  
ետեւ զառնալ ու փախչիլ, զինուորը հասաւ վեր-  
ջապէս « պարտէզ »ի դրան առջեւ, ուր սատկած  
կատու մը կար եւ զարմանալիօրէն մեծ մարդար-  
տածաղիկ մը : Փոքրիկ հարուած մը տուաւ դրան  
եւ սպասեց : Պատասխան չկար : Ի փոխարէն զէշ  
անակնկալ մը կար տախտակորմին վրայ : Հոն կա-  
ւիճով գրուած էր հետեւեալը, ապահովաբար Բե-  
նիկին կողմէ .

Հարցում .— Որդը ի՞նչ կ'ընէ

Պատասխան .— Որդը կը նիհարցնէ

Աւետիս էր թեղանիքովը աւրեց գրութիւնը,  
ջանալով նուաղագոյն աղմուկը յարուցանել, որ-  
պէսզի Աղաւնի չիլսէ ու մէջտեղ չելլայ : Յետոյ ըս-  
պասեց հոն՝ որպէսզի Աղաւնի վերջապէս մէջտեղ  
ելլայ : Բաւական երկար ատեն հոն կեցաւ լքուած

սիրահարը, չորս կողմը դիտեց, ամ չցաւ ու հառա-  
չեց խորապէս։ Լիզօնի սալորենիին վրայ տեսաւ  
սպիտակ ամպ մը եւ զայն նմանցուց իզմիրլեան  
պատրիարքին։ Յետոյ ուղեց մեծ մարդարտածա-  
ղիկը քաղել, բայց սատկած կատուին մօտիկու-  
թիւնը աղտեղութիւն կը նետէր նաեւ ծաղիկին վր-  
րայ։ Երբ որ Աւետիս կը մեկնէր յուսահատ, յան-  
կարծ «պարտէղ»ին դոււը բացուեցաւ եւ Աղաւնի  
ներս առաւ զինքը՝ թեւէն քաշելով։

Խոհարարին գուշակութիւնը ճիշդ էր։ Կար-  
կուտը զարհուրելի եղաւ։ Աղջիկը իր ամբողջ բար-  
կութիւնը պարսկեց եւ ատենը անգամ մը նայեցաւ  
զննէն զուրս՝ որպէսզի զիրենք լսող չըլլայ։ Հսաւ  
թէ դժբախտ է, աննկարագրելիօրէն դժբախտ։ Ե-  
թէ ամբողջ աշխարհի վրայ քննութիւն մը կատար-  
ուէր, իրեն չափ դժբախտ աղջիկ կարելի չպիտի  
ըլլար գտնել այս միջոցիս։ Հոս նայէ։ Մէկ հատիկ  
իշխանած մը ունէր։ մէկ հատիկ սիրտ մը ունէր։  
մէկ հատիկ ալ սէր մը ունէր այդ սրտին մէջ։ Արդ՝  
այս բոլորը որ իր միակ գանձը կը կազմէին, նետ-  
ուած էին կղկղանքի մէջ, ցեխերու, մէզերու եւ  
աղիքներու մէջ։ Սկսաւ լալ Աղաւնի։ Եւ ինչո՞ւ  
նետուած էին։ Մէկ այս գարշելի որդին պատճա-  
ռաւ։ Ինչո՞ւ համար Աղաւնիի անկեղծ ու վճիտ  
սէրը ամէնուն բերանը իյնար։ Ինչո՞ւ յիմար արա-  
րածներ ծաղրէին զինքը։ Այո՛, բոլորը, բոլորը  
քաշքեցին Աղաւնին, զայն բաղդատելով որդին  
հետ, այդ աղտոտ մակաբոյծին նիհարցնելու կա-  
րողութիւնը աւելի բացարձակ գտնելով։ Դեղարան  
մտնողը կ'ըսէ հեղնանքով — «Օրիո՛րդ Աղաւնի,

մեր Աւետիսը քեղի համար չէ որ կը նիհարնայ եղեր, այլ . . .» : Ո՞վ կ'ըսէ : Բայց շուն ԱրիՓը, գեմացի Մօսիկը, Լիզոորը, բոլորը, բոլորը : Եւ օրերէ ի վեր : Հապա՞ ան ջատուկ կիրերը . . . : Սկսաւ լաւ Աղաւնի :

— Զիս բոլորին առջեւ խայտառակեցիր, ըստ ան հեկեկալով . ծիծաղելի եւ ծաղրելի դարձուցիր . . . իմ անկեղծ սէրիս հանդէպ յարդանք չունեցար . . . եւ ես կ'ատեմ քեզ . . . ամբողջ . . . ուժովս կ'ատեմ քեզ : Դուն այլեւս իմ նշանածո չես, կորսուէ . . . կորսուէ . . .

Աւետիս խղճալի ձեւով մը ուզեց հասկցնել թէ որդին դէպքը ինք չէ որ տարածայնած էր, այլ շուն ԱրիՓը եւ շատախօս Տիկին էլալիսը : Աղաւնի շատ աւելի բարկացաւ ու ըստ թէ միակ յանցաւորը դուն ես : Եւ արդէն չի կրնար ուրիշ մը ըլլալ, քանի որ ամբողջ աշխարհի վրայ քեղի պէս յիմար չկայ :

— Ապո՛ւշ արարած, աւելցուց աղջիկը իր երկու բուռնցքները զինուրին փորին զարնելով . ապուշ արարած, մարդ չղզա՞ր թէ ուրկէ կը նիհարնայ կոր : Դուն չե՞ս գիտեր թէ սիրտդ հոս է, փորդ ալ հոս : Դուն ի՞նչպէս կ'ըլլայ որ փորէդ եկած նիհարութիւնը կը վերագրես սրտիդ : Միթէ իմ պատճառած նիհարութիւնս կը նմանի՞ փիս որդի մը պատճառած նիհարութեան :

Արդէն ինդըին այս կէտը ամէնէն փափուկը կը թուէր Աւետիսին : Աղաւնի իրաւունք ունէր, բայց ինք ալ անիրաւ չէր քանի որ իսկապէս կը սիրէր իր նշանածը եւ սիրտը կը հալէր : Եւ քանի որ

սիրաը հալ ու մաշ էր, կը նշանակէ որ կը նիհար-նար : Միթէ քիչ մը քի՞չ հառաջած էր Աւետիս իր անկողնին մէջ :

— Սո՛ւտ ես, գոչեց կարմրած աղջիկը կուրծքը ալեկոծելով, սո՛ւտ ես. զիս չէիր սիրեր . . . զիս բնա՛ւ չես սիրած . . .

Աստուած վկայ Աղաւնի, Աւետիսը կը սիրէր քեզ : Խաչ վկայ՝ կը պաշտէր քեզ :

Աղաւնի պատասխանեց թէ երդում ընելու պէտք չկայ : Ինք կը սիրէ յուսալ թէ զինուորը չի ստեր, զոնէ այս տեսակ բոպէի մը, բայց նոյն զինուորը պէտք է զիանայ թէ այլեւս իր նշանածը չէ : Ամէն ինչ լմնցած է իրենց միջեւ : Նուիրական կապը խզուած է : Եւ արդէն միթէ կրնա՞ր, կրնա՞ր ուրիշ կերպ ըլլալ այս ահաւոր, ահաւո՞ր դէպքե-րէն յետոյ :

— Մի՛ պոռար, կը լսեն մեզ, ըսաւ Աւետիս պատուհանը ցոյց տալով : Աղաւնի այդ կողմէն մը-տահոգ չէ, որովհետեւ պէտք եղած նախադպուշա-կան միջոցները ձեռք է առած : Իր շատախօս մօ-րաքրոջմէն դժգոհ՝ կղպեց ննջարանին դուռը որ-պէսզի ան կրկին վերէն ականջ չի տայ իրենց խօ-սակցութեան : Ահաւասիկ հոս է բանալին : Նայէ՝ եթէ չես հաւատար :

— Հա՛րկաւ, աւելցուց Աղաւնի, անոնք ի՞նչ իրաւունք ունին մեր խօսքերը իմանալու : Դուն իմ Աւոս ես, եւ ես քեզ կը յանդիմանեմ : Իրաւո՛ւնք ունիմ : Բայց անոնք պէտք չէ որ լսեն :

Զինուորը յանկարծ ոյժ առաւ այս անսպասելի խօսքէն եւ ոկսաւ աղջիկը շոյել : Տարօրինակ հովեր

կան Սկիւտարի մէջ : Զես դիտեր ուրկէ կուզան անոնք , չես դիտեր որո՞ւ կը հարցնեն իրենց ճամբան , եւ բնաւ չես դիտեր թէ վերջը ուր կը մեկնին : Համարձակ ու խրոխտ հովեր կան Սկիւտարի մէջ որոնք տերեւները կը քշեն ուղիղ գծով եւ փողոցներէն կանցունեն երեք հովի — Աթօս , Փորթօն , Արամիս : Երբեմն համբոյրի խման հովեր կան Սկիւտարի մէջ : Երկնքի վերնատուններուն հարցուր՝ « չէ ! , մենք չը դրկեցինք » պիտի ըսեն , եւ պիտի ժպտին վերնատունները : Կլորիկ աղջիկը զղացած էր արդէն՝ իր յետին միտքը պարզած ըլլալուն համար : Խոհարարը մանկունակ եւ քնքուշ խօսքեր կը կմկմար ու կը հոտոտէր իր նշանածին մաղերը , կրկնելով — « լմնցաւ , ա'լ լմնցաւ » : Բայց երջանիկ չէր Աղաւնի : Աղաւնի դժբաղդ էր , միշտ շատ դժբախտ : Բաւ թէ իր նշանածը պիտի դիրնար այլեւս , քանի որ որդերը խնկած էին : Գիրնա՛լ , միայն ա'յդ էր պակաս : Աղաւնի բնաւ չէր սիրեր գիրութիւնը :

Ու յանկարծ աւելի բորբոքեցաւ եւ ճչաց դինուրին երեսն ի վեր .

— Խելք ըսեմ՝ չունիս . զարգացում ըսեմ՝ չունիս . հարստութիւն ըսեմ՝ չունիս . գեղեցկութիւն ըսեմ՝ չունիս . մէկ որդ մը ունէիր որ քեզ նուրբ կը պահէր , հիմայ ա'ն ալ չունիս ...

Բոլորովին սմքած՝ դինուրը կակազեց .

— Ան ալ չունիմ ... մեղքը ի՞մսէ ... Աստուած տուաւ՝ Աստուած առաւ ...

— Ինչ ըսի՞ր ...

— Աստուած տուաւ՝ Աստուած առաւ ...

Արթաքի էֆէնտի ստիպուեցաւ խիստ բառերով միջամտել, Աղաւնիին աղմուկը լոեցնելու համար : Աղջիկը որ սաստիկ դայթակղած էր Աստըծոյ անունը գարշելի որդին խառնուած տեսնելով եւ շատ պօպացած, գլուխը կախեց ու հանդարտեցաւ : Նշանաձներուն ամէնէն աւելի բուռն բայց նաեւ վերջին վիճաբանութիւնը եղաւ այս : Հաշտուեցան տիրութեամբ :

Այդ տիրութիւնն ալ կորսուեցաւ յաջորդ օրը, նոյնիսկ սպասուածէն աւելի հիմնապէս : Աղաւնի իր սիրականը տեսաւ թէ չէ, նետուեցաւ վիզը սուր ճիշերով ու պատմեց հետեւեալը :

Նախորդ օրը Աղաւնի կղպած էր ննջաբանին դուռը՝ որպէսզի իր մօրաքոյը վերէն զիրենք չի լսէ : Բայց սիրակա՞ն Աւօ, Տիկին էլպիսը ներսն է եղեր ու բանտարկուած մնացեր է : Հապա՛, բանտարկուեր է : Գետինը նստած վերմակ կը խափ-լայէ եղեր՝ եւ Աղաւնի չէ տեսեր զայն մահճակալին պատճառաւ որ կը ծածկէր կինը : Տիկին էլպիս դուռը ծեծեր է, « ես հոս եմ » պօպացեր է, բայց հակառակ իր փնտուառուքներուն՝ Աղաւնի չէ կրցեր դանել բանալին : Աղջիկը աւելցուց խնդալով .

— Բա վէ՛ք խենթ աղջիկ եմ Աւօ . . . ինծի պէս խենթ աղջիկը դուն ինչպէ՞ս կը սիրես, Աւօս . . .

Զինուորը ուժգին եւ լորձնքոտ համբոյրներ դրոշմեց աղջկան այտերուն վրայ, ինչպէս որ 1910ին « Շանթ » Փութալովի միութեան կնիքը կը դրոշմէր : Մնայուն ժպիտով մը սիրեց իր նշանածը եւ որոշեցին ուրբաթ օր սինէմա երթալ, քանի որ նոյն օրը կէս օրէ վերջ աղատ էր Աւետիս : Գա-

ցին : Հաճելի ներկայացման մը հանդիպելու բաղզը  
ունեցան եւ Աղաւնի ունեցաւ տանելի յուղում մը :  
Ֆրանսերէն վերտառութիւնները թարգմանեց  
բարձրածայն եւ Աւետիս հասկցաւ ամէն ինչ : Այս',  
այս', վերջաւորութիւնը եւ ձկնորսներուն տեսա-  
րանը լաւ էր :

Այս եղաւ երկու նշանածներուն վերջին տե-  
սակցութիւնը :

## 5

Ահա թէ ինչու :

Սինէմայէն ճիշդ երեք որ վերջ, այսինքն եր-  
կուշաբթի, Աւետիս լուացք ըրաւ: Թեւերը սօթ-  
տած աշխատեցաւ ուրիշ զինուորներու հետ: Յե-  
տոյ ճերմակեղէնները տարին փոել Կոռէլին մէջ  
երկար չուաններու վրայ որոնք կքեցան: Զօրանո-  
ցին ետեւ կ'երկարի այն մեծ ու լքուած թրքական  
գերեզմաննոցը զոր կը կոչենք Կոռել: Ճերմակե-  
ղէնները օգտուեցան արեւէն քանի որ արեւ կար:  
Յետոյ Աւետիս գլուխը խօթեց հսկայ կաթսաններու  
մէջ, անոնց մաքրութեան համար ալ աշխատեցաւ  
և ըրաւ ուրիշ բաններ՝ յիշատակութեան անարժան:  
Եւ ահա որ փլած պատէն տեսնուեցաւ Տիկին Ար-  
մենուհին որ ապահովաբար դեղաբան կ'երթար:

Աւետիս զայն կանչեց եւ պատին երկու կողմերը  
կեցած խօսեցան : Նախ զինուորը իր ուրախութիւ-  
նը յայտնեց Զաւէնէն լաւ լուրեր եկած ըլլալուն  
համար : Բարի լուրը ամէնուն բերանն էր եւ լած  
էր նաեւ Աւետիս : Զափաղանց երջանիկ է Տիկ . Ար-  
մենուհի եւ չդիտէր թէ ինչպէս պիտի կարենայ  
համբերել ինը օր՝ տեսնելու համար իր մահը որ  
երկու ամսուան օդափոխութիւն ստացած է : Արդ-  
եօք ի՞նչ վիճակի մէջ պիտի տեսնանք : Տասնըշորս  
օր հիւանդ պառկած է եղեր : Աւետիս նիւթը փոխե-  
լով ըստ որ մեծ խնդրանք մը ունի ընկլիք : Մա-  
ռայութիւն մը պիտի խնդրէ Տիկին Արմենուհին  
եւ կանխաւ կ'աղաջէ որ պատասխանը մերժողա-  
կան չըլլայ : Շա'տ կ'աղաջէ :

Ըրաւ իր խնդրանքը :

Տիկին Արմենուհի նախ չափաղանց զարմացաւ  
յետոյ բացաղանչեց ու թեւերը վեր առաւ, եւ վեր-  
ջապէս ուզեց մեկնիլ՝ կրկնելով թէ ինք այդ տեսակ  
բաներու չուզեր խառնուիլ : Ո'չ, ո'չ, ինք յանձն  
չէր առներ :

Թէեւ ցած, բայց ինքնավստահ ձայնով մը շա-  
րունակեց խօսիլ Աւետիս : Այդ խօսելակերպը, ո-  
րուն ապահովաբար չէր սպասեր կինը, պատճառ  
եղաւ որ չը կարենայ անմիջապէս մեկնիլ Տիկին  
Արմենուհի :

Զինուորը ցոյց տուաւ քիչ մը հեռուն կախ-  
ուած ճերմակեղէնները որոնք ճշմարիտ պատնէշ  
մը կը կազմէին եւ զիրենք կը ծածկէին զօրանոցէն :  
Ոչ ոք կընար տեսնել երկու հայերը : Տիկինը պա-  
տէն անցաւ ու խոհաբարին հետ գնաց նստիլ գե-

րեզմանաքարի մը վրայ որ տաք էր :

— Եթէ դուն չընես ո՞վ պիտի ընէ , ըստ զինուորը : Էլպիս հանըմին չեմ կրնար խօսիլ : Կատարեալ անմիտ մըն է : Բարի կին, լաւ կին, բայց ինչո՞ւս պէտք . . . վերնատունը մարդ չկայ : Կը մնայ Արթաքի էֆէնտին : Այո՛ , բայց ա՛ն ալ ըըլլար : Երէկ զնաց իրեն բայց ճամբուեցաւ որովհետեւ եղբայրդալ քեզի պէս կ'ըսէ որ չուզեր այս տեսակ գործերու խառնուիլ : Զայն չէր մեղաղբեր Աւետիս : Գիտէր թէ Արթաքի էֆէնտին զինքը բնաւ չի ճանչնար : Այսինքն ճշմարիտ Աւետիսը չի ճանչնար եւ իր այդ վարմունքը արդարանալի է : Ուրեմն Աւետիս իր վերջին յոյսը դրած է քու վրադ որ եղբօրդ նման խելքը – զլուխը անձ մը ըլլալէ դատ , չունիս նաեւ կանխակալ կարծիքներ :

Ոչինչ պատասխանեց Տիկին Արմենուհի : Զինուորը իր տարատի գրականէն հանեց ծխատումիը որուն վրայ Այա Սօֆիայի պատկերը կար եւ զլանիկ մը պլորեց : Գոհ էր անոր լուութենէն որ եթէ հաստատական պատասխան իսկ չէ իր խնդրանքին , կը նշանակէ թէ Աւետիսը մարդու տեղ կը դնէ՝ իր խօսքերուն ականջ տալով :

— Աս ըսածդ խօ՞սք է , ըստ Տիկինը քիչ մը ամչնալով , որովհետեւ խկապէս շատ մարդու տեղ դրած չէր զայն այս հանդիպումէն առաջ : Ինչո՞ւ քեզ մարդու տեղ պիտի չդնեմ : Բայց լաւ կ'ըլլայ որ քիչ մը աւելի մտածես եւ յետոյ միայն այդ տեսակ որոշում մը տաս : Մի մոռնար որ երիտասարդ աղջիկ է , դեռ շա՞տ կը փոխուի . . .

Բարձր եւ խիտ նոճիներուն մէջ արեւը կ'իյնար

երկար լուսեղէն սիւներով, միշտ նոյն սրանկիւնով: Նոճիները կազմած էին մայր եկեղեցի մը եւ երկինքը պատուհանին նուիրած էր այդ մայր եկեղեցին: Թուչուն մը կար վարը, ուրիշ մը վերը, եւ երբեմն անոնք լոյսը կը կորէին կ'անցնէին առանց պատարագին թելը կորսնցնելու: Թանձր շուքերու մէջ մարմար փաթթոց մը կը փրփրէր:

Զինուորը երեցուց իր գլուխը ժխտականօրէն, որովհետեւ ըստ իրեն այդ տեսակ աղջիկ մը չէր կրնար փոխուիլ: Եթէ տարիքը առնէ, եթէ ամուսնանայ, եթէ նոյնիսկ զաւակներ ունենայ, պիտի մնայ նոյն Աղաւանին: Կենդանի օրինակը մէջտեղն է. տե՛ս Էլալիս Հանքմը: Ճիշդ իր մօրաքրոջ պիտի նմանի: Խենթ չէ, ապուշ չէ, բայց ուրիշ ծուռ բան մըն է: Զայն սահմանելու համար ճիշդ բառը չկրնար գտնել Աւետիս, բայց կ'զդայ ու ապահով է թէ դուն ալ կ'ըմբռնես: Ինք զարգացած տղայ չէ. տե՛ս, իր խօսելակերպէն իսկ յայտնի է: Իրրեւ թէ հայերէն կը խօսի, բայց գործածած բառերուն մեծ մասը թուրքերէն է: Թէեւ կ'ամչնայ, բայց միւս կողմէն ալ գոհ է Աւետիս այն պատճառաւ որ դուն կը տեսնես թէ ինք գիտակցութիւնը ունի իր թերութիւններուն, գիտակցութիւնը ունի իր վիճակին: Այդ պատճառաւ է որ դուն նստած ես եւ իր խօսքերուն ականջ կուտաս. այլապէս շատոնց մեկնած պիտի ըլլայիր, ինչպէս որ ուղեցիր ընել միւս Աւետիսին դիմաց: Այդ միւս Աւետիսը գոյութիւն չունի: Անշուշտ Արթաքի էֆէնտին բաներ մը պատմած է քեզ, եւ ըսածները սուստ ու ոըխալ չեն, գոնէ ինչ որ կը վերաբերի Աղաւանիին: Օր

մը ծակ մը ըլլար եւ ականջ տայիր երկու նշանած-ներուն խօսակցութեան : Անհաւատավի բան էր , յուսահաստական բան էր : Կարելի չէր Աղաւնիին հետ խօսիլ լրջօրէն : Սկիզբները շատ փորձած էր Աւետիս , բայց տեսած էր որ դէմը մարդ չկայ : Այսպիսի աղջիկ մըն է որ միայն տղայական խօսակցութիւնէ եւ խնդուքէ կ'ախորժի :

— Մարդ ըսածդ տարօրինակ է , աւելցուց Աւետիս : Վերջի վերջոյ ես ալ սկսած էի Աղաւնիին ովէս խօսիլ : Տեղւոյն վրայ այլեւս ուշադրութիւն խոկ չէր ըներ , բայց անմիջապէս որ հեռանար իր նշանածէն՝ կ'անդրագառնար իր խօսքերուն ու կը տրտմէր : Շատ քիչ անդամ միայն կը խնդար՝ այն ալ գեղին խնդուքով մը : Տիկին Արմենուհի , մարդ ըսածդ այսպէս է . երբ կը տեսնայ թէ ի՞նչ բանէ կ'ախորժի իր սիրած անձը , կ'ընէ այդ բանը նոյնիսկ եթէ ան անախորժ է : Դիմացինին ժպիտը վայելելու համար՝ կ'ընէ այդ բանը :

Նորէն լոեցին : Աւետիսի աջ բազուկին վրայ որ մերկ էր եւ լուացքէն կարմրած , կը քալէր նոճիէն ինկած միջատ մը : Խոհարարը զայն վար նետեց , ու լսաւ . — Մարդ ըսածդ տարօրինակ է : Կոյր է կ'ըսն : Ինք չէր կարծեր : Կը խորհէր որ մարդս կուրութիւն կ'ընէ , բայց շատ անդամ դիտակցութիւնը ունի իր այդ կուրութեան : Բայց վերջապէս , եթէ ուժով է , պիտի գայ օր մը որ իր անձը պիտի զսպէ : Պիտի հեռանայ գէշէն : Աւետիս դպրոց տեսած չէր , բայց փորձառութեամբ դիտէր որ զուտ բարին գոյութիւն չունի : Ինք անդամ մը գտնուած էր դրան մը առջեւ , ուր կար սատկած կատու մը եւ զարմա-

նալիօրէն մեծ մարզարտածաղիկ մը : Դո՛ւն ըսէ ,  
այս չէ՞ ճշմարիտ խորհրդանշանը կեանքին : Դուռ  
մը որուն առջեւ կ'սպասենք , շրջապատուած չա-  
րով եւ բարիով , լաւով ու դէշով : Բայց վերջապէս ,  
երբեմն կը պատահի որ սատկած կատուն շատ նե-  
խած կ'ըլլայ եւ իր ինեխութիւնը կուտայ նաեւ մար-  
դարտածաղիկին : Այն ատեն նշանը ետ կ'ընէ եւ կը  
մեկնի Աւետիս :

Նետուած սիկառէթի կտորը կը մխար խոտե-  
րուն մէջ եւ մուխին մէկ ծայրը արեւին մէջ թաթ-  
խուելով զոյն կը փոխէր : Պատերազմը այլեւս ա-  
ւարտելու մօտ էր եւ Աւետիս կրկին պիտի բանար  
իր խանութը : Կ'ըսէր թէ պէտք ունէր խելքը գլու-  
խը աղջկան մը , ընկերոջ մը , զործակցի մը :

— Մարդս տարօրինակ է , կրկնեց նորէն . կա-  
րելի չըլլար կոր մէկ անդամէն բաժնուիլ : Ինք շտ-  
տոնց է որ վճռած էր այս խղումը : Բայց նոյնիսկ ,  
նո՛յնիսկ որդի դէպքէն վերջ — որ այլեւս «բոլոր  
դոները զոցեց»—զնաց տեսաւ Աղաւնին , հաշտուե-  
ցաւ ու միասին ժամանակ անցուցին : Մի՛սն ալ  
յանցանք ունի , աւելցուց Աւետիս . երիտասարդ  
ենք եւ միսն ալ շատ յանցանք ունի : Բայց կարե-  
ւորագոյնը այդ չէ , այլ ան որ անդամ մը սիրտ ես  
տուեր : Ատեն մը , հոգ չէ թէ կարճ , հրճուեր ես  
տեսնելով այդ գլուխը , այդ աչքերը , բոլո՛րը վեր-  
ջապէս : Բան մը նուիրեր ես անոնց յուղումով եւ  
հիմայ չես կրնար մեկնիլ առանց այդ բանին : Մարդ  
ամօ՛թ կ'զգայ ինքն իր առջեւ ու մանաւանդ կը  
մեղքնայ դիմացինն ալ : Դիմացինն ալ՝ որ ոչինչ  
պիտի հասկնայ այս բոլորէն :

Տիկին Արմենուհի՝ իր եւ Աւետիսին տուած ոռոշումը հաղորդեց զեղագործին, և Արթաքի էֆ. ինձէյեան համակարծիք գտնուեցաւ։ Տարակոյսէ վեր է թէ Աղաւնի սիրտ տուած է իր նշանածին, եւ հիմայ որ խղումը անդարմանելի է, պէտք էր ջանալ մեռցնել, կամ գոնէ տկարացնել այդ սէրը։ Եւ ոչինչ այնքան մահացու հարուած կրնար տալ Աղաւնիի մը սիրոյն, որքան նիւթականի հարցը։ Արթաքի էֆէնտի ըսաւ թէ լաւ խելք ըրած էին այդ տեսակ սուտ մը յարմարցնելով, բայց անհրաժեշտ գտաւ նախ սուտը կլլեցնել իր կնոջ։

Երբոր Տիկին էլպիս լսեց թէ Աւետիս դրամի տէր այրի մը գտած է, եւ անոր շնորհիւ խանութ մը բանալու հաւանականութիւնը տեսնելով լքած

Աղաւնին՝ բարկացաւ : Դեղնեցաւ , շառագունեցաւ , եւ սկսաւ կուռիլ իր ամուսնոյն հետ : Զայն մը Տիկին էլալիսին ըսած էր թէ այս զգուելի տղան դրամապաշտ է : Արդէն երրեք իր աչքը չէր խածած այս զինուորը , այս կեղծաւորը , այս գաւառացին որ բոլոքականի կը նմանի : Դուք չէք դիտեր , բայց ես վերի պատուհանէն ականջ տալու սովորութիւն ունէի եւ շատ անզամ լսած եմ Աւետիսին խօսքերը : Լսած եմ եւ հասկցած՝ թէ այս տղան ստախօս մընէ : Աղաւնիի հանդէպ սէր կը կեղծէ , բայց իրականին մէջ աչքը միայն դեղարանին վրայ է : Կուզէ անոր տիրանալ :

Քոյր եւ եղբայր ջանացին մանաւանդ իրեն հասկցնել թէ պէտք չէ Աղաւնիին առջեւ այս կարգի խօսքեր ընել : Արթաքի էֆէնտի յանձն կ'աւոնէր կարգադրել ամէն բան , բայց նորէն կը կրկնէր թէ՝ արգիլուած է ամէն օր Աւետիսին խօսքը ընել , նոյնիսկ աննպաստ կերպով :

Դարձեալ իր քրոջ ներկայութեանն է որ դեղագործը խօսեցաւ Աղաւնիին , կէս օրէ վերջ : Բայց շուտով ախղբաղարձաւ թէ իր պատրաստած փոքրիկ ճառը աւելորդ է : Աղաւնին ալ իր մօրաքրոջը պէս բարկացաւ , խենթ խօսքեր ըսաւ , զինուորը անուանարկեց , նուաստացուց , եւ վերջապէս ճչաց .

— Աս վերջին դէպքերէն յետոյ եթէ ան իսկ նշանառուքը ետ չըներ , ե՛ս , ե՛ս ետ պիտի ընէի ...

Զեռքը զարկաւ կուրծքին խրոխտարար եւ հռացաւ դեղագործէն :

Տիկին Արմենուհի իր ժպիտը ծածկելու համար

Հովանոցին կոթը կը քսէր իր քիթին, ու միաժամանակ քովնտի եւ սուր ակնարկով մը կը նայէր իր եղրօր, ըսել ուղելով — «Արդեօք աւելորդ չէ՞ին մեր նախղգուշութիւնները։ Միամտութիւն չէ՞ կարծելը թէ ինչ որ մեզի համար դժնղակ է, բոլորին համար ալ պիտի ըլլայ ծանրակշու եւ խորապէս տխուր։ Մնաս բարով։»

Դեղագործը զարմացած էր որովհետեւ քիչ մը աւելի լաւ կը ճանչնար Աղաւնին։ Իրաւ է թէ մեծ բան չէր սպասեր անկէ, բայց չէր յուսար նաեւ այսքան անտարբերութիւն, գիտնալով որ անոր մէջ սէրը իրական է։

Իր զարմացումը փարատեցաւ երեկոյին միայն, դէպքի մը պատճառաւ։ Ոչ մէկ բան նախազուշակել տուաւ այդ դէպքը։ Շատ սովարական երեկոյ մըն էր։ Լամբարը վառեցին եւ նստան սեղանը զոր Աղաւնի յարդարած էր ամէն օրուան պէս։ Լաւ տեսակ ձիթապառուղ կար եւ եփած էին թարմ բակլայ։

Սովորական խօսակցութեան ընթացքին Արթաքի էֆէնտի ըսաւ։

— Աս բակլան քիչ մը սեւ է։

Այսքան միայն։ Եւ ահա որ Աղաւնի աղաղակեց շատ ուժով։

— Ինչ ըսի՞ր . . .

Երբեք այսպէս չէր պոռացած Աղաւնի։ Անծանօթ ձայն մըն էր, շատ խորէն եկող ձայն մըն էր, իրական յուղումով թրթռացող ձայն մըն էր։ Դեղագործն ու իր կինը այս ճիշէն ցնցուած՝ վեր առին իրենց գլուխուը, բայց բառ մ'իսկ չկրցան ըսել՝

աղջկան այլայլումը տեսնելով : Շատ լաւ հասկցած էին թէ այդ « ինչ ըստ՞ր »ը ու եւ է կապ չունի բակլային սեւութեանը հետ : Աղաւնի մնացած էր քարացած , աչքերն ու բերանը բաց , եւ մէյմէկ դանակ իր ձեռքերուն մէջ : Այդպէս մնացին երեքն ալ անշարժ՝ մինչեւ որ կապ մը փրթաւ եւ Աղաւնի փախաւ սեղանէն լալով :

Դէմ առ դէմ նստած ամուսինները իրենց կըտուցը մօտեցուցին իրարու , եւ միաժամանակ ըսին ցած ձայնով :

— Հասկցա՛ւ . . . .

Համաձայնական օդանաւերը այլեւս կանոնա-  
 տրաբար կուգային Պոլառյ վրայ, Սան-Մթէֆանոյի  
 կողմէն : Շատ աղմուկ կը հանէր Հայտար - Փաշա-  
 յի գերմանական մարտկոցը, բայց Ակիւտարի նա-  
 ւամատոյցը իր մօտիկութեան պատճառաւ աւելի  
 դղրդագին էր : Մանուկները չափազանց կը զուար-  
 ճանային այս անվնաս ոմքակոծութեամբ եւ կը  
 վազվղէին ճշալով : Միայն թէ չես գիտեր ինչու  
 մեծ աճապարանօք վար կ'առնէին իրենց թուոցի-  
 կը : Մեծ աճապարանքով : Շուափնէլները կապոյ-  
 տին վրայ կը կազմէին փոքրիկ սպիտակ ամպեր,  
 որոնք յետոյ կը նուազէին : Արթաքի էֆէնտի իր  
 գիտակին մէջէն կը խօսէր օդանաւորդներուն հետ  
 եւ ձայնը կը բարձրացնէր՝ որպէսզի լսելի ըլլայ :

**Անխուսափելիօրէն կ'ըսէր .**

— Շո՛ւն շան որդիներ , նետեցէք , ոռ՛ւմբ  
նետեցէք . . . Ո՞ր օրուան կը սպասէք . . . թող քար  
քարի վրայ չը մնայ . . . Սատկինք ամէ՛նքս ալ , տա-  
ճիկներն ալ , մե՛նք ալ . . .

Բայց իրականին մէջ զոհ էր եւ համաձայնա-  
կան օդանաւորդները կը կոչէր « իր քեռիին տղա-  
քը՝ Փօղէ Փները » : Դեղագործին համար անոնք կը  
նմանէին նաեւ շատ աղղեցիկ գեղի մը կաթիլնե-  
րուն , որոնք հակառակ իրենց պղտիկ թիւնն , կր-  
նան մեծ ծաւալով հեղուկ մը պղտորել : Եւ Պօլոյ  
երկնքին մէջ այդ քանի մը « Փօղէ Փ » ներուն վա-  
ղանցուկ ներկայութիւնը փոխած էր շատ բան :  
Նախ որ Հայերը այլեւս քիչ մը նուազ կը սարսա-  
փէին թուրքէն , եւ յետոյ առ հասարակ մարդիկ  
ջղայնոտած էին : Յայտնի է թէ պատերազմը այլ-  
եւս պիտի լմննայ , եւ յայտնի է թէ որո՛ւն պար-  
տութեամբ պիտի լմննայ : Բայց ուրեմն ինչո՞ւ չա-  
ւարտիր : Անօթի քաղքենիները ջղայնոտած էին ,  
իսկ Արթաքի էֆէնտի այդ ընդհանուր պատճառէն  
դատ ուրիշ մը եւս ունէր ջղայնոտելու համար :  
Ներսէս — որուն օդափոխութիւնը յաջողած էին  
երկարաձգել տալ — չէր կըցած ինքոյինքը դանէլ :  
Տակաւին տկարակազմ ըլլալով անկարող էր դե-  
ղարան գալու եւ այսպէսով կ'ուշանար Արթաքի է-  
ֆէնտիին մեծ փափաքին իրագործումը՝ որ էր Ա-  
զաւնիի մեկնումը : « Ալ առաջուան Արթաքին չեմ ,  
կ'ըսէր , սիրտս նիհարցած է : Աս աղջկան տէրտը  
չեմ կրնար կոր տանիլ » : Ամէն օր Աղաւնիի երեսն  
ի վեր կը պօռար , երբոր անճարակութիւն մը ընէր

ան կամ թէ բան մը ուշ հասկնար, թեւէն բռնելով կը ցնցէր, « դուն մարդ պիտի մեռցնես եւ իմին արիւնս պիտի մտնաս » կ'ըսէր, ու աղջիկը կը ճամրէր վեր : Այս կոխուները անպակաս էին եւ կ'աւարտէին նոյն ձեւով : Դեղագործը քիչ վերջ սանդուղին առջեւ կ'երթար ու կը պօռար .

— Նորէն ո՞ր ծակը մտաւ աս աղջիկը . . . Արթաքին սիրողը ասա՞նկ կ'ընէ . . . մենք ձեզի ի՞նչ-պէս հասկցնենք որ վարը գո՞րծ կայ, գո՞րծ . . .

Իրականին մէջ Աղաւնի առաջուրնէ աւելի անճարակ չէր բնաւ : Իրաւ է թէ իր նշանտուքի խզման սկիզբի օրերը անհեթեթ բաներ ըրաւ, բայց շուտով վերադարձաւ իր բնականոն վիճակին : Այդ խաղաղութեան պատճառը այն է որ Աւետիս անհետացաւ Սէլամսըզի շուկայէն եւ բնաւ հաւանականութիւն չը մնաց որ նախկին նշանածները զիրար տեսնեն : Մալթէփէյի աղիտալի հրդեհին մէջ շատ անճարակ գեր մը կատարած էր Գատը գիւղի հրցէջ զունդին հրամանատարը եւ զայն պաշտօնախկ ըրած էին թուրք մամուլին յարձակումներուն պատճառաւ : Անոր տեղ նշանակուեցաւ Սիւլէյման պէյը որ Գատըգիւղ անցնելով իր հետ տարաւ նաեւ Աւետիսը, իր սիրական խոհարարը :

Օր մը Աղաւնի երբ ըստ սովորութեան գացած էր իրենները տեսնելու, պարապը ելաւ : Ոչ մայրը տունն էր, ոչ ալ իր պղտիկ եղբայրը : Միայն իրենց դրան տակէն դուրս ելած էր ջուրի նեղ երիզ մը որ կը նեխէր : Աղաւնի անցաւ Խսկուհիյենց սենեակը ուր կարի մեքենաներու խլացուցիչ աղմուկը կար, նստաւ հոն բաւական ժամանակ եւ քիչ մը

թերակար քակեց : Խսկուհին խմացաւ որ իր մայրը  
Յոյնի մը տունէ կանչուած էր լուսցք ընելու հա-  
մար և անտարակոյս գիշերէն առաջ չպիտի դար :  
Խսկ Խաչիկը մղկիթ դացած ըլլալու էր՝ ապուրի :  
Աղաւնի սպասեց միշտ, յուսալով որ եղբայրը դոնէ  
կը վերադառնայ եւ սենեակին անկիւնը պառկած  
նիհար տղու մը որ քրտնած էր, ճերմակեղէնները  
փոխեց, դեղը տուաւ ու նայեցաւ : Հիւանդ տղայ  
մըն էր եւ շատ նիհար : « Քիչ մը հանդչեցա՞ր »  
հարցուց Աղաւնի : Մանչուկը ըսաւ նողկանքով,  
ձեռքը դէպի մեքենաները նետելով — « աս ի՞նչ  
փաթըլուր է, Ալլահըմ » : Դեզերեցաւ Աղաւնի մղ-  
կիթին շուրջ : Անօթիներու այդ խառնիճաղանճը որ  
յուսահատական պոչ մըն էր կաղմած մղկիթին առ-  
ջեւ, կը նեխէր արեւին տակ : Գոյնզգոյն չարշաֆ-  
ներ կային, եւ երկու դպրոց լեցնելու չափ մանուկ-  
ներ : Աղաւնի ի զուր փնտոեց Խաչիկը եւ եկաւ պահ  
մը երր ինկաւ կատարեալ թմրութեան մը մէջ ու  
ինքղինքն ալ մոռցաւ : Իր մէկ խոպոպկը երկարօրէն  
պլորեց ականջին շուրջ եւ ինքղինքն ալ մոռցաւ :  
Նստած էր ստուերոտ անկիւն մը, մղկիթին ցած  
պատուհաններէն մէկուն մէջ, թրքուհիներու քով :  
Հոն է որ Խաչիկ դտաւ իր քոյրը եւ ճչաց ուրախու-  
թեամբ : Երկու ընկերներու հետ տեղաւորուեցաւ  
Աղաւնիին շուրջ եւ մէջտեղը դրին ալիւմինիօմէ ա-  
ման մը ուր ապուր կար : Խաչիկ դրպանէն հանեց  
զինուորի մեծ դղալ մը որուն կէսը պատառաքաղ  
էր եւ Աղաւնիին տուաւ որ ան ալ ուտէ : « Խմարէթ  
է պապամ, խմարէթ » կ'ըսէր ինդալով : Աղաւնին  
ալ ինդաց, բայց վերջը երբոր դեղարան կը վերա-

դառնար, ճամբան կորսնցուց : Քիչ մը տեղ վաղեց, վախցաւ թրքական թաղէն, «խելքս գլուխս չէ» ըստաւ եւ սիրտը սկսաւ տրոփել : Եւ երբոր հեռուն, շատ հեռուն նշմարեց Ա . Կարապետի մէկ զանգակատունը, այլեւս ոյժը չունեցաւ յառաջանալու, այնքան յուզուած էր : Կեցած տեղը մնաց եւ զգաց որ պիտի լայ : Եւ թերեւս լար, եթէ երբեք նոյն պահուն չի նշմարէր հրչէջ զինուոր մը : Աւամորթ հրչէջ զինուոր մըն էր : « Աւետի՛ս » ըստ Աղաւնի սրտակեղեք հառաչով մը ու փախաւ :

Դեղագործ Արթաքի էֆէնտի դիշեր մը արթնցաւ եւ սարսափեցաւ : Արթնցաւ եւ անմիջապէս հասկցաւ որ տունը գող կայ : Ամառ դիշեր մըն էր, խաղաղ, անլուսին եւ շատ յառաջացած դիշեր մըն էր : Արթաքի էֆէնտի որոշ կերպով լսեց վախկոտ ոտիաձայնը որ կը մօտենար : Բայց չը համարձակեցաւ ոտքի ելլել կամ ձայն բարձրացնել, որովհետեւ գողը զինուոր մը կարծեց : Այդ օրերուն յաճախաղէպ բան էր որ անօթի զինուորներ գողութիւն ընէին : Անշարժ պառկած՝ Արթաքի էֆէնտի նայեցաւ ննջարանին բաց դրան զոր հետզհետէ առելի լաւ կը նշմարէր : Եթէ գողը առնուազն վարը ըլլար, անշուշտ բան մը պիսի ընէր դեղագործը, բայց անոր ա'յսքան մօտիկութիւնը զինքը կ'անշարժեցնէր : Զորս ոտքի վրայ քալելով եւ մեծ ըղգուշութեամբ՝ գողը վերջապէս ներս մտաւ : Գողը Աղաւնին էր : Զափաղանց զարմացաւ դեղագործը եւ իր ծունկերը կծկուեցան վերմակին տակ, հակառակ իր կամքին : Ոտքի նետուիլ կ'ուղէր, բայց չուտով զսպեց ինքզինքը եւ շարունակեց իր

շունչը բոնել՝ մեծապէս նեղուելով : «Արդեօք այս  
աղջիկը գիշերաշրջի՞կ եղաւ » մտածեց , այնքան  
որ իրեն անհաւատալի կը թուէր զողութեան մը  
կարելիութիւնը : Բայց արդէն Աղաւնի բաղմոցին  
առջեւ ծունկի եկած՝ գեղագործին հագուստները  
կը խառնէր : Գրպանները խուզարկեց , պրպտեց եւ  
յետոյ սկսաւ հեռանալ միշտ չորս անդամներու վը-  
րայ : Երբ որ ննջարանէն գուրու ելաւ , Արթաքի է-  
ֆէնտի կրցաւ արտաշնչել : Կոնակն ի վար քրանած  
էր : Անմիջապէս նստաւ անկողնին մէջ եւ իր սիրու  
մեծ աղմուկ հանեց կուրծքին տակ : Կ'ըսէր ինքն  
իր մէջ — « Զէ՛ , չէ՛ , չէ՛ , ա՛ս բանը չէի սպասեր ...  
Նօ արդէն եղա՞ծը ինչ է որ , քանի՞ փարա ունիմ  
գրպանս ... չէ՛ , ըլլալի՞ք բան չէ » : Եւ յանկարծ  
կատաղեցաւ : Յիշեց որ նախորդ իրիկունը Աղաւնի  
տկար էր քիչ մը , ականջները կարմրած էին եւ  
ինք , Արթաքի՝ գուրգուրանք ցոյց տուած էր :  
Յանձնարարած էր որ շուտով երթայ անկողին  
մտնայ , հանգչի : Այս , դեռ երէկ իրիկուն այսպէս  
գուրգուրանք ցոյց տուած էր , իսկ այժմ աս շու-  
նին ձագը ... Վերմակը նետեց գեղագործը : Քա-  
շեց շուտով տաբատը եւ միաժամանակ նեղացաւ  
ինքողինքին դէմ որովհետեւ այսպիսի խորհրդա-  
ծութիւններով ժամանակ կորսնցուցած էր : Աճա-  
պարանօք եւ աղմուկով սլացաւ սանդուղներէն  
վար՝ գրեթէ ինքնիրմէ ելած :

.....  
Տիկին էլպիս բաղմաթիւ անգամներ իր ամուս-  
նին անունը պօպաց եւ քանի պատասխան չստա-  
ցաւ , այնքան բարձրացուց իր ձայնը : Ոտքի ելե-

լով ուղեց ինքն ալ դեղարան իջնել, բայց այնքան  
մեծ էր իր զողը որ ծունկերը կոտրեցան եւ կինը  
նստաւ անկողնին եղը: Սկսաւ կակաղել: Կը լսէր  
Աղաւնիին ճիչը, կը լսէր իր ամուսնին պօռապոցը  
եւ իրեն այնպէս կը թուէր թէ երկուքը միաժամա-  
նակ օրհասական կոփեփ բռնուած են գողերու հետ:  
Կ'ուղէր զոնէ լոյաը վառել, բայց ոչ լուցկին եւ ոչ  
ալ լամբարը մնացած էին իր գրած տեղը: «Փսոր-  
ճիկ մը, փսորճիկ մը առի» կը ճշար Աղաւնի որ  
քիչ յետոյ սկսաւ լալ: Էլպիս հանըմ խորհեցաւ որ  
գողի խնդիր չկրնար ըլլալ քանի որ երկուքը իրա-  
րու հետ է որ կը խօսին: Թէեւ դժուարութեամբ,  
բայց կրցաւ վերջապէս դեղարան իջնել ինք ալ:

Երբ որ դեղարան հասաւ եւ իր ամուսնին լսեց  
որ Աղաւնիին երէկ գիշերուան տկարութիւնը ծան-  
րացած էր եւ այժմ վար իջած էին բան մը առնելու  
նպատակաւ՝ սաստիկ բարկացաւ: Ախնախնթացօ-  
րէն կատղեցաւ էլպիս հանըմ: Նախ որ՝ ինք երէկ  
գիշեր իսկ ըսած էր թէ այս աղջկան ականջները  
« բանջար են », եւ դո՛ւն, Արթաքի, պէտք է որ  
գեղ մը տաս: Խօստովանեցէ՛ք, ըսա՞ծ էր թէ ոչ:  
Բայց զիս մտիկ ընող չկայ: տօքթօռը մինակ  
դուք էք: Եւ յետոյ՝ ինչո՞ւ համար զիս կէս գի-  
շերներուն դող հանեցիք: Պիտի մեռնէ՛ի վախէս:  
Հաղար անդամ Արթաքի պօռացի եւ ձայն հանող  
չիկայ: Զէի՞ք կընար « բան մը չիկայ » ըսել: Մի-  
լիոն տեսակ գէշ բաներ անցուցի միտքէս: Դուք  
մարդ չէ՞ք մեղքնար:

Էլպիս հանըմ նայեցաւ գետնի փսխունքին եւ  
ինկաւ աթոռի մը վրայ՝ յոգնարեկ: « — ինչո՞ւ

կուլաս խենթ աղջիկ, ըստ Աղաւնիին։ Քանի որ  
ետ առւիր՝ ալ հոգ մըներ»։ Եւ որովհետեւ Աղաւնի  
կը սաստկացնէր իր լացը, էլոզիս հանըմ աւելցուց  
— «քու տարիքդ եղած տառենս ես ալ քեղի պէս էի։  
Երբ որ փսխէի՝ կուլայի»։

Բնաւ զինքը լսող չկար սակայն։ Աղաւնի ա-  
թոսին վրայ նստած կուլար հետզհետէ աւելի խոր  
անձկութեամբ, խակ դեղազործը իր բազուկը նե-  
տած էր աղջկան ուսերուն շուրջ։ Արթաքի էֆէնտի  
կ'ուզէր զազել իր այդ բազուկը, բայց ան կը դո-  
ղար, շատ կը դողար։

Երկու կիները զատ զատ իրենց անկողինները  
դնելէ յետոյ կրկին դեղարան իջաւ Արթաքի էֆէն-  
տի եւ լամբարը վեր բոնած երկարօրէն նայեցաւ  
դետնի ազտեղութեան։ Յետոյ զնաց բոլորախոր-  
շին ետեւ ուր բազմաթիւ փոքր սրուակներ կային,  
բոլորն ալ սեւ էքիմէքով։ Բաց էր նաեւ թոյներու  
ցուցաբեղկը։ Արթաքի էֆէնտի շիշերը տեղաւորեց  
եւ ցուցաբեղկը կղզելէ վերջ կրկին վրան առաւ  
բանալին։ Այն բանալին զոր ժամ մը առաջ Աղաւ-  
նի դողցած էր իր բաճկոնակի գրականէն։

Առանց շան հաջոցի գիշեր մըն էր, անլուսին՝  
սակայն պայծառ։ Գետինը փոռուած էր Աղաւնիին  
անկողինը, պատուհանին մօտ։ Արթաքի էֆէնտի  
նստաւ անոր եղը ու նայեցաւ աղջկան թաց այտե-  
րուն։ Երկարօրէն նայեցաւ ու յետոյ ծոելով համ-  
բուրեց Աղաւնին անոր երկու այտերէն։ «Դուն իմ  
զաւակս ես» ըսաւ։ Այսքան միայն։ Ուրիշ շատ մը  
բաներ կ'ուզէր ըսել եւ ընել, բայց չկրցաւ։ Մինչ  
իր կինը քովի սենեակը կը խորդար, դեղազործը

Երկարօրէն մնաց անկողնին եղը, ուսերը սեղմած, մինչեւ որ Աղաւնի թմրեցաւ, մինչեւ որ լոյսը բացուեցաւ :

Իրաւ է թէ գեղագործը անմիջապէս փսխել տալով վտանգը հեռացուցած էր, բայց մտահոգ էր տակաւին : Բարդութիւնէ մը կը վախնար եւ նոյնիսկ կը խորհէր Տօքթ . Փաշայեանը կանչել : Բազմաթիւ անդամներ հարցուց Աղաւնիին թէ ի՞նչ քանակութեամբ թոյն առած էր : Աղաւնի կը կրկնէր միշտ « փսորճիկ մը առի » : Եւ իր առջեւ թղթիկի մը վրայ թափած աղերուն մէջ ցոյց կուտար մեծութիւնը այդ « փսորճիկ »ին : « Ասչափ էր, ձիշդ ասչափ էր » : Օրեր վերջ Արթաքի էֆէնտի պիտի ժպտէր յիշելով մեծութիւնը այդ թոյնին, որով մուկ մ'իսկ չէր կրնար սատկիլ : « Հէ՛յ վախեկոտ աղջիկ » ըսելով պիտի ժպտէր, բայց առ այժմ շատ հեռու էր այդքմծիծաղէն : Ներսէսէն լուր առնելու պատրուակով իր կինը տունէն հեռացուց, եւ ինք անձամբ զբաղեցաւ Աղաւնիով : Օրուան մէջ անդաղար վեր ելաւ ու նստաւ անկողնին եղերքը : Շատ մը բախեր ըսել կ'ուզէր գեղագործը բայց չէր կրնար ու կը լոէր : Միշտ կը վառէր նոր սիկառէթ մը եւ իր մտքին մէջ կը տագնապէր երէկ գիշերուան յիշատակը :

Աղաւնի կը նայի պատուհանէն դուրս, վարագոյրներէն անդին, վիզը ծուռ : Կը խօսի ալ, կարծէք ինքն իրեն : Կ'ըսէ թէ մենք չենք գիտեր սիրոյ ցաւին ահաւորութիւնը : Մենք չենք գիտեր եւ չենք ալ կրնար ըմբռնել թէ ինչ ըսել է օրն ի բուն, ան-

դադար եւ անվերջ մտածել նոյն նիւթին վրայ, յիշել նոյն բանը, ցանկալ նոյն բանը, անհամբերիլ եւ յետոյ ջախջախուփիլ նոյն արգելքներուն դէմ : Մենք չենք դիտեր, մենք լուր չունինք թէ Աղաւնի ինչ օրեր կ'ապրէր հոս : Ան ամէն դիշեր վար կ'իջնար, կ'երթար « պարտէզ » եւ կը նստէր հորին քով ուր այնքան յիշատակներ ունէր : Մենք այս բոլորը չենք դիտեր : Բան մը չկայ վարագոյրներէն անդին, եթէ ոչ տաք ու պարապ երկինք մը՝ երբեմն շատ հեռու, երբեմն շատ մօտիկ : Կը նստէր հորին քով եւ իր յուսահատութեանը մէջ կը ցանկար նոյնիսկ աղէտիներ — կ'ուզէր որ գեղարանը այրի, ահաւոր հրդեհներ պատահին հոս եւ նոյնիսկ շատ հեռու արուարձաններէ հրշէջները վաղեն գան, Աւետիս վաղէ զայ, Աղաւնին գրկած դուրս հանէ բոցերէն : Մենք այս բոլորը չենք դիտեր, որովհետեւ չենք սիրեր Աղաւնին : Դուք զայն ձեր մէջէն պիտի վոնտէք, այսօր կամ վաղը պիտի վոնտէք ու տուն զբկէք, բայց ան այլեւս չկընար իր մայրիկին քով երթալ : Ան զիս կը լքէ, բայց ես առանց անոր չեմ կրնար ապրիլ : Ոչ ոք, ոչ ոք չը սիրեր Աղաւնին :

Դեղագործը խստօրէն բողոքեց այս ամբաստանութեան դէմ : Երէկ դիշերուընէ ի վեր նոյն խօսքը ունիս լեզուփիդ վրայ : Ո՞վ ըսաւ թէ մենք քեզ չենք սիրեր : Դուն մերին աղջիկն ես . զաւակ մը կը վոնտուփ : Դեղագործը զաւակ չունի եւ դուն իր մէկ հատիկն ես : Այլեւս պատերազմը լրանալու մօտ է . չուտով ատենները պիտի փոխուին, տղաքը տուն պիտի դառնան եւ այն ատեն Արթաքի էֆէն-

տին աւելի յարմար ամուսին մը պիտի տայ իր աղ-  
ջկան : Եւ այս անդամ ի՞նք պիտի ընտրէ , առանց  
ձգելու որ էլպիսը դործի խառնուի :

Անմիջապէս չէ որ երկուքը կը պատասխանէին  
մէկղմէկու խօսքի : Մտածումները կը ծամէին ,  
կ'որոճային եւ անսպասելի պահու մը Արթաքի է-  
ֆէնտի կուտար պատասխան մը , ճիշդ ինչպէս Ա-  
զաւնին : Եւ խօսակցութիւնը կը նմանէր յաւիտե-  
նականութեան նշանին՝ պառկած 8ին : Եւ անշուշտ՝  
տիսուր էր : Գիծը կը վերադառնար , կը յառաջա-  
նար , բայց կ'իյնար կրկին : Անկարելի չէ այդ քու  
բասծդ : Անկարելի չէ որ նորէն նշանուիմ եւ այս  
անդամ աւելի զարդացած , աւելի ունեւոր տղու մը  
հետ : Բայց կարելի չէ որ անոր պէս հատ մըն ալ  
գտնեմ : Դուն չես գիտեր թէ մենք որքան շատ ի-  
րարու կը նմանէինք : Ճիշդ ու ճիշդ ինծի կը նմա-  
նէր Աւօս : Իմ բնաւորութիւնս , իմ խօսելակերպս ,  
իմ ճաշակս , իմ կատակներս , ճիշդ ու ճիշդ ...  
դուն չե՞ս գիտեր որ ...

Եւ Աղաւնիին աչքերը կը փայլէին միշտ ար-  
ցունքով , անոր վիզը բարձին վրայ կը մնար  
ծուռ : Մեռնիլ կ'ուղէր Աղաւնին , այլեւս մեռնիլ  
կ'ուղէր : Կը յիշէր հրշէջ զինուորին կատակները  
եւ կը ժպտէր տիսրութեամբ : Զանոնք բարձրաձայն  
չէր արտասաներ , որովհետեւ կ'զգար թէ օտարի  
մը համար նոյն արժէքը չպիտի ունենան եւ կը  
ժպտէր տիսրութեամբ :

Գիշեր եղաւ նորէն եւ յաջորդ առաւօտուն Ա-  
զաւնիի ջերմութիւնն ալ մեղմացաւ : Բայց չե-  
լաւ իր անկողնէն՝ դեղագործին պնդումներուն

վրայ : Անոյժ էր աղջիկը եւ ինքզինքը աներեւակայելիօրէն պարպուած կը զգար : Ըստ թէ ինք սկիզբները բնաւ չէր հաւատացած որ Աւետիս կրնայ զինքը լքել : Խորապէս համոզուած էր թէ ան պիտի վերադառնայ շուտով, շատ շուտով : Բայց ահա որ երեք ամիս անցաւ մօտաւորապէս եւ չը վերադարձաւ Աւօն : Դուք ինծի սուս խօսեցաք ըստելով որ գրամի տէր այրի մը գտած է ան : Գիտեմ թէ սուս խօսեցաք, որովհետեւ երբոր վերջին անգամ Գատըգիւղ գացի, Խսկուհինցմէ լսեցի ամէի բան : Անոր գտածը ոչ այրի է եւ ոչ ալ ունեւորիկ : Եւ յետոյ՝ դեռ տասը օր չկայ որ զիրար կը ճանչնան եւ չեն նշանուած իսկ : Այո՛, դուք ինծի սուս խօսեցաք :

Գլուխը կախ՝ դեղագործը ըստ մեղմութեամբ .

— Ստիպուած էինք աղուորս . . .

— Ինչ ըսի՞ր . . .

Արթաքի էֆէնտի շատ ուրախացաւ այս հին բարեկամը տեսնելով : Սաստիկ հրճուեցաւ եւ իր ինդուքը գրեթէ անմիջապէս փոխուեցաւ քահքահի : Աղաւին ալ սկսաւ ժպտիլ, մինչ դեղագործը կը բացազանչէր .

— Ալ ուզա՛ծիդ չափ « ինչ ըսիր » ըսէ . . . քեզի խուլան խուլան ֆէրման . . . ա՛լ չեմ նեղանար . . .

Ահաւասիկ դեղարանին երկու ցուցաբեղկերը եւ ահաւասիկ անոնց մէջ գտնուող երկու մեծ ջրագունդերը : Զախ կողմինը դեղին, աջ կողմինը կա-

պոյտ : Իր պարապ դեղաբանին մէջ կեցած՝ Արթա-  
 քի էֆէնտի կը նայի արոնց փոխն ի փոխ եւ կը  
 խորհի որ արեւի ճառագայթները մեծ դաս մը կու-  
 տան իրեն այսօր : Անոնք կ'իյնան դեղին ջրագուն-  
 դին վրայ, զայն կը հրկիղեն եւ գունդը կը ճաճան-  
 չէ մեծ աղմուկով : Բայց կապոյտը երբեք այսպիսի  
 այցելութիւն չընդունիր, դէմի տուներուն մէկ  
 քմահաճոյքին պատճառաւ : Հազիւ թէ, ան ալ  
 տարուան մէկ եղանակին, ճառագայթները կը շո-  
 յեն դժբախտ ջրագունդին փայտէ պատուանդանը :  
 Ոչ աւելի : Ու մարդ չգիտեր թէ ինչ ճանաչում  
 պիտի ունենայ կապոյտն ալ եթէ վառի, թէ ինչ  
 տեսակ բոց մը կայ անոր մէջ պահուած, թէ ի՞նչ  
 կարդի արեւ մը կայ անոր ծոցը : Մարդ չգիտեր  
 եւ չպիտի գիտնայ մինչեւ այն օրը երբ հրաշքով  
 մը ճառագայթը այցելէ անոր ալ : Եւ դեղագործը  
 կը խորհի որ եթէ անակնկալ դէսկեր այսպիսի  
 հրձիդ ճառագայթի մը գեր չկատարէին, ինք միշտ  
 պիտի շարունակէր անգիտանալ իսկութիւնը թէ՝  
 Աղաւնիին եւ թէ Աւետիսին : Եւ սաստիկ տրտմե-  
 ցաւ խորհելով որ եթէ երբեք ինք չէր ճանչցած իր  
 չուրջինները, անոնք ալ բնաւ չէին կրցած զինքը  
 ճանչնալ իր իսկութեանը մէջ : Ամէն ոք զինքը կը  
 նկատէր սովորական խանութպան մը, սրամիտ եւ  
 հեղնող մէկը, կարճ խօսքով գօմիք Արթաքին :  
 «Բայց ես ուրիշ մարդ եմ» ըսաւ դեղագործը եւ  
 յետոյ ընդունեց որ ինքն ալ յանցաւոր էր քանի որ  
 փոխանակ Աւետիսի մը պէս անկեղծօրէն յայտնե-  
 լու իր մտածումները, կեղծած էր իր ամբողջ

կեանքին մէջ եւ գոհացած մենախօսութեամբ : Բանտարկուած էր ինքն իր մէջ եւ երկար ատեն կայ որ այլեւս դիւրութեամբ կը տանէր այդ վիճակը քանի որ սովորութիւն եղած էր : Ինք կը շրջէր խանութիւն մէջ գետնի քարերուն կազմած խաչերուն վրայ կոխելով , խոստովանեցաւ որ անհունապէս մեծ է ցկեախս բանտարկեալներու թիւր : Արդէն ամէն ոք առաւել կամ նուազ բանտարկեալ մըն է մտածեց եւ հոգիները մէկզմէկէ բաժնող պատուարները գտաւ անխորտակելի : Միայն ճառագայթն է որ ատենը անդամ մը եւ մասամբ ... Եւ որովհետեւ քիչ մը շատ խօսքը ըրած էր ճառագայթի , ժպտեցաւ դեղազործը եւ մտածեց ուրիշ խանութպաններու վրայ որ կեանքի նոյն բնութիւնները բացատրելու համար տարրեր խորհրդանշաններ պիտի առնէին : Մսավաճառը թերեւս իր դանակները , դերձակը թերեւս իր կոճակները :

Երկարօրէն մտածեց Արթաքի էֆէնտի եւ հակառակ այն թեթեւ դլիսու ցաւին որ սկսած էր զինքը նուաճել , հպարտացաւ իր հոգիին առանձնութեամբ , անոր մէջ տեսնելով մեծութեան մը բացարձակ ապացոյցը : Առանձնակեացները եւ բանտարկեալները աւելի զօրաւոր են մտածեց , քան թէ օրինակ իր կինն ու Աղաւնին : Եւ այդ իսկ պատճառաւ ինք պարտաւորութիւնը ունէր այդ տկարները պաշտպաննելու : Բնութիւնը տարօրինակ է ըսաւ . անպայման տկարին քով ինծի ոլէս գերմարդ մը կը դնէ եւ գերմարդը կը թողու առանձին : Այսպէս խորհեցաւ դեղազործ ինձէյեան

էֆէնտի եւ իր ըսածը հաստատելու համար մտա-  
ծումին առջեւ բերաւ իր քոյրը, Արմէնը, որ մի-  
նակ մնացած էր, մինակ մեծցուցած էր իր մանչը :  
Դերմարդ : Բայց մտածեց մանաւանդ Բենիկին,  
այն սարսափելի Բենիկին որ ոչ ոք ունէր աշխարհի  
վրայ : Դերմարդ :

Եւ յանկարծակի վճիռ մը ...

Եւ յանկարծակի վճիռ մը արձակեց դեղագոր-  
ծը : Բացարձակ եւ անյետաճգելի որոշու-  
մը տուաւ ջրազունդերուն տեղը փոխելու : Այ-  
սօ՛ր իսկ կապոյտը պիտի տանի դեղինին տեղ, եւ  
դեղինը պիտի բերէ կապոյտին տեղ : Անպայման  
պիտի ընէ վա'զն իսկ :

... ... ... ... ... ... ... ... ... ...

Այլեւս Արթաքի էֆէնտիի մէջ մտերիմ մը  
դտած ըլլալով՝ Աղաւնի անոր կը պատմէր շատ  
բար ու կը հանգչէր կարծես : Միայն չէր համար-  
ձակեր ըսել թէ օրուան մէջ կայ պահ մը որ ամէ-  
նէն աւելի դժնդակն է իրեն համար : Չէր ըսեր թէ  
երբ որ արևել ծագի՝ հրշէջ զօրանոցէն առաւօտ-  
եան շեփոր մը կը հնչէ : Արթաքի էֆէնտի չէր գի-  
տեր թէ առաւօտեան շեփոր մը կը հնչէ : Թէ ան  
տղայական ու արկապակից բաներ կ'ըսէ եւ եր-  
գում – պատառ կ'ըլլայ ըսածին ճշմարտութեանը  
վրայ, հակառակ որ գարումը մեռած է : Թէ Աղաւ-

նի կը սարսուայ վերմակին տակ եւ կը կծկուի փի-  
սիկի մը պէս , որովհետեւ մինչեւ իր ոսկորներուն  
ծուծը կը մտնէ ձայնը : Որովհետեւ միշտ ուժով  
կը փչէ Աւօն :

Աղաւնի վերմակին եղբը կը սեղմէր իր բերնին  
Վրայ որպէսզի չիլայ : Կուլար , գրեթէ միշտ :

ՀՈՍԱՆՔԻՆ ԵԶՐԸ

---



Անկիւնը բաղմած սա մսոտ հայուհին, սա  
տօնազգեստուած հայուհին եթէ ոտքի ելլէ, կար-  
ծէք թէ իր յետոյքին վրայ պիտի երեւնայ ա-  
քաղաղի մեծ պոչ մը՝ սիզասպանծ եւ զունազեղ:

Գոռողութիւն, խստութիւն, եւ իր բացարձա-  
կութեամբն իսկ անախորժ ինքնավստահութիւն մը  
կ'արտացոլայ կնոջ արտայայտութենէն: Ընկերա-  
յին իր դիրքէն աւելի բարձր դիրքի մը մէջ երեւ-  
նալու իր ճիպը՝ զինքը ցոյց կուտայ աւելի միջա-  
կորեակ, աւելի ճղճիմ: Գեղեցիկ չէ անշուշտ՝  
բայց տակաւին միսի երիտասարդութիւն մը կայ  
վրան, որ զինքը կը դարձնէ ցանկայարոյց, հեշ-  
տագրգիռ: Վարդագոյն՝ բայց հաստ միսեր: Լայն  
կուրծք՝ արեւելեան եւ առասանուած: Արդուզար-  
դը բոլորովին վառ՝ Վոսփորի վերջալոյսին պէս  
որ ահաւասիկ կը բռնկի:

Քովը նստած տարեց այրը, այսինքն ամուսի-

նը՝ շատ նեղսրտած է այս պահում իր օռլայուած բարձր օձիքին, ինչպէս նաեւ նոր կօշիկներուն պատճառաւ։ Օձիքին կոճակներն ալ սխալ դրին։ Առջեւինը ետեւ դրին, ետեւինն ալ առջեւ դրին։ Կարծէք գամ մը կը մխրճուի մարդուն կոկորդին մէջ։ Ինք բնաւ չախորժիր նաեւ Հիսարէն իջնող սաթեթեւ հովէն, որ գեղարանի խօսքեր կ'ընէ իր ծոծրակին վրայ։ Սակայն փոքրակազմ մարդը ոչ իսկ կը համարձակի խօսքը ընել անցեալ ամառուան այն մէկ հովին, որ իրեն պատճառեց ինը օր հէփշու։ Գեխեր կան՝ որ սա կը նշանակեն. պեխեր կան՝ որ նա կը նշանակեն. իսկ մարդուն զուզահռուական թաւ պեխերը կ'ըսեն մէկ բան — ևս մազի խուրձ եմ։ Անորոշ դժողովութենէ մը զատ՝ ակնարկը ո եւ է բան չարտայայտեր անարժէք դէմքին վրայ։ Յայտնի է թէ մարդը երիտասարդ եղած ատեն եկեղեցին պնակ պտըտցուցած է։ Յայտնի է թէ այժմ կինն է որ զինքը կը պտըտցունէ։ Կիրակի օր մըն է։

Սօկրաթօս եղբայրներուն այս զազինօն դրախտային է Գուղկունճուքի մէջ։ Ան կը գտնուի նաւամատոյցին ճիշդ քովը եւ կ'երկարի Վոսփորի վրայ, ոտքերուն անցունելով փայտէ տոտիկներ։ Թէ՛ ջուրին եւ թէ ցամաքին կողմը դրուած է կապոյտ տառերով «Գաղինօ Դրախտային»։ Պատշգամմին առաստաղը զարդարուած է փոքրիկ դրօշակներով եւ գունաւոր թուղթէ լապտերներով՝ որոնք փանայիրէն կը մնան։ Պատշգամմին եղերքը կարգաւ դրուած են թաղարներ, որոնցմէ դուրս կը կախուին զանգակի ձեւ ծաղիկներ։ Անթիւ զան-

զակներ : Եւ աղմուկ կայ : Այդ բանը կայ՝ քանի որ  
բազմութիւնը կազմուած է մեծամասնութեամբ  
Յոյներէ եւ Հրեաներէ : Զայնագիր մը կը սկըթէ  
շարժիներ եւ կառունները բարձրադաշտակ կը պօ-  
ռան իրենց յանձնարարութիւնները՝ յունարէն լեզ-  
ով , որոնց Շիրքէթը կը պատասխանէ իր սոյլով ,  
թուրքերէնով :

Յանկարծ հայուհին ծունկի բիրտ հարուած մը  
տուաւ մարդուն , ջղայնոտութեամբ ըսելով թէ ա-  
մենազզուելի , ամենէն անախորժ , ամէնէն աւելի  
ջղի դպելիք բանն էր մարդուն այդ սովորութիւ-  
նը : « Ի՞նչ ըսել է ջուրը բերանը պահել : Օղիէն  
վերջ ջուր խմեցիր , լաւ , բայց կԱՅԻ : Իբրեւ թէ  
ջուրը տաքցնե՞լ կ'ուզես : Քեզի հազար անգամ  
չե՞մ ըսած որ այդ բանը ջղիս կը դպի » :

Քիչ յետոյ մարդը անգամ մը եւս իր փողկա-  
պին մէջտեղէն րոնելով զայն առաջ քաշեց , գամին  
մխրճումը կասեցնելու համար : Որովհետեւ ըսելիք  
ունէր : Գամը բոսկ մը դուրս ելաւ կատակի հա-  
մար , եւ մարդը յարեց .

— Մեզի համար ամէն տեսակէտով շահաւոր  
կ'ըլլայ : Մենք մեր շահը պիտի նայինք : Այստեղ  
ամօթի ի՞նչ կայ : Միթէ ուրիշին գրանէն գրա՞մ  
կը գողնանք կոր : Դեռ ի՞նչ մենէ աղէկներ առիթի  
կը նային այս տեսակ մարդէ մը օգտուելու հա-  
մար : Իմ գործիս համար ալ լաւ կ'ըլլայ . . . Ամէն  
տեսակէտով լաւ . . .

Սուր ճիչ մը արձակուեցաւ : Պատշգամին ե-  
ղերքը կախուած յոյն լաճ մը ձուկ մըն էր րոնած :  
Տղուն մեծ քոյրը պօռաց ուրախութեամբ , մայրը

թեւը երկարեց եղէզը բոնելու համար, հայրը դա-  
ւաթ մը ջուր կարկառեց ձուկը մէջը զնելու հա-  
մար, իսկ անդիէն նաւավարներ բաներ մը ըսի՞՝  
բաներ մը ըսած ըլլալու համար: Կրկին ծովը ին-  
կաւ ձուկը:

Մինչ լակոտը իր քրոջ մաղերը կը քաշէր, հայ  
մարդը շարունակեց.

— Հիմա պիտի ըսես որ քանի օրէ ի վեր նոյն  
բաները կը կրկնեմ: Անա՛նկը չէ: Ես քու երեսէդ  
կը հասկնամ որ գոհ չես: Ինչո՞ւ գոհ չըլլաս: Ին-  
չո՞ւ սիրտովդ չըլլայ: Քեզի բացատրեցի որ մեծ  
չահ ունինք մենք աս մարդը մեր տունը բանսիօ-  
նէո առնելէն: Շատ լաւ կը հասկնամ միտքդ, բայց  
ի՞նչ ընենք, պիտի համակերպինք: Քանի որ այդ  
ամսականին կարօտ ենք, պիտի համակերպինք:  
Նայէ որ քիչ մը վար դնես քու բնաւորութիւնդ եւ  
վարուիլ գիտնաս...

Կինը չէր պատասխաներ, ոչ արտայայտու-  
թեամբ, ոչ ալ շարժուձեւով: Արտաքնապէս կը  
սպահէր միշտ իր հպարտ եւ խիստ կեցուածքը,  
բայց մտովի գին կը զարնէր միւս անկիւնի յոյն  
կնոջ օղերուն: Յարմար գին մը դտնելէ յետոյ զա-  
նոնք կը բաղդատէր Վիքթօռի օղերուն հետ, եւ  
վերջապէս՝ յոյն կնոջ օղերը կ'երթար գրաւի կը  
դնէր Մօսիկին մօտ: Ամուսինը այս անսպասելի  
լոռութենէն խրախուսուած՝ զգուշութեամբ շարու-  
նակեց.

— Քիչ մը վարուիլ գիտցիր: Ան չեմ ուղեր,  
աս չեմ ուղեր կ'ըլլա՞յ: Օտարներուն գիմաց պէտք  
է անուշութիւն ցուցնել: Ամէն տեղ էսեմճիութիւն

կ'ըլլա՞յ : Զըլլար : Միտքէդ ինչ որ կ'ուղես անցուր՝  
բայց գոնէ երեսանց « արեւդ սիրեմ » մը ըսէ : Ա-  
նուշ լեզուն տուն կը շինէ , կծու լեզուն տուն կ'աւ-  
րէ : Լեզուն մե՛ծ բան է :

Լոեց եւ կրկին կոկորդէն դուրս քաշեց դամը :  
Հրեայ խումբ մը կը խնդար բարձրածայն եւ հրէ-  
յերէն , ու քիչ կը մնար որ շրջի կլկլակ մը : Իրենց  
բերանն ու մատները ճերմկած երկու աղջնակներ  
լոխում կ'ուտէին , և անոնցմէ մէկը զգուշութեամբ  
բերանը կը բանար , դիմացինին ցոյց տալու համար  
թէ տակաւին ներսն ալ կայ : Մէկ անդամէն չի  
կլեր : Հեշտանքը երկարել գիտէ : Յանկարծ հայ  
կինը լուսութիւնը խղեց ու պոռթկաց նեղսրտու-  
թեամբ .

— Ա՞ս է քու զոված մարդդ : Ա՞ս է աննման  
« բառթի »ն : Այսպէ՞ս « ոանտէվու » կը յարդեն :  
Խօսքին տէրը չեղողը մարդ չէ՝ ինծի համար : Ժա-  
մը վեցին ըսաւ՝ վեցին գալու էր ։ ո՞ւր է : Դիմա-  
ցինը չյարդողը իմ տունս գործ չունի՛ ։ չունի՛ ...  
Փէօ՛հ , քու ընտրած մարդդ ի՞նչ կընայ ըլլալ ։  
մարդ չը՛ կընար ըլլալ ։

Այրը ջանաց բացական արդարացնել : Ըսաւ թէ  
« չողենաւի չպիտի հասնին » . վայրկեան մը ուշ  
զալը մեղք չէ . այսպէս տեղ մը սպասելն ալ ժա-  
մանց է : Նոյնը չէր կնոջ կարծիքը : Ան ըսաւ թէ  
վայրկեան մը ուշ գալը մեղք է , այս աղծոտ հր-  
եաներուն մէջ սպասելը իրեն համար ժամանց չէ՝  
հրամմե՛ր ես , չողենաւի պիտի հասնի : Եւ երկու  
զաւաթներ իրար զարնելով կառսօնը կանչեց : Շիշ  
մը եւս օդի կ'ուղէր : Կառսօնը որ քրտնած էր եւ

ինքինքը հետզհետէ աւելի լուրջի կ'առնէր, դլու-  
խը դարձուց եւ պօսաց շիշին անունը, ինչպէս նա-  
եւ տարիքը։ Սեղանը սկսաւ կաղալ, եւ վրան տեղ  
շմնաց աղանդերի։

Սպասեցին։ Բաւական մը վերջը այրը ջանաց  
անդամ մը եւս կնոջը գլխուն յորդորներ կարդալ,  
յանձնարարելով որ բնաւորութիւնը փոխէ, ըլլայ  
հեղահամբոյր եւ մարդու հետ վարուող։ Բայց կի-  
նը այս անդամ շուտով լուեցուց զայն։ Շատոնց է  
որ գին զարկած էր ներկայ գոհարեղէններուն, կա-  
նացի արդուղարդին, եւ այլեւս չէր կրնար քովինը  
շմել։ « Քեզ չեմ ուզեր մտիկ ընել » ըսաւ, եւ  
յանձնարարեց որ գերեզմանատուն երթայ՝ իր լու-  
սահոգի ծնողքէն խնդրելու որ անդամ մը եւս ծնին  
Անժէլը։ Անժէլը ինքն իր բնաւորութիւնը չէր կր-  
նար փոխել։ Կրնա՛ր փոխել՝ բայց չէր ուզեր փո-  
խել։ Զէ՛ր ուզեր։

Մարդը ըսաւ — Աստեղ սպասելն ալ հաճոյք  
մըն է։

Սպասեցին։ Ներկաներէն ոմանք մեկնեցան եւ  
անոնց տեղ ժամանեցին ուրիշ արդուղարդեր, նոր  
գոհարեղէններ, լաւագոյն պիստակ, խաշած ե-  
ղիպտացորեն, ինչպէս նաեւ ստկուած ու ջուրի  
մէջ լողացող ընկոյզներ։ Քանի երեկոն կը սահէր,  
այնքան կ'աւելիար ամուսինին մտահոգութիւնը եւ  
ատենը անդամ մը քովընտի ակնարկով մը մարդը  
կը ջանար կշռել Անժէլը։ Անժէլ բնաւ չէր խօսեր։  
Զէ՛ր ուզեր կշռուիլ։ Կարծէք կ'ուտէր հետզհետէ,  
աքաղաղի պոչը պարզելով։ Եւ երբոր վերջապէս,  
վերջապէ՞ս ժամանեց իրենց սպասած անձը, մեծ

բեռ մը ինկաւ մարդուն ուսերէն : Մանաւանդ որ հակառակ իր սպասումին , Անժէլին ժպիտը եղաւ իսկապէս պատշաճ , իսկապէս հիւրընկալ : Նորեկը երրոր կնոջ ներկայացուեցաւ , անմիջապէս բացազանչեց լայն ժպիտով եւ առատ շարժուձեւերով .

— Չափազանց երջանիկ եմ Տիկին Զեղ ծանօթանալուս . . . Անհունապէս երջանիկ եմ . . . Յարդանքներս . . . խորին . . .

— Երջանկութիւնը փոխադարձ է Միւսիւ Վահրամ . . .

— Ո՞չ , Տիկին , կը չափազանցէք . . . Մի՛ չափազանցէք Տիկին . . . Գիտեմ թէ վշտակրած էք Զեղ այսքան սպասեցնելուս համար . . . անկասկած եմ . . .

— Այո՛ , պէտք է որ ատենին գայիք , բայց այս անդամ կը ներեմ . . . Բացառաբար ներեցի , Միւսիւ Վահրամ . . .

— Հաւատացէք Տիկին , որ անդամ մ'ալ երբեք , ոչ երբե՛ք . . . Աստուած վկայ՝ որ անդամ մ'ալ այս կարգի բան պիտի չպատահի . . . Բացառաբար ներեցէք , վշտակրած Տիկին . . .

Օդի ապսպրեց : Յայտնի է թէ Միւսիւ Վահրամ պիտի խօսի անդադար , յայտնի է թէ Միւսիւ Վահրամ յաղթանդամ է , կենսունակ ու ապրած մարդ է եւ իր հօրաքոյրը խման է : Շատ զուարթ դէմք՝ համարձակ ու վառ աչքեր եւ հաստ մատանիներ : Այտերն ու ականջները շառագունած են , շրթունքները թաց են եւ ձիու գլուխ մը կը կախուի ժամացոյցի շղթայէն :

Կինն ու նորեկը իրարու ակնարկ բռնեցին՝ երբ որ մէկղմէկու արդուղարդ քննելու էին զբաղած :

Փոխանակուեցան լայն ժամաներ եւ « հըմ , հըմ » : Միւսիւ Վահրամ իր պետքերը ոլորեց՝ պատճառ ըլլալով որ տարեց մարդն ալ ոլորէ իրենները : Տարեց մարդը իր փողկապը առջեւ քաշեց՝ պատճառ ըլլալով որ Միւսիւ Վահրամն ալ առջեւ քաշէ իրենը : Անժէլին . կուրծքը կ'ելեւէջէր կշոյթով :

Այդ կշոյթը որ կուրծքերուն ակնարկելով կ'ըսէր — « մենք հոս ենք », յանկարծ թուաւ զնաց Մօսիկին մօտ , գրաւի գրուած յոյն կնոջ օղերը ևտառաւ , եւ անցուց իր տիրուհիին ականջներուն : Այս' , մենք հոս ենք :

### Ամուսինը ըստաւ .

— Անժէլ , մեր Միւսիւ Վահրամը հոս մօտը եկած է : Քանի մը ամիս Փաշա Լիմանիի ալիւրի Փապրիքային մէջ գործ ունի . . .

— Այս Տիկին , Փաշա Լիմանի ալիւրի Փապրիքային մէջ մեքենաներու զետեղում մը պիտի ընեմ :

— Ոհ , ի՞նչ կ'ըսէք . . .

— Ատոր համար ստիպուած է . . .

— Ատոր համար ստիպուած եմ . . . աւելի ճիշդէ ըսել կը նախընտրեմ , ամէն օր Գումզաբու չերթաւ չի դալ . . .

— Գումզաբուցի է Միւսիւ Վահրամը :

— Դուն սո՛ւ եղիր . . . երբ մարդ կը խօսի՞ . . .

— . . . Այս' , կը նախընտրեմ հոս մնալ : Ծովը եւ երթալ - գալը տաղտկալի բաներ են . . . Անկասկած եմ . . .

— Հարկաւ չըլլար . հոս պէտք է միալ : Շաբաթ գիշերները միայն տուն երթալը բաւական է :

— Այս Տիկին , բաւական է : Շաբաթ գիշերնե-

րը միայն : Երկուշաբթի առառւ կէնէ գործի :

— Ահ ի՞նչ կ'ըսէք... կէնէ՞ գործի...

— Ո՞ւ ներեցէք Տիկին, դարձեալ գործի պիտի  
ըսէի... Ո՞ւ Տիկին, անզամ մալ բնաւ, բնաւ...  
բացառաբար ներեցէք...

Դաւաթները իրարու զարկին, «բարի տեսանք»  
ըսին և ժպանցան : Իրենց կառսօնը որ սրունքները  
իրար քսելով արագօրէն կ'երթուվարձէր սեղաննե-  
րուն միջեւ, կանգ առաւ : Ծոելով իր երկու խոչոր  
մատները վարզադոյն աղջնակի մը գրանիը մխր-  
ճեց եւ դուրս քաշեց լօխումի մասնաւոր փոքրիկ  
պատառաքաղը : Յետոյ մեկնեցաւ գողօնին հետ՝  
առանց դիտողութիւն ընելու :

**Անժէլ՝**

— Միւսիւ Վահրամ, կը նշմարեմ որ մանկու-  
նակ եւ խիստ հաճելի թոթովախօսութիւն մը ու-  
նիք...

— Թոթովախօսութի՞ւն... Ո՞ւ, այո, թոթո-  
վախօսութիւն... լեզուդ սիրեմ... Այսինքն թէ,  
շատ անզամ այսալէս կ'ըսեն ինծի... լեզուս կը սի-  
րեն... մանկունա՞կ է միթէ... թոթովախօսու-  
թի՞ւն...

**Ամուսինը կոկորդը պրկեց եւ ըսաւ.**

— Ես ալ շատ կը սիրեմ :

Վահրամ գինի ապսալրեց, անմիջապէս վերջը  
ետ առաւ իր հրամանը եւ բթամատները անցուց  
բաճկոնակի entourneներուն : Կուրծքը ուռեցաւ՝  
անմիջապէս որ բթամատները ներս մտան : Միւսիւ  
Վահրամ ըսաւ թէ բողկ շատ կը սիրէ եւ զնեց խե-  
չախառ, որովհետեւ կը ծախէին : Շըջուն վաճա-

ոորդը երբոր հեռացաւ, եւ ամոլը սկսաւ ճաշակել, Միւսիւ վահրամ ամօթով խոստովանեցաւ թէ չէր գիտեր խեչափառին հայերէնը: Զէր գիտեր թէ խեչափառին կ'ըսեն խեչափառ: Ի՞նչ կ'ըսեն ըսաւ եւ երեքը մէկ սկսան մտածել, փնտռել, կրկնելով: — « Չաղանողին հայերէ՛նը... չաղանողին հայերէ՛նը... »: Տիկին Անժէլն է որ գտաւ բուն բառը, զայն արտասանելով համեստութեամբ, շրթներուն ծայրով.

— Խեցգետին կ'ըսեն:

Ամուսինը երդում ըրաւ թէ բառը լեզուին ծայրն էր, եւ պիտի արտասանէր, եթէ Անժէլ բոսկէ մը եւս ուշացած ըլլար: Այո՛, խեչափառին խեցգետին կ'ըսեն: Վահրամն ալ շատ գոհ մնաց, բառը բաղմաթիւ անդամներ կրկնեց աղմուկով, եւ ըսաւ թէ միշտ գետնին փակած խեչափառին անշո՛ւշտ թէ խեցգետին պիտի ըսէին: Յետոյ գիտել տուաւ որ ուտելիքի մը համը լաւ վայելելու համար, պէտք է զայն բնորոշող բառն ալ գիտնալ: Բոլորովին նոյնը չէր տարեց մարդուն կարծիքը: Ան ճըշդեց թէ... բայց Անժէլ խեցգետին կոչուող խեչափառի մէկ ոտքով սպառնաց, լոռւթիւն հրամայեց եւ անմիջապէս յետոյ արձակեց իր վճիռը.

— Ահաւասիկ բացէ ի բաց կ'ըսեմ... Միւսիւ վահրամը տունս կ'ընդունիմ: Դեռ քիչ մը առաջ բոլորովին հակառակ էի տունս բանսիօնէու ընդունելու գաղափարին: Շա՛տ, շա՛տ հակառակ էի: Գարեգինը կրնայ վկայել: Ան շաբաթներով զիս համոզել ջանաց բայց չկրցաւ: Ես վերջապէս երիտասարդ կին եմ... եւ չար լեզուներ շատ կան...

օ՛, շա՞տ կան . . . չեմ դիտեր ինչու, ինձմով շատ  
կը դրադին . . . Բայց դուք զիս դրաւեցիք Միւսիւ  
Վահրամ : Իսկապէս համակրելի էք, տաքարիւն  
էք . . . Բսել կ'ուղեմ որ ձեզի պէս մէկը ընտանիքի  
մէջ կարելի է մտցնել . . . Ընդունեցի . . .

Վահրամ չափաղանց գոհ մնաց, կարելի եղա-  
ծին չափ պերճ ոճով եւ առատ խոնարհութիւննե-  
րով իր երախտագիտութիւնը յայտնեց, մինչ Գա-  
րեղին կ'ըսէր .

— Օտար չենք նկատեր : Մեր ազդականին պէս  
պիտի նայինք :

— Օտա՞ր . . . Ե՞ս . . . Միթէ՞ այդ բանը կը հա-  
մարձակիք ըսել Տիկին . . . բնա՞ւ օտար չեմ նկատ-  
ուիր . . . Հա՛, Հա՛, Հա՛ . . . Այսինքն թէ ձեզ օտար  
չեմ նկատեր . . . Երջանիկ օրեր, անկեղծ եւ յաւի-  
տենական բարեկամութիւն կը մաղթեմ զջեղ . . .  
Անուշ ըլլայ զջեղ . . . Անկասկած եմ . . .

Մթագնեցաւ Անժէլին դէմքը : Կինը մտահո-  
գութեամբ գլուխը թեթեւ մը զարձուց եւ նայեցաւ  
իր ամուսնին : Գարեգին ալ նոյն պահուն կնոջ կը  
նայէր քովընտի ակնարկով մը : Երկու հարցական  
նշանները իրարու բախեցան : Վահրամ շարունա-  
կեց .

— Դեռ քիչ մը առաջ բոլորովին հակառակ էի  
ձեր տունի բանսիօննէռին . . . Այսինքն ձեր տունը  
բանսիօննէռ երթալու զաղափարին . . . Բայց դուք  
զիս դրաւեցիք Տիկին . . . Կ'ըսեմ բացէ ի բաց —  
Ընդունեցի . . . ներս պիտի մտնամ . . . Զեր պարապ  
սենեակին ներս պիտի մտնամ . . . Գարեգինն ալ ըն-  
դունեցի . . . Ան ալ իսկապէս տաքարիւն, իսկապէս

դրաւիչ... ո՞հ Տիկին, չգտնուածօրէն տաքարիւն  
է... Վա՛յ պապանըն նանընա... չըլտըրանայըմ...  
ա՛լ չեմ կրնար սպասել, ճաթիմ սլիտի, ճաթիմ սլի-  
տի Անժէլ... ներս մտա՛յ, պարապ սենեակէդ ներս  
մտա՛յ իմ շիշկօ Ժէժէլս... հա՛, հա՛, հա՛... էյ,  
ասիկա միտքէս չպիտի ելլայ... չըլտըրանայըմ...  
չըլտըրանայըմ...

Նորէն այր ու կին իրարու նայեցան եւ Անժէլ  
շառագունեցաւ բարկութեամբ: Վահրամ աճապա-  
րանօք պարպեց իր օղիին գաւաթը, յետոյ Անժէլին  
գաւաթը, խեղդուելու պէս եղաւ, ինդաց արտա-  
ռոց ճիշերով, փորը բռնելով, աղիքները ներս հրե-  
լով, աթոռը կճրտեցնելով: Աչքերը դուրս կ'իյնա-  
յին եւ Վահրամ կ'ըսէր արցունքներուն մէջէն.

— Շիշկօ՛ Ժէժէլս, ես քու պարապ սենեա՞կդ  
սիրեմ... ի՞նչ ալ աղէկ դրարառ կը խօսի շանդա-  
ւակ թօփիկս... քառչին պահարլը՛ քօփիկս... ո՞հ  
թոթովախօսութիւն... ո՞հ, մանկունակ թոթովա-  
խօսութիւն... ո՞հ զրաւիչ, ո՞հ զնարինչ... է՛յ  
չըլտըրանայըմ... քա սաւոր Փէլթէ՛կ ըսէ, Փէլ-  
թէ՛կ...

**Անժէլ դոչեց բարկաճայթ.**

— Ծօ ա՛ւանակ, քեղի ո՞վ ըսաւ քի գինով  
գաս: Քեղի հազար անդամ չըսի՞ որ ես գինով չեմ  
սիրեր: Լսէ նայիմ, ինչո՞ւ ասչափ շատ խմեցիր:  
Ո՞ւր խմեցիր: Ծօ դուն էրիկէ՞ս ալ չես ամչնար  
կոր... Ա՛խ, հոս չըլլայինք՝ քիթիդ բերնիդ մէկ  
հատ մը ուտէիր...

— Ոհ երբե՛ք զՁեզ օտար չենք նկատեր... քա  
աս մարդը բա՛նէ մը լուր չունի... Ազգականի պէս

պիտի նայի . . . Թոթովախօսութիւն մանկունակ . . .  
զետեղում եւ պօտուսում . . . խեցգետին եւ մեծգե-  
տին . . . Ամա՞ն, հասէք, փորս, չըլտըրանայըմ . . .

### Անժէլը՝

— Եերդ կ'անիծեմ Գա՛րեգին։ Դուն իմ ով ըլ-  
լալս չես դիտեր, Գա՛րեգին։ Քեզի աստեղ ամէ-  
նուն առջեւ մասխառա կ'ընեմ եթէ բերանդ բա-  
նաս։ Բսելիք մը ունիս՝ տունը կ'ըսես։ Հոս բա՛ռ  
չեմ ուղեր։ Սուս եղիր՝ ինքինքէս պիտի ելլամ։  
Անժէլը քու գիտցած կնիկներէդ չէ։ Եթէ գլուխս  
գառնայ՝ մա՛րդ մտիկ չեմ ըներ . . . Մա՛րդ մտիկ  
չե՛մ ըներ, գիտցած եղիր Գա՛րեգին . . . Գլուխիս  
գասը գացցած է՝ Գա՛րեգին . . .

Ամուսինը որ տժգունած էր եւ պեխերը ոլորե-  
լով ակնարկը կը տանէր իր կնոջմէն Վահրամին,  
Վահրամմէն իր կնոջ, աչքերը աւելի պղտիկցուց եւ  
ըստ ակուններուն մէջէն.

### Վա՛ – ա՛յ . . .

— Ներեցէ՞ք, , բացառաբար ներեցէք վշտա-  
կրած Տիկին . . . չէ՞, չկրցայ ինքինքս բռնել . . .  
Ամօթ չէ եա՝ չը կրցայ . . . պիտի ճաթէի, պիտի  
պայթէի, պիտի խեղդուէի, պիտի խենթենայի . . .  
Աման փո՛րս . . . զետեղում եւ պօտուսում . . . մին-  
չեւ մեռած օրս միտքէս չպիտի ելլայ . . . յաւիտեան  
միտքէս չպիտի ելլայ . . .

### Անժէլը՝

— Գարեգին՝ զետնին տա՛կը անցնելիք Գարե-  
գին . . . Տունը իմս, հողը իմս, կարասիները իմս,  
ամէն բան իմս . . . Օրուան ուտելիքին վարա՛ն պիլէ  
չես կրնար կոր վաստկիլ։ Դուն ինչի՞ս էրիկ մարդն

Ես . . . Քեզի պէս սարսախին՝ Արուսեակին պէս  
կնիկ կ'ուզէր : Նայէ՛, ան տախտակ շփելու ալ  
կ'երթայ, լաթ լուսալու ալ կ'երթայ . . . Ես ահոնց-  
մէ չե՛մ : Մէյ մը վրա՛ս նայէ . սպասուհի ըլլալիք  
կնի՞կ եմ ես . . . քեզ խաղք ու խայտառակ կ'ընեմ  
այստեղ, Գա՛րեզին : Քու վաստակիդ մնանք նէ՝  
վա՛յ պաշըմըզա . . . Էսէ նայիմ, ո՞վ տուաւ տու-  
նին վերկին . ո՞վ մաքրեց հացագործին չերէլէն . . .  
Ասոնք փարա կ'ուզեն, փարա՛ . . .

« Ասոնք » ըսած ատեն կուրծքն ու հագուստ-  
ները ցոյց կուտար, բերանը ծամածոելով : Ամու-  
սինը ըսաւ ակոաներուն մէջէն .

— Վա՛ — ա՛յ . . .

— Արեւդ սիրեմ Ժէժէլս . . .

— Թի՛ւհ քեզի պատասխանեց Անժէլ իր սիրա-  
հարին, աւելի բարկանալով . աս եղա՞ւ ըրածդ : Ես  
ասչափ յոզնիմ, Վիքթօռը մէջ խառնեմ, քեզ էր-  
կանս ճանչցնել տամ, աս ուահտէվուն պատրաս-  
տեմ, մէյ մըն ալ սօն քաֆքէյին աս ապուրը խառ-  
նես . . . Եկար չեկար՝ բանջարի պէս ականջներէդ  
հասկցայ խմած ըլլալդ, բայց աս խենթութիւնը  
միտքէս չէր կրնար անցնիլ . . . Ծո շա՛նդաւակ, քիչ  
մը ինքվինքդ չէի՞ք կրնար բռնել . . .

— Արեւդ սիրեմ Ժէժէլս, Փէլթէկին ինչո՞ւ  
թոթովախօսութիւն ըսիր . իմ անուշիկ չաղանօ-  
գիս ինչո՞ւ խեցգետին ըսիր . . .

— Վա՛ — ա՛յ . . .

— Գարեզին ինծի մի՛ բարկացներ : Նորէն կ'ը-  
սեմ Գարեզին՝ ինծի մի՛ բարկացներ . . . Թէովիկ-  
ներդ կ'առնես՝ ուզած տեղդ կ'երթաս եթէ զոհ չես

...թեւէդ բոնած չունիմ . ուղած տեղդ կ'երթաս ,  
ինէ աղէկին կ'երթաս . . . կը բաւէ քուկին ճեռքէդ  
քաշածս . . . Տունը իմս , հողը իմս , կարասիները  
իմս . . .

Արագ շարժումով մը Անժէլ իր ամուսնին ճեռքէն քաշեց առաւ ջուրի գաւաթը , զոր ան պարպելէ վերջ ճեռքը կը պահէր : Դարեզին յօնքերը պոստած՝ ակնարկը միշտ կը պարտցնէր դէմիններուն վրայ , եւ ձախ այտին բացխիկի ծալքերէն յայտնի էր թէ ակռաները կը ճզմէ :

Կառսօնը որ իրենց սեղանին վրայ նոր յանձնարարութիւն մը կատարելէ վերջ կը մեկնէր , կանգ առաւ : Ծուելով իր երկու խոչոր մատները վարդապոյն աղջնակին գրանը մխրճեց եւ դուրս քաշեց փայլուն մետաղէ սիրուն խցհան մը : Յետոյ մեկնեցաւ գոզօնին հետ՝ առանց գիտողութիւն ընելու :

— Վա — ա՞յ . . . Դեղագործին հետ օյինի ելար՝ աչք գոցեցի . Շմաւոնին հետ Պէյօղլուները գացիր՝ ներեցի . աղջկնութեան ըրածներդ՝ մոռնանք ըսի . . . Հիմա ալ ասո՞ր հետ ըրեր ես ընելիքդ . . . Տարիքը կ'առնէ կոր , ալ ինքոյինքը վա՛ր կը դնէ ըսի . . .

Անժէլ սաստիկ բարկացաւ : Թէ՛ վիճաբանութենէն եւ թէ մանաւանդ օղիէն կարմրած էր եւ կը հարուածէր իր ամուսինը՝ բառերու տեղատարափով մը : Անցեալը կը քրքրէր , ներկային վրայէն կը վերցնէր ամօթխածութիւնը պաշտպանող թուզի տերեւը եւ իր ակռաները ցոյց կուտար : Կ'ըսէր թէ առանց վաշըամի գրամին՝ մոխիրի վրայ նըստած պիտի ըլլային , եւ թէ իրն էր տունը , հողը ,

եւ այլն : Մահաւանդ « տարիքը կ'առնէ կոր »ը չէր կրցած մարսել : Կը թքնէր ձիթապառւղին կուաը : Բայց չկրնալով բարկութիւնը առնել, փոխեց յարձակողականի ձեւը եւ սկսաւ հեզնել : Քմծիծազով մը որ միայն մէկ այտին վրայ կը սողար, ըստ թէ Գարեգին էֆէնտին գիւրազզած է, բարոյականի զանցառութեան ներող չէ : Եւ իրբեւ մեծ սրամտութիւն՝ աւելցուց .

— Ա՛Հ, ամուսինս վափուկ է կացութեան մը պէս . . .

Վահրամ տեղին ելլելով խանութ մտաւ եւ քիչ յետոյ վերագարձաւ, հետը բերելով ձկնկիթ (խավեար) : Զայն լաւ մը հոտոտելէ վերջ ուղեց Գարեգինին կերցնել, եւ յանկարծ — անշուշտ այս վերջնոյն լոռութեան պատճառաւ — տիրեցաւ : Սաստիկ տիրեցաւ : Պիտի լար .

— Զէ՛, աս բանը ընելու չէի : Կնիկդ գործածեր եմ՝ աղէ՛կ . հիմա տունդ կուզամ կոր որպէսզի աւելի լաւ գործածեմ՝ աղէ՛կ . բայց աս բանը ընելու չէի . . . պէտք չէր որ ընէի . . . Քեզի պէս պատուական մարդուն, չէքէրի պէս մարդուն սիրուը կոտրելու չէի . . . ներէ՛ Գարեգինս, ներէ՛ . . . Աւանակ եմ, էշ եմ, բերնէս ելածը չեմ գիտեր . . . Արեւդ սիրեմ՝ ներէ . . . Դուն իմին բարեկամս ես, ներէ . . .

Մարդը կոկորդէն զամը դուրս հանեց եւ ըստ ակոաները սեղմած .

— Վա՛ — ա՛յ . . . բարեկա՛մ . . .

Եւ որովհետեւ արձանի մը պէս անշարժ կը մնար եւ իր պրստած ակնարկը չէր բաժներ Վահրամէն, այս վերջինը ամէն ճիգ թափեց ներողա-

մտութեան արժանանալու համար : « Հոգիս տամ քեզի ու ըստւ , եւ ձեռքը տարաւ իր հոգիին՝ ձիու դիմուն : Յանկարծ դրավանէն արցակ մը դրամատոմն հանեց , ճմոթկեց զանոնք , թքաւ վրան , կրկնեց թէ բարեկամութենէ զատ բան մը յարգ չունի իրեն համար , եւ վերջապէս , իրրեւ վերջին ժէսթ՝ ուղեց համբուրել Գարեգինը : Համբուրել Գարեգինին ձեռքը կամ դէմքը : Շատ որոշ չէ : Բայց գինով՝ տապալեց երկու սրուակներ , որոնք փշրուեցան աղմուկով :

Անժէլին գլուխն ալ բռնած էր : Կը խնդար բարձրածայն , կոտրած սրուակները ցոյց տալով , կուրծքը ալեկոծելով , եւ իր ամբողջ ուժով Վահրամին ոտքին վրայ կը կոխէր :

Վահրամ երբ որ չյաջողեցաւ Գարեգինը համբուրել , ուղեց զոնէ համբուրել Անժէլը : Բայց այս վերջինը զինքը վանեց՝ ըսելով թէ ինք զինովներէ չախորժիր :

Վահրամը՝

— Սրբուդ սիրեմ Ժէժէլս , զիտեմ որ կ'ախորժիս . . . զիտեմ որ այդ բանը չատ կը սիրես . . . Վահրամդ քեզի համար մէյ մը՝ մէյ մը տահա կ'ըլլայ , երբ որ դլուխը բռնէ . . . Հոգիդ սիրեմ՝ երդէ . ուրբաթ օրուան ալէս երդէ — Շարիօշ իչէր իչէր . . .

Անժէլ բացարձակօրէն մերժեց : Յետոյ նայեցաւ անուշ անուշ , իր սիրահարին երեք անդամ կրկնել տուաւ « անզամ մըն ալ չպիտի զինովնամ » խօսքը , եւ վերջապէս պահանջեց որ Գարեգինն ալ խնդրէ : Մարդը ըստւ ակռաները կճրտելով .

— Վա' — ա'յ . . .

Այն ատեն Անժէլ երգեց ցած ձայնով մը .

Շարիօշ իչէր իչէր սարըլըր պանա  
Աման աննէ , նանըմ աննէ , պէն վարըրըմ օնա  
Եւ այլն , եւայլն , օօօ'ֆ , ամա՞ն

Վահրամ կը ճառագայթէր : Ծափահարեց եւ  
Հրամայեց ձայնագրին որ իր ուղած եղանակները  
նուագէ : Լոյսերը վառած էին : Վահրամ հրամայեց  
որ աւելի շատ լոյս վառեն : Յետոյ խեչափառ մը  
օդը բռնած՝ սկսաւ կրկնել « Զաղանօղը եան , եան ,  
Սը'մ — բա'տ — եա'ն » : Եւ յանկարծ յիշեց որ ինք  
գինի ապսպրած էր : Եւ երկա'ր ատենէ ի վեր : Ո՞ւր  
էր այդ գինին : Ո՞վ ըսաւ թէ անմիջապէս յետոյ ետ  
էր առած իր յանձնարարութիւնը : Ո՞վ ըսաւ : Բայց  
Գարեգին հետզհետէ կը լեցուէր՝ պեխերը ոլորե-  
լով : Իր ամենաղաժան արտայայտութիւնն էր ա-  
ռած , եւ պիտի պոռթկար մէկ վայրկեանէն միւ-  
սը : Այլեւս անկարող էր ինքինքը զսպելու : Բերա-  
նը բացաւ , անշուշտ շատ կծու բան մը ըսելու հա-  
մար , բայց նոյն պահուն Անժէլ որ կ'ուղէր Վահ-  
րամին ոտքին վրայ կոխել , սխալմամբ կոխեց իր  
ամբողջ ուժով՝ ամուսինին կոշտին վրայ : Նեղ կօ-  
շիկին մէջ արդէն մարտիրոսացած կոշտին վրայ :  
Մարդը օդը ցատկեց :

Անժէլ պիտի խեղդուէր խնդալէն : « Ես մե-  
ռա'յ , ես մեռա'յ » կ'ըսէր , կողերը բռնելով , եւ  
իր միսերը կաս կարմիր էին եղած : Անոնք կը ցըն-  
ցուէին , կ'ուռէին եւ կը քրտնէին :

Եւ սակայն այս փոթորիկը դաղրեցաւ վայր-

կենարար : Երկվայրկեան մը բաւական եղած էր որ  
կինը մոռնայ իր արտառոց խնդուքը : Անշարժա-  
ցաւ, քար կտրեցաւ, աչքերը բանալով եւ թեւերը  
բռնելով մարմնէն հեռու :

Ամուսինը որ սրտին զարնող ցաւը մեղմելու  
համար հրաժարած էր իր սպասողական դիրքէն եւ  
հայհոյելով հանդերձ կը պարզէր օղիի գաւաթնե-  
րը, վահրամին հետ դլուխը զարծուց կնոջ, պա-  
տահածը հասկնալու համար : Անժէլ ըստաւ .

— Վո՞ւյ... քոսէյիս կապերը փրթան...

Վահրամ մեծ՝ բայց կեղծ լրջութեամբ եւ  
նոյնքան կեղծ ու խոր անձկութեամբ հարցուց թէ  
ի՞նչ պիտի պատահի : Միթէ սեղմիրանը չպիտի՞  
թուլնայ : Միթէ գէր Անժէլը չպիտի՞ ուսի : Եւ  
յանկարծ սիրահարը սկսաւ ծափ զարնել եւ երգել  
այն բառերը զոր մանուկները կը կրկնեն հնդկա-  
հաւերու դիմաց .

Քապառամազ'սըն քէլ Փաքմա

Աննէն կիւզէլ սէն չիրքին

Քապառամազ'սըն քէլ Փաքմա...

Բայց որովհետեւ Անժէլ իր ամուսինը կը յան-  
դիմանէր, խնդուք առթելով կապերու բեկանու-  
մին պատճառ եղած ըլլալուն համար, յանկարծ  
փրփրեցաւ Վահրամ : Անօրինակ զայրոյթով մը  
լուռթիւն հրամայեց : Պահանջեց : Զէր ուզեր որ  
այր մարդու մը համբերութիւնը չարաչար գոր-  
ծածուի : Զէր կընար հանդուրժել որ շաքարի պէս  
ամուսին մը ծաղրանքի առարկայ դառնայ : Թէ իր  
ներկայութեանը՝ այդպիսի բան չի' կընար ըլլալ :

Երբեք չէ եղած : Զէ՛ եղած : Ինք մարդ յարդել դիտէ եւ կին ըսուած արարածը շատ լու կը ճանչնայ : Շա՛տ լաւ : Ինքն ալ պակասութիւն մը դործեց , այս՛ , բայց որո՞ւնն է յանցանքը : Այս ժամանդութիւնը պատրաստողին : Այդ պատրաստողը շատ լաւ դիտէր թէ ինք մանուկի պէս մէկն է . կեղծաւորութիւն չի կրնար ընել . սուտ ըսողին ա՛չքը ելլայ . եթէ կեղծաւորութիւն ընէ՝ ինդալը կուզայ եւ կը մատնէ իր գաղանիքը : Խնդաց եւ մատնեց իր գաղանիքը : Բայց որքան ատեն որ ինք հսու ներկայ է , Անժէլը պէտք է դիտնայ որ Արժանապատութիւնը հսու ներկայ է : Լոռութի՛ւն : Վէ՛սկամ :

Ամուսինը խղճալի ձեւով մը նայեցաւ իր կնոջ սիրահարին , եւ յետոյ , այս պաշտանութենէն թէ՛ ոյժ առած եւ թէ զգածուած՝ սկսաւ կոնծել արագօրէն՝ վշտոտ բերանը ծամածուելով :

Նեղութիւն տիրեց : Ոչ ոք կը խօսէր : Վահրամ դէմքը կախած էր , քրտինքները կը ժողվէր ու կը նայէր իր ետեւը , կարծէք մեկնիլ ուղելով : Եւ ապահովաբար պիտի մեկնէր , եթէ այս լոռութեան մէջ յանկարծ չը պոռթկար տաքցած Գարեգինը : Բերանը պահած ջուրը կլից ան ու ըստաւ առաստաղին մէկ մարած լապտերը ցոյց տալով .

— Հէ՛յ Աստուածամար , աս ի՛նչ փորձանք իշեցուցիր գլխուս . . . աս ի՛նչ փորձանք . . . կնիկ չէ՛ , անէ՛ծք է . . . Տունս կործանեց , պատիւս մէկ փարայի ըրաւ , ցերեկս — գիշերս հարամ ըրաւ . . . Հէ՛յ Աստուածամար . . . ձանըմ ինձմէ ի՛նչ կ'ուղէք . . . չե՛մ կրնար , չե՛մ կրնար ծեծել . . . Ես անտէրէպէյի ամուսիններէն չեմ , չե՛մ . . . Երբեմն ա-

նանկ կ'ըլլամ որ մէկը ինծի թելադրէ կ'ըսեմ . . .  
Հապա անանկ չէ՝ երբեմն տկարները կը քնացնեն .  
ինսօթիզ է, ինչ է՝ ան կ'ընեն եւ ամէնէն ըլլալիք  
բաները ընել կուտան այդ զավալը մարդոց : Ա-  
նանկ ալ կ'ուղեմ որ մէկը ինծի թելադրէ : Հսէ . . .  
« Զա՛րկ Գարեգին . սա շիշէն առ, զա՛րկ գլխուն,  
զա՛րկ, կը պահանջեմ, կը պարտադրեմ . . . » :

Այս մատածումը չափազանց զուարճալի թուե-  
ցաւ Անժէլին, որ սկսաւ կրկնել կուշտ խնդութով—  
« Զա՛րկ Գարեգին, զա՛րկ : Զեմ ուղեր որ դրամ շա-  
հիս . չեմ ուղեր որ տունդ նայիս . միայն կնիկդ ծե-  
ծէ՛ Գարեգին . կը պահանջեմ Գարեգին . . . » :

Մարդուկին բարկութիւնը այնքան խղճալի  
էր, որ Վահրամն ալ սկսաւ խնդալ, եւ երկու սի-  
րահարները իրենց գլուխը մօտեցուցին Գարեգի-  
նին, իրենց քսան մատները ուղղեցին մարդուն աչ-  
քերուն, որպէս թէ զայն քնացնելու համար, եւ  
ըսին կշոյցթով .

— Զա՛րկ Գարեգին, կը պահանջեմ, զա՛րկ  
Գարեգին, կը թելադրեմ, ա՛ռ շիշէն, սա՛ շիշէն,  
Գարեգին, ի՛մ անդին . . .

Եւ իրաւ ալ մարդը զարկաւ : Բայց քովընտի  
տուած ապտակը շատ ձախաւեր էր : Եւ արդէն Ան-  
ժէլ զայն նախատեսելով կրցած էր խոտորել եւ  
հաղիւ թէ մարդուն մատներուն ծայրերը զպան  
կնոջ կղակին :

Եւ մինչ Անժէլ կը խնդար,  
Յանկարծ,  
Ցցուեցաւ Վահրամ .

— Թի՛ւհ կապած աւել, դուն ալ էրիկմարդ  
ես հա՞ : Աս խալթախին ասա՞նկ կը զարնեն :

Յաղթանդամ եւ գինով Վահրամը շառաչուն  
ապտակ մը իջեցուց Անժէլին : Յետոյ երկրորդ մը  
աւելի զօրաւոր, երրորդ մը, չորրորդ մը : Մանրա-  
բեռնուած սեղանը շրջեցաւ անիկարագրելի ջախ-  
ջախումով եւ կինը ինկաւ նստարանին վրայ, վեր-  
ջրն ալ տակը : Փառթիթի շողենաւ մը կը մօտենար  
նաւամատոյցին : Ֆանֆառին ձայնը խառնուեցաւ  
մեծ աղմուկին հետ : Միջամտեցին : Նաւուն լու-  
սարձակը կանգ առաւ շրջուած սեղանին վրայ :  
Կուրցած Սօկրաթոս եղբայրները կատաղօրէն բո-  
ղոքեցին լուսարձակին դէմ : Կառսօնները որ մեծ  
դժուարութեամբ ներս կը տանէին Վահրամը, հայ-  
հոյեցին անշարժ լուսարձակին դէմ : Նաւէն սկսան  
պօռալ — « Քէքէռէ՛զ, Ավոամ, Նառում, Պօխոռ,  
Էէվի . . . » : « Դրախտային »ի հրեայ յաճախորդնե-  
րը թեւերնին վեր առին եւ բողոքեցին : Անոնցմէ  
մէկը փախաւ՝ իրարանցումէն օգտուելով : Անժէլ  
չէր ուղեր ոտքի ելլել, որովհետեւ պատռած էր իր  
զգեստը եւ աղտոտած : Վարդագոյն աղջնակը դետ-  
նէն ժողվեց աթոռի մը տակ գլորած սիրուն աղի  
աման մը, որուն կափարիչը կը փայէր արծաթի  
պէս : Գրալանը դրաւ զայն :

Խանութին խորը Միւսիւ Վահրամ Սմբատեան  
կուլար մեծ աղմուկով :

• •

Գիշերին մէջ մարդ մը կ'երթայ առանձին :

Ամբողջութեամբ քակած է կօշիկին կոճակները եւ  
ձեռքը կը բոնէ , եկեղեցին պնակի մը պէս , իր օ-  
ժիքն ու փողկառը : Ոչ առջեւի կոճակը կայ , ոչ ալ  
ետեւի : Կարծէք թէ մարդը կը պարէ : Միայն սա  
որոշ է թէ կ'երգէ բարձրածայն եւ ուրախ .

Քապառամազ'սըն քէլ Փաքմա

Աննեն կիւզէլ սէն չիրքին

Քապառամազ'սըն քէլ Փաքմա

քէլ Փաքմա ...



ՄԱՆՈՒԿ ՄԸ  
ՏԱՐԵՑՆԵՐՈՒ ՄԵԶ

---

Խանքարնին որ գրեթէ միշտ խարդախութեան  
 մարմնացումն է, կը քալէ առջեւէն, կշուը ուսը  
 նետած: Իրեն կը հետեւի ածուխի ծանրաբեռն  
 կառքը որ խոր սուզի մէջ մտած է, եւ զոր երկու  
 գոմէշները կը քաշեն դժուարութեամբ: Անոնց շո-  
 ղիքները երբեմն մինչեւ գետին կը հասնին, ահոնց  
 վիզին մորթը ծալք – ծալք է եւ այս բոլորը Սկիւ-  
 տար է: Կառքին քովին գացող ածխավաճառը միշտ  
 կը նայի կրճտող մեծ կողովներուն, որոնցմէ վեր  
 կը ցցուին էլլէմէյի պատկառելի բաղուկներ:  
 «Շնորհաւոր Ծնունդ»ներ, «ամէն տարի բարով  
 հասնիք»ներ: Ածխավաճառը գրեթէ ամէն քայլա-  
 փոխի խորհուրդներ եւ հրամաններ կուտայ իր գո-  
 մէշներուն, որպէսզի ուշադրութեամբ քաշեն եւ

հուազ ցնցեն կառքը : Անոր սպաւոր սիրտը վեր չը  
հանեն : Իր լեռնցի խուլ ձայնին դէմ կը բռնեն բո-  
ժոժներ ու զանդակներ որոնք կախուած են գոմէշ-  
իերուն դլիսին վերեւ, երեք չուաններու վրայ, ձիու  
ու պոչերու հետ : Իրաւ է թէ անասունները թր-  
քերէն կը հասկնան եւ կը հպատակին իրենց տիրոջ  
հրամաններուն, սակայն կառքը կը ցնցուի դարձ-  
եալ՝ քմահան սալայատակին վրայ : Վար կ'իյնան  
«Հասնիք»ներ : Եթէ ահոնք առնուազն «բարով հաս-  
նիք»ներ են, չեն կորսուիր բնաւ, որովհետեւ ետե-  
մէն եկող դնորդը կը ծոփ ու կը հաւաքէ : Յետոյ  
ածուխի կտորները կրկին կը նետէ կողովի մը մէջ,  
երբ որ ձեռքերը լեցուին : Յանկարծ գոմէշները կը  
սկսին պարսկել իրենց աղիքը : Թրիքը կ'իյնայ եր-  
բեմի զարնուելով իրենց սրունքներուն, բայց ոը-  
րունքները չեն աղտոտիր բնաւ, որովհետեւ աղ-  
տոտ են արդէն : Թրիքը կ'իյնայ հաւկիթի մը պէս,  
ու կը կոտրի, կը տափակնայ, կ'ընդարձակուի : Ե-  
տեւէն եկող դնորդը որ այս արտածումէն տեղեակ  
չէ, յանկարծ կը ծոփ եւ... մէկ կողմ կը քաշուի :

Կառքը զեռ չէ անհետացած երբ որ դուռ մը  
բացուեցաւ ու փողոց ելաւ կին մը : Աջ ձեռքին մէջ  
ունի աղտոտ աւել մը, իսկ ձախին մէջ ծուռումուռ  
աղբակալ մը (Փարաշ) : Ուզզակի դնաց տաք եւ  
տակաւին շողեպատ քակորին վրայ, զայն հաւա-  
քեց ու տուն դարձաւ գոհունակ : Այդ գոհունակու-  
թիւնը բնաւ չարտացոլար սակայն իր դէմքին վր-  
րայ : Յիսունոց այս այրի կինը Ալէմտաղցի լեռնցի  
մըն է, չոր ու երկար : Իր առնական Փիղիքին՝ ինչ-  
պէս նաեւ կոշտ ու կոպիտ խառնուածքին պատճա-

ուաւ զինքը անուանած են Ճանտառմա : Անոր աչ յօնքին մէջէն խոշոր կոծիծ մը դուրս ցցուած է եւ փոքր աչքերը կարմիր են ու հիւանդոտ : Հակառակ որ տասներկու տարիէ ի վեր հաստատուած է Սկիւտար, ոչինչ փոխած է դիւղացիի իր կենցաղէն : Եւ տունը կը հոտի խմոր, երշիկ, պուղղուր, թառիսանա : Եթէ ասոնք չը հաշուենք, կրնանք ըսել թէ առանձին կ'ապրի ճանտառման : Բայց այդ հինգ սենեակնոց տան մէջ միսմինակ՝ չի ճանձրանար ընաւ, որովհետեւ կայ պարտէզը :

Հոս է ան՝ Պարտէզը : Հաւատարիմ ընկերը, անբաժան կողակիցը, ես ըսեմ սիրելին, դուք հակցէք՝ սիրելին : Սկիւտարի հրաշափառ արշալոյսին մէջ կը տարածուի ան, իր հաւատարիմ ամպերը ունի ախ, ինչպէս նաեւ իր սեպհական անձրեւը : Թութի, սերկեւիլի եւ կեռասի հինգ ծառեր : Անոնց կատարները իրենց բարձունքէն կը տեսնեն ամբողջ Բախլա թառլասին եւ Գատողդիւզը, իսկ պայծառ օրերուն՝ Մարմարայի պորտին վրայ ծփացող երկու կամ չորս կղզիները : Պայծառութիւնը դիտէ : Անշահ կիներ կան որոնք ոչ մէկ աչքառու ձիրք ունին : Ոչ գեղեցիկ են, ոչ լեզուանի, ոչ լաւ խոհարար կամ գուշակ, ոչ հաւատացեալ կամ անհաւատ : Բայց կը պատահի որ այդ անշահ կիներէն մէկը լաւ գործ մը տեսնէ իր կեանքին մէջ : Կոծելիք, պագնելիք մանչուկ մը աշխարհ բերէ : Այդպէս է Ճանտառման, որուն մանչուկը պարտէզն է : Հո՛ն պէտք է զինքը փիտոել ամէն օր : Կը փորէ, կը տնկէ, կը ջրէ, կը ցանէ իր երկու թաթերով : Իր ահարկու թաթերով՝ որոնց մէկ ձեռնոց միայն

կարելի է յարմարցնել, ցեխը :

Եւ բնականաբար պէտք ունի աղբի : Լո՛ւրջ աղբի : Բայց քանի որ մեղք կը համարէ այդքան հասարակ բանի մը համար քանի մը զրուշ ծախսելը, փողոցէն կը հաւաքէ չորքոտանիներուն ճգած աղտակութիւնը : Կնոջ այս սովորութեան ծանօթ են բոլոր գրացիները, որոնք զինքը կը ծաղրեն անվիրջ, մինչ փոքրերը կը զուարճանան : Երբոր լաճերը տեսնեն թէ ինքնակոչ աղբահաւաքը փողոց ելած է, իրենց գլուխը կը քերեն լսելով — «սաւոր դիմուն ի՞նչ խաղ խաղանք» : Եւ մի՛շտ ալ նոր բան մը կը գտնեն : Մէկ օր մը միայն խաղդ նշանաւոր եղաւ : Ասիր սա մեծութեամբ թիթեղի կտոր մը, բացիր ծակ մը անոր մէկ անկիւնը, ու կապեցիր այդ ծակէն թոռոցիկիդ երկար չուանը : Յետոյ թիթեղը ամբողջութեամբ ծածկեցիր աղբակոյտով մը ու զետեղեցիր փողոցին մէջտեղ : Յետոյ դացիր ընկերներուդ հետ պահուըտիլ նիկողոսենց դրան մէջ : Յետոյ սպասեցիք՝ չուանին ծայրէն ըռնած : Դանդաղօրէն կը յառաջանար ծանտառման, աւելը երերցնելով : Նախ բնաւ չանդրադարձաւ թէ աղբակոյտը կը շարժի : Բնա՛ւ : Իր հիւանդուտ աչքերը անկարող էին չուանը տեսնելու : Բայց քանի մօտեցաւ, թրիքը հեռացաւ : Լաճ, շա՛տ ինդացիր այդ օրը : Ծանտառման քիչ անիծեց, բայց շա՛տ ինդացիր այդ օրը :

Եւ սակայն կնոջ ամէնէն աւելի յամառ հակառակորդը շրջուն վաճառորդ մըն էր եւ կը կոչուէր Միրիկ : Ան ոչ երէց էր եւ ոչ ալ կրասեր : Գեղեցիկ ջրհանկիր — վաճառորդ մըն էր եւ ունէր էշ մը՝ ի-

ըեն պէս յամտու : Միրիկ կը խաղար Ճանտառմային  
հետ, և այս բանը հասկնալի է այն պատճառաւ որ՝  
ինչպէս առ հասարակ բոլոր աղքատի տղաքը որոնք  
կանուխէն շուկայ իջնելով կը զրկուին խաղէ, Մի-  
րիկն ալ « կաթէ կտրուած » էր եւ այս տարիքին  
մէջն ալ խաղ կը փնտոէր ու կը պահանջէր : Ճիշդ  
ինչպէս որ առանց մօր զուրդուրանքի մեծցած այ-  
րերը երբ որ ամուսնանան, իրենց կողակիցին մէջ  
մայրութի՛ւն ալ կը փնտոեն : Այն կորուսեալ բա-  
ժինն ալ կը պահանջեն : Միրիկ, երբ որ իր էշովը  
Ճանտառմային տան առջեւէն անցնի եւ կինը պա-  
տուհանը տեսնէ, անասունը կը կեցնէ անխուսա-  
փելիօրէն, եւ իրբեւ թէ ուժգնութեամբ էշուն պոչը  
քաշելով կ'ըսէ .

— Եյ չընե՞ս . զավալլը կնիկը ձեռքերը բացեր՝  
քեղի կը պէֆլէյէ կոր . . . նա՛, ըրէ՛ իշտէ : Աստծոյ  
սիրուն համար, սաւոր սիրտը թեթեւցո՛ւր . . . ը-  
րէ՛, ըրէ՛ . . .

Այս վերջին անպատկառ բացաղանչութիւնները  
ո եւ է կերպով չեն ազդեր Ալէմտաղցին վրայ : Ան  
լուռ եւ անայլայլ՝ կը խուզարկէ Պաղլար Պաշիի  
ընդարձակ պողոտան, կայմի մը զավաթը թառած  
նաւազի մը պէս : Եւ անմիջապէս որ նշմարէ խումբ  
մը հաւեր, բուռ մը ճիճղուկներ՝ հաւաքուած դո-  
մէշի, ճիռւ կամ նոյնիսկ էշու աղտեղութեան  
շուրջ՝ կը նետուի փողոց : Միշտ գէշ հազուած,  
ոտքերուն մուճակի նման շորեր, գլխուն գնչուի  
եազմա՝ շատ անդամ մինչեւ Խառամանցի յոյն նը-  
պարավաճառին առջեւ կ'երթայ աւելն ու աղբակա-  
լը բարտելով, եւ թրիքը հաւաքելէ վերջ կը վերա-

դատնայ հպարտ :

Այդ հպարտութեան պատճառը կայ : Ճիշդ քո-  
վի տունը կը բնակին Շաշի Սրապիոնենք, որոնք  
նմանապէս ունին մշակուած պարտէղ մը՝ եւ բնա-  
կանարար նաև պէտքը՝ աղբի : Սրապիոն աղա որ  
դործէ քաշուած պզտիկ մարդուկ մըն է, նոյնալէս  
դարձած է աղբահաւաք :

Եւ կը պատահի ախիսուսափելին :

Աղմուկով կը բացուին երկու դուներ : Սրա-  
պիոն աղա եւ Ճանտառմա միաժամանակ կը ոլա-  
նան գէսլի թարմ նպատակակէտը, աղբակալներն  
ու աւելները կարկառած՝ կամ գրեթէ . մուճակնե-  
րը քարշ տալով՝ կամ գրեթէ : Ո՞վ պիտի հասնի  
ամէնին տուած : Ալէմտաղցին երբ որ չը հասնի, կը  
վերադանայ հայհոյելով՝ կամ գրեթէ : Բայց  
մարդուկ Սրապիոնին համար մեծխօսիկութիւնն ու  
հպարտացումը անհրաժեշտ պահանջներ են : Հոս  
գրեթէ չկայ : Կ'ուզէ անպայման քաղել յոդնու-  
թեան պտուզը եւ յաջողութիւնը փողահարել : Ու  
յամբաքայլ, օրօրուելով եւ տատանուելով ծերու-  
կը կը մօտենայ կնոջ պատուհանին, եւ որովհետեւ  
աղբը ընդհանրապէս Ալէմտաղիի ճամբէն եկած է,  
կ'ըսէ բարձրածայն՝ ծանրաբեռն աղբակալը կար-  
կառելով .

— Նայէ՛, ասոր ապրա՛նք կ'ըսեն, ապրա՛նք...  
Ասանկ պատուական բաները ամէնքն ալ Ալէմտա-  
ղիէն կուգան... Մնառութեան առաջնակարգը քե-  
զի պէս Ալէմտաղցի՛ է... Հոդի՛ն սիրեմ ան Ալէմ-  
տաղիին...

Սկիւտարը կէս մը դիւղ է եւ կէս մըն ալ քաղաք : Թերեւս այդ է պատճառը որ կէս սոխակ մը միայն կայ լեռնցիին պարտէզին մէջ , եւ կէս մըն ալ՝ Շաշիին պարտէզին մէջ :

Այժմ երկու կէսերը պիտի գեղգեղեն , քանի որ արեւը դուրս ելաւ Զամլընայի ետեւէն : Ըսէ՛ , սիրական , արեւը ի՞նչպէս դուրս պիտի ելլէր եթէ Զամլընան չըլլար : Ո՞վ Սկիւտարի հրաշագեղ առաւօտ , երփներանդ ու գեղածիծաղ արշալոյս՝ որ բարձունքներէն կը տեղաս լոյսով , թրթռացումով , աւիշով եւ դեռ չաւարտեցի՛ . . .

Աքլորներուն կանչը կերկարի անվերջ , ու ճախարակի աղմուկով դոյլերը կ'իջնեն հորերուն մէջ , հորերը կ'ելլեն դոյլերուն մէջ : Ո՞չ , Սրապիոն

աղային կերած հացը վար չերթար, եթէ ձեռնածալ նստի: Հիմայ որ այլեւս ինք քաշուած է գործէ, կամ զործը քաշուած է իրմէ եւ իր աղջիկն ու փեսան է որ զինքը կը նային, մեծ մեղք կը համարէ օդտակարութիւն չունենալ տան մէջ: Անհրաժեշտօրէն պէտք է որ հասցնէ լոլիկ, դդում, սմբուկ, մըմբուկ, լուրիա, մուրիա, եւ այդ պատճառաւ իր արդար իրաւունքը կը նկատէ փողոցին բերքը: Իրեն բնաւ անվայել չի թուիր իր աղբահաւաքութիւնը, բայց երբեք չի ներեր որ Ճանտառման ալ նոյն բանը ընէ: Նախ որ կնոջ մը չի վայլիր: Ամօթ ըսուած բան մը կայ: Երկրորդ՝ ամէն ոք հաւատացած է թէ Ալէմտաղցին դրամ ունի, ֆէմէր ունի: Եւ երրորդ՝ որովհետեւ Սրապիոն ազա կը կարծէ թէ կինը այդպէս կը շարժի հակառակութեան համար միայն: Ի հեճուկս: Իր պատառը ձեռքէն կը խլէ հակառակութեան համար, որովհետեւ արդէն վէճ ունին ուրիշ խնդիրներու մէջ ալ: Նախ ջուրը: Իրենց հորերը որոնք երկու պարտէղները բաժնող տախտակորմին երկու կողմերը կը զանուին, իրերահաղորդ են: Կը բաւէ որ երկու թշնամի գրացիներէն մէկը քիչ մը շատ գործածէ, որպէսզի միւս հորին ջուրը նուազի: Եւ անմիջապէս տախտակորմին մէկ կողմէն միւսը կ'արձակուին լուտանքներ: Սրապիոն աղա պատկերալից հայհոյութիւններ գիտէ եւ միշտ նորեր կ'ստեղծէ, քանի որ իր երիտասարդ տարիքին մէջ եղած է ոսկերիչ, եղած է կարճահասակ: Իսկ Ճանտառման անխուսափելիօրէն կը կրկնէ նոյն պատասխանը — « խապախի չափ ալ չիկաս քի ջուրը

խմես տէ պօյ նետես » :

Առ մէ՛կ : Վէճի ուրիշ շարժառիթ մը ստեղծ-  
ծուած է նաեւ զրկից տուներում կոյուղիներուն  
պատճառաւ, որոնք իրարու կը միանան գլխաւոր  
անցքին մէջ թափելէ առաջ : Շաշի Սրապիոնենք  
կ'ամբաստանեն ձանտառման ըսելով թէ զձուձ  
կինը Հիւրբիէթէն ի վեր մաքրել չէ տուած իր զգ-  
ուելի ճամբան, եւ ա՛ս ըրաւ երկու :

Դեռ կայ նաեւ կատուին խնդիրը : Ամէն ան-  
դամ որ դիւղացիին աղատքեղի վաստուկ մարման-  
դը կոխոտուի, յանցաւորը անպայման Սրապիո-  
նենց փիսիկը կ'ըլլայ : Եւ « թավլու »ն (կատուին  
անունն է) կնոջ կողմէ անվերջ կը հալածուի, կը  
քարկոծուի, կոուի դաշտ քաշելով նաեւ Սրապիո-  
նին աղջիկը որ կուլայ : Անտարակո՞յս, « թավլու »ն  
շա՞տ գեղեցիկ անուն է, բայց ա՛ս ըրաւ երեք :

Ահաւասիկ բոլոր այս փոքր հակառակութիւն-  
ներուն կազմած մեծ բարկութիւնն է որ կուզայ կը  
պոռթկայ թրիքին առջեւ : Հոն է որ բաղխումները  
կ'ըլլան տաք ու վտանգաւոր : Իրաւ է թէ երկու  
ինքնակոչ աղբաւաքները գրեթէ միշտ պարտէզն  
են, բայց անտեղեակ չեն դուրսի անցուդարձին :  
ձանտառմային պարտէզը միայն տունին ետեւ չէ  
որ կ'երկարի, այլ քո՞վն ալ, փողոցին եղերքն ալ :  
Այնպէս որ կինը այն կողմի տախտակորմին ծակե-  
րէն կը նայի դուրս, ամէն անզամ որ միտքը իյնայ  
գոմէշ մը, էշ մը, կամ Սրապիոնը : Իսկ մարդուկը  
լուր կ'առնէ իր աղջկանը միջոցաւ : Դժբախտաբար  
տեղեկատութեան այս թանկագին աղղակը կոր-  
անցուց Սրապիոն աղա, որովհետեւ ամառուան

տաքերուն պատճառաւ իր աղջիկն ու փեսան Գարթալ զացին, ազգականներու մօտ մնալու համար քանի մը շարաթ։ Եւ որովհետեւ ձանտառմային փանսիօնէոն ալ, որ բժշկական ուսանող մըն էր, մեկնած էր արձակուրդի, երկու կէս սոխակները բոլորովին մինակ մնացին կողք կողքի։

Այդ օրերուն է որ պատահեցաւ դէպք մը։ Սրապիսին աղա գետնէն թղթապանակ մը զտաւ։ Այո՛, փողոցէն զտաւ։ Աւելն ու աղբակալը դրաւ վար, ոտքերուն առջեւ, թղթապանակը բացաւ եւ սկսաւ նայիլ թէ ինչ կայ մէջը։ Կիզիչ կէս օրէ վերջ մըն էր։ Ճիւղի մը վրայ թոչուն մը թիւ պատարագ մը կ'ընէր։ Ճանտառման ալ իր դուռը բացաւ եւ անոր մէջ կեցաւ՝ ապշութեամբ։ Նայեցաւ փողոցին մէջտեղ բարձրացող թրիքի կոյտին, նայեցաւ քիչ մը անդին կանդ առած մարդուկին եւ չը հասկցաւ թէ ինչու Սրապիսն չը վազեր դէպի նըսպատակը։ Ի՞նչ կը նշանակէ քու այս օրինազանցութիւնդ։ Ի՞նչ կը ծածկէ քու այս անպարկեշտ խաղդ։ Բայց առանց խորունկը փնտուելու, կինը յանկարձական որոշումով մը կ'ուղէ օգտուիլ մարդուն վրաղումէն, եւ կը ոլանայ աղտեղութեան վրայ՝ « փաչալը » հաւեր սարսափեցնելով։

Գլուխն ու թրիքը վեր առած պահուն միայն տեսաւ թղթապանակը։ Շառագունեցաւ կինը բարկութեամբ ու մօտեցաւ իր դրացիին։ Այս վերջինը որ աշնան տերեւի նմանող ակնոց մը դրած էր քիթին վարի ծայրը, կը ջանար թուղթի մը պարունակութիւնը ըմբոնել։ Բայց կնոջ ներկայութեանը անդրադառնալով՝ ըսաւ ակնոցներուն վրայէն։

— Աչքդ մէջը չը միա՛յ : Նայէ՛ . կայ չկայ՝  
Հինգ զրուշնոց մը կայ . . .

Դրամ ըլլալով՝ այդքան միայն կար : Իսկ ատ-  
կէ զատ Կարմիր Խաչի պարհանդէսի տոմսակ մը ,  
Շիրքէթը Խայրիէյի ժամանակացոյցը , դրոշմա-  
թուղթեր պարունակող փոքրիկ պահարան մը ,  
Պրուքլինի կամուրջը ներկայացնող կոյս բացիկ մը  
եւ յետոյ այն թուղթը՝ զոր Սրապիոն աղա կը ջա-  
նայ կարդալ : Բսաւ .

— Տղու մը գրպանէն խնկած ըլլալու է : Մեծ  
մարդու նգուան չէ աս :

Երբե՛ք , երբե՛ք այնքան միամիտ չէր դիւզա-  
ցի կինը որ այսքան վրան բաց սուտի մը հաւա-  
տար : Խորհրդածեց եւ հասկցաւ որ մարդուկը  
դիտմամբ թղթապանակին արժէքը կ'ուզէ նուազե-  
ցնել , որպէսզի իր «աչքը մէջը չը մնայ» : Եւ յե-  
տոյ , ո՞ւր տեսնուած է որ մանուկ մը թղթապանակ  
ունենայ : Քիթի՞ս կը խնդաս Շաշի : Ո՛չ , բան մը  
չըսաւ Ճանտառման , բայց փոխանակ հեռանալու ,  
աւելի մօտեցաւ դիմացինին , իր ծանրաբեռն աղ-  
քակալը մարդուն քիթին դէմ բռնելով : Գարենի  
ճանճեր աղմուկով կ'ելլէին ու կ'իջնէին երկու դը-  
րացիներուն միջեւ :

Մարդուկը կարդաց դժուարութեամբ .

« Զարադիւթանքի (պիւյիւ) գլխաւոր եղա-  
նակները տասն են : Անոնցմէ առաջինը՝ եւ ամէնէն  
գլխաւորը կը կոչուի Տաժիտ : Տաժիտը կրնայ ըլ-  
լալ ժէլաղինի թերթ մը , հաւու հաւկիթ մը որ ա-  
քաղաղի մը կողմէ սաղմնաւորուած չէ , բայց աւե-  
լի յաճախադէալօրէն կ'ըլլայ պուպրիկ մը զոր պիւ-

յիւնին մեղրամոմով կը ծեւաւորէ , անոր կարելի եղածին չափ տալով՝ զոհին դիմագիծը , զոհին ֆիզիքը : Պուպրիկի ծեւաւորման ժամանակ պէտք է որ պիւյիւնին վրան կարդայ անէծքներ , դիւթական բացաղանչութիւններ եւ թելաղբութիւններ : Պէտք է որ այդ պուպրիկին մէջ զնէ զոհին մէկ պատկերը , կամ մէկ թէ բազմաթիւ առարկաներ՝ զոր կը թումնք ստորեւ , եւ որոնք զոհին մարմինէն կուզան կամ անոր հետ մտերիմ շփման մէջ զըտնուած են : Այսպէս օրինակ — մաղ , կտրուած եղունգ , արիւն , չապիկի կտոր , թաշկինակ , գուլպայ » :

Սրապիոն աղա կ'այրէր արեւէն : Ետ քաշուեցաւ եւ ծառի մը շուքին ներքեւ շարունակեց ընթերցանութիւնը , աղրամանը ունենալով միշտ քիթին տակ :

« Այս Տաժիտը զոր շատ անդամ — շնորհիւ քահանայի մը մեղսակցութեան — կը կնքեն զաղտնաբար , կը ծառայէ սիրոյ եւ ատելութեան դիւթանքի : Առաջին պարաղային , դիւթողը զայն կը համրուրէ , կը դդուէ , կը շոյէ : Իսկ երկրորդ պարաղային՝ զայն կը կսմթէ , կը ճղմէ , բոցի մը վրայ կը հալեցնէ քիչ մը , բայց մանաւինդ . կը սկսի ասեղներով անոր ամրող մարմինը , կամ մարմնին մէկ մասը մասնաւորաբար ծակծկել : Զոհը այդ մասին վրայ ցաւ պիտի զգայ անպայման նոյն օրն իսկ կամ յաջորդ օրերը : Պէտք է շարա . . . շատա . . . չատա . . . » :

— Ինչո՞ւ կեցար , չկարդա՞ս :

Սրապիոն աղա որ ինկած էր դժուար ընթեռ-

նելի բառի մը վրայ, գլուխը վեր առաւ՝ այս սաստումէն ցնցուած։ Եւ շփոթեցաւ՝ կնոջ արտայայտութիւնը տեսնելով։ Ճանտառման մտիկ կ'ընէր իր ամբողջ ուշադրութեամբ՝ եւ կարծէք իր աջ յօնքին մէջի կոծիկը կրկնապէս աւելի զուրս ցըսուած էր։ «Աս ի՞նչ խենդ բան է» ըստ մարդուկը եւ էջը դարձնելով ուրիշ նոր տողէ մը կարդաց։

«Չարադիւթանքի երրորդ ձեւը կը կոչուի կուտակում։ Այս ձեւը կը զործածուի մանաւանդգաւառի վհուկներու, հովիւներու եւ բեկարոյժներու կողմէ, եւ միայն վնաս հասցնող դիւթանք մընէ։ Թշնամի ազարակապանի մը անասունները հիւանդացնելու կամ սպանելու համար կ'առնեն հորթի սիրտ մը, ջղջիկ մը, կամ . . .»։

Սրապիոն աղա նորէն քանի մը տող ցատկեց նեղսրտած՝ եւ հասաւ սա մասին։

«Հինգերորդ ձեւը իրաւ է թէ Եւրոպայի մէջ ալ կը զործադրուի, բայց ան մանաւանդ հանրածանօթ է Մատակասկար, Հնդկաչին եւ Քօնկօ։ Վհուկը երբ որ ուղէ մարդու մը կամ անասունի մը ոտքերը հիւանդացնել, ցաւցնել, բաւական է որ հողին մէջ անոնց ճգած հետքերուն վրայ կատարէ Բեւեռամխրճումը։ Այսինքն դամ մը միրճէ հետքին մէջ, կէս գիշերին, երբ որ լուսինը իր մոայլութեամբ . . .»

Շեշտակի իրարու աչքի մէջ նայեցան երկու դրացիները եւ Սրապիոն աղա ջղայնոտութեամբ թուղթը ճմոթկեց եւ գրապանը դրաւ թղթապանակին հետ՝ ըսելով թէ եթէ յարդի բան մը ըլլար, իր դէմը չէր ելլեր։ Յետոյ քիթին առջեւ բռնուած

ծանրաբեռն աղբակալը տեսնելով՝ կատղեցաւ:  
Դոչեց նողկանքով, քիթը - բերանը թթուեցուցած.

— Սա անդի՞ն տար պէ . . . Ուրտեղէ՞՞ն ալ կը  
դտնաս աս փիս - նէնապէք բաները . . . Դուն քիթ  
ըստւած բանը չունի՞ս . հիշ չունի՞ս . . .

Եւ տուն մտաւ պարապ աղբակալը բարտելով,  
մոլտալով, թքնելով :

Կոփւը սարսափելի էր : Սուր ճիչ մը արձակեց  
 Սրապիոն աղա եւ ճեռքը դվիխն տարաւ : Ճաղատ  
 գանկը կ'արիմէր : Նայեցաւ իր շուրջը եւ թի մը  
 տեսնելով յափշտակեց զայն կատաղութեամբ ու  
 խոյացաւ ճանտառմային վրայ : Կ'ուզէր ոչ միայն  
 հակահարուած մը տալ, այլ մանաւանդ կինը  
 գուրս վանել իր պարտէզէն : Բայց շուտով ըմբռնեց  
 թէ իր կրկնապատիկ Փիզիքական ոյժը ունեցող  
 այդ գիւղացիին հետ գլուխ պիտի չկարենայ ելլել :  
 Այն ատեն լքեց ամէն բան եւ փախաւ տուն, դուռը  
 ամուր մը ետեւէն գոցելով : Ինքնիրմէ ելած Ալէմ-  
 տաղցին նետուեցաւ խոհանոցի այդ գոց դրան վր-  
 րայ եւ սկսաւ զայն հարուածել կիցերով, եւ ճեռքին  
 տակը ինկած առաջին առարկայով, այսինքն

բոռւնցքներով։ Զբհանկիր մը ամչյնելու աստիճանն կը հայւոյէր, կ'ոռնար եւ կ'անիծէր փրփրերախ։ Դրամ քովի պատուհանէն ներս նայելով կը տեսնէր « քէշկէք ոի խոշոր սան մը, եւ ակնարկը անոր յառած կը պահանջէր որ մարդուկը դուռը բանայ։ Անմիջապէս, շուտով բանայ եւ իր դէմը գայ։ Ասնէն կը պահանջէր որ իր դէմը գայ, որպէսզի պատժուի, կողերը ջարդուփշուր ըլլան եւ սատկի ծեծին տակ։ Բայց չի կրնար դուռը կոտրել։ Այն ատեն ձանտառման քանի մը մեղք կը հեռանայ եւ դետնէն խճաքարեր հաւաքելով կը սկսի վար առնել տունին պատուհանները։ Պարտէզին վրայ նայող պատուհաններուն ապակիները բոլորն ալ ջարդ ու փշուր կ'ընէ, մեծ աղմուկով։ Արեւի սրանկիւն էջեր կ'իյնան պարտէզ ու կը նուաղին։ Այն ատեն Սրապիոն աղա փողոցին վրայի մէկ պատուհանը ելլելով սկսաւ աղաղակել դողդողաձայն։

— Հասէ՞ք, փօլիս կ'ուզեմ . . . փօլի՛ս . . . հասէ՞ք . . .

Բացուեցան դռներ ու պատուհաններ, հաւաքուեցան լաճեր, իսկ « թավլու »ն փախաւ լեղապատառ։ Դրացիները վաղեցին բացագանչելով, մուճակնին քաշքելով, իրենց թեւերը վեր առնելով, իրենց կերակուրները վար առնելով։ Կրցածին չափուժով կը պօռար Սրապիոն աղա, դողալով արդարութիւն կը պահանջէր, օրէնքէն պաշտպանութիւն կը պահանջէր եւ կ'ուզէր որ ներկաները իրենք դատեն զինքը եւ եթէ անարդար է՝ ըսեն բացէ ի բաց։ Իրենց մեռելներուն հոգուն համար։ Տուր նայիմ սա կօշիկները, անմիջապէս ոստիկանա-

տուն պիտի երթայ . դատարան պիտի գիմէ վա՛զն  
իսկ . այս անասունին ձեռքէն քաշածը միայն ի՛նք  
գիտէ . այլեւս մինչեւ կոկորդը հասած է : Բայց  
ինչո՞ւ ձեռքէն կը բռնէք . թողէ՛ք զայն . պիտի եր-  
թայ վար պիտի առնէ լեռնցին ապակիները : Իր  
անունը Սրապիոն է : Նաղիկ հաճըմ մարդուկին ա-  
րիւնոտ դլուխը վիրապատեց « Հէ՛յ օղորմած Աս-  
տուած » ըսելով եւ ուրիշներ ակռափ տալով նոյն-  
պէս գայթակղեցան : Սրապիոն աղա երդում պա-  
տառ կ'ըլլար թէ ինք երբ եւ իցէ պիւյիւ չէ ըրած ,  
թէ մտքին պոչէն իսկ չէ անցուցած այդ տեսակ  
պառաւական սուտ ու փուտ բաներով վնաս հասցը-  
նել Ճանտառմային : Թէ փողոցէն գտնուած թուղ-  
թը , այդ ապուշ թուղթը նոյն օրն իսկ պատուած  
նետած է : Եթէ սուտ կ'ըսէ՝ ասկէ հոն չ'երթայ :  
Աղջկանը խերը չը տեսնայ : Անպայման դրամը պի-  
տի առնէ կոտրած ապակիներուն : Հոս կայ օրէնք  
եւ արդարութիւն : Խեր մը ըրած պիտի ըլլաս նա-  
զիկ հանըմ՝ պուտ մը ջուր տուր : Պիւյիւին ինչ ըլ-  
լալէն անգամ լուր չունի ինք եւ անով զրադողնե-  
րէն ալ չախորժիր : Բայց որո՞ւ կ'ըսես : Պա՛տ ,  
պա՛տ , դուն խօսք կը հասկնա՞ս պա՛տ : Ապրի՛ս  
նաղիկ հանըմըս . . . էյ աղջիկս չիմանա՛յ , չիմա-  
նա՛յ Մեղրիկը . . .

Անկիւնի Խառամանցի յոյն նպարավաճառը  
գնաց Ճանտառմային դուռը զարկաւ , զոյդ մը  
խօսք ընելու համար , բայց գիւղացի կինը չուզեց  
դուռը բանալ եւ պատուհանէն վանեց մարդը կուլ-  
տօրէն : Այն ատեն թրքախօս Յոյնն ալ իր կարդին  
սկսաւ լեզուին տալ եւ սպառնալ կնոջ : Ըսաւ թէ

այլեւս վերջ մը պէտք է զնել Եօթն օրէ ի վեր շարունակուող կոխւներուն, թէ ամօթ ըսուած բան մը կայ, թէ ձանառառման թաղին մէջ ճշմարիտ փորձանք մը եղած է, եւ թէ՝ եթէ խանութին դուռը բաց ձգած ըըլլայի, իմ ով ըլլալս կը հասկցնէի: Զէի թոյլատրեր որ այդպէս կոպտօրէն...

Մինչեւ գիշեր Սրապիոն աղա պոռպոաց, ըրջաղայեցաւ եւ գլխուն քացախ զարկաւ, որովհետեւ վզին ու քունքերուն երակները ուռած էին եւ անդամները կը դողդղային: Վճռեց յաջորդ առաւոտուն կանուխ սաստիկանատուն երթալ: Պաշտպահութիւն խնդրելէ զատ՝ պիտի պահանջէր նաեւ կոտրած ապակիներուն փոխարժէքը: Երկարօրէն գումարեց ու բազմապատկեց պատուհանները, ապակեգործները, օրուան սակը եւ իր տասը մատները: Բայց յաջորդ առաւոտուն հիւանդ էր: Սրտին բարախումները սաստկացած էին, մէջքը կը ցաւէր, գլուխը կը դառնար, ծունկերը կը կոտրտէին: Դրացի նազիկ հանըմը եկաւ զինքը խնամեց, անվերջ խօսելով եւ սուրճ խմելով: Ապրի՛ս նազիկս ըստու մարդուկը եւ յաջորդ օրուան յետաձեց իր գիմումը: Օր մը վերջ Սրապիոնին վիճակը ու եւ է փոփոխութիւն չէր կրած, միայն բարձրացած էր կոտրած ապակիներուն արժէքը:

Պարտէզները ամայացան: Անմոռանալի այդ կոխւէն վերջ երկու տարէց դրացիները գուրս չերան իրենց տուներէն: Սրապիոն աղա որ սաստիկ կը վախնար հիւանդութենէ, նազիկ հանըմին խորհուրդին հետեւելով չէր շարժեր բազմոցին անկիւնէն: Այս կինը իր ամբողջ կարելին ըրաւ, հանդար-

տեցնելու համար խոռված ծերուկը։ Ըստ թէ Մեղրիկին բացակայութիւնը զգացնել չպիտի տայ, թէ ինք տան անդամը կը նկատուի եւ իր պարտականութիւնը պիտի կատարէ յօժարութեամբ։ Եղա՛ծը ինչ է որ . . . կը բաւէ որ քեզի տաք ապուր մը խմցունեմ, կը բաւէ որ քեզ լաւ մը քրտնցնեմ ու լմնցաւ զնաց։ Բայց օր մը վերջ արդէն Նազիկ հանըմ այլափոխուած էր։ Յաջորդ առաւօտուն շատ կանուխ եկաւ մարդուկին քով ու տեսնելով որ բարախումները չեն մեղմանար, զարմացաւ մեծապէս։ Նախ քանի մը անորոշ բառեր կմկմաց, զգացուց որ մտահոգ է, լեզուին տակը բան մը կայ, եւ յետոյ մէկէն՝ այլեւս անկարող իր յուղումը զապելու՝ պոռթկաց։ « Ասոր տակը բան մը կայ » ըստ ան։ Ինք տասնըչորս տարիէ ի վեր Սրապիոն աղան հիւանդ չէր տեսած։ Թո՛ղ ըլլայ՝ տասներեք։ Զէ՛ր կրցած իսկ զայն հիւանդ երեւակայել։ Ամրող գերդաստաննին այդպէս քաջառողջ ճանչցած էր։ Ուրե՞մն։ Ինչէ՞ն գիտնամ որ ան ջատուկը պիւյիւ չէ ըրած։ Ինչէ՞ն գիտնամ որ իր մեղքը ծածկելու դիտումով քեզ չէ ամբաստանած։ Օ՛, ան հրէշէն ամէն բան պէտք էր սպասել։

Զափաղանց խոռվեցաւ մարդուկը։ Նախ բնաւ չուղեց հաւատալ, իր տկարութիւնը վերագրելով եօթն օր տեւող յուղումնալից կոխւներուն, բայց վերջը ստիպուեցաւ ճանչնալ իր գերդաստաննին քաջառողջ կազմը։ Յիշողութիւնը պրալտելով աւելի տագնապեցաւ։ Անդրադարձաւ որ իրաւամբ թղթիկը գտնուելէն օր մը յետոյ արդէն ասղնտուք մը սկսած էր մէջքին մէջ։ Այո՛, այո՛, կը յիշէր։ Բա-

բակ եւ թեթեւ բան մը՝ զոր լուրջի չէր առած։ Ուրո՞ւն մտքէին կ'անցնի։ Գլուխն ալ սկսած էր դառնալ ջուր քաշած ատեն, բայց որո՞ւն մտքէն կ'անցնի։

Եւ յանկարծ կը փրփրի ծերուկլը։ Կ'ուղէ դուրս նետուիլ, երթալ ոտքին տակը առնել Ալէմտաղցին, անոր դլուխը ջախջախել։ Իր այս կատաղութեան դէմ ծիծաղեցաւ նազիկ հանրմ։ Տղա՛յ ես իրաւ որ պէսէք ես, եթէ անոր դիւթանքը քեզ կապած է՝ սպաննութիւնն իսկ դարման չի կրնար ըլլալ։ Մա՛հն իսկ պիւյիւն չի կրնար քակել։ Ուրի՛շ, ուրի՛շ բան պէտք է խորհիլ։ Եւ քանի խորհեցան, այնքան սաստկացան բարախումները։ Մարդուկը վստահ էր թէ այլեւս ոչ դեղն ու բժիշկը օգուտ ունին, ոչ ալ քրաինքը որ ահաւասիկ կ'իջնայ իր ծոծրակին։ Միայն հակաղիւթանքն է որ զինքը կրնայ փրկել։ Բայց ո՞վ եւ ինչպէ՞ս պիտի հակաղիւթէ։ Երկին բարձրացաւ ապակիններուն արժէքը։

Այլեւս տարակոյսի առարկայ չէ գաւառացի կող չարաղիւթած ըլլալը։ Մրապիոն աղա կ'ըսէ թէ երրեք ոխերիմ թշնամի չէ նկատած այդ կինը։ Այս, անհաճոյ դրացի մը՝ բայց այդքան միայն։ Հետեւարար պատճառ չունէր անոր դէմ այդքան աւատոր վրիժառութեան դիմելու եւ տունը քանդելու։ Մինչդեռ ձանտառման իր կողմէն խոր ատելութիւն մը կը սնուցանէր Մրապիոն աղային եւ իւրեններուն դէմ։ Ուրքէն մինչեւ գլուխը մաղձ էր, եւ շատ լմբանելի է որ դիմէ վրիժառութեան այդ վառ ձեւին։ Այս մասին կատարելապէս համակարծիք եղան նազիկ հանրմ եւ Մրապիոն, բայց հա-

կառակ երկարատեւ պրավումներու , չկրցան հակադիւթանքի ազգու միջոց մը զանել : Մարդուկը խորհեցաւ պախընի Սօֆիկին դիմել , «ցեխ մըն է պատին զարնել» , բայց յետոյ սկսաւ աւաղել գըլուխը հարուածելով , երբոր Նաղիկ ըստաւ .

— Ինչո՞ւ դտած թուղթդ իր առջեւը կարդացիր :

Կը միշեր իր աներեւակայելի թեթեւամտութիւնը եւ կ'աւաղէր : Ինչպէ՛ս , ինչպէ՛ս ապուշութիւնը դործեց կնոջ առջեւ կարդալու : Եւ ամբողջութեամբ կարդացի : Մէկ ծայրէն միւ՛սը կարդացի : Բոլոր մանրամասնութիւններով կարդացի : Եւ ան ջատուկը միտքը պահեց ամէն բան , մինչ Սրապիոն տեղն ու տեղը մոռցաւ եւ թուղթն ալ պառնեց :

Բայց Նաղիկ հանրմին գայթակղութիւնը իր գաղաթնակէտին հասաւ , երբ կէսօրէ վերջ տեւան թէ Տէր Արբահամը ճանտառմային դուռը կը զարնէ : Դուռը անմիջապէս բացուեցաւ , ներս առնելով կրօնաւորը : Նաղիկ հանըմ կարծէք թէ կրակներու վրայ կը քալէր՝ բազմոցին անկիւնը նստած : Գորագոյն սրբապղծութիւնը նկատեց վհուկի մեքնայութիւններ ընելէ վերջ եկեղեցիին Սուրբ Հովանիին տակ մտնել , անոր պաշտպանութիւնն ու օժանդակութիւնը հայցել : Ուղեց փէշերը ժողովլով երթալ աչքերը բանալ անտեղեակ կրօնաւորին , կամ գոնէ երէցկինը տեսնել եւ իրողութիւնը պատմել « տեղն ի տեղօք » :

Այնքան խոր էր իր գայթակղութիւնը որ ջղոյնուառութեամբ կը բանար ու կը դոցէր փոքրիկ սա-

տուհանը, միշտ նայելով Ալէմտաղցիի տան։ Եւ յանկարծ պօռաց սեւ գոզնոցով աղջկան մը։

— Յասմիկ, քա Յասմիկ, Տէր Աբրահամը քո-  
վի տունէն դուրս ելլելուն պէս հոս կանչէ։ Հաս-  
կրցա՞ր, ըսէ քի հոս գայ… հասկցա՞ր, քեզի՛  
եմ…

Խոշոր աչքերով բայց առանց արտայայտու-  
թեան, մտիկ ըրիր կնոջ յանձնարարութիւնը։ Խո-  
շոր աչքերով նայեցար կնոջ, ակնարկդ չը խոնար-  
հեցուցիր, բառ մը չարտասանեցիր, ստիպելով կի-  
նը որ իր խօսքերը կրկնէ։ Գոզնոցիդ եզրը ոլորե-  
ցիր, յամառօրէն նայեցար Նաղիկ հանըմին եւ յե-  
տոյ յանկարծ վազելով փախար։

Բայց պատուհանէն անէծքներ թափեցան։ Ար-  
դէն բարկացած Նաղիկը աւելի եւս կատղեցաւ ու  
աղջկան հասցէին արձակեց այն զարշելի խօսքերը  
(երկու աչքերդ կուրնան, սատկիս, ճղակտոր ել-  
լաս) որոնք այնքան շուտ կուզան այս տեսակ կի-  
ներու բերանը։ Նաղիկը հանըմ ըսաւ թէ աշխարհի  
վրայ բարիք ընել չը վայլեր, ո՛չ իսկ որբերուն։  
Ի՞նչ էր որ Յասմիկը։ ո՛րբ մըն էր։ Այո՛, իր յիմար  
եղրօր աղջիկը, բայց որբ մը։ Եւ Նաղիկ հանըմ մի-  
թէ իր զաւկին պէս չէ՞ր խնամած զայն։ Միթէ  
քի՞չ զուրգուրանք տուած էր անոր։ Բայց բարիք  
ընել չը վայլեր այն արարածին՝ որուն ծնունդը  
գէշէ։ Յասմիկ իր պոռնիկ մօրը կը նմանի ճիշդ ու  
ճիշդ, Նաղիկին բոլոր ըսածներուն հակառակը կ'ը-  
նէ … փորձա՞նք է, անէ՞ծք է…

Մինչ այս սակայն՝ ուրիշ փոթորիկ մը կը  
փրթէր դրկից տան մէջ։ Տէր Աբրահամը որ կէս

օրուան իր թրքավարի ճաշէն անմիջապէս յետոյ անխոհեմաբար առանց արեւարդելի եկած էր մինչեւ Ալէմտաղցիին տունը, սենեակ մտաւ թէ չէ՝ գլխի պտոյտ ունեցաւ: Կիզիչ արեւը եւ մշտափակ սենեակին ծանր մթնոլորտը դարկած էին: Բայց Ճանտառման փոխանակ Տէր հօր խնդրած դաւաթ մը ջուրը բերելու, սկսաւ աղաղակել, ձեռքերը դալարել, ըսելով թէ տունը անէծքով եւ պիւյիւով լեցուած է, թէ ոգիններ կան, « մեղմէ աղէկներ » կան, թէ քահանային նուաղիլն իսկ ապացոյց է որ . . .

... Երկարօրէն կը պատմես ու կը բացատրես ամէն բան: Կ'ըսես թէ պատճառ չունէիր Սրապիոն աղային գլուխը պատռելու, ապակիները փշրելու, եթէ քեզ չարադիւթած չըլլային: Դուն չար կին չէիր, բայց Սրապիոն աղա անսահման ատելութիւն մը կը սնուցանէր քեզի զէմ: Կա՛րճ էր, կա՛րճ: Այսինքն ոտքէն մինչեւ գլուխը մաղճ էր: Բաղմաթիւ եւ անարդա՛ր էին իր ատելութիւնները, բայց քանի որ անկարող էր Փիղիքական ոյժով քեզ ըղզետնելու, շատ բնական է որ . . . : Թուղթը դտնուելէն օր մը յետոյ արդէն մէջքիդ մէջ ասղնտուք մը զգացած էիր: Նախապէս դուն այդ բանին շատ կարեւորութիւն չէիր տուած, որովհետեւ բարակ եւ թեթեւ բան մըն էր: Որո՞ւն մտքէն կ'անցնի: Գլուխդ ալ սկսած էր դառնալ « մալթա»-ները շփած ատենդ: Իրաւ է թէ առաջ ալ ամէն օր այդ տեսակ ցաւեր ու անհանգստութիւններ կը զգայիր՝ այն պատճառաւ որ հողին վրայ երկար ատեն հակած կը մնայիր, բայց նոյնը չէ՛, բնա՛ւ-

նոյն բանը չէ : Միթէ դուն քու անձեռ չե՞ս ճանչնար : Տէր հա՛յր, մենք Ալէմտաղցի' ենք, Ալէմտաղցի'... Հիւանդութիւն ինչ ըսել է չե՛նք դիտել :

Յաջորդ օրերու ընթացքին սկսած էին շատնալ չարադիւթանքի աղղանշանները : Շատ սովորական առարկաներ սկսան կորսուիլ . հացին դանակը, միս ծեծելու տախտակը, ասեղին բարձը : Հորին ջուրը քաշուեցաւ ամբողջութեամբ : Իրաւ է թէ ամառուան այս տաքերուն ամէն տարի ալ ջուրը կը նըռուաղի, բայց երբե՛ք, երբե՛ք այսպէս մէկ գիշերուան ընթացքին չի քաշուիր : Կեռասի մէկ ծառը վերջնապէս չորցաւ, բայց ամէնէն վրդովիչը՝ տունին մէջ ձայներ սկսան լսուիլ գիշեր ատեն : Կարծէք թէ պղտիկ դպիրներ սանդուղներէն կը բարձրանան եւ կ'իջնեն : Իրաւ է թէ տունը հին եւ փայտաշէն ըլլալուն պատճառաւ առաջ ալ կրճառուքներ կը լսուէին, բայց նոյնը չէ՛, բնա՛ւ նոյնը չէ : Միթէ ինք իր տունը չի՞ ճանչնար : Հապա՛ դանկիի դէպքը : Արձակուրդի մեկնած բժշկական ուսանողին սենեակին մէջ մարդու գանկ մը կար որ իրիկուն մը շարժեցաւ իր տեղէն : Երբ որ ծանտառման աշքերը վրան յառած կը նայէր, գանկը շար ... շար ... ժեցաւ ...

Այս վերջին դէպքն է որ ամէնէի աւելի աղղեց դիւդացի կնոջ վրայ, որ այլեւս չբաւականացաւ պարզ սաստերով եւ մարդուկին գլուխը պատռելէ վերջ ապակիներն ալ ջարդ ու փշուր ըրաւ :

Ահաւասիկ հինգ օրեր անցած են այդ կոփէն ի վեր, եւ քանի որ Ճանտառմային ցաւերէն ոչ մէկը

մեղմացած է, տան ազմուկներէն ոչ մէկը լուած է, կինը երկար խոկումներէ յետոյ Տէր հայրը դուած է իրբեւ փրկութեան վերջին յոյս : Հայր սուրբ, գուն ինծի ազատէ կ'ըսէ Ալէմտաղցին, կրօնաւորին սքեմին կառչելով, աղերսանքով, պաշտանքով : Ու կ'աւաղէ անվերջ :

Կ'աւաղէ՝ թուղթը Սրապիոնին ձեռքէն խլած չըլլալուն համար : Կ'ըսէ թէ երբ հրէշանման ծերուկը անդրադարձաւ թէ գրութիւնը իրեն հարկաւոր տեղեկութիւններ կը պարունակէ, ծալելուն պէս գրալանը դրաւ ու տուն փախաւ : Լորտեելով կարգացած քանի մը կիսկատար տողերէն ինք ոչինչ հասկցաւ, մինչդեռ Սրապիոն այժմ աղետալի դեղադիրը առջեւը առնելով ամէն ինչ կը գործադրէ կէտ առ կէտ : Օ՛, պէտք էր խլել, պէտք էր խլե՛լ ձեռքէն . . .

...Գիւղացի կինը ընկերացաւ Տէր հօր : Երբ որ բաց դրան մէջ կեցած տակաւին նոյն խօսքերը կը կրկնէին, Միրիկ իր էշը կեցուց : Իր էշը կեցուց փողոցին մէջտեղ եւ անոր պոչէն բռնեց կրկին քաշելու համար : Սակայն անասունը ինքնարերաբար սկսաւ արտաքսել : Այն ատեն Միրիկ պոչը թող տուաւ եւ թեւերը բանալով ճշաց . . .

— Սա՛նկ ըսէ . . . Անոր համա՛ր տէրտէրը կանչեր է . . . Տէր Աբրահամին ոտքը խըսմէթլի է, վկ'սսկամ . . . Մտա՛ծ տունը հարսնիք կ'ըլլայ . . . Անոր համա՛ր կանչեր է . . .

Քահանային այս այցելութենէն վերջ շաբաթը  
 հաղիւ թէ լրացած էր երբ որ անսպասելի ուղղու-  
 թիւն մը ստացաւ երկու դրացիներուն վէճը, Տէր  
 Աքրահամին պատճառաւ։ Ան կրօնագիտութիւն կը  
 դաստիօսէր Ճեմարան Վարժարանին մէջ, եւ երբ  
 սկսող տարուան իր առաջին դասը աւարտեցաւ եւ  
 ինք դարձաւ ուսուցչանաց, անմիջապէս շրջա-  
 պատուեցաւ իր երկու պաշտօնակիցներով որոնց-  
 մէ մէկը կ'ուզէր աւելի տեղեկութիւններ ստանալ  
 ծանօթ կոփիւն շուրջ, իսկ միւսը կ'ուզէր աւելի  
 դուարճանալ։ Հոդ է որ Քահանային խօսքերը ուրիշ  
 պատճառներու միանալով դրդիչը եղան ուսուցչու-  
 հիի մը աբարքին։

Նոր, գեղեցիկ եւ չափազանց լուսաւոր ու-

սուցչանոց մըն է աս , որ ատենը անդամ մը կը փոխէ թէ իր գոյնը եւ թէ իր լոյսը : Երբեմն առաստաղէն , եւ երբեմն ալ պատերէն ու անկիւններէն կ'արձակուին լոյսեր , շուքեր , բայց ամէնէն աւելի կարմիր լոյսն է որ գանակ մը ձեռքին՝ կը զուարճանայ սենեակի մթնոլորտին հետ : Այս բոլորը շատ մեծ պատուհաններուն դուբսի կողմը կախուած դրօշակին պատճառաւ , որ վեր կ'ելլէր , կ'ուռէր պարօնի մը պէս , եւ յետոյ կը պայթէր : Դպրոցին պարտէզներուն աջ կողմինը (մանչեր) կը ճշար , իսկ ձախ կողմինը (աղջիկներ) կը կըտկըտար : Թէ եւ այս աղմուկը մեղմանալով է որ կը հասնէր ուսուցչանոց , բայց ան սաստկացաւ յանկարծ որովհետեւ ետեւի յունական վարժարանն ալ իջաւ խաղի : Պարոն Գավուքճեան ըսաւ թէ ամբողջ դասի տեւողութեան մեծ ճիդ թափած էր իր խընդուքը զսպելու համար : Ամէն անդամ որ վերցիշած էր կրօնաւորին պատմութիւնը , ուղած էր պօռալով խնդալ : Թէ՛ իր լսած պատահարները անհաւատալի կը գտնէր , եւ թէ սաստիկ զուարճալի : Բայց սաստիկ :

Օրիորդ Լիւսին դաժան ակնարկ մը նետեց իր պաշտօնակիցին վրայ եւ ըսաւ թէ ինք , Օրիորդ Լիւսի , ճիշդ հակառակ զգացումն ունեցած էր : Ամբողջ դասի տեւողութեան մեծ ճիդ թափած էր զսպելու համար իր զայրոյթը : Որովհետեւ ինք , Օրիորդ Լիւսին , այս տեսակ դէպքերու առթիւ չէր խնդար ինչպէս որ դուք կը խնդաք , որովհետեւ այր էք որով նաեւ անփոյթ , այլ ինք , Օրիորդ Լիւսին , կ'ընդվզէր , կը բողոքէր :

Ուսուցչուհին այս խօսքերը կ'ըսէր իր դէմքը  
Պարոն Դավուքնեանի դէմքին ճիշդ առջեւը բռնե-  
լով, գրեթէ քիթ քիթի: Եւ իր ակնարկը երիտա-  
սարդին աչքերուն մէջ միսրճած կը կրկնէր — « քե-  
զի՛ եմ Տէր Հայր, քեզի՛: Մե՛ծ ճիպ թափեցի գայ-  
թակղութիւնս զսպելու համար » :

Այսքանով չը բաւականացաւ Օրիորդը, և ձեռ-  
քը բարձրացնելով ուզեց մտերմական ապտակ մը  
տալ ուսուցչին, բայց այս վերջնոյն սառնութեանը  
պատճառաւ ստիպուեցաւ անոր ուսին վրայի կա-  
մինի փոշին միայն թօթուել:

Քահանան գոհ էր եւ կ'ըսէր թէ դուն քու խըն-  
դուքդ զսպելով, ան ալ իր զայրոյթը զսպելով նոյն  
աշխատութիւնը կատարած կ'ըլլայինք: Այսինքն  
երկուքդ ալ կ'երթայիք դէպի Քրիստոնէութիւն: Այնպէս չէ՞ միթէ Քրիստոնէութիւնը զսպում է,  
ինքնազապում: Երկու ուսուցիչները լոեցնելէ վերջ  
ժպտեցաւ Տէր Հայրը իր դեւքին յաջողութեանը  
վրայ եւ յետոյ հին նիւթին վերադառնալով խօսե-  
ցաւ խաղաղ ձայնով մը: Երբ այլեւս ըսելիք կը մը-  
նայ երկու թշնամի դրացիներուն մասին, օրիորդը  
հարցուց՝ կրօնաւորին սիկառէթի ծուխը վանելով.

— Ի՞նչպէս միջամտեցիր Տէր Հայր, դուն մեզի  
ա՞ն պատմէ: Մնացեալը գրեթէ ես արդէն լսած էի:

— Աղջիկս, ի՞նչ կ'ուզես որ ընեմ ըսաւ Տէր  
Արրահամ: Պէտք եղածը կրկնեցի երկուքին ալ:  
Բացարեցի թէ մէջտեղը պիւյիւ ընող չիկայ բը-  
նաւ: Ոչ Սրապիոն աղա այդ տեսակ բան ըրած է,  
ոչ ալ իր դրացին: Իրենց զգացած ցաւերն ու աղ-  
մուկները կամ ենթադրութիւն են կամ զուզադի-

պութիւն : Բայց խօսքիս ականջ կախող չիկայ : Երկու խեղճերն ալ իրենց մէջքը ցոյց կուտան : Մէկը տունս գպիր կայ կ'ըսէ , միւսը սիրտս իմինս չէ կ'ըսէ , կամ ասոր մօտիկ բան մը : Խե՛լք ծներ են . . . Աստուած ի՛նքը ողորմի . . .

— Աստուած ի՛նքը ողորմի . . . Et c'est tout ce que vous trouvez à dire ! Ախ ինպէ՛ս , ինչպէ՛ս դուք չէք ընդվզիր . . . ևս ամքողջ էութեամբ կը ցնցուիմ , կը պրկուիմ . . . երբեք միտքս չի կրնար հանդուժել որ մեր այս դարուն . . .

Բացորոշ է թէ օրիորդը շատ պիտի երկարէր իր այս ճառը , եթէ քահանան զանկահարութիւն մը չսկսէր վճռականօրէն :

— Դող մ'ելլար , աղջիկս , դող մ'ելլար . . . ևս ալ գիտեմ որ քսաներորդ դարուն կ'ապրինք եւ ըսի իրենց : Ես ալ գիտեմ որ պիւյիւ ըսուածը սուտ բան է բոլորովին եւ ըսի իրենց : Թէ աւելորդապաշտութիւն է , ըսի իրենց . . .

Կ'աղաշեմ՝ վայրկեան մը : Պարոն Պալուք-ճեան համակարծիք չէ : Սապէս ընդմիջեց ան .

— Սխա՛լ խօսք : Վհուկութեան զօրութիւնը հաստատուած է գիտականօրէն :

Օրիորդ Լիւսին դարձեալ ծաղրական շեշտով եւ հեղնական ժպիտով ըսաւ՝ ակնոցներուն ետեւ աչքերը կիսախուփ .

— Խսկապէ՛ս պարոն Գավուքնեան . . . ըսել է դո՛ւք ալ մեծ մայրիկիս պէս կը հաւատաք . . .

Եւ օրիորդը սկսաւ ծաղրանկար – ներբող մը , մեծ մայրիկներու իմացականութեան , մշակոյթին , դարավերջիկ ըմբոխումներուն եւ իմաստա-

սիրութեան վրայ : Ուսուցիչը շարունակեց խնդալ՝  
օրիորդին դէմ միշտ անտարբերութիւն պահելով,  
մինչեւ որ քահանան կրկին դանդակին չոււանը քա-  
շեց .

— Երկուքին ալ վիճակը խղճալի է : Եթէ այս-  
պէս շարունակուի , անկասկած անկողին պիտի  
իյնան , կամ մէկզմէկ պիտի բղքտեն . . .

— Բայց անշո՛ւշտ , դոչեց օրիորդը , անշուշտ  
թէ քու այդ միջամտութիւնդ որ եւ է կերպով չի  
կրնար խաղաղութիւնը վերահաստատել : Կաշկան-  
դուած մտքերու , խաւարամած մտայնութիւններու  
յաղթահարելու համար չի բաւեր միայն անոնց դէմ  
ծառանալ : Այլ պէտք է ինչ ինչ պարագաներու դոր-  
ծածել որոշ բայց տու : տու Dieu ! պէտք է քիչ մը խորա-  
մանկ ըլլալ , աղուէս ըլլալ . . .

Կը ոլանար հերարձակ : Ուսուցիչը ըստ ա-  
ռաստաղին նայելով եւ միշտ քաղցրաշուրթն .

— Ա՛ , եթէ մեր կիները քահանայ ըլլային  
. . . եթէ մօրո՛ւք ունենային . . .

Անտարակո՛յս խնդրին կուտային աւելի շու-  
տափոյթ եւ աւելի վճռական լուծում : Գոնէ այդ էր  
օրիորդ Լիւսիին հաւատքը : Անոնք չէին կրնար  
հանդուրժել որ երբ մենք այսքան քրաինք կը թա-  
փենք ձեր աղջը լուսաւորելու եւ քաղաքակրթելու  
համար , տակաւին ապրին բորբոսած հաւատալիք-  
ներ եւ գահաղուրկ չաստուածներ : Այսպէս օրինա-  
կի համար , ձեր չհաւնած կիները ծերուկներուն  
վրայ կը զրկէին մեղսակից մը՝ որ կ'ըսէր թէ կոր-  
սուած թղթապահակը իրեն կը պատկանի , (ախուն  
չիկար մէջը n'est-ce pas ?) թէ գտնուած այդ թղթի-

կը, գիտական ուսումնասիրութեան մը համար առնուած նօթեր կը պարունակէ պարզապէս . . .

— Ճանրմ ես ո՞վ պիտի դրկեմ, ըստ Տէր Հայրը:

— Օրիորդ Լիւսի'ն . . .

— Հրամմե՛ր էք պարոն Գավուշ, նոյն ինքն օրիորդ Լիւսին: Եւ ինչո՞ւ չէ: Մի՛ մոռնաք որ երկու տարի առաջ ես վեց ամիս բանսիօննելո եղած եմ տիկնոջ բնակարանը, երբ տակաւին բժշկական ուսանողը չկար: Շատ լաւ կը ճանչնամ սեռակիցս, բան մը՝ որ առաքելութիւնս կը գիւրացնէ: Գիտեմ թէ աս խոնդ բարի կին մըն է ան, թէեւ քիչ մը յամառ: Կը միայ երթալ իրեն բացատրել թէ գիւթանքը սուտ, կեղծ եւ բոլորովին անզօր բան մըն է: Բացատրել թէ՝ այդ թուղթով ուսումնասիրութիւն մը կը պատրաստէի յետամնաց ժողովուրդներու բարքերուն եւ սովորութիւններուն վրայ, քանի որ գիւթանքը կը նկատուի նախապաշարումի ամենահասարակ տայեներէն մին: Օրիորդը իր ուսումնասիրութեամբ կ'ուզէ եղեր ցոյց տալ թէի՞նչպէս վհուկներ երկար դարեր շահագործած են անուա ամբոխները, թէ ինչպէս իրենց ահարկութեին տակ պահած են աղքատ եւ հլու անհատականութիւններ: Մինչդեռ բաւական է եղեր իրողութեան նայիլ կորովարիբ՝ գիտական ճշմարտութեան ակնոցներով նայիլ կորովարիբ՝ քողազերծընելու համար սուտն ու կեղծիքը: Եւ օրիորդը ապահով է եղեր թէ երկու ծերուկները պիտի ըմբռնեն ամէն բան ու պիտի հաշտուին շուտով, երբ որ իրենց բացատրուի թէ « պանը ինչո՞ւմն է »:

Դամիուքնեան ըստւ .

— Ճի՛շդ է :

Այսքան միայն . « ճի՛շդ է » : Եւ մինչ դուրս  
կ'ելլէր ուսուցչանոցէն , օրիորդը շառագունելով  
սուլեց՝ ակուաները սեղմած .

— Ակտի՛ . . . insolent . . .

Չարմացած էր Տէր Արրահամը : Ան ստիպուե-  
ցաւ խորհիլ՝ ինչ որ քահանաներուն պաշտօնը չէ :  
Երկար պահ մը մտմտաց , մօրուքը բերանը խո-  
թեց , դուրս հանեց , եւ վերջապէս ուզեց զսել թէ  
ամուսնութիւնը միայն . . . դրօշակը գոցեց իր բե-  
րանը :

Վարժուհին ի դուր ծանտառմային դուռը բախեց : Կրկնակ հարուածներ մնացին անպատճախանի : Այն ատեն խորհելով որ գուցէ կինը ետեւի կողմը կ'ըլլայ, պարտէզին շրջանը ըրաւ եւ տախտակորմը ծեծեց կռուփով : Իրաւամբ Ալէմտաղցին պարտէզին միւս ծայրն էր եւ խարխլած դուռը բանալով ներս առաւ օրիորդ Լիւսին :

Նախ՝ սովարական խօսքեր : Օդը, որպիսութիւնը, ինչո՞ւ զիրար չէինք տեսած երկար ատենէ ի վեր : Օրիորդ Լիւսին խօսելով հանդերձ փոքրիկ պտոյտ մը կ'ընէր ածուներուն միջեւ ու ջերմապէս կը շնորհաւորէր կինը իր հասցուցած բերքերուն համար : Ի՞նչ երկար եղիպտացորեններ, ի՞նչ կոկիկ սալատներ, ի՞նչ կաշեկաղմ սմբուկներ, հա-

պա՛ պրասները . . .

— Մենք ատուր սո՛խ կ'ըսենք, ըստւ Ալէմտաղ-  
ցին :

Այն ատեն օրիորդը թուքը կլեց եւ լաւագոյն  
համարեց անմիջապէս հասնիլ իր առաքելութեան  
բո՛ւն շարժառիթին : Փողոցէն գտնուած թղթապա-  
նակը ի՛մս էր : Իրա՛ւ կ'ըսեմ տիկին Շուշան : Այս  
առաւօտ միայն լսեցի անոր պատճառած անախորժ  
դէղքերը որսնք . . .

— Հէ՞ , քո՞ւկդ է մի . . .

Այս աղաղակը որ զիրենք անակնկալի բերաւ,  
բարձրացած էր տախտակորմին միւս կողմէն : Ո-  
րուչ է թէ Սրապիոն աղա մէկուն այցելութիւնը լը-  
սելով, ականջը փակցուցած էր տախտակորմի մէկ  
ծակին՝ եւ լսած խօսակցութիւնը : «Կեցիր նայի՛մ,  
կեցիր նայի՛մ» ըստւ մարդուկը, եւ առանց այլեւ-  
այլի իր պարտէղին դուռը բանալով եկաւ միա-  
ցաւ երկու կիներուն : Թաւիշէ զդակը ետեւ նետած  
էր, կնճիռներ կային իր նեղ ճակտին վրայ եւ խո-  
չոր թթում մը՝ ձեռքին մէջ :

Օրիորդ Լիւսին խխստ գոհ էր : Կ'ըսէր թէ այս-  
պէս աւելի լաւ եղաւ : Ինք ալ կը փափաքի եղեր  
ձեր երկուքին միաժամանակ խօսիլ, բայց չզիտեր  
եղեր ինչպէս պատրաստել այս կարգի ժամադրու-  
թիւն մը : Շա՛տ լաւ եղաւ : Սրապիոն էֆէնտի, քիչ  
մը առաջ Տիկին Շուշանին կ'ըսէր թէ փողոցէն քու-  
զտած թղթապանակդ ի՛րն էր : Անշուշտ ձեղ չէր  
մեղադրեր իրեն վերադարձուցած չըլլալնուդ հա-  
մար : Օ՛հ , բիա՛ւ , ինչպէ՛ս կընայիք այդ բանը ը-  
նել՝ երբ որ մէջը անուն չկայ : Արդէն այդ ինդի-

ըը երկրորդական կարեւորութիւն ունէր այժմ՝ քանի որ գլխաւոր հարցը այն թուղթն է որուն վրայ գրուած էր զիւթանքի, այսինքն պիւյիւի շուրջ տեղեկութիւններ : Խսած էր թէ ձեր երկուքին միջեւ . . . : Արդ՝ հաւատացէ՛ք իր խօսքին, ատոնք բոլորովին անդօր եւ անարժէք բաներ են : Մենք պիւյիւին կը մօտենանք իրրեւ պարզ բանասիրական նիւթ, իրրեւ պարզ պատմական տուեալ, այսինքն մեռեալ տառ : Ես այդ նօթերով զիւտական ուսումնասիրութիւն մը . . . վհուկներ երկար գարեր . . . աղքատ եւ կամակոր անհատականութիւններ . . . քողազերծ . . . կորովարիթ :

Հանդա՞րտ, շա՞տ հանդարտ ուղիէ մը կ'երթար բամպակ ամազ մը, պոչին ունենալով ձագուկներ, բոլորն ալ այսօր ծնած : Անոնցմէ վերջինը կը հալէր, կը հրաժարէր, նշանտուքի մատանին ետ կուտար : Երկու թուուցիկներէն մէկը յաջողեցաւ միւսը « ածիլել » եւ պոչէն անջատուած թերթիկներու երամը ինքն իր գլխուն ճամբար ելաւ միջոցին մէջ : Նախ խմբուած՝ եւ յետոյ հետզհետէ աւելի տարտղնուելով : Խոչոր Ճանտառման մտիկը ըրած էր օրիորդին ճառը՝ քիթը բերանը թթուեցած, կոծիծը դուրս ցցած եւ առանց բառ մը ըսելու : Բայց ներքնապէս խաղաղած էր ստացած տեղեկութիւններէն քանի որ աղջկան տուած բացատրութիւնները իրեն համոզիչ եւ տրամաբանական կը թուէին : Եւ արդէն ուրիշ կերպ չէր կը նար ըլլալ, որովհետեւ զիւղացին միշտ ակնածանք ունեցած էր գրող – կարդացողներու հանդէպ եւ երբեք չէր կրցած մաքուր աշխարհաբարին դէմ

խօսիլ : Միայն թէ Սրապիոն աղա բերանը բացաւ .

— Ուսումնասիրելիք բան չմնաց տէ , ասանկ պախընիի բաներո՞վ ատեն կ'անցնես կոր :

Նիհար եւ տղեղ օրիորդը եր ունելիաւոր ակ-նոցները շտկեց եւ ըսաւ թէ նիւթերը գիտութեան առջեւ միշտ հաւասար են , եւ թէ՝ եթէ խախապատ-ւութիւն տալ պէտք ըլլայ , պէտք է երթալ մանա-անդ ընկերութեան վնաս հասցնող նիւթերու :

— Աս ամէնը աղէկ , ըսաւ մարդուկը : Գէշ ա-զէկ կլլեցինք : Բայց գուն չե՞ս զիտեր կոր քի պիւ-յիւին հետ շախա չըլլուիր : Հի՛չ շախա չըլլուիր ...

— Բայց ներողութիւն , Սրապիոն էֆէնտի , ես կատակ ըրած չունիմ , ընդհակառակն՝ ուսումնա-սիրութիւնս շատ լուրջ ձեռնարկ է ...

— Ի՞նչ կ'ըսես կոր քա , ճշաց միւսը ձայնը զուեհօրէն բարձրացինելով : Ես քեզ նո՞ր պիտի ճանչնամ . Ճեմարանի փիւթիւն ուսուցիչներուն հետ սիրաբանութիւն կ'ընես կոր ...

— Սրապիոն աղա' ...

— ... եւ մէկը քիթդ չի փախեր կոր տէյի պիւյիւ կ'ընես կոր , անանկ չէ՞ : Խըսարդ ատո՞վ կ'առնես կոր մանչերէն : Թի՛ւհ չամչցած , հէմ երես ալ ու-իս տէ ատոր ուսումնասիրութիւն կ'ըսես ...

Նախկին տիրացուն վարժուհին ամենափա-փուկ թելին էր դպած : Սաստիկ առնուեցաւ օրիոր-դը բայց ջանաց ինքոյինքը զսպել ձեռքը սրտին վը-րայ սեղմելով , որպէսզի խօսակցութիւնը բոլորո-վին կուիւ չը փոխուի : Բերանը մնաց Օի պէս : Կը սիսալէր սակայն կարծելով որ Շաշին այս նիւթին վրայէն պիտի անցնի : Ընդհակառակն ան ծանրա-

ցաւ ըսելով թէ ամէնուն բերանն էր օրիորդին «խառնած ապուրները» Գալուքճեանին հետ : Թէ իրենք տեղեա'կ էին , թէ փողոցի քարե՛րն իսկ տեղեակ էին : Տաքցան : Օրիորդը սկսաւ իր փաշերը թօթուել : Երբեք , երբե՛ք չէր թոյլատրեր որ իրեն պէս ճակտին քրտինքով հացը շահող աղջկան մը . . . մաքուր աղջկան մը . . . չէր թոյլատրեր որ . . .

### Սրապիոննը՝

— Մենք ալ չենք թոյլատրեր որ արիւն քալեցնես մեր երկու տուներուն մէջ : Մենք առչափ տարուան գրացիներ ենք , տահա օր մը օրանց իրարու խառնախսի ըսած չունէինք : Քու անիծուած թուղթդ մէջուեղ ելաւ , երկուքս ալ աս վիճակին հասանք : Ա՛ս կ'ուղէիր հա՞ . ըսէ նայիմ , զուն մենէ ի՞նչ առնելիք ունէիր . . .

— Բայց ձեր ըրածը պարզ ենթադրութի՛ւն է : Որ եւ է գէշութիւն չի կրնար պատահիլ . . .

— Ենթադրութի՛ւն մի : Պիւյիկի թուղթդ ձեռքերնիս անցնելէն ի վեր անէծքը , ցաւը , ձախորդութիւնը մեզ պատած է : Ենթադրութի՛ւն է սա զավակը կնկան մէջքին ցաւերը , ենթադրութի՛ւն է իմ սրտիս չառփընթըն : Քեզի ի՞նչ գէշութիւն ըրած էինք քի մեղի պէս հօրդմօրդ տեղ մարդոցը գլախին ասանկ փորձանք բերիր . . .

— Բայց անկարելի՛ բան է , նախ թոյլ տուր որ խօսիմ , անկարելի՛ բան է . . . զուղագիպութի՛ւն կ'ըսեն ատոր . . .

— Զուղագիպութի՛ւնդ քեղ չառփմիշ ընէ , կտէպսիգ : Տարիքէ՞դ ալ չես ամչնար կոր : Հիշ պիւյիւին հետ շախա կ'ըլլութի՞ : Հապա՞ սա զա-

վալլը կնիկը մեռներ նէ, հաղա՞ քալող դանկին առջեւ լեզին պատռեր նէ: Հսէ նայիմ, խալքախ, առ խեղճ կնիկէն ի՞նչ առնելիք ունէիր . . .

Ահարեկած Ճանտառման կը նայէր ինքնիրմէ ելած մարդուկին, անոր լորձնքոտ թերնին, եւ կը լափէր անոր ամէն մէկ խօսքը: Նոյնիսկ սկսած էր դոզալ վախէն: Յանկարծ ցնցուեցաւ, կարծէք թմրութիւնէ մը սթափելով, եւ ուսուցչուհին շառաջուն ապահակ մը իջեցուց պօռալով — « ինչ ի՞նչ առնելիք ունէիր : » Օրիորդ Լիւսին ճիչ մը արձակեց, իյնալու պէս եղաւ եւ ակնոցները վշրուեցան ոտքերուն առջեւ: Գիւղացի կինը կարճ վարանումէ . մը յետոյ (որուն ընթացքին աւելցաւ իր սարսափը) նետուեցաւ աղջկան վրայ եւ անոր մաղերէն բոնելով նկատ ծեծել: Սրապիոն աղա, որ այդ մասին չէր խորհած, նախ շուարեցաւ, բայց յետոյ թի մը գանելով հետեւեցաւ Ալէմտաղցիի օրինակին եւ աղջիկը ծեծեցին կատաղօրէն, անդթօրէն, առասնօրէն :

Ածուներ կը կոխոտուին, տունկեր կը ճղմուին, երկու շոմներ կը հաչեն: Քանի ուսուցչուհին կը պօռայ, երկու դրացիները աւելի ուժով եւ աւելի արագօրէն կը տեղացնեն հարուածները: Օրիորդը կը տապալին, իրենց ոտքերուն տակ կ'առնեն, իրարու ձայն տալով — « Զա՛րկ Ճանտառմաս . զա՛րկ Շաշի »: Նիհար ուսուցչուհին բնականարար անկարող էր երկու կատաղի դրացիներուն դէմ զնելու: Քիթը սկսաւ արիւնիլ, եւ քիչ վերջ նուազեցաւ օրիորդ Լիւսի, կնոջմէն սոտացած մէկ ահաւոր կիցէն :

Հեւասպառ Ալէմտաղցին նստաւ շրջուած դոյլի մը վրայ, մինչ Սրապիոն աղա՝ աղատքեղի թաց մարմանդին վրայ փոռուած աղջկան շուրջ կը դառնար գաղանի մը պէս : Թին ձեռքին մէջ սալառնալիքով կը շարժէր միշտ ու կը կրկնէր — « Հիշ պիւյիւին հետ շախա կ'ըլլուի՞ . . . » :

Ալէմտաղցին ըստաւ — դանկը քալած ատեն հապա՞ եթէ լեղիս պատուէր . . .

Սրապիոն աղա ըստաւ — հապա՞ եթէ լեղիդ պատուէր . . .

Մէկ քանի « հապա եթէ»ներ կրկնեցին փոխն ի փոխ, եւ յետոյ լուեցին, որովհետեւ արիւնին հետ՝ « սատանան դուրս ելած էր աղջկան փորէն » :

Սրապիոն զետնէն իր զզակը հաւաքեց եւ սկըսաւ մտատանջուիլ : Պէտք էր վերջապէս սթափիեցնել օրիորդը : Անզգայ ծանտառման տեղէն չէր շարժեր բնաւ, բայց Սրապիոն դէպի դուռը ուղղուեցաւ, իր տուխէն քիչ մը ջուր բերելու համար : Սպառնալով, հայհոյելով, աներեւակայելի պոռնկութիւններ աղջկան վերագրելով գնաց իր տունը :

Երեք բեռնաւոր լաճեր, որոնցմէ ամէնէն տարեցը ոսկեղոյն մետաղէ մեծ խաչ մը նետած էր իր ուսը, կանդ առին ճամբուլի եղբը : Յոյնի դպիրները որ յուղարկաւորութենէ կը դառնային եւ տեսած էին հայ վարժուհին՝ կանդ առին ճամբուն եղբը : Եկեղեցական շապիկներու ծրաբը դրին գետին, խաչը դրին անոր վրայ եւ օգնեցին վիրաւոր աղջեկան : Անշուշտ չէին դիտեր ինչ ընել այս պղտիկները, որոնցմէ մէկը մանաւանդ խունկի ամանի մը պէս կը հոտէր : Բարեբախտաբար վրայ հասաւ հայ կին մը, մեծ բացազանչութիւններով : Նազիկ հանըմ պատուտուելով, կոտրտուելով թեւը մտաւ օրիորդ Լիւսիին եւ տարաւ իր բակը՝ չափաղանցեալ զզուշութեամբ :

Հոն է որ օրիորդ Լիւսի փղձկեցաւ :

Երբոր գուրս ելած էր Ալէմտազցիի պարտէզէն, զունար սկսած էր հետզհետէ մեծնալ կոկորդին մէջ : Ազտոտած եւ արիւնոտ, օրիորդը յառաջացած էր աւելի քան անհաստատ քայլերով : Ոչ միայն ակնոցները չկային, այլ մանաւանդ կային մշուշապատ ու խոնաւ աչքեր :

Նազիկ հանըմ խենթ էր կտրած : Զուր կը ըերէր՝ կը բացազանչէր : Անձեռոց կուտոար՝ կ'անիծէր : Խոզանակ կը փնտոէր եւ ձեռքերը դլիսին կը զարնէր : « Թա ա՛շկս ելլայ . . . վախ, վա՛խ եմ ըսեր . . . քա զավա՛լը օրիորդ Լիւսիս, երկու աշկս ելլայ . . . » կանչեց Զարխարան Աստուածածինը, Գարբիէլ հրեշտակապետը, Սուրբ Նշանը եւ ուրիշ զօրութիւններ :

Խոր ցնցումներով ու ազմուկով լացաւ օրիորդ Լիւսի : Կրկին նուազելու աստիճան տառապեցաւ : « Զեմ կրնար լալ » կ'ըսէր եւ կուլար շատ գէշ կերպով, ճիչերով, դժուարին պատուածքներով : Եռեսունը արդէն իսկ քիչ մը անցած աղջիկ մըն էր, դիրքերէ գուրս ելած ջղուտ օրիորդ մըն էր, աշխարհի վրայ մինակ մնացած վարժուհի մըն էր, իսկական անունով Մարիամ : « Առաջին անգամն է որ . . . » ըսաւ բայց չը կրցաւ շարունակել : Իրականին մէջ ըսել կ'ուղէր — « առաջին անգամն է որ բիրտ ոյժին առջեւ իմ բոլոր դիմաղբական միջոցներուս անզօրութիւնը կը զգամ » : Այո՛, այո՛, այս ըսել կ'ուղէր, լալով հանդերձ : Բայց զինքը հանգիստ չը թողուցին :

Նազիկ հանըմ իր վրայ հակած՝ անդադար կը

կրկնէր նոյն հարցումները : Կ'ուզէր որ խօսի ,  
պատմէ , մանրամասնութիւններ տայ : Օրիորդին  
ուսերէն բռնած՝ կ'ուզէր անպայման զիտնալ թէ  
երկու գրացիներէն ո՞րն էր զինքը այդ վիճակին  
մէջ ձղող : Թէ որո՞ւն տունը գէպքը պատահած էր ,  
թէ ինչպէ՞ս էր ...

Իրենց քով կեցած էր Յասմիկը , անձեռոց մը  
ձեռքին : Նազիկ հանըմին եղբօր այս որըը իր խո-  
չոր աչքերը բացած կը նայէր մէկ մը իր հօրա-  
քոջ , մէկ մալ իր նախկին ուսուցչուհին : Այլայ-  
լած էր պղտիկն ալ : Ան իր օրիորդին մազերուն մէջ  
կը տեսնէր ազատքեղի շիւղեր , բայց չէր համար-  
ձակեր վերցնել զանոնք : Խոհանոցին բաց գոնէն  
կ'երեւային պարտէղը բռուած սաւաններ եւ օճառի  
բարկ հոտ մը բռնած էր տունը : Պարծենկոտ հաւ-  
նոցը որ քիչ մը առաջ անտանելի կոկոց մը թող  
տուած էր ծանուցանելով զալուստը հաւկիթի մը ,  
այժմ կը վերսկսէր՝ տարրեր նօթի վրայ : Կը ծա-  
խուցանէր զալուստ մը եւս՝ անձրեւինը :

Օրիորդ Լիւսի պատմեց , կարատումներով ,  
Հեկեկանքներով : Նազիկ հանըմ աղջկան վրայ ծը-  
սած կը բախէր անոր ամէն մէկ բառը , գլուխը ե-  
րերցնելով : Գլխի այդ շարժումները ըսել կ'ուզէին  
— « այդ հասկցայ . վերջինը ըսէ . շուտ ըսէ . յե-  
տո՞յ » :

Զատուեկ կնկան այս անչափ հետաքրքրութիւնը  
վախող բան մը ունէր , մանաւանդ որ նազիկ հանը-  
մին ծամածուռ գէմքին մէջ ժպիտ մը կար կարծես :  
Թէեւ օրիորդը կանդ չառաւ ատոր վրայ , բայց  
բնազդով գլուխը զարձուց եւ իր պատմութիւնը

շարունակեց Յասմիկին :

Հոս է որ ամէն ինչ տակն ու վրայ եղաւ : Որովհետեւ Յասմիկ չը կրցաւ դէմ առ դէմ նայիւ իր նախկին օրիորդին, զոր այս վիճակին մէջ կը տեսնէր : Յասմիկ մտիկ ըրաւ բայց աչքերը քըթթեց : Կրկին քըթթեց : Նփոթեցաւ Յասմիկ : Ուրիշ բաներ ալ եղաւ, ապացոյց որ հին անձեռոցը պատռեցաւ իր ձեռքերուն մէջ :

Յասմիկ կից մը զարկաւ զոյդ մը թաց նալըններու, եւ զառնալով իր հօրաքրոջ ըսաւ .

— Աս ամէնուն պատճառը զո՞ւն ես . . . յանցառը զո՞ւն ես . . . միա՛յն զուն ես . . .

Եւ առանց սպառնալիքէն վախնալու, թուքը կուլ տուաւ եւ շարունակեց խրոխտարար .

— Ինչո՞ւ երկուքին ալ միտքը դէշ բան դրիր... ինչո՞ւ երկուքին ալ ըսիր որ պիւյիւ եղած են . . . ըսի՛ր, ես քո՛վդ էի . . . ականջներո՛վս իմացայ . . .

Օրիորդ Լիւսին վախցաւ : Սարսափելի էր Յասմիկին կերած ապտակը : Սաստիկ վախցաւ նաեւ տեսնելով որ Նազիկ հանրմին մէջէն դուրս ելած էր մօրու մը : Այդ խորթ մայրը որբը պիտի բզքտէր, պիտի յօշոտէր :

Բայց Յասմիկ կրցաւ ինքզինքը աղատել, ճըղմուեցաւ թաց ճերմակեղէններու կոյտի մը վրայ, ոտքի ելաւ, սեղանին մէկ առողջ ոտքը կոտրեց, իր մազերէն խուրճ մը թողուց կնոջ ճանկերուն մէջ ու փախաւ : Վազեց եօթը ոտք սանդուխներէն վեր, սենեակ մտաւ ու դուռը կղզեց :

Գրեթէ անմիջապէս յետոյ աղջնակին գլուխը երեւցաւ այն փոքր պատուհանին մէջ, որ բակին

վրայ կը նայի, եւ ուրկէ կը քաշեն չուանը՝ փողոցին զուռը բանալու համար :

— Դուն կնիկ չես, դուն հրէ՛շ ես, ըստ Յասմիկ իր ապահով բարձունքէն : Պիտի պօռամ, հելպէ՛քտէ պիտի պօռամ ... ես քեզմէ արքըլս չեմ վախնար : Հրէ՛շ ես ... ես ականջբերովս իմացայ... երբոր չարշըին ճամբուն վրայ Ճանտառման դիմացնիս ելաւ, օճիքէն բոնեցիր կեցուցիր ... ինչո՞ւ անոր ըսիր — պիւյիւ եղած ես ... ան մարդը քեզի խըսս ունի կ'ըսեն ... ցաւ կ'իմանա՞ս ... տունդ բան կը կորսուի՞ ... աղմուկ կը լսե՞ս ... ինչո՞ւ թուղթը ճեռքէն չառիր ... Ասոնք ըսողը դուն չէի՞ր ... վերջն ալ նոյն բանը չըսի՞ր Շաշիին ... ես չոնո՞յն եմ ... Շաշիին տունը ե՛ս ալ եկայ, քո՛վդէի ... ինչո՞ւ անոր ալ ըսիր — ցաւ կ'իմանա՞ս ... թուղթը ինչո՞ւ կարդացիր ... ինչո՞ւ չիյտէմինչ ըրեր ... եկալպէ՛քտէ ... անոնք ապուշ արարածներ են ... կով են ... ինչո՞ւ կրակին վրայ իւղ թափեցիր ... պղտիկ խնդիր մըն էր՝ պիտի անցնէր ... ինչո՞ւ իւղ թափեցիր ...

Դառն կեանքին մէջ իր աչքերը կանուխ բացած՝ խրոխտ եւ վրիժառու աղջնակը կը շարունակէր .

— Մարդ իրար ձգես՝ ուրիշ բան չես ուզեր ... դուն հրէ՛շ ես, հրէ՛շ ... փսորճիկ մը հոգի եթէ ունենայիր, մենք ասանկ չէինք ըլլար ... մայրիկս դո՛ւն մեռցուցիր ... ամէն օր մեր տունը արիւն քալեցուցիր ... խօսք խառնեցիր, սուտ խօսեցար, դուռներուն ետեւէն մտիկ ըրիր եւ վերջն ալ սուտ լաց եղար ... մարդ իրար ձգես՝ ուրիշ բան չես ու-

զեր . . . բողը մայրիկո չէ՝ դուն ես, ոճքագործ ես . . .

Եւ մանուկը սկսաւ երկար պատմութիւն մը ուր կը խօսուէր ծանր ամբաստանութիւններու մասին, ուր Նաղիկ հանըմ ի յայտ կուգար նողիալի լոյսի մը տակ, ուր կը կրկնուէր Միհրանի մը անունը, ոսկի ապարանջանի մը անհետացումը, յուղարկաւութեան վաղորդայն մը: Օրիորդ Լիւսին լսեց այս բոլոր խօսքերը: Լսեց՝ Հակառակ ծեր կնոջ ահաւոր պոռապոսցին, անոր գնչուի կատաղութեան: Լսեց այս բոլոր խօսքերը՝ մինչ Նաղիկ կը սպառնար, կ'անիծէր ու կը հայհոյէր, կարծես միայն աղջնակին ձայնը խափանելու միտումով: Զեռքը ինչ որ ինկաւ նետեց գէպի ողատուհանը, երակները ուտեցուց, փրփուր ժայթքեցուց եւ աւելի մը երկար կոթովը փորձեց աղջկան դլուխը հարուածել: Յասմիկ կրկնեց որ այլեւս չվախնար, որովհետեւ պիտի փախչի այս տունէն եւ պիտի երթայ աշխարհի միւս ծայրը, ամենահեռաւոր ծայրը, այսինքն Առապիստան: Իր աթոռէն վեր ելելու ոյժն իսկ չունէր օրիորդը: Նստածտեղը կը մնար գամուած, կոնակէն սառած, որովհետեւ առաջին անդամն է որ այսքան մօտէն կը տեսնէր հըշշային բան մը: « Զար խառնակիչն է » կը խորհէր ան: Օրիորդ Լիւսին լսեց այս բոլոր խօսքերը եւ միաժամանակ մտածեց այն ըռպէն երբոր պիտի հեռանայ այս բակէն, գէմի երկու աղբածածկ պարտէղներէն, կուրծքին վրայ սեղմած այն միա'կ սիրելի բանը որուն հանդիպեցաւ այսօր՝ Յասմիկը:

ԴԵՐՁԱԿ ՄԸ  
ԻՐ ԵՐԿՈՒ ՀԻՒՐԵՐԸ  
ԵՒ ԶԱՆԱԶԱՆ ԴԵՊՔԵՐ

---



Շէնքը չափաղանց հին ըլլալուն համար փոր  
տուած էր բակին կողմը, իսկապէս վտանգաւոր  
կերպով։ Եւ որպէսզի չը փլի, անոր կոթնցուցած  
էին փոքրիկ աւել մը որ իր կանանչ կոթին վրայ կը  
կրէր զեռ կալըռի Լաֆայէթի պիտակը։ Այս անար-  
դանքէն զատ շէնքին կոթնցուցած էին նաեւ երկու  
հսկայ գերաններ՝ որոնք սալաքարերէն մեկնելով  
կը խետուէին մինչեւ երկրորդ յարկ, եւ հոն — պա-  
րագային համաձայն — ականջ կուտային թռչնիկի  
մը դայլացլին կամ կը չորցնէին նամակաբերի մը  
շորերը։ Ահա այդ գերաններուն տակն էր կծկտած  
Տիրանի բնակաբանը, որ կը բաղկանար գետնա-  
յարկ երկու սենեակներէ։ Անոնցմէ մէկը հազիւ  
հաղ կրնար անկողին մը պարունակել, որով Տիրան  
տուանց վարաններու զայն կը կոչէր ննջարան եւ հոն  
կը պատկէր։ Իսկ միւսը որ ընդարձակ է, միաժա-  
մանակ կը ծառայէ իրեն գերճակի աշխատանոց

եւ իրբեւ գերձակի խոհանոց : Մեքենային տակ ,  
արդուկին քով եւ սեղանին շուրջը կերպասի կտոր-  
ներ կը սովան որդերու պէս , խանձած չուխայի  
հոտ մը կայ , կան ամուրիութեան վկայականներ  
քիչ մը ամէն կողմ , եւ պատին վրայ ելեկտրակա-  
նութեան հաշուող հին գործիք մը՝ (compteur) զոր  
Տիրան կրթած է : Ան կը հաշուէ երրոր Տիրան  
պատշաճ նկատէ , եւ կը դադրի գործելէ երրոր Տի-  
րան անհրաժեշտ չտեսնէ : « Ո'չ , կեցիր » կ'ըսէ ե-  
րիտասարդը թրքերէն լեզով , որպէսզի քիչ վճա-  
րէ , եւ իրաւամբ կը յաջողի կեցնել զայն տալով  
մէկ քանի ճարտար տալտակներ՝ որոնց գաղտնիքը  
ինք ունի , եւ զոր ձեռք ձգած է երկարատեւ փոր-  
ձերէ վերջ :

Խոհանոցը աշխատանոցէն կը զատուի պատին  
փակցուած պատկերով մը որ պարբերականէ մը  
փրցուած է եւ կը ներկայացնէ Կապի Մօոլէյ՝ ոտ-  
քի : Բացի կիրակիէ (բարեկամուհին օրն է ան) Տի-  
րան տունը կը ճաշէ , կերակուրները ինքն իր ձեռ-  
քովը պատրաստելով : Երրոր պատահի որ ճախողի  
եւ ճաշը անհամ ըլլայ , գերձակը իր բարկութիւնը  
կ'առնէ Կապիէն՝ բացադանչելով սա խօսքը կամ  
անոր մէկ փոփոխակը .

— Քեզի մա՛րդ գիտցանք տէ եահնիի հսկիչ  
կարգեցինք ... դերասան չէ՞ք մի , հաւկիթ մը ան-  
դամ խաշել չէ՞ք գիտեր ...

Իրականին մէջ սակայն իրենց յարաբերու-  
թիւնները խիստ սիրալիք են : Կերակուրները հաղ-  
ուադէպօրէն միայն անհամ կ'ըլլան , որովհետեւ  
այժմ գոնապանուհին սորված է արեւելեան կերա-

կուր եփել : Խնդումներես եւ առատաձեռն Հայը կրցած է սիրաշահիլ Տիկին Պիւքը , որ հակառակ իր յախանական յղութեան , կ'աշխատի ու կը շարժի անվերջ : Այդպէս է որ առանց իր վիճակին ուշադրութիւն բնելու՝ բոնեց պայուսակներէն մէկուն ականջէն եւ ուղեց զայն ինք անձամբ փոխադրել մինչեւ դերձակին սենեակը , երբ հասկցաւ երկու նորեկներուն ինքնութիւնը : Որովհետեւ երկու նորեկներ ժամանեցին , եւ անոնք կեցան փողոցի դըրան հոսանքին մէջ երեք պայուսակներու եւ տղեղ չօֆէուի մը հետ : Տիկին Պիւք ըստ մեծ իրարանցումով .

— Դուք օրիորդ Ալիսն էք , իսկ դուք պարոն , օրիորդ Ալիսի հայրն էք . . . դիտեմ , դիտեմ , Պոլուն է որ կուղաք . . .

Եւ անմիջապէս չօֆէուին ձեռքէն դրամատոմար խլելով վերադարձուց հայուհին եւ իր փէշը վեր առաւ իր գրանէն վճարելու համար կառքին ծախքը : Կարծէք թէ կառը մը դեղին խօմպինէզօն վճարեց եւ աւելցուց — « Աս ալ ձեր փուռպուառն է » :

Դոնապանուհին եւ երկու նորեկները սենեակ անցան եւ հոն մեծցաւ Տիկին Պիւքի ողեւորութիւնը : Ան ըստ թէ մէսիէօ Տիւռանը շուտով պիտի զայ , չա՛տ չուտով , թէ ան անհամբեր կ'ապասէը ձեր ժամանումին եւ երկարօրէն խօսած էր ինձ : Միշտ հիացումով կ'արտայայտուէր ձեր վարպետութեանը մասին եւ կ'ըսէր թէ դերձակութիւնը ձեզմէ է որ սորված է Պոլիս եղած ատեն : Բայց նախ Տիկին Պիւք պահանջեց որ նստին ու հանգչին

սա աթոռին վրայ, հանեն իրենց օձիքը եւ յետոյ լուացուին եթէ կ'ուզեն: Ո'չ, ծորակը այսպէս պէտք է բանալ, իսկ գալով սուրճին, զայն կրնանք պատրաստել գիւրութեամբ: Հաւատացէք որ շատ լաւ ըրիք հոս գալով շատ լաւ: Ի՞նչու պիտի մնարք այդ զղուելի երկիրը ուր այլեւս գործ չկայ մանաւանդ Հայերուն համար: Փառք Տիրոջ, հոս զործը առատ է եւ մանաւանդ ձեզի պէս վարպետ դերձակ մը բնաւ պարապ չի մնար: Տեսէ՛ք մէսիկօ Տիրուանը, ան միշտ կ'աշխատի եւ բնաւ պարապ չի մնար: Բայց ուրիշ բա՛ն կայ. ի՞նչ պատճառաւ բոլորդ մէկ չը գաղթեցիք: Որովհետեւ դուք տունը չորս հոգի էք եւ ոչ թէ երկու: — Հակառակ իր շատախօնութեան, գիւրուկ տիկին Պիւքը այնքան համակրելի էր, այնքան պարզ մտերմութեամբ մը կը խօսէր որ գաղթական Հայերը սիրով մտիկ կ'ընէին զայն, թէեւ զերձակը ոչինչ կը հասկնար, իսկ իր աղջիկը՝ քիչ բան: Թուրքերը կատե՛մ կ'ըսէր տիկին Պիւք, ամբողջ հոգիովս կ'ատեմ այդ գաղաճները որ ձեզ ջարդեցին: Նոյնիսկ երախաները ջարդեցին: Տեսէք, հիմայ ալ նոր օրէնքին համաձայն այլեւս չեն թոյլատրեր որ հոն վերադառնաք, հակառակ որ ձեր երկիրն է ան՝ դարերէ ի վեր: Բայց գուք աւելի կանուխ Փարիզ գալու էիք որովհետեւ... — եւ յանկարծ Տիկին Պիւք ըսաւ հայուհին — Օրիորդ Ալիս, շատ համակրելի էք դուք, եւ տարօրինակ բան՝ գորսիքացիի հնչում ոմիք: Պայուսակները բացուեցան, զանազան առարկաներ տարտղնուեցան յարմար ու անյարմար անկիւններ եւ կտրեցաւ ծորակին ջուրը: Տիկին

Դիւք զնաց ու եկաւ անդադար, իսկ իր տղան՝ բակի զերաններէն մէկուն վրայէն վար իջնալով եկաւ կանդնիլ բաց դրան մէջ: Անոր յաջորդեց երկրորդ մանչ մը աւելի պղտիկ եւ յետոյ երրորդ մը՝ որ այլեւս չորս ոտքի վրայ կը քալէր: Եւ կարծէք թէ այս բոլորը բաւական չըլլային, բաց դոնէն ներս անցաւ նաեւ անթելի մը ճռինչը, սեւ կատու մը, իր մէկ ձագը, իր ձագերը: Սուրճը յորդեցաւ:

... Անշուշտ մեծ էր Տիրանին ուրախութիւնը, քանի որ տարիներէ ի վեր ասոնք առաջին աղղականներն էին, հոդ չէ թէ ոչ շատ մօտաւոր, որոնց երեսը կը տեսնէր: Տաղէս աղա շուրջը նայելով ըստ — « Ծո աղայ դուն ե՞րբ դերձակ եղար... Մա՛քսը ո՞ւր, դերձակութիւնը ուր »: Ճիշդէ է որ Տիրան տարի մը միայն աշակերտած էր Տաղէս աղային մօտ եւ յետոյ մեկնած՝ այս արհեստին մէջ յարմարութիւն չուփենալուն համար: « Գործի մը տած օրս մայրիկս մատնոց մը նուիրեց ինձ եւ խառնուածքս դիտնալով ըստ թէ պէտք է ջանամ խելքս կարին տալ եւ աչքը մտնալ հայրիկիդ: Եւ առաջին օրն իսկ երբ որ երեկոյին տուն դարձայ, մայրիկիս վիզը նետուելով ըստ թէ անմի՛ջապէս, անմի՛ջապէս աչքը մտած էի վարպետիս: Խանութին մէջ մուկ մը սատկեցուցած էի: Մի՞տքդէ է վարպետ: Իրաւ է որ մեծ քանակը կոտրեցաւ, բայց սատկեցաւ խաեւ մուկը: Ա՛սչափ մուկ մը :»

Բայց յանկարծ տրտմեցաւ երիտասարդը, որովհետեւ հեռաւոր ու սիրական դիմադրիծեր իրեն

երեւցան շատ որոշ գոյներով, անփոխարինելի ջերմութեամբ եւ ինք ըստ իր վարպետին սա տեսակ տրտում խօսքեր — « աս աշխարհը պարապ աշխարհ է » եւ « օ՛Փ, օ՛Փ » : Բարեբախտաբար ծագեցան ուրիշ հարցեր եւ վարպետը Տիրանի մէկ հարցումին պատասխանելով ըստ թէ հակառակ ստացած ապահովիչ տեղեկութիւններուն, ինք չէր ուզած իր այսչափ տարուան տունը քանդել մէկ անգամէն եւ այդ պատճառաւ է որ Փարիզ չէին եկած ամբողջ ընտանիոք :

— Նայի՞նք, ըստ վարպետը. Եթէ աստեղի վիճակը գործիս գայ, կարենանք ապրուիլ, այն տաեն քրոջս կը դրեմ եւ ան ամէն բան ծախելով Սմբատին հետ կ'ելլայ կուզայ : Նայի՞նք...

Ասկէ յետոյ պատահեցան մէկ քանիին այն սովորական գէպէրուն, որոնք անխուսափելիօրէն կը հալածեն դազթականները : Այն մօտաւոր պանդոկը ուր ապաստանեցան հայր ու աղջիկ, մլուկ ելաւ : Ամբողջ գիշեր մը անքուն անցնելէ վերջ — որուն պատճառաւ յանդիմանութիւն ալ ստացան պանդոկապետէն որ նշմարած էր լոյսին երկարատեւ վառ մնացած ըլլալը — ուրիշ սենեակ մը ուղեցին : Բայց ա՛ն ալ երկու Պոլսեցինները լեցուցին դիշերային անէծքով : Հետեւանք՝ սաստիկ հարբուխ մը եղաւ Ալիս՝ բայց բարեբախտաբար վրայ հասաւ իր ընկերուէին, Աստղիկը, որ զինքը տարաւ իրենց տունը, Սէն — Մանտէ : Գալով Տագէս աղային, ան սկսաւ գիշերել Տիրանին մօտ, մինչեւ յարմար սենեակի մը յայտնութիւնը, մինչեւ Ալիսի վերադարձը : Եւ որովհետեւ այս բոլորին

պատճառաւ զերծակին դործը բաւական եւ էր  
մնացած, վարպետը թեւերը սօթթեց ևւ սկսաւ  
աշխատիլ իր նախկին աշակերտին հետ, եւ միա-  
ժամանակ խօսեցան հինչն ու նորէն, սարէն ու ձո-  
րէն, հայերէն ևւ թրքերէն:

Երրոր Իղմիրլեանը խորան կ'ելլէր ևւ վայ-  
տէ մուրճը ձեռք կ'առնէր, մենք գիտէինք թէ իս  
մեծ եղրա՛յրս է որ « զոնբացէք »ի տախտակը կը  
բռնէ վարագոյրին ևտեւ: Իղմիրլեանն ալ գիտէր:  
Ե՞նչ օրեր, ի՞նչ օրեր էին, այսօրուան պէս միտքս  
է: Ան Զատկին նոր շապիկներ կարուեցանք ևւ իմի-  
նրո մասնաւորաբար չափի վրայ շինուած էր. օձի-  
քին տակն ալ Տ մը ևւ Պ մը կար: Տաղէս Պալապան-  
եան: Դպրաց զասուն մէջ չկար մէկը որ չուղէր  
տախտակը ինք բռնել. բայց լուսահողի Հէքիմեա-  
նը չէ՛ կ'ըսէր: Տախտակը Լեւոնը պիտի բռնէ՛ վէ՛-  
սելամ կ'ըսէր: Եղրօրս պէս ձայն ունեցող մէկ հատ  
մըն ալ չկար. երբ որ թող տար « Ովսաննան »  
մինչեւ մեր տունէն կ'իմացուէր: Աս Լեւոնին ձա՛յ-  
նըն է կ'ըսէին: Մասնաւոր հօճաններ կուղային է-  
յուղներէն, Ֆաթիհներէն, մեր Երզեցողութիւնը  
լսելու համար: Անոնց զպրաց զասը ամէնէն կա-  
տարեալն է կ'ըսէին: Ե՞նչ օրեր էին, ո՞ւր են այդ  
օրերը: Բոլոր աղաքը զատկուան օրօրոցներուն մէջ  
կը խաղան, կը խնդան, հաւկիթ կը փոխանակեն,  
խեկ ես ասգին կուլքամ: Կ'ուղեմ անպատճառ հետո  
առնել շապիկս: Զէ՞ մի որ անոր օձիքին տակ Տ մը  
ևւ Պ մը կայ: « Ան իմինս է, հետո պիտի տանիմ »

կ'ըսեմ : « Տաղէս Պալապանեանը Ե՛ս եմ » կ'ըսեմ : Ի՞նչ ըսես . տղու խելք : Տարիներ վերջ (դեռ դըպ-րապետ չէի) հարցուցի իզմիրլեանին — Սըրապան , կը յիշէ՞ք , որ մը արարողութեան ատեն նուազե-ցայ ըսի , որովհետեւ ծոմ բոնած էի Ս . Հաղոր-դութիւն առնելու համար ըսի : Խորհրդարանին մէջ է որ խօսեցայ : « Կը յիշե՞մ , կը յիշեմ » ըսաւ : Եղ-բա՛յրս ալ յիշեց : « Անոր ձայնը դեռ ականջներուս մէջն է » ըսաւ :

Իրենց դրաղումին պատճառաւ չէին կրնար դը-նում կատարել եւ կերակուր եփել , այնպէս որ Տի-բան իր վարպետը առաջնորդեց մօտակայ քրիք - ֆիք ճաշարան մը ուր կերան ծեծ ուտելու պէս : Երբ որ աղատեցան աղմուկէն , հրմշտուքէն եւ խոհանոցի ծանր հոտէն , կրկին վերադարձան կարի եւ ան-վերջանալի խօսակցութեան : Այդ քմահաճ խօսակ-ցութեան ընթացքին է որ Տիրան կանգ առաւ կա-րեւոր նիւթի մը առջեւ : Ի՞նչ պիտի ընէր վարպետը երբ որ պատահմամբ կորսուէր Փարիզի մէջ : Ի՞նչ-պէս պիտի գտնէր իր ճամբան երբ Փրանսերէն չը գիտեր : « Մենք ատոր դարմանը գտած ենք » ըսաւ Տիրան եւ անմիջապէս սպիտակ թուղթի մը վրայ դրեց հետեւեալը — « կը կոչուիմ Տաղէս Պալա-պանեան , Հայ եմ , ու կը բնակիմ Մառզատէ փո-ղոց : Կը խնդրեմ որ զիս հոն առաջնորդէք » : Եւ վարպետին պատուիրեց որ այս թուղթը պահէ խը-նամքով :

• • • • • • • • • • • • •

Տիրան իր ետեւէն քաշեց վարպետը — որուն

վրայ այլեւս բնաւ կարողութիւն չէր մնացած, այնքան որ շրջած էին պանդոկէ պանդոկ — եւ ներս մտաւ նեղ գոնէն: Յետոյ պանդոկին գրասենեակը անցնելով հարցուց.

— Ներեցէք օրիորդ, երկու հոգինոց սենեակ մը ունի՞ք արդեօք: Բարեկամիս եւ իր աղջկանը համար է... այո՛, ամսուան համար:

— Ոչ պարոն... դժբախտաբար ոչ... երկու հոգիի համար ըսիք չէ՞... այսինքն թէ... թէեւ սենեակ մը ունինք, բայց այս պահուս ներսը մարդ կայ... չէ՞ք կրնար ժամ մը վերջ անդամ մը եւս հանդիպիլ սենեակը այցելելու համար... հեռո՞ւ կը բնակիք... ո՞ր կողմ կը բնակիք:

Ճիշդ այդ պահուն է որ գրասենեակին խորը զտնուող ապակեպատ դուռ մը բացուեցաւ աղմուկով եւ ներս խուժեց կին մը: Այս ներխուժումը եղած էր այնքան բիրտ՝ որ դրան բոնիչը մնացած էր կնոջ ձեռքը: Չորս կողմը միսի գունտերով բեռնաւոր, խոչորակազմ, կաշըմքուոն էդ մըն էր եկողը, թեզանիքները մինչեւ արմուկներէն վեր սօթթած՝ եւ դէմքին կարմրութիւնէն կը հասկցուէր որ խոհանոցի կրակէն կուզայ: Թերեւս կուզայ՝ սղմուտուքէ: Խոյացաւ գրասեղանին առջեւ նստած աղջրկանը վրայ որ նիհար էր ծրագիր — կանոնագիրի մը պէս, ու գոռաց.

— Աղջիկ գուն խե՞նթ ես, յիմա՞ր ես, թէ չէ դիտմամբ ընել սկսար: Աս երրորդ անգամն է որ քու տիմար պատասխանիերովդ իմ յաճախորդներս կը փախցնես: Երէկ նոյն բանը ըրեր, առջի օր՝ նոյնը: Մինչեւ այսօր խնայեցի քեզ, բայց հիմա

փառաւոր ապտակի մը արժանի ես : Արժանի ես  
ըսի՝ լոէ : Ո՞ւր տեսնուած է որ 19 տարեկան աղջիկ  
մը յաճախորդին պատասխանէ — « վերջը չէ՞ք  
կրնար զալ . . . ո՞ւր կը բնակիք . . . հեռո՞ւ կը բնա-  
կիք . . . ձեր concièrgeն ալ ձեզի հե՞տ կը բնակի » :  
Բերանդ չրանաս՝ ինքնիրմէս կ'ելլեմ . . . Մտիկ ըրէ  
եւ սորվէ թէ ինչովէ՛ս կը խօսին Փարիզի մէջ :

Եւ դառնալով դպրապետին որ Փրանսերէն  
բա՛ո մը իսկ չէր հասկնար, արտասանեց հետեւ-  
եալը .

— Այս՛ պարոն, երկու հոգինոց սենեակ մը ու-  
նինք : Գինը 200 Փրանք է : Անմիջապէս կրնաք այ-  
ցելել զայն եթէ կը փափաքիք :

Տագէս աղա արդէն յոզնած ու դժուհ՝ քիթը  
բերանը ծամածոելով հարցուց .

— Ծո Տիրան, ինչ լ՞նչ կ'ուզէ կոր աս պաշ  
չավուշը :

— Բայց չե՛ն կրնար այցելել, ներու մարդ կայ,  
առարկեց աղջիկը վախով :

Պանդոկապետուհին աւելի կատղեցաւ, բայց  
վիճարանութեան ամէնէն տաք կէտին վրայ՝ յան-  
կարծ դուրս նետուեցաւ գրասենեակէն, առարկե-  
լով թէ ըոսկէ մը իսկ աւելի եթէ մնայ հոն, ձեռքէն  
դժբախտութիւն մը պիտի ելլէ : Դրան բոնիչը որ  
ահաւասիկ՝ աղջկան քթին բերնին պիտի նետէ : Եւ  
երկու Հայերը ետեւէն քաշելով սկսաւ սանդուղ-  
ները բարձրանալ : Վեր կ'ելլէր սանդղամատերը  
սարսափեցնելով, թեղանիքները վար կ'առնէր,  
գոզնոցը կը նետէր իւղոտ բազրիքին վրայ, շարու-  
նակելով պոռպոալ : Այդպէս գրգռուած վիճակով

Հասաւ թիւ 11 սենեակին առջեւ ու դարկաւ :

Երրորդ եւ զօրաւորագոյն հարուածէն վերջ՝  
խորունկին եկող ձայն մը պատասխանեց .

— Բայց տիկին ժամու , չէ՞մ կրնար բախալ . . .  
բարեկամիս հետն եմ . . .

— Իրծի հետ ըլլալու չէ՞իր եա , բացագանչեց  
միւսը . հա՛րկաւ բարեկամիդ հետ սլիտի ըլլաս . . .  
ինծի նայէ ուր քուլու , կարծեմ դուն չափը  
անցուցիր : Ամէն որ կուզաս ինձմէ սենեակ կը վար-  
ձես մէկ ժամուան համար , եւ փոխանակ ըստ ըն-  
դունուած սովորութեան մէկ ժամը եօթանասունը  
հինգ վայրկեան հաշուելու , երեք ժամ կը փակուիս  
ներսը : Մինչեւ հիմայ gentille գտնուեցայ հետդ եւ  
գիտողութիւն չըրի , բայց եթէ խելացի աղջիկ ես ,  
պիտի ջանաս որ հետդ չաւրուիմ : Որովհետեւ հե-  
տըդ պիտի աւրուիմ եթէ այսպէս տեսէ :

— Բայց Տիկին ժամո՞ւ , առարկեց ձայնը , մի-  
այն կէս ժամ եղաւ մեր սենեակ մտնելը . . .

— Կէ՞ս ժամ : Երբե՞ք . քառորդ մը միայն ե-  
զաւ , բայց հակառակ ատոր կ'ուզեմ որ դուռը բա-  
նաս : Լուրջ յաճախորդներ ունիմ հոս , եւ երէկ-  
ուան պէս զանոնք կրկին քու պատճառաւդ կոր-  
սնցնելու բնա՛ւ տրամադիր չեմ : Լո՛ւրջ յաճախորդ-  
ներ ունիմ հոս , օտարականներ , որոնք ամսուան  
համար սլիտի վարձեն . . .

Լուռթիւն մը տիրեց եւ յետոյ վերնկսաւ փո-  
խասացութիւնը : Երբ որ պանդոկապետուհին բը-  
ռունցքի հարուածները սասակացուց դրան վրայ ,  
Լուլուն աղերսեց ներսէն .

— Բայց Տիկին ժամու , մեր ա՛յս վիճակով . . .

ա՞նմիջապէս . . .

— Անմիջապէս ձեր այդ վիճակով դուքս ելէք ըստ չունիմ : Ֆրանսերէն է խօսածս : Անկողին մտէք եթէ դուքսն էք, վերմակով ծածկուեցէք ամբողջութեամբ, եւ մնացէք անշարժ՝ մինչեւ որ մենք մեկնինք : Արդէն ակնարկ մը միայն պիտի նետենք եւ դուքս ելլանք : Այդպէսով դուք իմ առեւտուրիս արգելք եղած չէք ըլլար, եւ ես ալ . . . ահհոգ եղէք՝ երկու ծեր պարոններ են :

— Բայց Տիկին Ժատու, հաւատացէք որ չենք կրնար հիմայ . . .

— Sapristi! պատճառը շատ աղէկ դիտեմ : Անպայման նորէն վերմակը կորսնցուցած էք : Ով դիտէ ուր նետեցիք : Մահճակալին տակ աղէկ նայեցէք . . .

Բանակցութիւնները աւելի տաքցան, մօտակայ դուներ բացուեցան հետաքրքրութեամբ, երկու կիները լրջօրէն առին տուին, իսկ Տիրան ըստ վարպետին ականջն ի վար — « ասանկ դռնբացէք դուն տեսա՞ծ էիր » : Վերջապէս համաձայնութիւն դոյցաւ : Նիզը բացուեցաւ, մինչ աղջկան ձայնը միաժամանակ կը հրամայէր .

— Մինչեւ որ « ներս մտէք » չըսեմ, մի՛ մըտնաք :

Բոպիկ ոտքերը փախան, մահճակալը երկու անգամ հազար, կտաւներ բացուեցան, պրկուեցան, եւ յետոյ հեռուէն, կարծես հորի մը խորէն եկող ձայնը ըստաւ — մտէ՛ք :

• • • • • • • • • • • • • • •

Երկու մեռել՝ պատանքուած :

Վերմակը Երկու հոգինոց վերմակ չէ, ոչ աւ բաւականին թանձր . այդ պատճառաւ երբ որ երիտասարդները քաշեր ու պրկեր են զայն լաւ ծածկուելու համար, տուեր են պարզապէս իրենց մերկ մարմնին կաղապարը : Վերի երկու գունտերը անշուշտ երկու գլուխներն են, յետոյ կուզան ուսերը, յետոյ քնները եւ սրունքները : Ո՛չ, ո՛չ աղջիկը այս կողմինը պէտք է ըլլայ, որովհետեւ... Տեսէ՛ք, մեծ պատուհան մը ունիք հոս, որուն վարագոյրը եթէ բանաք՝ փողոցը կ'երեւայ ամրողջութեամբ : Դիրքերնիս շատ լաւ է քանի որ արեւ կը ստանանք առաւօտները : Իսկ հոս ունինք տաք ջուր եւ պաղ ջուր : Կայ նաեւ... ի զուր կինը սեննեակ մտնելուն պէս սկսած էր իր այս դասական խօսքնրուն՝ Տիրանին եւ վարպետին ուշադրութիւնը հրաւիրելու համար մեծ պատուհանին վրայ ուրկէ տաք ջուր եւ պաղ ջուր կը վաղէ, կամ վարագոյրներուն վրայ որոնք հանգստաէտ են... Երկու Հայերը իրենց ակնարկը անմիջապէս դարձուցած էին նախ դէպի մահճակալը, եւ յետոյ աթոռները : Անոնցմէ մին իը կրէր կնոջ հազուստ մը, կարմիր գօմպիթէզօն մը, սեղմիրան մը, իսկ միւսին վրայ կային այր մարդու զգեստներ, ճերմակեղէններով հանդերձ : Ելմինէին վրայ էին Petit Parisien մը, ակնոց մը եւ Երկու զլլարկի : Այր մարդուն զլիսարկին վրայ ոսկիհիւս տառերով գրուած էր .

### CHAUSSURE RAOUL

Բայց երբ Տիրան շըմինէի քարին ծայրը նշմարեց շատ աւելի մտերիմ եւ ազտոտած առարկայ

մը, գլուխը անմիջապէս դարձուց վարպետին։ Եւ տեսնելով անոր արտայտայտութիւնը, իր երկու ափերովը մէկէն խփեց իր քիթն ու բերանը՝ խնդուքին ժայթքումը կասեցնելու համար։ Շառապունեցաւ, աչքերը բացուեցան, կասկած չունեցաւ որ մարդը նշանաւոր բան մը պիտի ըսէ . . . ահա որ վարպետը իր ձեռքը երկարեց գէպի մահճակալը . . . ահա որ բերանը բացաւ . . . ճառու։ Մինչդեռ երկու հայերը կը նայէին անշարժ պառկողներուն, ստացան այս պատասխանը — ճառու . . .

Պարզապէս շատ պրկուած հին սաւանն է որ պատուծ էր վերէն վար, մեծ աղմուկով։

Անկողնին մէջ երկու մարմինները ցնցուեցան, Լուլուն սուր ճիչ մը արձակեց, իսկ « կօշիկ Ռառուլ »ը ըսաւ — merde! : Խեղճերը կը կարծէին որ ծածկոցն ալ սաւանին հետ պատուելով իրենց մերկութիւնը մէջտեղ էր ճգած։

Պանդոկապետուհին երեք անգամ պօռոց թէ աղէտը մեծ չէ, անմիջապէս երկու հայերը դուրս հրեց սենեակէն եւ անսպասելի ճայնով մը սկսաւ խնդալ սաստի'կ, սաստի'կ։ Տիրան փլաւ տեղն ու տեղը, ինկաւ ըստ բաղդի սանդուղի մը վրայ, երկուքի ծալլուեցաւ եւ կոկորդը պատուեց խնդալով։ Յետոյ գինովի մը պէս իջաւ սանդուղներէն, գէշ պանդոկին դրան մէջ գտաւ վարպետը եւ նիհար աղջիկը, ու փափաքեցաւ համբուրել զանոնք երկուքն ալ։ Իր աչքերուն մէջ արցունքները այնքան առատ էին որ չէր տեսներո՛չ Տագէս աղայի խոժոռութիւնը եւ ոչ ալ աղջկան գոհունակութիւնը,

այլ միայն կը վասիաքէր համբուրել զանոնք երկուշն ալ :

Երբոր տեղատարափին կործանումը աւարտեցաւ, վարպետը ուղեց մեկնիլ իրենց ապաստանած որճարանին, որովհետեւ ջղայնացած էր եւ չէր կրնար տեղ մը նստիլ։ Բայց վերջին նորածեւութեամբ հագուած Տիրանը իր հագուստներուն խընայեց, մանաւանդ որ մէքրօյին ծակը բաւական հեռու էր։ Քիչ մը եւս մնացին կաթիասուրճի իրենց պարապ զաւաթներուն դիմաց եւ Տիրան շարունակեց խնդալ։ Թէ եւ կը խօսէին բոլորովին չէզոք նիւթի մը, այսինքն Պոլսոյ տեղատարափիներուն եւ կարկուտներուն վրայ, բայց Տիրան ատենը անդամ մը մարդուն աչքերուն մէջ կը նայէր, փը՞ոթ կ'ընէր ու կը խնդար։ Տագէս աղա անգամ մը եւս ըստ թէ դուն անամօթին մէկն ես, թէ ինձի ոկէս հօրդ տեղը մարդ մը այդ տեսակ պանդոկ մը տարիք եւ հիմա անպատկառօրէին . . . աւելի շատ սկսաւ խնդալ Տիրան ըսելով թէ վարպետը ամուսիններ կարծած էր սիրահարները։

— Ինչ կարծեցի՞ . . . ի՞նչ, ի՞նչ, ըստ վարպետը որ ընաւ այդ մտածումը չէր ունեցած, եւ չուզելով արտասանել այն ծանր խօսքը որ շրթներուն վրայ կը դողար, դուրս ելաւ սրճարանին։

Տագէս աղա մէքրօյին մէջ տեսաւ սեւ ծրաբ մը եւ Տիրանը արմկահարելով անոր հասկցուց թէ

ուրիշ արհեստակից մըն ալ կար որ գործ կը տանէր  
յանձնելու : Ապահովաբար : Տիրան նայեցաւ զետնի  
ծրարին , յետոյ անոր տիրոջ կոնակին ու բացա-  
գանչեց : Ճանչցած էր Պարոյրին կոնակը : Սկսան  
խօսիլ առատորէն եւ ներկայացուեցաւ վարպետը :  
Այդ խօսակցութեան ընթացքին է որ տուին կարե-  
ւոր որոշում մը , այսինքն Պարոյր իր բարեկամին  
գործի խնդրանքին պատասխանելով ըստ թէ դուք  
կրնաք հիմայ անմիջապէս իր հետը դալ Belle Jard-  
inière որպէսզի ես ձեզ ինքայացնեմ մարդուն եւ  
ձեզի ալ գործ տայ : Շուրջներէն մէկը Հունգա-  
րացի մըն է որուն հետ ես շատ լաւ եմ եւ երբ որ  
ըսեմ թէ դուք լաւ աշխատողներ էք... կուտա'յ ,  
կուտա'յ , դործը շատ է : Տաղէս աղա առաջարկեց  
ուրիշ որ մը երթալ քանի որ այժմ յոդնած էր ինք ,  
բայց Պարոյր՝ իր ականջին ետեւէն վերցնելով սի-  
կառէթի աղտոտ կտոր մը զետինը նետեց , եւ խըս-  
տօրէն հասկցուց որ Փարիզ է հոս , ճգճղել չըլլար  
հոս , երկաթը տաք – տաք կը ծեծեն հոս : Նայէ' ,  
այսօր շաբաթ է , եթէ այսօր չիդաս , ախղամ մըն  
ալ յաջորդ ուրբաթ միայն կրնամ քեզ մարդուն  
տանիլ : Հսէ նայիմ , դուք ի՞նչ պիտի ընէք ամբողջ  
շաբաթ մը : Սա ալ ըսեմ որ՝ ձեր գիտնալիք բանն  
է : Պարապ նստեցէք :

Խխում եղած՝ երեք դերձակները հասան Belle Jardinière : Այդ աշխարհը տեսնելով (մանաւանդ  
գարշելի պանդոկներէ վերջ) իսկապէս զարմացաւ  
ու հիացաւ Տաղէս աղա : Անվերջանալի սանդուղ-  
ներ , լափիւրինթոս նրբանցքներ , լեռնակուտակ  
պատատներ , եւ յետոյ վերելակներ , պաշտօնէու-

թիւն, կիրթ հեղեղ: Մինչ կը սպասէին իրենց կարդին, Տիրան իր ընկերոջ պատմեց ժամուկէս առաջուան ողանդոկի դէպքը: Երկու երխասաարդները չափաղանց խնդացին, մէկզէկ հրմշտկեցին, « Էյ ըլլա՞լիք բան չէ » ըսելով, « աչքոյ խաղայ վարպետ » ըսելով և Պարոյը ճշաց թէ այս դէպքը գրուելու արժանի բան է : Այս՝, անպայման պիտի գրէ Կավոօշին մէջ: Թէ եւ գժտուած էր խմբագրին հետ, բայց դարձեալ հաշտուեցան եւ արդէն իսկ նիւթ մը տուաւ զալ շարթուան թիւին համար: Եթէ առնես, կը տեսնաս: Եւ որովհետեւ կրկին Տիրան կ'ըսէր թէ վարպետը ամուսիններ կարծած էր երկու սիրահարները, Տաղէս աղա բարկացաւ: Ինք բնա՛ւ այդպիսի մտածում չէր ունեցած:

— Հոգ չէ՛ վարպետ, ըսաւ Պարոյը, կարծեր ես, չես կարծեր՝ կարեւորը այդ չէ: Կը բաւէ որ դրութեանս մէջ լա՛ւ կը փախի... ես կը գրեմ:

Բնականարար Տաղէս աղա շատ աւելի ներողամտաւթիւն ունէր Տիրանին հանդէս քան թէ այս օտարին՝ որ կը համարձակէր այսքան քիչ ակնածանքով խօսիլ իրեն հետ: Գունատեցաւ վարպետը եւ ըերանը բացաւ: Անշուշտ պիտի գժտուէին՝ եթէ շուտով չկտրուէր իրենց խօսակցութիւնը: Ստիպուեցան հունդաբացին մօտենալ աճապարանօք, քանի որ իրենց կարդը եկած էր:

Երբ ամէն ինչ կարգադրուեցաւ այնպէս ինչպէս որ կը փափաքէին եւ փողոց ելան երեք Հայերը, պատահեցաւ գէպք մը եւս: Տաղէս աղա չկըրցաւ իր գլխարկը դլուիր անցնել: Զայն ձեռքերուն մէջ դարձուց քանի մը անզամ եւ ըսաւ որ սիրած-

էր, ուրիշ մէկուն գլխարկը առած էր զուրս ելած ատեն: Բնաւ երբեք նոյն իր խեղճուկ դլխարկն էր, միայն թէ գերձակը ներսը եղած ատեն զայն դրած էր անկիւն մը, ապահովաբար շատ տաք խոզովակի մը կամ ջեռուցիչի մը վրայ եւ թաց գըշ-խարկը քաշուած, կծկուած էր: Մարդը այնքան յուսահատական դէմք մը ունէր եւ իր դլխարկը այնքան ծիծաղելիօրէն կը թառէր գանկին գաղտ-թը, որ երկու երիտասարդները սկսան խնդալ: Պա-րոյը գլխանոցին երկու եղերքներէն բանելով վար քաշեց, սաստկացուց իր խնդուքը եւ ըսաւ թէ տա-կաւին շատ ձիւն սղիտի դայ քու գլխուդ, այս Փա-րիզին մէջ: Այնպէս չէ<sup>թ</sup>, խելքէդ չէր անցներ որ մայիս ամսուն կրնայ տաք խողովակ ըլլալ ներսը: Օհօ՞օ, այս քու կարծած աշխարհդ չէ . . . ահա որ քեզ այս վիճակին մէջ կը ճղէ եւ ընաւ փոյթը չը-նէր: Քանի երիտասարդները կը խնդային, այնքան կը բարկանար Տագէս աղա եւ զանոնք կ'որակէր « շոշորթ »ի նման ածականներով: Երբ որ տեսաւ թէ շուտով չպիտի հանդարտին անոնք, դլուխը ա-ռաւ ու գնաց:

Երկու աղջականները մէք-րօյին մէջ կեցան ի-րարմէ հեռու: Տիրան կոնակը դարձուց որպէսզի չտեսնայ գլխարկին ծիծաղելիութիւնը, կզակն ու ծոծրակը ճգմեց անգթօրէն որպէսզի չխնդայ, բայց չկրցաւ քանի որ խնդուքը ջղային եղած էր այլեւս: Ճամբորդներէն զինուորը մը մասնաւորաբար՝ դու-շակած էր հայուն ծիծաղին նիւթը, եւ կը նայէր մէյ մը Տագէս աղայի գլխարկին, մէյ մըն ալ Տի-րանին:

Մերքոյի սանդուղներուն վրայ է որ վարպետը  
նկանեց իր զիմարկը, բայց Տիրան հաւաքեց զայն  
զիմանալով որ մարդը ուրիշ զիմանոց չունի : Եթե որ  
տուն հասան, տեսան որ Ալիս եւ իր ընկերուհին  
սենեակն են : Աղջիկները մեծ ուրախութեամբ ըն-  
դունեցին երկու զերձակները, բայց շատ շուտով  
այլայլեցան տեսնելով որ հայրիկը վճռականօրէն  
մէջտեղ կը քաշէ պայտաւակները եւ մեկնելու խօսք  
կ'ընէ : Աւգեցին զոնէ տեղեակ ըլլալ անցուղարձե-  
րուն, « Աստծոյ սիրուն՝ խօսեցէք » ըսին, եւ քանի  
որ քնար կարելիութիւնը չէին տեսներ հայրիկը  
խօսեցնելու, կառչեցան երխասարդին :

— Ի՞նչ, ի՞նչ... ըսել է պիտի պատմե՞ս...  
ուռանց ամ չնալու պիտի պատմե՞ս եղածները...

Նախկին զպրապետը Տիրանը լոեցուցած էր  
անոր տուաջին բառերէն իսկ : Այդ վարանոտ բառե-  
րը բոլորովին անլինաս էին եւ կը վերաբերէին մի-  
միայն զիմարկի պատահարին, բայց ոլոռթկացած  
էր վարպետին բարկութիւնը : Ան կ'ըսէր թէ մարդ-  
զոնէ աղջիկներէն կ'ամ չնայ եւ եթէ երեսը միւոն  
չէ մնացած ու իր հօրը տարիքը ունեցող անձ մը  
չի յարդեր, զոնէ՛ աղջիկ զաւակներէ կ'ամ չնայ :

Եւ զառնալով Ալիսին, Տագէս աղա խստօրէն  
ըստ որ փոխանակ աղէ արձան կարելու՝ լաւ կ'ը-  
նէր զալ իրեն օգնելով որպէսողի ժամ առաջ կապեն  
պայտաւակները ու մեկնին : Այո, անմիջապէս պի-  
տի մեկնի ասկէ եւ վաղն իսկ մութին ու լուսուն թր-  
քական հիւղատոսարան պիտի երթայ : Հսէ նայիմ,  
ո՞ւր է տաճիկին հիւղատոսարանը :

— Խենդեցա՞ր վարպետ, ըսաւ Տիրան, կեցիր

նայինք, ի՞նչ կ'ըլլանք կոր . . .

Եւ որովհետեւ դարձեալ երիտասարդը իր այս  
խօսքը ըստած էր ժաղիտովվ, աւելի եւս կատղեցաւ  
մարդը : Ան ըստաւ թէ ինք խենթ չէր եւ քեղի պէս  
խելացիները եւ կիրակին պղպտիկ դրազանէն կը հանէր :  
Ինք ըստաւ թէ այս երկրէն պիտի մեկնի՝ եւ պիտի  
մեկնի : Այս տարիքը եկած էր եւ տակաւին օր մը  
օրանց ո եւ է մէկը չէր համարձակած իրեն հետ  
վերաբերուիլ այսքան անողատկառութեամբ, այս-  
քան ծաղրանքով : Ինք գիտէր յարդել ու յար-  
դուիլ կաթնավաճառէն եւ փաշայէն, հացազործէն  
եւ վէղիրէն : Եւ դուն հիմա հետո կը զուարճանա՞ս  
ժամերով որովհետեւ առաջուան Տաղէս էֆէնտին  
չեմ եւ նիւթապէս կարօտ եմ մնացեր, քու զուող  
եմ ինկեր . . .

Խստօրէն փողոքեց Տիրան այս տրամարտնու-  
թեան դէմ եւ երկու դերձակները բարձրացուցին  
իրենց ձայնը : Վարսկետը պնդեց իր ըստածին ճշմար-  
տութեանը վրայ, աւելցնելով թէ Տիրան իր վրայ  
ծիծաղելու համա՛ր է որ միայն դինքը առաջնոր-  
դած էր այդ վատահամբաւ պանդոկը : Ըսէ տես-  
նեմ, դուն որ Փրանսերէն կը հասկնաս եւ ըմբռնե-  
ցիր թէ ներսը ովքեր կան, չէի՞ր կրնար առնել ու  
քալել : Զէի՞ր կրնար ըսել — «վարպետս, այս քու  
մտնալիք սենեակդ չէ» : Ի՞նչու վերջն ալ այս դէպ-  
քը պատմեցիր բարեկամիդ որ քեղի պէս էշուն մէ-  
կն է : Եւ ան ալ պիտի ելլէ իմ վրաս յօդուած պիտի  
դրէ եղեր . . . Տաղէսին վրայ այդպիսի բան դընել  
. . . Տաղէսին վրայ՝ որ մինչեւ այս տարիքը յար-  
դուած է մեծէն ու պղտիկէն, սրբազանէն եւ պատ-

րիարքէն . . .

Վարողետը կը դողղղար : Թէ՛ աղջիկներուն մի-  
ջամտութիւնը եւ թէ մանաւանդ Տիրանին հակա-  
նառութիւնը զինքը աւելի կը բարկացնէին եւ ինք  
խոր յուղումով կը պնդէր թէ զլիարկ ըսուածը  
մարդուս պատիւ՞ն է : Դժբախտութիւն մըն է պա-  
տահեցաւ՝ աղէկ . բայց դուք ինչպէ՞ս այդ պատի-  
ւին վրայ կը խնդաք անվերջ : Ինչպէ՞ս կը համար-  
ձակիս « Դոնբացէք » ըսել բողի դրան զարնելով . . .

Պայուսակները կապուեցան, բայց Տիրան չի-  
թողուց որ անոնք մեկնին, որովհետեւ բարկացած  
էր իրքն ալ և չափաղանց անարդար կը դտնէր վար-  
պեար : Կրսէր թէ ինք ամբողջ կարելին ըրաւ օդ-  
ուակար ըլալու համար եւ երբեք այսպիսի վարձա-  
պութեան մը չէր սպասեր : Այո՛, անախորժ դէպ-  
քեր էին պատահածները, բայց ինք յանցանք չու-  
ներ անոնց մէջ : Խնդացած էր միայն, ան ալ հակա-  
ռակ իր կամքին : « Անխելք եւ հինգլուխ մարդու-  
խուքեր են ըրածներդ » ըսաւ վարպետին :

Տաղէս աղա որ մեծ դժուարութիւն կը քաշէր  
իր սիկարէթը վառելու համար, այնքան որ ծեռքը  
կը դողար, ընաւ չկրցաւ հանդուրժել այս խօսքե-  
րուն : Բասաւ թէ եթէ երբեք մեր միջեւ տարբերու-  
թիւն մը կայ, ան ալ գլխին հնութիւնը չէ, այլ  
միւսոնը : Այսինքն կրթութիւնը, զգացումը ամօ-  
թիւն, գիտակցութիւնը մեղքին, պատշաճութեան :  
Մէկը որ իր մաղն ու մօրուքը ճերմկցուցած էր այդ  
արժէքներուն մէջ, եւ նոյն արժէքներուն մէջ մեծ-  
ցուցած էր իր զաւակները, չէր կընար ապրիլ Փա-  
րիկ : « Ֆուկուլ ըսուածը ես նոր չպիտի ճանչնամ »

ըսաւ . անոնց ինչքան թեթեւաօլիկ , շոշորթ , շողո-  
քորթ եւ մանաւանդ անրարոյ ըլլալը ինք շատոնց  
գիտէր : Եւ դուք ալ անոնցմէ բնութիւններ տուր  
էք քանի որ հոս մեծցաք :

Տաղէս աղա Փարիզ հասած օրն իսկ այս  
իրովութեան զիտակցած էր : Հանդիպած էր էշու  
կտոր Հայ կառավարի մը որ առանց նկատի առնե-  
լու թէ ետին երիտասարդ աղջիկ մը նստած է իր  
հօրը հետ , ամենազդուելի երդ մը երդած էր : Եւ  
դեռ քանիներ իրեն հետ վերաբերուած էին արհա-  
մարհանքով կամ կոպտութեամբ : Պանդոկապետը  
իր երեսն ի վեր կը պօռայ գիշերը լոյս վասած ըւ-  
լալուն համար , երրոր ստիպուած էին մլուկին  
պատճառաւ : Ճաշարանի ծառան կերակութը իր  
առջեւ կը նետէ՝ որպէս շունի : Դուք կրնաք այս  
բոլորին հանդուրժել , բայց ինք , Տաղէս , չէր կր-  
նար բնաւ , մանաւանդ որ լեզուի չգոյութեան  
պատճառաւ պիտի ստիպուէր լոել միշտ ու տանիլ :  
Ո՞չ , չէր կրնար , քանի որ ինք մարդ էր եւ կը նա-  
խնտրէր ապրիլ Պոլիս , հոգ չէ թէ չոր հացով , քան  
թէ ուրանաւ ինքինքը : Եւ Տաղէս աղա այնքան կը  
կրկնէր «ես մարդ եմ»ը որ յանկարծ բան մը յիշելով  
իր գրամապանակէն դուքս քաշեց թղթիկ մըն ըսաւ  
չափաղանցեալ քծինքով — «ես կը կոչուիմ Տաղէս  
Պալապանեան : Միւսիւս , կը խնդրեմ որ զիս տու-  
նս առաջնորդես ...» : Մինչ վարպետը կրցածին  
չափ փոքր կտորներու կը վերածէր թուղթը , Տի-  
րան թեւերը վեր առաւ , ըսաւ թէ անկարող է այս  
տեսակ մարդ մը հասկնալու , թէ դուի մարդ ես ,  
ես ալ մարդ եմ , բայց հայ ենք , հա՛յ ...

Քանի որ փոթորիկը մեղմացնելու իր բոլոր ճիշդերը ապարգիւն էին անցած՝ կուլար Ալիս։ Ան դիանալով որ իր հօր բարկութիւնը զէշ է, կը խնդրէր Տիրանէն որ չպատասխանէ ընաւ, բայց Տիրան չէր կրնար։ Ան մեծ ջղայնոտութեամբ կը շրջապայիր սենեակին մէջ և պահ մը կենալով սուրբին առջեւ, զօրաւոր ապատակ մը տուաւ գործիքին և ճամբայ հանեց զայն։ Իր սուր ճայնով Աստղիկ ըստու վարպետին որ պէտք է նախ խաղաղիւ։ Իրաւունք ունիս, շատ ճիշդ կը խորհիս, բայց պէտք է նախ խաղաղիւ։

— Ճիշդ չեմ խորհիր պօռաց Տաղէս աղա. Ես չա՛տ սխալ կը խորհիմ . . . բայց ասկէ պիտի երթանք ըսի՝ և պիտի երթանք։

Աստղիկ ինքն ալ տարուելով վիճարանութիւնէն, ըստ թէ վերջապէս պէտք է տրամարանել քիչ մը և մեղքնալ նաեւ իր չուրջիները։ Ի՞նչ ըսել է քաշուած զիմարկի մը համար վիրաւորել ամէն ոք և մեկնիլ Փարիզէն, երբ որ այդքան պարտք ըրեր էք մինչեւ հոս զալու համար։ Տաղէս աղա պարտք բառը ապատակի մը պէս ընդունեց և անմիջապէս խոյացաւ իր աղջկանը վրայ։ Բայց իր բարձրացուցած բազուկը միայն օդը կըցաւ ճեղքել որովհետեւ Տիրան նետուած էր իրենց միջեւ։ Մարգը փրփրելով ու հեւալով կը պօռար Ալիսին թէ այս բանը երբեք պիտի չներէր իրեն, երբեք։ Ինք միշտ սեւը ներս՝ և ճերմակը դուրս ապրած էր եւ քեղի՛ ալ այդպէս սորվեցուցած էր։ Դուք հիմայ ի՞նչ համարձակութեամբ կ'ելլաս օտարներուն կը պատմես որ պարտքով եկանք հոս, պատանդ ճղելով

միայն դրամ զտանք... Մոխիրի դոյն եղած էր մարդը որ յանկարծ ձեռքը կուրծքին տարաւ ու կքեցաւ : Բառերը իրարու խառնուեցան , թափեցան բերնէն ու կքեցաւ :

Անկողնին վրայ պառկեցուցին զինքը եւ Տիրան նախ քիչ մը ջուր տուաւ եւ վերջն ալ շիշին տակ մատ մը օղի զտնելով ան ալ վարպետին բերանը լեցուց : Աղջիկները մարդուն զատակները կը շփէ-ին , բայց ան կը պահանջէր որ կորսուին բոլորն ալ եւ զինքը առանձին ձգեն :

...Աշխատանոցը իր անկիւնները յանձնած էր մութին՝ առանց դիմագրութեան , իսկ ծորակը կը կաթկթէր երրեմն կանոնով , երրեմն առանց կա-նոնի : Շատոնց է որ Տիրան պայտասակները փոխա-դրած էր մլուկին պանդոկը , իսկ հիմա կը պատ-րաստուէր իր ազգականներն ալ հոն առաջնորդե-լու :

Ալիս իր հօրը աջ թեւը մտաւ : Փողոցի մութ զրան մէջ Տիրան փորձեց մտնել մարդուն ձախ թեւը , բայց Տագէս աղա ձեռքի շարժումով մը որ ամէն պատասխան կը մերժէր , վանեց երիտասար-դը .

— Շատ շնորհակալ եմ ... քեզի բաւական ան-հանգստութիւն տուինք՝ ա՞ֆ կ'ընես : Հարկաւ մենք ալ օր մը տակը չենք մնար :

• • • • • • • • • • •  
Տիկին Պիւք ճիշդ հոտառութեամբ մը զերձա-կին վիշտը կապեց անոր աղջականներուն յանկար-ծական մեկնումին , եւ դարձդարձիկ հարցապըն-դումիներով փորձեց մանրամասնութիւններ խլել

Տիրանէն։ Եւ որովհետեւ չկրցաւ՝ ըստ թէ իր ձննդարերութիւնը տեղի պիտի ունենար ճիշդ սա չափ օր վերջ։ Դիւրացած էր ան՝ մասամբ։ Այսինքն թէ վոքրիկին անունը որոշուած էր։ Եթէ մանչ ըլլայ՝ Գամիլ։ Եթէ աղջիկ ըլլայ՝ Գամիլ։

Իրապէս կը տառապէր Տիրան եւ դէպքերու վերյիշումը իրեն կը պատճառէր այնպիսի իրական նեղութիւն մը որ ատենը անդամ մը կարը ձգելով կը ստիպուէր շրջիլ սենեակին մէջ։ «Աս ի՞նչ գէշ բան եղաւ ։ կ'ըսէր ու կը պնդէր թէ ո եւ է մէկն ալ իրեն պէս պիտի խնդար եղածներուն վրայ՝ առանց վարպետ ծաղրելու դիտաւորութեան։ Թէ մեղաւորը զէպքերն էին միայն, որոնք դժնդակ էին, անտարակոյս, բայց միաժամանակ ծիծաղելի էին անվիճելիօրէն։ Եւ յետոյ՝ յուսահատական դիտուածով մը՝ կարճ ժամանակի մը մէջ անոնք յաջորդած էին մէկզմէկու, առանց առիթ տալու որ անցեալը ընտելանայ ներկոյին։

Երիտասարդը անստոգութեան մէջ սպասեց լուրի մը որ միշտ ուշացաւ։ Կ'ուղէր մանաւանդ դիտնալ թէ արդեօք իրապէս Փարիզէն պիտի մեկնի՞ն հայր ու աղջիկ, թէ չէ արդէն հանդարտած են հիմայ որ երկու օր անցաւ։ Դերձակը շատ յուսաց որ Ալիս կուղայ զինքը տեսնել իր հօրը թոյլատրութեամբ կամ անկէ գաղտնի, բայց աղջիկը չերեցաւ լնաւ։ Գիշերը գաղտաղողի Տիրան զնաց անոնց պահողոկը եւ պանդոկապետէն լսեց որ հոն են երկուքն ալ, թէ մեկնումի խօսք չեն ըրած բնաւ։

Օրերը ամբողջութեամբ դրաւուեցան նոյն մտապաշարումով։ Որովհետեւ բաղխումը մնացած էր

կիսաւարտ, անոր ընթացքին ամէն ինչ չէին կրցած ըսել, որովհետեւ մահաւանդ Երկու զերձակների ալ եղած էին թէ իրաւացի եւ թէ անիրաւ, Տիրան կը մնար անլուծելի հանդոյցի մը մէջ: Ոչ միայն չափէ դուրս նեղացուցիչ էր ան, այլ նաև ենթական կը նետէր հակոտնեայ զգացումներու: Երիտասարդը ունեցաւ բոււնի բարկութեան պահեր, որոնց ընթացքին ամբաստանեց ոչ միայն վարպետին աներախտազէտ վարմունքը, այլ նաև միւսոնք, զպիրը, արեւելքը: Յետոյ կը արտմէր խորապէս, մտածելով որ խառնուածքի խնդիր է, թէ անոնք իրենց գլխուն պատճառաւ պիտի տառապէն այժմ: Կամ պիտի մեկնին, ինչ որ մեծ աղէտ է, կամ պիտի մնան եւ իր աշակցութիւնն զրկուելով պիտի չարչարուին անտեղիօրէն:

Աննկարադրելի վախով մըն է որ երիտասարդը բարձրացաւ պանդոկին սանդուղներէն, իրենց բաժանման երրորդ առաւօտը: Երբոր հասաւ իր աղդականներուն զրան առջեւ, փողկապը շտկեց սիրտը տեղաւորելու փորձով՝ ու զարկաւ դրան: Յետոյ Ալիսի հարցումին պատասխանելով ըստ թէ ինքն էր՝ Տիրանը: Անմիջապէս փափսուեք մը սկսաւ ներսը, « մտէ՛ք »ը ուշացաւ, եւ նոյն աղջիկը պատասխանեց տարբեր ձայնով.

— Հիմայ ես կը փոխուիմ կոր...

Եկած էր ներողութիւն խնդրելու համար, եւ եթէ պէտք է նոյնիսկ վարպետին ձեռքը համբուրելու համար, բայց ահա որ չէին ընդուներ զինքը: Տիրան կեցաւ նրբանցքին մէջ, յետոյ քիչ մը անդին՝ սանդուղին գլուխը. նայեցաւ դրան մը բա-

նալիին որմէ կախուող թիւը դեռ կը ճօճէր, եւ վախկոտ քայլերով վերադարձաւ նոյն փակ դրան տոշեւ: Հարցուց — « Քիչ մը վերջը դա՞մ » : Կը կարծէր գարձեալ փախուք մը լսել, բայց շատ ապահով չէր: Ալիս ողատասխանեց:

— Մենք քեզի կուդանք...

Օրը անցաւ առանց այցելութեան, յետոյ երկրորդ մը եւս, բայց Տիրան զղարմացաւ ընաւ, քանի որ աղջկան ողատասխանը արդէն մատնած էր իր խոկական խմաստը: Հակառակ ատոր սակայն դերձակը սպասեց միշտ սրտի սեղմումով և ժամանակի թաւալումին հետ անդրադարձաւ որ սկսած է հետզհետէ աւելի ցաւ զգալ, այսինքն հետզհետէ աւելի սիրել ու ատել իր աղդականները:

Երեկոյեան ստուերները դրաւած էին իր աշխատահոցը, որուն մէջ կեցած էր Տիրան վարանումով: Պիշտի կը նայէր իր ձեռքերուն որոնց մէջ կար քիչ առաջ գնուած չիշ մը օդի: արմացած եւ զարմացած չիշ մը օդի: « Ինչո՞ւ գնեցի » կ'ըսէր եւ յետոյ կ'աւելցնէր — « զնած ատենս գիտէի եւ կը խորհէի որ տունը մարդ չկայ: Հակառակ ատոր ինչո՞ւ գնեցի »: Պահ մը իր նեղութիւնը այնքան անտանելի թուեցաւ, որ ուզեց փախուստով մը ձերբագատուիլ անկէ եւ անմիջապէս քնիօ մը զրեց իր բարեկամուհիին, զայն իր սենեակը հրաւիրելով: Գրած ատենս իր աչքին առջեւ ունէր միմիայն Ալիսը: Յաջորդ իրիկունը Փրանսուհին չեկաւ սակայն եւ Տիրան իր երկար սպասումով չղաղրդիո՝ նետուեցաւ փողոց :

Պուլզառ Տը Գլիշի վրայ հանդիպեցաւ ա-

նոնց : Առաջին անդամն էր իրենց բաժանումէն ի վեր , եւ Տիրան բնաղդաբար ու հապճեպով պահութեցաւ : Անդբաղարձաւ որ ցնցուած էր այնպէս որպէս թէ հանդպած ըլլար սիրուհիի մը : Դանդաղ զնացքով կը յառաջնային երկուքը երեկոյեան բազմութեան մէջ եւ Ալիս իր հօրը թեւն էր մտած : Միշտ նոյն խեղճուկ գլխարկը կար վարպետին զըլուիր եւ նոյն սրճագոյն զդեստը հայուհիին վրայ : Տիրան նայեցաւ անոնց կոնակին , անոնց կրուկներւն , բաներ՝ որոնց կը նայէր առաջին անդամ ըլլալով : Տեսաւ անոնց առանձնութիւնն ու կարոտը , ինչպէս նաեւ մէ կուն յամառ քէնը , իսկ միւսին այսպանելի հետեւողականութիւնը : Հեռուէն բաւական մը հետեւեցաւ անոնց , բայց հակառակ իր մեծ ցանկութեան չհամարձակեցաւ քովերնին երթալ : Ու յանկարծ վախցաւ նշմարուելէ , որովհետեւ կողմնակի շարժում մը ըրած էին անոնք եւ ինք անգիտակցարար շատ մօտեցած էր : Երբ որ ետին կը դառնար փախչելու համար , իր աճապարանքին մէջ կոպտօրէն դարնուեցաւ երկու անցորդներու : Բալաղեխ մարդիկ էին անոնք , երկւորեակներու պէս կը նմանէին մէկզմէկու , եւ իրենց քասքէթին վըրայ գըռուած էր ոսկեհիւս տառերով — կօշիկ Ռապուլ :

Քանի որ հանդիպումի վախը չկար այլեւս , Տիրան համարձակօրէն գնաց մլուկին պանդոկը եւ այս անդամ իր ստացած լուրը զինքը ուրախացուց : Անոնք մեծ սենեակ մը ուղած էին : Անոնք պիտի աշխատէին :

...

Անսպասելի պահու մը երեւցաւ իր բարեկամուհին եւ մեծ դորով ցոյց տուաւ Տիրանին հանգէպ : « Պղտիկս , ըստ ան , անմիջապէս դուշակեցի որ վիշտի մէջ ես , քանի որ տակաւին բնաւ ինծի այդ տեսակ նամակ չէիր գրած : Օ՛ , այր մարդիկ որքան քաղցր , որքա՞ն սիրելի կ'ըլլան երբ որ ցաւ ունենան » :

Պահարանի պէս նեղ այդ ննջարանին մէջ պառկած՝ հայը սկսաւ սաստիկ ինեղուել Փրանսացի աղախինին քով որ կը կոչուէր ժօռժէթ եւ որ բնաւ ըթունք չունէր : Զերմութիւնը դադջ էր եւ հաճելի , բայց Տիրան ուրիշ բան կը ցանկար դտնել միւնքու ետին : Բան մը ըրած ըլլալու համար նկարագրեց Կոէթա Կառաջի մէկ հոչակաւոր եւ յիմար Փիլմը՝ նախ անկողնին մէջ եւ յետոյ ոտքի վրայ՝ հազուելու միջոցին : Ինք ամբողջութեամբ հապուած էր արդէն , իսկ էզը քնացած՝ երբ որ դուռը զարնուեցաւ : Վարպետն էր :

Նախ բացարձակապէս բան մը չհասկցաւ Տիրան Տաղէս աղայի պուազոցէն , միայն թէ անոր թշնամական երեւոյթը շատ որոշ կերպով կ'ըսէր թէ ծանր բան մը պատահած է : Տիրանի հարցումներուն պատասխաննելով վարպետը կ'ըսէր .

— Զը հասկնալու մի՛ զար : Ինծի ատանկ բան չանցնի՛ր . . . չանցնի՛ր . . .

Վերջապէս պարզուեցաւ որ մարդը եկած է իր աղջիկը փնտուելու , եւ աւելի քան ապահով է թէ Տիրանն է զայն պահողը : Անշուշտ երիտասարդ դերձակը ըստ թէ բանէ մը տեղեակ չէ ինք , թէ Ալիսին երեսն իսկ չէ տեսած ձեր մեկնումէն ի վեր :

Բայց հայրը որ չափաղանց զբգուռած էր, սկսաւ  
սպառնալ եւ հայհոյել, ըստ թէ իր աղջիկը անհետացած էր նախորդ գիշերուընէ իվեր, թէ իր փընտուուքները — Աստղիկին կողմը — ապարդիւն էին անցած, եւ ինք ապահով էր որ Տիրանն է զայն պահողը: Ուրիշ ու՞ր պիտի երթայ կըսէր ան. ուրո՞ւ կրնայ երթալ քանի որ իմ քովէս փախաւ, անշուշտ քեզի պիտի զայ եւ դուն զայն տեղ մը պիտի պահես: Վարպետը նիշարան մտաւ բայց նոյնիսկ Փրանոուհիին ներկայութիւնը զինքը չխաղաղեցուց: Ընդհակառակը: Բոնեց Տիրանի օճիքներէն եւ պահանջեց որ խօսի, խօսաովանի, ապաստանին տեղը յայտնէ. եւ որովհետեւ դոհացում չէր ստանար, կատղեցաւ արտակարդորէն, եւ սկսաւ քՓրել Տիրանին, անոր պատիւին, արիւնին եւ արեւին:

Թէ ժօռժէթ եւ թէ Տիկին Պիւք որ վրայ հասած էր, ոչ կրնային կոփւը խաղաղեցնել, ոչ ալ բան մը հասկնալ պատահարէն: Վարպետը կը պօռար թէ հակառակ իր բացարձակ արդելքին, Ալիս հոս եկած էր ամէն օր, համաձայնած էր Տիրանին հետ, ու փախած: Եւ կաւելցնէր.

— Ես ձեղ երկուքդ ալ կը սատկեցնեմ... հէ՛մ քեզ, հէ՛մ Ալիս օլանախը...

**Տիրան սենեակէն դուրս նետեց մարդը:**

Բաց պատուհանին առջեւ կ'աշխատէր Տիրան դլուխը կախ եւ բերանը կիսաբաց: Բերանը կիսաբաց էր որովհետեւ իր քթին ծակերուն մէջ մխրճած էր բամպակներ՝ արիւնահոսութիւնը դադրեցնելու համար: Երիտասարդը այդ արիւնահոսու-

թիւնը կը վերադրէր իր բուռն յուղումին եւ անվերջանալի մտասեւեուման։ Հին բակը իր բորբոսած եւ հիւանդոտ պատերով կը նեղնար Տիրանի դէմն ու վրան, կը նմանէր շրջուած ձագարի մը որուն նեխոտ եւ պղտիկ բերնէն կ'երեւար առաւօտեան արեւը, կամ անոր մէկ ճամբան, կամ աւելի հեռաւոր բան մը։ Որպէսզի չը փլչի՝ զերաններ կոթրած էին զանկի մը։

Մանր քայլերով Տաղէս աղա կտրեց անցաւ այդ բակը Տիրանի ակնարկին տակ, դուռը բացաւ եւ անցաւ ներս։ Երիտասարդը իր գլուխը չբարձը բացուց բնաւ, չբարեւեց բնաւ եւ շարունակեց կարը։ Միւսն ալ ճայն չըհանեց այլ միայն զնաց նստիլ, աթոռին վրայէն ծրար մը գետնախնձոր մէկդի զնելով։ Դեռ երէկ իրիկուն է որ այս սենեակը կը լեցնէին իրենց պոռարոցով, իսկ այժմ կը լսուի վերի յարկերէն թափող անթելի մը խուլ ճռինչը եւ յետոյ այն սկրթուքը զոր քաշուող թելը կ'ընէ կերպասին մէջ։

Երկար ատեն լուցին, երկար ատեն ծխեց մարդը, եւ իր կապտորակ ծուխը շուրջանակի վարանումներէ վերջ գտաւ բաց պատուհանին ճամբան։ Տաղէս աղա ըսաւ բռնազրօսիկ մեղմութեամբ մը։

— Հիմա՞յ ալ չպիտի ըսես... նայէ՛, չեմ պոռար կոր... չէնք չնորհք կը խօսիմ կոր... ո՞ւր է այս աղջիկը... .

Անմիջապէս ցցեց Տիրան իր գլուխը, ձեռքի տարատը շատ ուժով զարկաւ սեղանին վրայ եւ խոյացաւ գէպի վարպետը։ Կեցաւ անոր առջեւ աշքերը արտակարգօրէն բաց եւ մատները օղին մէջ

պրկած։ Յետոյ քիչ առ քիչ մեղմացաւ, թուլցաւ եւ երկար հառաջ մը արձակելով վերադարձաւ իր կարին։

Բաւական մը վերջ երբոր վարպետը կը մեկնէր առանց երբեք անդամ մը եւս բերանը բացած ըլլալու, Տիրան ըստ խստութեամբ։

— Բաքաքէնինը նորէն աթոռին վրայ դիր մենք աստեղ քու սպասաւորդ չենք...

Մարդը իր ետին չնայեցաւ, բայց ելաւ դուրս երկար վարանումներով։ Ծուխին պէս։

Յաջորդ առաւօսուն դարձեալ եկաւ եւ նստաւ նոյն աթոռին վրայ, մէկ ծայրին։ Բարեւեց այս անդամ։ Մօրուքը եկած էր, թափթփած էր եւ Տիրան խորունկ ակնարկով մը զայն քննեց բազմաթիւ անդամներ։ Յետոյ ըստ։

— Կար կուղե՞ս։

Այո, կ'ուղէր քիչ մը աշխատիլ, բայց չկրնալով՝ յանցաւոր հանեց կերպասին կարծրութիւնը եւ միշտ փրթող թելին փտութիւնը։ Երկարօրէն կը նայէր Տիրանի աչքերուն մէջ բայց չէր խօսեր։ Կէսօրին չկրցաւ իսկ ճաշել։ Զէր ուղեր յայտնի ընել բայց պատառները կը մեծնային իր բերնին մէջ եւ կը մնային հոն։

— Վարպետ, ըստ Տիրան, ինչի՞ վրայ երդում ընեմ նէ կը հաւատաս որ բանէ մը լուր չունիմ։ Ալիսը ես չե՛մ պահած։

Պատասխանը այնքան ուշացաւ որ երիտասարդ դը ստիպուեցաւ կրկնել իր հարցումը։ Այն ատեն հայրը ըստ։

— Մարդէն մեծ սենեակ մը ուղեցինք, պիտի

նստէինք՝ պիտի աշխատէինք։ Ի՞նչու առ աղջիկը առաւ քալեց ... զիտեմ որ ես խիստ եղայ, ձեր սիրար կոտրեցի. զուք ալ իմինս կոտրեցիք ... բայց ալ կը բաւէ . ըսէ Ալիսին, թող դայ ... ալ կը բաւէ :

Երկար լուռթիւնէ մը վերջ Տիրան ըսաւ (կարծես ինքն իր հետ խօսելով՝ որովհետեւ պատասխանի մը կարելիութիւնը չէր տեսներ) — « Հը՛մ, խիստ մարդ եղեր ես, միշտ քուկիններդ հոգածակեցուցեր ես քեզի... բայց չես հասկնար կոր որ այլեւս քու ատենդ անցաւ։ Ով գիտէ աղջկանդ ալ ինչ ըրիր եւ ան հեռացաւ։ Անիմաստորէն հեռացաւ» :

Կարելով հանդերձ երիտասարդը մեծ տրտմութեամբ կը խորհէր որ միշտ զժրախտ պիտի ըլլայ իր բարեկամութիւններուն մէջ։ Իր բազմաթիւ ծանոթներուն մէջէն պիտի չկրնայ գտնել ոչ իսկ մէ՛կ հոգի, որուն հետ կապուի ամբողջութեամբ, հոգւով եւ մարմնով։ Ոչ իսկ մէ՛կ հոգի՝ որուն հանդէպ ունեցած սէրը լման ըլլայ, յարգանքն ու եղբայրացումը կատարեալ ըլլայ։ Եւ այս անկատարութիւնը այն պատճառաւ որ՝ նմանութեան եղբերու կողքին, պիտի զտնուի միշտ բաժանման անխուսափելի կէտը։ Տիրան տրտմութեամբ կը յիշէր իր հրճուանքը երբ այս սենեակը մտնելով իր աղջականները տեսաւ։ Յանկարծ անզատում հովեր անցան իր մէջէն, մոռցուած ձայներ լսուեցան եւ Տիրան վարպետին մէջ տեսաւ իր լքած ընտանիքը, ծննդավայրը, ամէն բան։ Աւելի մեծ եղաւ իր հակումը Ալիսի հանդէպ, որ երիտասարդ եւ մանա-

ւանդ աղջիկ ըլլալով քիչ մը աւելի սիրելի էր իրեն :  
Եւ ահա որ Տիրան դարձեալ հեռացած կղզար ինք-  
զինքը անոնցմէ , որովհետեւ այդ երկուքին մէջ կը  
դանէր ծուռ , սխալ մտածումներ եւ վարուելա-  
կերպ : Բայց այլեւս այդ ծուռ բաները չէ որ կ'ա-  
տէր , այլ միւսը , ճիշտը , իրեն նման եղող մասը :  
Որովհետեւ , կը խորհէր , եթէ ահ չըլլայ , կրնաս  
մէկ անգամէն վանել բարեկամդ , սիրելիդ եւ ան-  
միջապէս ուրանալ զայն : «Հիմայ ալ չեմ նեղանար ,  
կըսէր մտովի , եթէ վարպետը անտեղիօրէն քֆրէ :  
Աս մեղմութիւնն է որ զիս կը նեղացնէ» :

Նախ առաւտուն կանուխ , եւ յետոյ երեկոյին  
է որ կուզայ Տագէս աղա Տիրանին եւ կը նայի նոյն  
ձեւով , պիշ պիշ : Կը սպասէ : Կը նստի հոն , նոյն աշ-  
թոռին վրայ և կը սպասէ : Երիտասարդը առաջար-  
կեց որ սենեակը ծգէ ան եւ առաջուան պէս զայ հոս  
պառկիլ՝ որպէսզի ծախք չըլլայ , բայց մարդը չըն-  
դունեց : Տիրան աչքին պոչովը կը նայի անոր եւ  
կը յուզուի , կը տաղնապի , որովհետեւ երբեք այս-  
պիսի փոփոխութեան մը չէր սպասեր : Զուր առնե-  
լու դիտաւորութեամբ կամ ուրիշ պատրուակով մը  
կ'անցնի մարդուն միւս կողմը եւ կրկին կը նայի  
այդ փլած էակին : Կ'ստիպէ որ ածիլուի , կամ դոնէ  
սեփ – սեւ եղած օձիքը փոխէ , կամ առնուազն շը-  
նորհքով կապէ զայն : Որովհետեւ ելեր է ետեւի  
կոճակէն եւ բարձրացեր է ծոծրակն ի վեր : Եւ ո-  
րովհետեւ երիտասարդը ձեռքը կը բարձրացնէր  
ինք անձամբ շտկելու համար , մարդը դէպի դուռը  
գնաց :

— Աղէ՛կ , աղէ՛կ ըսաւ Տիրան մարդուն պա-

տասխանելով . չեմ նեղանար : Դուն միայն նայէ որ  
առկէ վերջ աղջկա՞նդ հետ խիստ չերթաս ... առ  
արթիքէն վերջ չըլլա՞ր , չըլլա՞ր ...

Վարպետը ըսաւ թէ իր բնաւորութիւնը այդ-  
պէս էր , այդպէս մեծցած էր , եւ թէ իրենք ալ , ե-  
րիտասարդներն ալ պէտք է որ դինքը հասկնալ ջա-  
խային :

— Նորէ՞ն այդքան չէի բարկանար ըսաւ մար-  
դը . բայց դուն ո՞վ ես որ ... երէկուան լակոտն  
ես ...

Տիկին Պիւքի տղան որ դարձեալ կը շուլլուէր  
գերանն իմեր , զլուխը ծոեց պարապին մէջ եւ աշ-  
խատանոց նայելով ուղեց միմոսութիւն մը ընել :  
Բայց բան մը չըրաւ , որովհետեւ անվստահելի մթ-  
նոլորտ մը ունէր աշխատահոցը , որովհետեւ երկու  
գերձակները պէտք եղածէն աւելի երկար ժամա-  
նակ կը մնային դլխիկոր , չէին աշխատեր եւ բը-  
նաւ չէին խայէր իր կողմը : Տագէս աղա որ իր հին  
ու փոշեծածկ կօշիկներուն կը նայէր , ըսաւ տխուր  
ժպիտով .

— Գիտե՞ս Տիրան , մեր օքէնիին դրել տուի  
թուղթի մը վրայ իմ անունս եւ հասցէս ... փողոց-  
ները վիշտ աղէկ կը ճանչնամ հիմա , բայց խելքս  
զլուխս չէ ... կը կորսուիմ կոր ...

Աւրուած էր մարդը *prix - fixe* ճաշարանի ուտե-  
լիքներէն եւ Տիրան կարելին ըրաւ որ վարպետը իր  
հետ ճաշէ , բայց ան չընդունեց : Միայն թէ սկսաւ  
աւելի կանոնաւորութեամբ դալ եւ աւելի կանոնա-  
ւորութեամբ աշխատիլ : Նոյնիսկ վերապտաւ իր  
խօսելու կարողութիւնը եւ շաղակրատեց գրեթէ

առաջուան հանդարտութեամբ :

Ահա այսքան : Տաղնապը անցաւ : Ան տեւած էր Ալխոի անհետացման ինը օրերու շրջանին, եւ երբ Տիրան այդ իններորդ օրը յանկարծ կէս ձգելով Ռընօյի գործարանին նկարագրութիւնը սկսաւ Առմիսը խստօրէն քննազատել, որովհետեւ այլեւս ինքն ալ սկսած էր ինեղուիլ այս բացակայութենէն, մարդը ըսաւ .

— Նամակ առի : Բայց չի կրցաւ շարունակել, զղջաց խօսած ըլլալուն համար եւ հակառակ Տիրանի մեծ զարմացումին ու տեղացող հարցումներուն, լուր մնաց երկար պահ մը՝ գլուխը կախ : Յետոյ ըսաւ .

— Նամակ առի : Մեկնած օրը արդէն թուղթ մը ձգած էր ֆի տէրտ չընեմ ... Ես եթէ քիչ մը քովէդ հեռանամ՝ շատ աղէկ պիտի ըլլայ գրած էր ... Հիմայ ալ կ'ըսէ կոր ֆի պիտի գայ : Դուն նայէ որ Տիրանին երթաս, անոր սիրտը առնես կ'ըսէ կոր ... յետոյ առաջուան պէս ամէն բան ծայրէն կ'ըսէ կըսինք կ'ըսէ կոր ... քիչ մըն ալ իմ խօսքս մտիկ ըրէ կ'ըսէ կոր ...

Մարդը կը խօսէր առանց գլուխը վեր առնել համարձակելու, եւ բացայայտ է թէ դժուարութիւն կը քաշէր իր բառերը ընտրելու համար, թէ իր ստացած գրութիւններէն խնամով կը հեռացնէր այն խօսքերը զոր անկարող է հոս կրկնելու, եւ իր շրթները երբեմն կը շարժէին պարապին մէջ : Սաստիկ յուղուած էր Տիրան : Ան անդամ մը գլուխը ծռեց եւ շատ մօտէն նայեցաւ պարապին մէջ շարժող այդ կախ բերնին, կարծես աւելի լաւ հասկը-

համար ինչ որ չէր ըսուեր, բայց շուտով ետք շուտեցաւ որովհետեւ ամչցած էր :

Քիչ վերջ Տաղէս աղա ըսաւ .

— Եօ տղայ, մեր աստեղի եկեղեցին վիշ' ք աղոտոր է եղեր : Ալիսը գացեր տեսեր է, շատ կը գովէ կոր... Հարսնիքի շաքարի տուփ է կ'ըսէ կոր... Մինակ քի երդեցողութիւնները Պօլսոյ չափ լաւ չեն եղեր... Հայրիկ, քու վարած պատարագդ ուրիշ բան էր կ'ըսէ կոր...

Եւ նախկին դպրապետը հակառակ Տիրանի շատ խոշոր « հարկաւ աներուն, այդ « ուրիշ բան »ը ցոյց տալու համար քիչ յետոյ սկսաւ երդել իր երդեցողութիւնը, նախ մեղմ ձայնով մը որ սակայն շուտով բարձրացաւ : Սկսաւ երդել իր Տէր Ողորմեան, արեւելքցիներու պէս գլուխը երերցնելով, ձայնը զողղղացնելով, եւ աշխատանոցը լեցուեցաւ խոր յուղումով : Վարպետը չէր լար իր անկումին վրայ — Տէր Ողորմեան է որ լալազին է : Վարպետը չէր աղաչեր կեանքին, երիտասարդներուն — Տէր Ողորմեան է որ պաղատագին է : Խոշոր արցունքներ կային — բայց հինցած կոկորդն է յանցաւորը : Տիրանն ալ հետեւեցաւ մարդուն, և բնաւ չնայեցան մէկդմէկու, եւ բնաւ չնայեցան մէկդմէկու, որովհետեւ Տիրանին կոկորդն ալ հինցած էր՝ այդ օր :

Լաճը որ կրկին շուլլուած էր գերանն ի վեր, քանի մը բոպէ ինքզինքը զսպեց, բայց երբ պայթեցաւ « Ազգիս Հայոց Ազատութիւն »ը, խլացուցիչ լաց մը թող տուաւ : Մանուկին լեղին պատուած էր :

Q U E O U R E

---

Մէկուն հարցուցեր են թէ ինչ կը հասկնայ  
«զատուաւոր կին» ըսելով եւ այդ մէկը տուեր է  
հետեւեալ բացատրութիւնը— «Պատուաւոր է այն  
կինը որ կը պառկի միմիայն իր ամուսնին եւ յե-  
տոյ ինծի հետ» : Եսասէր ու չնական boulevardierի  
նոյնկերպ մտածում մը ունեցայ, երբ սիրականս  
եկաւ իմ ծոցս մտաւ, նախ քովի սենեակը, այսինքն  
իր ամուսնին այցելելէ վերջ: Երկու առաւօտ է որ  
չէր եկած իմ սիրականս, արեւը, լալկան երկնքին  
պատճառաւ, բայց ահա որ այս առաւօտ կրկին կը  
չողայ մեր վերեւ, կրկին բաժականառ կ'արտասա-  
նէ: Պատուաւոր արեւ ես ասո՛ր կ'ըսեմ: Կ'ըսեմ՝  
ու սրունքներս կը պրկեմ անկողնին մէջ եւ յետոյ  
վերմակին վարի ծայրէն դուրս ելած մատներուս  
հետ կը խօսիմ ոռւսահայերէնով: Մի՛ շարժիք կ'ը-  
սեմ անոնց եւ մատներս կը շարժին. շարժեցէ՛ք կը  
հրամայեմ եւ անոնք կ'անշարժանան քիթիս ինդա-

լով : Ասկէ առաջ , իմ բաղմազրադ շրջաններուս ,  
 յաճախ կը խորհէի որ եթէ բացարձակ հանդիստի  
 պահեր ունենամ , եթէ օրերս ամբողջութեամբ ին-  
 ծի պատկանին , պիտի ամփոփուիմ իմ մէջս եւ ոլի-  
 տի խորհրդածեմ լիութեամբ : Պիտի ունենամ լաւ  
 մտածումներ , ներքին որոնումներ , բայց այսօր կը  
 խոստովանիմ որ կատարելապէս սխալեր եմ : Ար-  
 դե' լըը միայն զիս մզեր է որոնումի , մինչ այժմ ,  
 բացարձակ հանդիստիս մէջ դատա՞րկ , դատա՞րկ  
 մէկն եմ դարձած : Մէկը՝ որ ոչ թէ կը խօսի իմաս-  
 տասէրներուն եւ հին թէ նոր տեսութիւններուն  
 հետ , այլ ոուսահայերէնով զրոյց կ'ընէ իր ոտքին  
 մատներուն հետ : Ամօ'թ բան է սա , բայց ես չեմ  
 ամչնար քանի որ հարուստ եմ : Էսել կ'ուղեմ՝ եր-  
 ջանիկ եմ : Երջանիկ եմ շատ մը պատճառներով , եւ  
 նաեւ իմ պաշտելի արեւիս համար որ ականջս շոյեց  
 երկարօրէն , յետոյ անոր ետեւն անցաւ ոսկիէ գրի-  
 չի մը պէս եւ այժմ ինկեր է գետին ու կը պղպջայ :  
 Իր լուսեղէն սիւնը գացեր է կարասիս վարի դա-  
 րակին բոնիչին պլուեր է եւ կարծէք կ'ուղէ քաշել  
 դարակը : Բայց արեւ , անոր մէջ կան միայն լաթէ  
 իմ հին ոանամաններս : Հազնի՞լ կ'ուղես զանոնք եւ  
 ճամբորդել այս առաւօտին մէջ : Արե՛ւ , արե՛ւ ...  
 մտիկ մ'ըներ՝ ըսելիք չունիմ : Կ'ուղեմ աչքերս գո-  
 ցել , ժպտիլ եւ ննջել միայն : Բայց ահա որ քովէն ,  
 այսինքն արեւի ամուսինին սենեակէն իմ անունս  
 կը պօռան եւ պատը կը ծեծեն : Կէտ մը .— Հայը  
 շատ խարուած է Եւրոպացիներէն եւ ես չեմուղեր  
 այլեւս խարուիլ : Գիտեմ թէ երբ որ պատուհան

ելլամ, Ֆաննին գաւաթ մը ջուր պիտի նետէ քթիս  
բերնիս, ինչպէս որ ըրաւ ասկէ առաջ, երկու ան-  
գամ :

Դուրս նետուեցայ անկողնէս « կուզամ կոր »  
պոռալով եւ զացի դէպի պատուհան շատ հնչեղ եւ<sup>1</sup>  
կանոնաւոր քայլերով՝ որպէսզի Ֆանի անոնց վրայ  
չափէ իմ պատուհան ժամանումս : Բայց անմիջա-  
պէս որ հասայ անոր առջեւ, նետուեցայ թիկնաթո-  
ռիս գիրկը, եւ բաց պատուհանէն դուրս ցցեցի իմ  
երկու մերկ ոտքերս : Բարեկամուհիս իր աճապա-  
րանքին մէջ զանոնք իմ գլուխս կարծեց եւ խեղճե-  
րը ջուրի ապահելը ստանալով սարսուացին : Գրեթէ  
միաժամանակ ոտքի ելայ եւ յաղթականօրէն սկսայ  
հեղնել Ֆաննին, որ թէ եւ դժգոհի ծամածուութիւն  
մը ունի՞ր բայց որ կը ժպտէր իր բոլոր ակուաներով  
եւ պարապին մէջ կը թօթուէր գաւաթը : Հսի իրեն .

— Համեստափայլ օրիորդ Ֆաննի Ֆուռնիէ,  
տակաւին բոպէ մը առաջ կը պնդէի թէ դուք իմ ա-  
րեւիս ամուսինն էք, լուսաճաճանչ էակ մըն էք,  
բայց այժմ, կ'ազաշեմ, թոյլ տուէք որ փոխեմ  
տեսակէտս : Ստորին արարած, կ'ուզէիր զիս նորէն  
խաղի՞ բերել … ո՛չ պղտիկս, ո՛չ ահաւասիկ որ  
ես ինքս կը խարեմ քեզ ու կը պարտազրեմ որ դուն  
ըլլաս իմ աղախինը … ոտքե՞րս լուացող աղախի-  
նը …

Խօսքս զեռ չէի աւարտած, երբ որ երկրորդ  
պաւաթ մը ջուրը զոր Ֆաննի իր ետեւը կը պահէր,  
ստացայ քթիս բերնիս : Մանաւանդ յաջորդող ան-  
պատկառ խնդուքէն խարազանուած՝ պատուհանէն

գուրս նետուեցայ ակնթարթի մէջ եւ բեռկօլայի գերաններուն վրայէն ցատկուաելով մտայ Ֆաննիի սենեակը : Կը ճշայինք երկուքս ալ եւ երբ որ զայն նետեցի անկողնին վրայ , Ֆաննի բիժամայիս ծայրովը երեսս սրբեց ըսելով . . . չեմ յիշեր թէ ինչ ըսիր , բայց անուշ էիր Ֆաննի , առաւտափն պէս քաղցր էիր իմ Ֆաննի :

. . . . .

Երկարօրէն նայեցայ այդ երիտասարդ միսին , մերկ բաղուկին եւ տրտմեցայ : Կ'ուզէի Ֆաննիին ըսել թէ չեմ վախնար մահէն , ընդհակառակը կը փափաքիմ զայն , բայց գաղափարը թէ մեռնելով պիտի բաժնուիմ Ֆաննիէս զիս կը յուսահատեցնէ : Բաժնուի՛լ , վերջնապէ՞ս բաժնուիլ . . . կ'ուզէի ըսել շատ մը բաներ մեկնումի երեկոներուն վրայ բայց չէի համարձակեր խօսիլ , որովհետեւ Ֆաննի գուշակած էր իմ ներքին վայրէջքս եւ քթէս քաշելով կ'ըսէր — « վերադարձիր սիրական , վերադարձիր մութ աշխարհէդ սիրական » : Գիտէր թէ յոռետես եմ ես , մանաւանդ շուտով յուսալքուող՝ եւ ամէն անդամ որ նշմարէր իմ անկումս , կը ջանար զիս բարձրացնել դէպի իր ամուսինը , դէպի արեւը : Մութ աշխարհս ինք երբեմն կ'անուանէր « տխուր լապուաթուառ » եւ ես այդ ճշդրիտ անուանակոչումով կը տեսնայի թէ ան շատ լաւ ծանօթ է նաեւ ուրիշին , թէ այլեւս ինծի համար մտերիմ ու ծածուկ վայր մը չէ : Այս իրողութիւնը եւս պատճառ կ'ըլլար որ լքեմ իմ անպատսպար անկիւնս եւ վե-

յաղառնամ դէպի Ֆաննին : Առենուան մը համար :

Զեմ զիտեր թէ որքան ժամանակ դեռ պիտի յամենայինք անկողնին վրայ եթէ չքարձրանար օրիորդ Գոխսթինի ծայնը : Ան զիս կը փնտոէր սենեակիս մէջ եւ մենք ստիլուեցանք աճապարանօք յարդարուիլ եւ զինքը կանչել ասդին : Օրիորդ Գը ոխսթին ազուորցեր է այս առաւօտ հիւանդապահուհին իր սպիտակ շապիկին մէջ եւ ինքն ալ գոհ է արեւէն : Երբ պատրաստութիւններ կը տեսնէր զիս ասդնաելու համար, մտերմիկ յանդիմանութեամբ մը ըսաւ ինձ .

— Գէ՛շ տղայ, ամէն առաւօտ կուզամ ես ձեզի ոյժ բերել որպէսզի ժամ առաջ առողջանաք, եւ զուք իմ առած ոյժս կը վատնէք հոգ . . .

« Հոդ » ըսելով ցոյց կուտար անկողնին վրայ երկարած Ֆաննին, որուն հետ ունեցած յարաբերութիւններս շատ ծանօթ էին իրեն : Ես անմիջապէս բացադանչեցի .

— Կորսուած ենք Ֆաննի, կորսուած ենք . . . Հիմայ որ հիւանդապահուհիս հասկցաւ մեր յարաբերութիւններուն բնոյթը, կորսուած ենք : Որպէսզի մեր սիրաբանութեան լուրը չտարածուի, պէտք չէ թողունք որ օրիորդ Գոխսթինը ասկէ ողջ զուրս ելլայ : Տո՛ւր գանակդ որ սպաննեմ զինքը :

Եւ հիւանդապահուհին ծոծրակէն բոնելով պատրաստուեցայ սպաննել զայն : Ֆաննին ըսաւ թէ կարելի չէ սպաննել քանի որ այսօր մաղայարդարին պիտի երթայ Գոխսթին, այլ կաշառել՝ որպէսզի չխօսի : Եւ բերաւ իր շաքարի տուփը : Ասեղին

մուտքը բնաւ չզգացի յետոյքիս մէջ, այնքան որ  
անփոյթ էի եւ գոհ այդ առաւօտ։ Դեռ կը յամա-  
ռիմ առաւօտ կոչել առաւօտեան տասը, բայց այդ  
ան ժամն է երբ նոր ոտքի ելած են հիւանդները,  
մերինին նման պանդոկ – սանաթօռիօմներուն մէջ։

• • • • • • • • •

Թէ որովհետեւ հիւծախտը սեռային ախորժա-  
կը կը գրգռէ, թէ որովհետեւ հիւանդները բոլորն  
ալ երիտասարդներ են որոնք ամբողջ օրը ընելիք  
չունին եւ կը ձանձրանան, մերինին նման ապաս-  
տարաններուն մէջ սանծարձակ կը քալեն սեռային  
յարաբերութիւնները։ Այդ իսկ պատճառաւ անպա-  
կաս են բաղխում, խղում, տաղնապ : Բայց ես շատ  
քիչ անզամ հանդիպեցայ փոթորիկի, որովհետեւ  
բաժակը կը լեցուէր հետղհետէ, բաղխումը ան-  
խուսափելի կը թուէր, մենք կը պատրաստուէինք  
պայթումին, բայց ահա յանկարծ կ'անցնէր սեւ  
ամպ մը : Այսինքն մէկը կը մեկնէր, կամ արիւն կը  
վսխէր, կամ ջերմ կ'ունենար : Յանկարծական եւ  
բացարձակ հաշտութիւն : Պանդոկը կը լուէր անմի-  
ջապէս եւ կիրքերը կը խաղաղէին մութին պատճա-  
ռաւ որ կը պտղի։

Հիմայ ալ երբ ես կը սկսիմ դրել այդ անցեալ  
կեանքիս վրայ եւ զանազան ապրումներ գլուխ ցը-  
ցելով կ'աղմէկեն, յանկարծ իմ մէջէս ալ սեւ ամպ  
մը կ'անցնի, արիւն կ'երթայ կարծէք եւ ես կ'ուղեմ  
լուել անմիջապէս : Զգրել, բայց չը վերյիշել մանա-  
ւանդ : Կարճ, շատ կարճ կերպով միայն կ'ուղէի

խօսիլ տիկին Պէաթրիսի վրայ, բայց ահա որ մէկ սոսաւուեան մէջ մխրճումս վտանգաւոր գարձուց յիշողութեան ճամբաները : Բայց եթէ երբեք խօսեցայ այդ սոսաւուեան վրայ, պատճառը այն է որ տիկին Պէաթրիս ժամանեց Զաթօսթէ նոյն օրը, ճիշդ կէս օրին :

Երբ որ պարոն Աթունը դեռ ողջ էր, երբեմն կ'երթայի իրեն ու կ'երկարէի իր մօտ, պատշղամին վրայ : Այդ պատշղամը պարապին մէջ կախուած ըլլալու երեւյթն ունէր չնորհիւ իր դիրքին, քանի որ իր առջեւ կը տարածուէր մեր գետին կաղմած կրկէու : Մէկ քանի անդամներ պատահած է որ երբ այգակէս երկարած ակնարկս մխրճած եմ ընթերցանութեան մը մէջ՝ յանկարծ ցնցուիմ մէկու մը անազմուկ ժամանումին պատճառու : Իրաւ ալ վարէն, գետին եղերքը ապաստանած կայարանէն կը բարձրանար կանդ առած վայրաշարժի մը ծուխը և իմ ակնարկս հակառակ իր զբաղումին կը նշմարէ այդ մութ սիւնը որ կը ցցուի առանց լուր տալու : Ճիշդ այգակէս է որ ցնցուեցայ երբ դէմ առ դէմ և կայ տիկին Պէաթրիսի հետ, պարտէղի դրան մէջ : Եր մութ հագուսաներով, իր նիշար կաղմով եւ բարձր հասակով մուխը կը յիշեցնէր ու կը պատճառէր դժուհութեան զզացում մը : Անոր պէս պիտի ցնգէր կարծէք այնքան որ թեթեւ էր իր քալուածքը, գրեթէ բոլորովին անլսելի : Երբ ճաշարան կը մտնէինք կէս ժամ վերջ, Ֆաննի, մեր պանդոկին ամենահին բնակիչը, մեծ ուրախութեամբ ընդունեց նորեկ տիկինը եւ ես դիւրու-

թեամբ կուահեցի թէ տիկին Պէտքրիս անցեալ  
տարուան յաճախորդներէն մէկն է : Ֆաննիի ուրա-  
խութիւնը զիս ալ ուրախացուց , բայց կէս օրէ վերջ  
քիթս կախեցի որովհետեւ երկու բարեկամուհինե-  
րը երարու մօտ մնալով ես զրկուեցայ ֆաննիէս :

Մարսողական թղթախաղէն յետոյ երբ ամէն  
ոք զնաց անշարժանալ իր մահիճին վրայ զիւռը ը-  
նելու համար , իմ խելքիս պիտի գար : Զղագրզո-  
ուեցայ արտակարգօրէն , դարձայ ու դարձայ  
սենեակիս մէջ եւ ապահովաբար նորէն ինքն իրմէս  
ելլելով աւանակութիւն մը ընէի երբ նշմարեցի Ժէ-  
ժէնը : Պարտէզի պատին տակ անոր դաղտապողի  
յառաջացումը շատ խօսուն էր ինծի համար : Գացի  
միացայ իրեն եւ անմիջապէս իր պիւկաթթին նետ-  
ուելով փախանք զիւռէն ու մեր աճապարանքին մէջ  
ճղմեցինք պարտիզպանին մէկ դոյլը : Նախ մէկ մէկ  
բէռնոյով եւ յետոյ արագութեամբ ոգեւորուե-  
ցանք : Սարէ սար նետուող ճամբաները կախօրբան-  
ներու պէս մեղ զուարճացուին , աչքերնիս կիսա-  
խուսի գիւղեր կառուցանեցինք ակնթարթի մը մէջ  
եւ վերջապէս հասանք սպանիական սահմանադը-  
լուխ : Ժէժէնը Պողթօն է եւ խենթ է : Մեծ դժուա-  
րութիւն քաշեցի զինքը զսպելու համար , որովհե-  
տեւ ոչ միայն կ'ուղէր Սպանուհի մը ճաշակել այլ  
նաեւ ափսէնք խմել : Բայց աւելի՛ն կայ : Կը հա-  
մարձակէր արեւին տակ մնալ՝ առանց հովանոցի  
եւ առանց գլխարկի : Անմոռանալի է ինծի համար  
այդ արեւոտ օրուան մեր արշաւը եւ եթէ երբեք  
վէրենեան կիրճերու վեհութիւնը այնքան լիու-

թեամբ գրոշմուած է մէջս , կը պարտիմ ժէժէնի :

Դիշերը սակայն , հրճուանքս եւ խանդավառութիւնս կորսուեցան ամբողջութեամբ , պարզ այն պատճառաւ որ տիկին Պէաթրիս սկասւ քալել ու խիս վրայ : Ան գրաւած էր 21 թիւ սենեակը , այսինքն նիշդ իմ սենեակիս վրայինը եւ այժմ անքուն՝ կը դառնար ու կը դառնար : Անկողնիս վրայ զդեռնուած (բառին խսկական առումով) թեւերս տարածած վերմակին վրայ եւ ակնարկս միշտ բաց պատռւհանէն զուրս՝ կը յուսահատիմ , կը յուսահատիմ անվերջ : Կը ջանամ միտքս զրազեցնել ուրիշ տեղ , այսինքն կը ջանամ ճշդել թէ ատենը անզամ մը լսուող հազը որի՞ն կը պատկանի , բայց առաստաղին հնհնուքը զիս կը գրաւէ ամբողջութեամբ : Աստուած իմ , շատ լաւ զիտեմ թէ ի՞նչ ըսել է սանաթօռիօմի մէջ տոաջին դիշերը անցնել , բայց վերջապէս , նորեկ մը չէ այս կինը : Ես աւելի վէշը ըրի երբ ժամանեցի հոս : Փորձեցի անձնասպանութիւն : Բաց պատռւհանէս ներխուժեցին պարտէզի ծառերը որոնք ծառի չէին նմաներ այլեւս , օրուան մէջ տեսած հիւանդներս որոնք մարդու չէին նմաներ այլեւս , եւ չորս կողմէն բարձրացող այն հազը որ ոչ մէկ աղերս ունի սովորական հազին հետ : Վերապրեցայ , անասելի յստակութեամբ , ջարդը , աքսորը , ծնողքիս մահը ւ ըսի թէ յիմարութիւն է ջանալ րժշկուիլ երբ թոքախտէն մարդ չազատիր , թէ անմարդկային բան է չարչարել եղբայրս որ այնքան պիտի նեղուէր Փարփղէն ինձ գրամ հասցնելու համար : Ոչի՞նչ , ոչինչ այս

խորհրդածութիւները որոնք նոր չէին ինծի համար, բայց կար ուրիշ բան: Բան մը՝ որ զիս ստիպեց վլիլ տեղ մը, գետինը, ըստ բախտի անկիւն մը: Բայց անմիջապէս ոտքի նետուեցայ, որովհետեւ ամէն կողմ մանրէներ կը զգայի եւ չէի համարձակեր ո եւ է բան բոնել: Եւ ահա կախուած վերարկուս սկսաւ շարժիլ: Ուրուական եղած էր: Յաջողեցայ զայն խլել իր կեռէն, պլորեցի եւ ուղեցի պահել տեղ մը: Բայց ո՞ւր: Դարձայ ու դարձայ ինչպէս տիկին Պէաթրիս կը դառնայ, եւ մտածեցի զայն դնել պահարանը: Զկրցի դուռը բանալ, որովհետեւ ոչ բոնիչ ունէր եւ ոչ ալ բանալի: Անոր հայելիին մթութեանը մէջ տարտամօրէն տեսայ ինքղինքս քրտինքով փայլուն եւ անճանաչելի, ու այնքան սարսափեցայ որ պատրաստ էի դուռը խորտակելու: Երբ զայն ներս հրէի, քիչ մը կ'երթար բայց դուրս չէր դար:

Այդքանը արդէի ապացոյց է որ կզպուած չէր այլ սեղմուած: Շնորհիւ մկրատիս եւ դանակիս (պայուսակս տակն ու վրայ ըրի զանոնք գտնելու համար) կրցի բանալ վերջապէս եւ աւելի վախցայ: Պահարանը լեցուն էր բերնէ բերան: Այն ատեն միայն միտքս եկաւ որ պահղոկապետը ըսած էր թէ առժամանակեայ կերպով միայն այդ սենեակը ինձ կը տրամադրէ, որովհետեւ անոր բնակիչը քանի մը օր պիտի բացակայի: Զգեստներ, շիշեր, գիրքեր, շատ բան: Նամակ մը: « Սիրական պզտիկ Ժէժէնս »: Մայր, մայր մըն էր գրողը: Հոդ է որ

սուրբանակը դառայ և անկողնիս վրայ նետուելով  
կը ակեցի բերնիս մէջ :

Երիտասարդ սպասուհին, իւսոսիւլը, երբ դու-  
ռը բացեր է յաջորդ առաւօտուն նախաճաշս տա-  
յու համար, զիս գտեր է մահճակալին վրայ երկա-  
րած, կիսամերկ, ատրճանակ մը ձեռքիս մէջ եւ ա-  
մէն տեսակ առարկաներ՝ զետինը: Սուր ճիչ մը՝  
եւ ձեռքի ափաէն զետին իյնալով կը փշրուի, մինչ  
ես կարթննամ ընդուստ: Հայկառակ երկարատեւ  
փորձերում՝ չէի կրցած ատրճանակը աշխատցնել,  
եւ առաւօտեան դէմ քունս տարած էր վերջապէս:

Ամբողջ պանդոկը խնդաց եղելութիւնը իմանա-  
լով եւ ահուր բնակիչները վրաս վաղեցին անճարա-  
կութիւնս շնորհաւորելու համար: Այդպէս է որ  
անմիջապէս բարեկամացայ գիշերուան բոլոր հա-  
զերուն հետ եւ ներկայացուցի ինքզինքս:

— Միշէլ, հայ սափիրիչ:

... Վերադառնալով տիկին Պէտքրիսի, ան ա-  
պահովաբար աւելի երկար ատեն քալեց իմ քնանա-  
լէս վերջ, եւ երբ յաջորդ օրը Ֆաննի երկուքս իրա-  
րու ներկայացուց, ճշացի: Տիկինը Հայ էր: Անունը  
կը մտանէր ոչ միայն իր ազգութիւնը, այլ նաեւ  
կը օնքուիլիլ:

Անմիջապէս ըսեմ թէ՝ այնքան ատեն որ ապ-  
րեցայ տիկին Պէտքրիսի մօտ, բնաւ տալաւորու-  
թիւնը չունեցայ քովս ազգակից մը ունենալու: Օ-  
տարացած մըն էր ան: Իր զիտցած երկուքուկէս  
հայերէն բառերը այնպէս մը կը գործածէր, որ ես  
կը նախընտրէի բնաւ չխօսիլ մեր լեզւով: Եւ յետոյ  
բնաւ լուր չունէր հայկական կեանքէ ու հայ հա-

մայնավարները — որով նաեւ զիս — կը նկատէք դադաններ : Սա չափը միայն գիտեմ թէ այժմ Եղիպտոս հաստատուած էր իր ընտանիքը , իսկ անեկէ առաջ՝ Վիէննա :

Տեկին Պէաթրիսի ժամանումով մէջս ոկտամտապաշարում մը : Ճգնեցայ կնոջ տառապանքին պատճառը գիտնալ : Շատ տարօրինակ պիտի հնչէ այս խօսքս , քանի որ հիւծախտաւորի մը տառապանքին պատճառը բացորոշ կը թուի : Բնա՛ւ Երբեք : Հիւանդները առաջին օրերու տաղնապէն վերջ կը վարժուին (տիկին Պէաթրիս կը դարմանուէք չորս տարիէ ի վեր) եւ գրեթէ բնաւ անոնց գէմքին վրայ չերեւար այն գալարումը որ կար հայուհիին վրայ : Հիւծախտաւորները բոլորն ալ մեղմ արարածներ կը թուէին ինծի , թեթեւ շարժուձեւերով , թեթեւ խօսուածքով եւ յաւիտենական թեթեւ ժըպիտով մը որ այնքան յուղիչ է : Միայն այս կինն է որ ունէր գալարուն գիմազիծ մը :

Քէօռ կապ եղած դիմադիծ մը :

Զղային , վախկոտ , դիւրազգայ , մարդէ փախչող : Կա՛մ իր ասեղնազործութիւնը , կա՛մ ֆաննին : Ուրիշ ոչ ոքի ձեռք կ'երկարէր : Անշուշտ ես ալ ուրիշներու պէս կրնայի խուսափիլ այս անհամ էտկէն , բայց գանկիս մէջ կար միշտ իր ոտնաձայնը , որ թէեւ գիտողութեանս վրայ լոեց քանի մը օր , բայց վերսկսաւ կրկին :

Մառթէնը եւ ես ունէինք նախասիրած անկիւն մը , նեղ արահետին մէջ , կասկենիներուն տակ : Կը նստէինք հոդ եւ նախանձով կը դիտէինք առողջ

բաղուկներուն աշխատութիւնը կահագործարանին  
մէջ : Կը սիրէ ինք տաշեղին փրփուրը, քերեչին այն  
առհանքը որ անբացատրելի հեւք մը կուտայ ուր-  
տին : Կարսասիէ աւելի դադաղ է որ կը շինէին հոն,  
քանի որ, կըսեն, օրական 18էն 20 մահ կայ Զա-  
թօսիմէյի մէջ : Երբ առանձին ըլլայի հոն եւ աշխա-  
տաւորներն ալ հետս խօսքի չըսնուէին, կը խոր-  
հէի այնպէս՝ ինչպէս բազը կը լողայ : Երեսէն:  
Ամբողջ շաբաթներ վերագրումներ ըրե տիկին  
Պէտրիսի տառապահքին վրայ, անշուշտ ապար-  
դիւն կերպով : Նեղորտեցայ՝ տակը իշխալով:  
Ներկայ ցաւերը կը թուէի մէկ առ մէկ, բայց կը  
տեսնէի թէ անոնցմէ ոչ մէկը կը պատշաճի տիկ-  
նոջ : Ունէինք սիրուն մատամ Լըմուանը որ կը խեն-  
թենար իր երկու մանչուկներուն վրայ եւ պատե-  
հութիւնը չէր փախցներ իր պայուսակը բանալով  
անոնց լուսանկարները ինձ ցոյց տալու : Մէկուն  
անունը Ռընէ էր, միւսինը Ֆինէթ : Մէկը սանկ էր,  
միւսը նանկ : Մէկը նամակ կը գրէր իր մամային,  
միւսը տակաւին միայն խաչ կը քաշէր այդ նամա-  
կին տակ : Եւ մատամ Լըմուանի ժպիտը կը դողար  
արցունքի մը պէս, եւ կը դողային իր մատները՝  
խուրը, թափանցիկ, շատ թափանցիկ :

Ունէինք մէսիէօ Աթթիմօն մը որ կը տառա-  
պէր գրամի պակասէն : Ինձ կ'ըսէր թէ ահազին զո-  
հողութիւններէ վերջ մեծ բարելաւում ձեռք ձզած  
է բայց այժմ պիտի ստիպուի մեկնիլ աշխատու-  
թեան, մինչ քիչ մը եւս գրամ՝ զինքը փրկած պիտի

ըլլար վերջնականապէս : Մանաւանդ կային տիրոնք որոնք սիրուհի մը կամ ամուսին մը ձգած էին Փարիզ եւ կը զգային թէ այս երկարատեւ բացակայութեան մէջ անոնք պիտի չմնան հաւատարիմ : Այս պարագաներէն ո՞րը կը պատշաճէր հայ կնոջ տառապահնքին :

Այս խորհրդածութիւններս կը կրկնէի Թաննիի որ զիս կը լսէր ժպիտով, գլխի ճօճումով, կուտար անօգուտ պատասխաններ, բայց գոնէ անվնաս էր իր հակազդեցութիւնը : Նոյնը չըրաւ ուրիշ մը, որուն իմ մտածումներս կրկնելու սխալը գործեցի : Այդ ուրիշը լուսանկարիչ Շառլն էր, Հայ մը, (այս անդամ իրական) Փարիզի իմ մէկ բարեկամս (ևս իր սափրիչն էի) որ այժմ մօտս գտնուելով աւելի սիրելի եղած էր ինձ : Ան կը բնակէր Գամպօ, այսինքն Պիառիցի եւ Պայեօնի միջեւ, ժամանցի այդ երկու քաղաքներուն մէջ ալ աշխատելու համար : Շառլ երրեմն կուգար Զաթօսթէ իր վարպետին կառքով, որուն վրայ մեծ տառերով դրուած էր իրենց հաստատութեան անունը : Շատախօս, ազմկարար եւ ճշմարիտ Սկիւրտացիի մը պէս սուտի սիրահար այս մարդը (երեսուն մը կայ) սովորութիւնը ունէր հանդիպածին մակղիր մը փակցնելու եւ տիկին Պէաթրիսը կը կոչէր – Օրիորդ Յոր երանելի : Օր մը բացէ ի բաց ըսաւ անոր .

— Օրիորդ . . . ներեցէք՝ տիկին, այս բարեկամիս տէրտ եղած է եւ կ'ուղէ գիտնալ թէ ի՞նչ ունիք : Որովհետեւ զուք բա՛ն մը ունիք :

Վայրկենարար շառագունեցաւ կինը եւ վախ-

նալով որ ծանր խօսք մը կ'ըսէ , ևս զինքը կանխեցի անմիջապէս եւ սկսայ « կանաչօրէն » յանդիմանել Շառլը : Ինձի անախորժ թուած էր նաեւ իր կարծեցեալ շփոթութիւնը օրիորդին եւ տիկինին միջւ : Իրաւ է թէ հայուհին օրիորդի մը նմանելու չափ նուրբ էր , բայց աարակոյսէ վեր է թէ շփոթութիւնը ըսել կ'ուղէր ինձ ուրիշ բան :

Այսօր , երկու տարի վերջ , այլեւս չեմ համարձակիր մեղադրել լուսանկարիչ բարեկամս , որովհեաեւ կը խորհիմ որ տիկին Պէաթրիսի պէս մէկը զթալու եւ սիրելու համար անհրաժեշտ է քիչ մը երկար ատեն մնալ անոր մօտ : Արագէսղի հաւատանք անոր առաւապանքին իրականութեան : Այսպիսիները իրենց թթուած դիմադիծով , « անյաջողութիւն » բերող արտայատութեամբ՝ անմիջապէս լաւագոյն զգացումներ չեն կրնար ներշնչել : Կ'երթանք նոյնիսկ խորհելու թէ եթէ այդ անձերը կը տառապին , պատճառը իրենց յոռի խառնուածքն է որ փորձութիւնները միայն կրնայ իր վրայ քաշել : Միթէ ես նոյն անզութ վարմունքը չունեցա՞յ սկիզբի օրերը եւ կատարելապէս իրաւունք չտուի՞ Ֆրանսացի բարեկամներուս որոնք աննսլաստ կերպով կ'արտայայտուէին տիկնոջ վրայ : Գալով դրուած մակդիրին , ատոր համար իսկ մեղադրելի չէ լուսանկարիչը քանի որ ինք հայուհին չէր ճանչնար եւ իմ տուած աննպաստ տեղեկութիւններուս վրայ հիմնուելով է որ այդպիսի որակում մը տուաւ :

Կարծեմ այս պատահարէն երկու օր վերջն է որ ստացայ հետեւեալ նամակը : Կ'ընդօրինակեմ՝ քանի որ պահած եմ :

« Իմ Միշէլ սիրական

« Ճանչնալով գիրին դօրութիւնը խօսքին վրայ, փափաքս հոս կ'արձանադրեմ՝ քանի մը անդամներ զայն քեզ կը կնելէ յետոյ: Կը փափաքիմ քեզ տեսնել տիկին Պէաթրիսի տւելի մօտ, տւելի պաշտպան, տւելի ներողամիտ: Գիտեմ թէ ան քեզ կը կին նեղացուց երէկ, չունին պատճառաւ, ինչպէս որ վարինները նեղացուց, անտեղիօրէն, Փօնոյին պատճառաւ: Բայց զուն եղիր ներող: Կրնայ ըլլալ որ ես մեկնիմ օր մը եւ գիտցիր զուն է որ տիկին Պէաթրիսի մօտ պիտի կատարես այն դերը զոր ես այսօր կը կատարեմ: Ան պէտք ունի նեցուկի մը՝ մեղմէ տւելի: Եղիր այդ նեցուկը՝ իմ սիրական»:

Հակառակ որ մեր սենեակները առընթեր էին, կը սիրէինք թղթակցիլ ֆաննին ու ես: Շատ անդամ առաւտուն կանուխ իւսախւլը կը բերէր ֆաննիին նամակը նախաճաշիս հետ եւ իր յաւիտենական զուարթութեամբ կ'ըսէր ինձ ասոր նման խօսք մը.

— Այս անդամ վերջին անդամն է: Եթէ յամառիք նորէն դրոշմաթուղթ չփակցնել ձեր նամակներուն վրայ, տուգանք կ'առնեմ: Ո՞չ, չինական դրոշմաթուղթ չըլլար:

Գալով ֆաննիի ակնարկած շան պատահարին, իրաւ ալ նախորդ օրը սաստիկ նեղացուց զիս տիկին Պէաթրիս: Մեղքդ քաշեմ՝ ես շատ կ'ախորժիմ շունէ: Եւ չափաղանց համակրելի է մեր պանդոկապետին մեծ « Լիւքս »ը: Զայն դրած էի կախօրրանին մէջ, « ճօր - ճօր, պար - պար » ըսելով կ'օրօրէի, եւ սաստիկ կը զուարճանայի դիտելով շան վիճա-

կը : Հաչե՞ր է եղեր . . . : Հարկա՛ւ պիտի հաչէ , քեզի ի՞նչ կ'ըլլայ կոր օրիորդ Յոր երանելի :

Դաղանիքը պարզուեցաւ : Աթթիմօնը ինձ որոշած էր Մէոէտիթի « Եսասէր » վէպը եւ ևս այնքան գոհ մնացի երկհատոր այդ երկէն որ զայն փոխանցեցի անմիջապէս Ֆաննիին : Կը յիշեմ : Կէսօրէ վերջի գիւռը կ'ընէինք Ֆաննի եւ ևս՝ քով քովի իր անկողնին վրայ երկարած : Իմ ընթերցանութիւնս շատ շուտով ստիպուեցայ ձեռքէս թողուլ , որովհետեւ Ֆաննի մհծ յուղումով զիրկս նետեց « Եսասէր »ը , ըսելով թէ չուզեր աւելի հեռուն երթալ : Ի՞նչ կը պարունակէին սկիզբի այդ քանի մը էջերը որոնք զինքը ըմբոսացուցած էին : Անդիմացի վիպասանը իր հերոսը ներկայացուցած միջոցին կ'ըսէ թէ ան շատ կանուխ տարիքէն ձեռք ձգած է զանակ զործածելու արուեստը : Այսինքն թէ ան , եսասէրը , զիտցած է միշտ կտրել իր շուրջի այն ճիւղերը որ արդելք պիտի ըլլան իր կատարեալ փթթումին , զօրացումին : Մէկ խօսքով՝ կրցած է իրմէ հետացնել իր ընտանիքին եւ գերդաստանին այն անդամները որոնք իրեն օգտակար չեն կընար րլլալ բարոյապէս կամ նիւթապէս : Բնդհակառակը : « Դանա՛կ , զանա՛կ » կ'ըսէ միշտ եսասէրը , վանելով եւ ուրանալով « աղքատ » արենակիցներ :

Տիկին Պէտքրիս հիւանդ չէր : Իրաւ է թէ չորս տարի առաջ ունեցած էր հիւծախտի սկզբնաւրութիւն մը , բայց անմիջապէս Եւրոպա գալով հետեւած էր կանոնաւոր զարմանումի եւ բժշկուած էր կատարելապէս : Միայն թէ — հոս է որ կը սկսի ողբերգութիւնը — զինքը այլեւս տուն չէին ընդու-

նած : Կը նախընտրէին միշտ բաց պահել ծախսի այդ մեծ դուռը, բայց տան մէջ չունենալ հիւծախտաւոր մը :

Միծաղելի ըլլալու չափ պարզ կերպով գրեցի այս տողերը, բայց կատարեալ փոթորիկ մը փըրցուցի այն օրը երբ Ֆաննի դանոնք ինձ արտասանեց : Ես այս տեսակ բան ըմբռնելու անկարող էի : « Քանանըչոքս տարեկան ես, բայց զեռ մանուկ ես » կ'ըսէր ինձ Ֆաննի եւ կը պատմէր :

Բժշկուելէ վերջ տիկին Պէաթրիս դարձեր է Եգիպտոս եւ իրեն համար սկսեր է դողդոթայ մը : Նախ դիշերօթիկ վարժարան զրկելու պատրուակին տակ տունէն հեռացուցեր են իր մանչը որովհետեւ « այլեւս տունը սանաթոռիօմ է », եւ յետոյ ձեռք առեր են նախաղգուշական միջոցներ՝ չվարակուելու համար : Լա՛ւ բան, բայց ուշադրութիւն մը այդ բոլորին մէջ՝ բացայացա, ծայրայեղ, վիրաւորիչ : Իր ամուսինն ու անոսը քոյլը իրարու հետ մրցումէ ելեր են տիկին Պէաթրիսի հասկցնելու համար որ դեռ չէ բուժուած, թէ բժիշկները յիմարներ են, թէ « կոյը մը անգամ կրնայ տեսնել վիճակդ, պէ՛տք է որ դեռ մնայիր » : Եթէ բարեկամ մը կամ դրացի մը իր այցելութիւնը ուշացուց՝ « նայէ՛, անոնք ալ մեր տունը ուտք չեն կոխեր այլեւս : Հա՛րկաւ : Թոքախտաւորին տունը ո՞վ կե՛րթայ . ես ալ ըլլամ չեմ երթար » : Այսպէս կը խօսի եղեր այդ տալը, անխուսափելիօրէն աւելցնելով որ Պէաթրիս իր գերդաստանով արդէն հիւանդ է : Ամենափոքրիկ տկարութիւն մը անխուսափելիօրէն վերադրեր են մեծ ախտին եւ հալածանքը տարեր են մինչեւ

Հոն՝ ուր այլեւս կինը նախամհճար նկատեր է վերադառնալ Ֆրանսա : Շրջեր է ապաստանէ ապաստան, այսինքն Կոստ, Պոլիէօ, Փօ, եւ այժմ եկեր է նորէն մեր մօտ : Կը յուսայ, միշտ կը յուսայ որ իբրենները այլեւս պիտի համոզուին, պիտի ըմբռնեն թէ բժշկուած է եւ զինքը տուն առնեն :

(Մինչդեռ Ֆաննի կը խօսէր, կը խորհէի որ Մէոքափթ միակ գրդապատճառը չկընար ըլլալ այս խոսառվանութեան : Ապահովաբար բարեկամուհիս արդէն առիթի կը սպասէր որալէսղի խօսի, եւ այդպէսով — միակ միջոցը — զիս կատէ հայուհիին) :

Ֆաննի կը պատմէր այն միակ այցելութիւնը զոր տիկին Պէաթրիսի ամուսինը տուեր է իրենց անցեալ տարի, ամառը, եւ ես այնքան սուր ուշադրութեամբ մտիկ կ'ընէի որ յստակօրէն կը տեսնէի մարդու մը շարժուձեւերը մեր այս միջավայրին մէջ : Հիւանդաղին վախ մը, խորամանկութիւններ՝ ձեռք չերկարելու, վարանումներ՝ սեղան նոտած ատեն կնոջմէն թիզ մը հեռու մնալու և Զաթօսթէին փախուստը՝ աճապարանօք : Օր մը նոյնիսկ մեծ վաանդ մը անցուցեր է ան սանդուղէն իյնալով՝ որովհետեւ չի յամարձակիր եղեր բազրիքը բռնելու : « Այնքան ատեն է հոս եմ, տակաւին այդ մարդուն չափ ծիծաղելի վախկոտ չեմ տեսած » կ'ըսէր Ֆաննի եւ կ'աւելցնէր « Հա', Հա', Հա' » :

— Բայց Աստուած իմ, ինչո՞ւ...

Անմիջապէս կը զգամ թէ բացադանչութիւնս որքան աւելորդ է եւ աչքիս առջեւ կուղան Զաթօսթէի վսիմ ծառուղիները, ուրկէ անցնելու իսկ կը սարսափին շատեր, նո'յնիսկ կառքով : « Տես խորը

նստող կինը՝ քիթը դոցեր է որազէսզի չը վարակուի : Աչքիս առջեւ կուղան նաեւ այն դիմագիծերը որոնց հանդիպած ենք երբ շրջակայ զիւղերը արշաւներ կ'ընենք խմբովին, եւ այդ դիմագիծերը մտսնաւոր ուշադրութեամբ մը կը նային մեղ երբ կը գուշակեն մեր հիւանդ ըլլալը : Միշտ նոյն վախը կայ ամէն կողմ որ տաելի կը գառնայ երիտասարդներուն եւ պարզամիտներուն մօտ մասնաւորաբար, որ չծածկուած ուշադրութեամբ մը կը նային մեղ, մահապարտներուս :

Պահեր կան, կ'ըսէ ֆաննի, երբ տիկին Պէաթրիս կ'արդարացնէ իրենները եւ կ'ըսէ թէ անհրաժեշտ է որ իր հեռացումով ապահովցնէ զանոնք : Բայց շուտով զլուկա կը ցցէ իր սէրը զաւկին հանդէպ, իր ամուսնին եւ օճախին հանդէպ եւ կը սկսի մեղադրել ամէն ոք՝ սկսելով տալին :

Մտածումիս ուղղութիւնը փոխելով կը խորհմ որ թերեւս շատ ալ մեղադրելի չեն այդ եղիստահայերը, եւ թէ տիկին Պէաթրիս է որ կը սխալի՝ ինքինքը բժշկուած կարծելով : Պէտք է նկատի ունենալ սա պարագան թէ հիւծախտաւորներուն մեծ մասը յուղիչ սովորութիւնը ունի ամէն առթիւ ըսելու — « բայց պարոն, ես այլեւս բուժուած եմ . ունեցածս արդէն ոչինչ բան մըն էր, հաղիւ թէ սկզբնաւորութիւն մը » :

— Երբեք կը ճշայ ֆաննի . իր կարծիքը չէ, այլ բժիշկներուն կարծիքը : Տօքթ . Գամմինօն զինքը վոնտած է պարզապէս, ըսելով թէ այլեւս չուղեր իրմով զբաղիլ : Թէ տիկին Պէաթրիս այժմ հոգեկան խաղաղեցումի պէտք ունի միայն եւ ոչ ուրիշ

բանի : Հողեկան կատարեալ խաղաղութեան մը՝  
որ միակ զարմանը կը նայ ըլլայ իր ջղայնոտու-  
թեան զէմ որ կը մեծնայ : Տե՛ս իր սպառումը :

Մեր պանդոկին մեծ դոնէն ելելէ վերջ կը բա-  
ռէ քանի մը քայլով կարել անցնիլ փողոցը եւ մտնել  
մեր պարտէզ – պատշգամը որ անդունդին վրայ  
կախուած է : Աշնան երեկոները հոն կ'ապրիմ ան-  
մոռանալի պահեր, զոյներու համայնանուագի մը  
մէջ, զիտելով բլուրները որոնք գիշերին մէջ մխր-  
հուելու համար կը հագնին շղարչներ՝ հետզհետէ  
տելի անթափանց : Արդար ներբողի մը պէս, ան-  
կեզծ չնորհակալութեան մը պէս բլուրները կը  
բարձրանան, եւ կուգայ զանոնք լսել վերջին ճա-  
ռազայթը : Գետի հարցեին ձայնը այլեւս լսելի կը  
դուզի իր յետոյքին վրայ նստած կիւքսին գլուխը :  
Չեմ կրնար չնայիլ քիչ մը անդին նստած տիկին  
Պէտքիսի, որ կիսաստուերին պատճառաւ աւելի  
նիհարցած է ծոծրակն ի վար, որ իր ասեղնազոր-  
ծութիւնը լքած է այլեւս ծունկերուն վրայ ու կը  
շարժէ իր սրունքը ջղայնստութեամբ : Ան ալ կը  
իսյի բլուրներուն, ապահովաբար չը տեսներ զա-  
նոնք ու ապահովաբար կը ճամբորդէ առանձին :  
Շարժող սրունքը կը ճամբորդէ առանձին, եւ եր-  
րեմն կը մնայ կախ՝ յոզնաբեկ, քանի որ շատ տեղ  
ունի երթալիք, քանի որ ճամբան երկար է այն-  
չափ՝ որչափ մեծ է լքումը մարզուն :

Այլեւս տարբեր կ'երեւայ այդ էակը ինձի, եւ  
այդ իսկ պատճառաւ կը նայիմ իրեն պէտք եղածէն  
տելի : Կը նայիմ իրեն երեւակայութեամբ ալ,

բայց այս անգամ որովհետեւ ըրած վերապրումներուս ճշգրտութեանը մասին տարակոյս չունիմ, կը տաղնապիմ: Ի՞նչ ընել որպէսզի անոնք ըմբռնեն ճշմարտութիւնը: Ամօթղած մայր մըն է, վարանող, վախկոտ ու բոլորովի՛ն անճարակ: Դիտեմ թէ ան պիտի չկընայ նոյնիսկ ապրիլ հիւանդներէ չընակուած վայր մը, քանի որ այլեւս սովորութիւն եղեր է, քանի որ հոս ու հոն մէյմէկ մտերիմ ֆաննի ունի, որոնց հանդէպ քիչ մը գորով, քիչ մը մայրութիւն տալով հաճոյք կը զգայ:

Հակառակ որ Զաթօսթէի բոլոր հիւանդներս ամբողջ օրը ընելիք չունինք, կը կարծենք զբաղած ըլլալ: Որովհետեւ մեր այս զարհուրելիօրէն բացարձակ հանդիսաւը պարտադիր է, որովհետեւ զայն իրազործելու համար շատ անգամ իսկապէս գերմարդկային ճիգերու պէտք կայ, կը կարծենք աշխատիլ: Այդ պատճառաւ է որ զրեթէ միշտ կ'ըսենք ժպտադէմ — « ատեն չունիմ mon cher! »: Այդ պատճառաւ է որ կիրակի օրերը գոնէ կուղենք չ'աշխատիլ՝ այսինքն աշխատիլ: Դժնդակ կիրակիներ՝ երբ կէսօրին ճաշարան կ'անցնինք բոլորս ալ հազուած — սքուած, հանդէսի մը կամ մեծ զուարճութիւններու երթալու երեւոյթը կ'առնենք, բայց ահա որ երկութին կրկին կը բարձրանանք սանդուղները, դանդաղօրէն, շատ դանդաղօրէն: Կ'անձրեւէ: Միշտ կ'անձրեւէ այս երկիրը: Քիչ մը ատեն լսեցինք սալօնէն եկող դաշնակին ձայնը, բայց ան ալ լոեց շուտով: Կը յիշեմ: Երբեք այդքան լրջախոհ չէի տեսած ֆաննին ու կը նայէի իրեն դրեթէ վախով, երբ ան երկարած էր անկողնին վրայ, իսկ

ևս նստած՝ ոտքին կողմը :

— Ապահովաբար գիտած ես, բառ ֆաննի, թէ անոնք որ դեռ նոր սորված են պիսիքլեք նստիլ, կը փափաքին թող տալ կիտօնները : Պահ մը աւելի լու հաւասարակշուտելէ վերջ կը բանահի իրենց կը-սուփր վարանումով ու կ'ըսեն — « նայէ՛, նայէ՛, ալ չեմ բոնած » : Կը ցցեն իրենց զլուխը, բայց դուն դիտես թէ անմիջապէս վերջ իրենց ձեռքերը կրկին ովիտի իյնան ուղղիչ երկաթին վրայ : Մենք երկու-քըս նոյն բանը ըրբինք՝ դէմ դէմի : Քանի անդամներ ցցեցի զլուխս երբ երկարօրէն կը ճառէիր համայ-նավարութեան վրայ, Հայաստանի վերելքին, մէկ խօսքով քու նախընտրած վարդապետութեանդ վր-րայ : Քանի անդամներ ցցեցի զլուխս, դէսկի քեզ նայեցայ, որովհետեւ անկեղծօրէն կը ցանկայի հետզ ըլլալ նոյնիսկ մտածումներուս մէջ, բայց կրկին ինկայ իմ կիտօնիս : Դուն ալ ըրիր նոյն բա-նը : Դիտեմ թէ քու ըրած ճիգդ այնքան մեծ չէր որքան իմս — քանի որ զուն ինծի հանդէս սիրային բարեկամութիւն ունիս միայն, մինչ ես քեզի հան-դէս սէր — բայց դուն ալ զլուխդ ցցեցիր : Մէկ օր մը զոնէ լրջութեամբ մտիկ ըրիր խօսքերուս, երբ կ'ըսէի թէ ինծի ոլէս քիչ մը միադիք մէկը չկրնար վոսկին զոհանալ ընկերային բարեկարգութիւննե-րով, այլ կը վնատուէ նաեւ ուրիշ բան՝ ան :

Կղակի շարժումով մը ֆաննի կուղէր ցոյց տալ մահճակալի գլխում վրայ կախուած խաչը :

Ֆաննի կ'ըսէր ինձ .

— Դիւրին բան է մեղիպէսներու համար իր դէմինը ճանչնալ, ըմբռնել, երբ այդ դէմինը մեղ

կը սիրէ : Թոր մզումը պատճառ կ'ըլլայ որ չը ծածկուի ան , չուղէ ծածկուիլ : Բայց ինչ որ դժուար է , ան ալ դիմացինը ըմբոնելէ վերջ անոր պէս ըլլալն է : Զենք կրնար խւրացնել անոր ըմբոնումները , հակաղղեցութիւնները , ճգտումները , քանի որ մեր կարողութենէն վեր է ծնիլ երկրորդ անգամ : Այդ բոլորը մենք չենք կրնար ընտրել ըստ մեր կամքին : Այդ բոլորը ընտրած ենք արդէն աշխարհ գալով : Զեմ կրնար ըսել թէ իմ կրօնքս ամէն բան է ըստ ինքեան , բայց ապահով եմ որ ինձի համար ամէն ինչ է քանի որ իմ էութեանս պատշաճելով զիս կը տանի իմ կատարեալ փթթումիս : Նոյնը և դուն՝ քու համայնավարութեանդ հետ : Քու կաղմախօսութիւնդ զայն ընտրած է՝ քեզմէ առաջ : Եւ դեռ ուրիշ բաներ :

Տերեւներուն միօրինակ աղմուկը ընկղմած էր մեղ թերեւս մեղմութեամբ , թերեւս անմոռանալիւօրէն , թերեւս թափանցկութեան մը մէջ : Զուրին ձայնը կը խմբուէր երբեմն ջերմաչափին վրայ , երբեմն Ric et Racի արձանիկներուն վրայ , հոն ուր ակնարկս կը տանէի : Կիրակի օր մըն էր ներկան՝ եւ ես անկարող էի այդ կիրակին պատասխաններ դտնելու խօսքերուն , անձրեւին , ինքզինքս : Միայն կ'ուղէի որ նուազ տրամութեամբ խօսի մաննին , բայց չէի համարձակեր մտածումս յայտնել , որովհետեւ անոր ձայնը չէ որ փոխուած էր , ալ ինքը :

Ֆաննի կ'ըսէր ինձ .

— Տեսայ մարդը : Eh bien ! բնաւ չար մարդ մը չէ , ոչ ալ ապուշ մը : Անչո՛ւշտ թէ իր մէջ սիրոյ պակաս կայ , բայց ոչ բացարձակ չգոյութիւն : Ա-

յո՞ւ, ևս նոյնիսկ վստահ եմ թէ քիչ մը սէր ունի իր կնոջ հանգելո, բայց չկրնար տիկին Պէաթրիսը տուն կանչել։ Զըմբոնե՞ր ճշմարտութիւնը։ Եթէ զինքը նեղը դիմու հարցումներովդ, պիտի ըմբոնէ։ Բայց նաև պիտի վախնայ։ Ճշմարտութիւն մը որ մեզ սարսափի կ'առթէ՝ կ'ուրանանք զրեթէ միշտ։ Ե՞անտեսենք։ Ամէիր անդամ որ դանուած եմ շողենաւի մը կամքջակին վրայ, որմերուն կողմը նայելով ուզած եմ ինքինքիս հաւատացնել թէ միւս կողմը ծով չկայ, բնա՛ւ վտանգ չկայ։ Եւ մարդիկ իրենց ազահովութիւնը կ'ուզեն։ Եւ մարդիկ իրենց անհրաժեշտ եղող ազահովութեան մէջ կ'երթան կը նստին։

... Նոյեմբերի սկիզբները մեծ փոփոխութիւն մը կրեց տիկին Պէաթրիս եւ ամբողջ պանդոկը անմիջապէս լսեց այդ փոփոխութեան պատճառը։ Իր սալը մրանսա պիտի դար եւ պիտի այցելէր նաև Զաթօսթէ։ Սպասումը երկար տեւեց, մինչեւ որ իւմացանք հայուհիին Մարսիլիա եւ յետոյ Փարիզ ժամանումը, ու ահա որ... — այս՛, պէտք է ըսել բուն բառը։ բողի նմանեցաւ տիկին Պէաթրիս։ Ես որ զիսէի իր զաղտնիքը, կը տեսնէի թէ իր ամբողջ ճիզը կը կայանայ ընտրելի, ներկայախալի բլլալուն մէջ։ Նոր ձեւեր առաւ, աշխուժութիւն ցոյց տուաւ, նոյնիսկ շպարուեցաւ թեթեւօրէն եւ կարեց զգեստ մը՝ որ զինքը աւելի լեցուն, աւելի դիրուկ պիտի ցոյց տար։ Վերջին ծայր սրտաշարժ էր։ «Քանի մը օրէն հոս կ'ըլլայ» կ'ըսէր, բայց ես զիսէմ թէ մտովի կ'աւելցնէր ինք — «արդեօք զիս պիտի տանի՞ »։

Այս բոլորը աւարտեցաւ դէշ կերպով : Անհամ-  
 բեր սպասումը ջախջախուեցաւ նամակի մը վրայ  
 եւ տիկին Պէտքիս ունեցաւ ջղային բուռն տագ-  
 նապ մը որ զինքը երկու օրուան համար անկողին  
 նետեց : Մեր սպասուհիները զացին զինքը մարձել  
 եւ ես ալ իմ գոլօնյի չիշտ տարի քանի որ Ֆաննի  
 անկարող էր երթալու : Այլեւս բնաւ խօսքը չեղաւ  
 այդ տալոջ որ Ֆրանսայէն մեկնած էր առանց Զա-  
 թօսթէ դալու, յոդութիւն, տկարութիւն եւ ձմեռ  
 առարկելով : Մեր պանդոկէն ալ անհետացաւ բողը  
 եւ միաց Յոր Երանելին : Բնականոն կեանքերնիս  
 ըրաւ անկինադարձ մը եւ մենք հեռուն նշմարե-  
 ցինք նոր տարին : Այդ կազանդին է որ խօստացած  
 էի մասնաւորաբար քաղաք երթալով Ֆաննին շատ  
 մը բաներ բերել, մանաւանդ կարմիր վարդեր, իր  
 էն սիրածս : Մտքէս չէր անցներ որ այդ ճամբոր-  
 դութիւնը կաղանդէն երեք շաբաթ վերջ միայն պի-  
 տի կարենամ ընել, ան ալ բերելու համար միմի-  
 այն վարդերը : — Ամբողջ ճամբու տեւողութեան  
 գիրկո դրած էի փունջը օքօքալին մէջ, եւ խօսելով  
 հանդերձ հատ մը անջատելով տուի — կը յիշեմ —  
 տոմսակավաճառ թուխ աղջկան : Երբ որ պանդոկ  
 հասայ, մութը իջած էր եւ նախ զացի Մառթէնին  
 սենեակը ուր շատեր հաւաքուած էին արդէն : Ո-  
 րովհետեւ ամբողջ գիշերը անքուն էի անցուցած՝  
 գլուխս ինկաւ բարձին վրայ եւ ես կարծեցի որ պի-  
 տի մրաբեմ, բայց այդպիսի բան չակատահեցաւ :  
 Բաւական վերջ մեզ թոյլատրեցին ելլել վեր ու  
 շարքով մտանք Ֆաննի սենեակը : Մեւ կառնիքիւ-  
 ներով կարմիր հագուստը հազցուցած էին անոր եւ

իր կուրծքին վրայ դրած էին պատի խաչը : Իր փափաքին համաձայն Խոսկիւլը կարմիր քսած էր այսիրուն, որովհետեւ մաննի չէր ուղեր տժդոյն երեւալ : Ամէնէն աւելի քիթն է որ հալած էր, բայց . . . չեմ յիշեր, առատ ծաղիկներէն զատ բան չեմ յիշեր :

Պարագ մը կայ հոս : Յիշողութեան պարագ մը : Գիտեմ մխայն թէ դիշերը մեղմէ մէկուն սենեակին էինք նստած երբ սկսաւ դործիքին աղմուկը : Կապարէ գազաղը կը դոցէին բոցարձակ դործիքով մը : Շատ երկար տեւեց այս կըոկըուը : Ոչ ոք կրնար խօսիլ եւ ոչ ալ իր սենեակը քաշուելով դիմադրել առանձնութեան : Մէկը ըսաւ .

— Կը ձիւնէ :

Պատուհան գացինք, նայեցանք : Այո, կը ձիւնէր : Վերէն վար կը ձիւնէր : Վերջը — անշուշտ տասնըմէկի տաենները — կրկին պատուհան գացին բոլորը, տեսնելու համար մաննիի մեկնումը : Պարտէզի խճաքարերը խշտացին մեռելակառքի անիւներուն տակը : Մէկը կը պօռար դիշերին մէջ — « Լիւքս, Լիւքս » :

... Եթէ ծառերը տերեւաթափ եղած չըլլային, պիտի չկրնայի ծառուղիին այդ անկիւնէն տեսնել անդունդին խորը նետուած կայարանը : Տեսայ դայն ու զիտեցի երկարօրէն : Յուրա բայց խազաղ առաւօտ մըն էր եւ գեռ կանուխ ըլլալուն համար ևս միս մինակս էի հոն՝ մեծ ու կաստորակ աղուաններու հետ : « Դեռ հոն է » ըսաւ ականջիս ետին ձայն մը որ զիս վախցուց, որովհետեւ վաղկայուած քայլերուն պատճառաւ չէի լսած տիկին

Պէտքիսի ժամանումը : Դարձեալ նայեցանք կայարանին ձախ կողմը կանգնած այն միակ վակօնին , որուն մէջ կը հանդչէր Ֆաննի նախորդ գիշեռուընէ ի վեր : Անշուշտ թէ խոր էր տիկին Պէտքիսի ունեցած զգացումը Ֆաննի հանդէպ , քանի որ առանց ամենաղոյզն դիտողութիւն մը ընելու յանձըն առաւ հետո կայարան դալ : Հայուհին կը սարսափէր այդ բանէն , որովհետեւ իսկապէս դժնղակէ անկէ վերադարձը , ցից ու անվերջանալի սանդուղներուն պատճառաւ , մանաւանդ որ մեր որունքները բոխուած են երկարատեւ անշարժութենէն : Մեր շունչերը շոգի կ'ըլլային քիթերնուստակ եւ ատենը անզամ մը կ'երեւէր անկիւններու մէջ պահուըտած ձիւնը : Ահա փոքրիկ դրամատունը , յետոյ քաղաքապետարանն ու նամակատունը , եւ վերջապէս սանդուղները որ գետ կ'իջնեն : Տիկին Պէտքիս կամուրջէն անցաւ օձիքները կրցածին չափ վեր առնելով , եւ հով ելաւ քիչ մը՝ կծու :

Երկար պահ մը մնացինք հոն , շոգեկառքի ցանկապատին դուբսի կողմը , վերջն ալ ներսի կողմը , որովհետեւ չէինք ուզեր հաւատալ : Երկար պահ մը նայեցանք գետնի խճաքարերուն , անհետացած վակօնի տեղին , նայեցանք երկաթէ դիծերուն որոնք կը փայլէին եւ կը հնչէին ալ կարծէք : Մինչեւ մեր ժամանումը՝ մեկնած էր Ֆաննի եւ երկու լքուածներս կը նայէինք : Շուա՛խ : Մեւ ու ճերմակ ներկուած մեծ ազդանշան մը ինքն իր վըրայ դարձաւ ճիշդ մեր դէմը , օդին մէջ : Եւ մեծ աղմուկով , եւ ինքն իր գլխուն : Երկու հայերս մեկնեցանք կոնակ կոխակի :

... Փարիզի իմ առաջին տարիներուս՝ կաղմատան մը մէջ ճանչցած եմ չէխօսլովաք երիտասարդ մը որ բնութեան տարօրինակ կողմ մը ունէր : Մէջ հաճոյակատարութեամբ փոխ գրամ կուտար բանուոր ընկերներու, տուածը գրապանի տետրակի մը մէջ կ'արձանագրէր յատուկ սիւնակի մը վրայ, եթէ զումարը վերադարձնել ուղիեր՝ չէր առներ, կը փափաքէր որ մէկ մասը միայն վերադարձնես, իսկ մնացեալը տաս ուրիշ առթիւ : Ինքն ալ փոխ կ'առնէր շատ փոքրիկ զումարներ . (Երբ գիտէի թէ ոլէտք չունի անոր, ապացոյց որ կ'ըսէ «քովինս յիսուննոց է՝ չաւրեմ ») յանկարծ նոյն օրն իսկ իր վախկոտ ժպիտով կը վերադարձնէր զայն ամբողջութեամբ կամ մասամբ, եւ այսպէս շարունակարար : Անվերջ հաշխներ եւ արձանագրութիւններ : Ճարպոտ, կլորիկ եւ վերջին ծայր առանձնակեաց այս երիտասարդը իր երկչոտի մենութիւնը լեցուցած էր այդ ազմուկներով : Թիւերու փոքրիկ աշխարհ մը ստեղծած էր իր շուրջը, ճշմարիտ փեթակ մը : Անոր է որ կը նմանցնեմ ինքպինք երբ զլուխս առած կ'երթամ ամայի ճամբաներէն եւ անձրեւի կաթիլները կը թըփըոտան հովանոցիս վրայ : Թուրփ, թուրփ : Տալիքներ եւ առնելիքներ : Միշտ կայ մէջս նոյն պարապը զոր կը խուսափիմ լեցնելէ եւ ականջս կուտամ կաթիլներուն, ամենամօտիկ կաթիլներուն, արհամարհելի անմիջականին : Գիտեմ թէ այլեւս պիտի մեկնիմ Զաթօսթէէն, բայց կը ճգնիմ հորիզոնները թողուկ հորիզոնին վրայ, անծանօթին հետ թղթակցութիւնը ուրանալ, հաղորդակցութեան ճամբաները մոռ-

նալ։ Եւ կը կծկուիմ իմ մարմնիս վրայ, արհա-  
մարհելի անմիջականին վրայ, այդ փոքրիկ բայց  
գէ՛շ պարտքին վրայ։

...Մարդիկ չափազանց կը յուղուին երբ սի-  
րելիի մը մահէն վերջ բոլորովին պատահմամբ կը  
գտնեն այդ սիրելիին պատականող մտերիմ առար-  
կայ մը։ Երբեմն մարդիկ կը գտնեն բալի զոյն  
բուրդէ ասեղնազործութիւն մը, դարակի մը խո-  
րէն եւ կը խոստովանին որ բնա՛ւ չէին յիշեր  
հոդ պահած ըլլալ՝ այն օրը որ այդ ասեղնազոր-  
ծութիւնը խլեցին սիրելիէն՝ որպէսզի այլեւս չաշ-  
խատի ան։ Մարդիկ կ'ուղեն շարունակել այդ կի-  
սաւարտ աշխատութիւնը, նստելով պատուհանի  
մը մէջ որուն առջեւ կայ բէոկօլա մը։ Շատ երկար  
եւ գունաւոր ասեղները չեն կրնար գործածել ա-  
նոնք, կ'ահճրկին կը մնան, իրենց թեւերը քովն ի  
վար կախ։ Մարդիկ կ'ուղեն առաջուան պէս խաղալ  
բուրդէ կծիկին հետ, երբ սիրելին կ'աշխատէր ա-  
նոր միւս ծայրը, եւ մանաւանդ կ'ուղեն դիտնալ թէ  
ֆաննի ի՞նչ չնելու մտադրութիւն ունէր։ « Ի՞նչ  
կ'ուղես որ չինեմ ֆաննի » կ'ըսեն անոնք նայելով  
այդ փոքրիկ քառանկիւն հիւսուածքին եւ յետոյ կը  
լոեն։ Կրկին կը հարցնեն ֆրանսերէն լեզով։ Կր-  
կին կը լոեն։

...Ապահով եմ թէ ոչ մէկ դէսկ պիտի պա-  
տահէր եւ ես Զարթօսթէէն մեկնած պիտի ըլլայի  
ահազմուկ՝ եթէ զիս պտոյտի չի հանէր ժէժէն։  
Երբոր Պիւկաթթիով մեկնեցանք, անշուշտ լաւ էին  
բարեկամիս մտադրութիւնները, քանի որ կ'ուղէր  
զիս քիչ մը սթափեցնել իմ թմրութիւնէս, ոգեւո-

բութիւն տալ ինձ , պէսալիսել ժամերս : Բայց —  
այս այսպէս է — լաւ է վշտուտ մէկը իր հալին ծը-  
ղել : Արշաւը աննման եղաւ իր տեսակին մէջ : Դա-  
ցինք սահմանադլուխ , դարձանք ովկիանոս , ճաշե-  
ցինք լքուած պարտէղի մը առջեւ մեծ ուրախու-  
թեամբ , յետոյ մխրճուեցանք Landesերուն մէջ , որ-  
ովէս առասպելի մը : Փորձեցինք եղեւիններու այդ  
անսահման անտառը բաղդատել ովկիանոսին հետ ,  
բայց նմանութեան կէտերը եղան վրդովիչ : Այն  
քաղաքը ուր հասանք — Թաութաս — կրկին խմե-  
ցինք և սրճարանի Փօնօյին հետ ելանք պարի :  
Բարձրածայն կե'րդէինք , թէեւ վերջի բառը ուտե-  
լով .

Partit de vie  
Grelin Grelot  
Au grand galop  
De la phthisie.

Անշուշտ անբնական եւ հիւանդագին էր զուար-  
թութիւնս , արագութեան պատճառած զինովու-  
թիւնը վտանգաւոր էր եւ թէեւ չէի խոստովանէր ,  
բայց կը զզայի որ մեր հերարձակ վազքը հորիզո-  
նէ հորիզոն՝ սաստիկ պիտի դժուարացնէ վերա-  
դարձս զէպի բնականոն վիճակ , թէ սուղի պիտի  
նստի ինձ : Նստաւ՝ զիշերը :

Ինչպէս որ անդամ մը պատահած էր եւ ես  
անձնասարանութիւն փորձած էի , կրկին կորսնցու-  
ցի կեանքիս ասանցքը այդ զիշերին մէջ : Հակա-  
ռակ յոդնութեանս չէի կրնար քնանալ եւ կը չար-  
չարուէի անկողնիս վրայ , զիշերուան հովին եւ աղ-  
մուկին հետ , որոնք անվստահելի դարձած էին եւ

կը մտնէին կեանքին թէ այս ևւ թէ այն կողմը :  
 Մտածումներս ու իրերը կորսնցուցած էին իրենց  
 շրջադիմը եւ դաւադիր ներխուժումներ կային սահ-  
 մանագլուխէ սահմանադլուխ , իմ ձեռքերէս զէպի  
 հովը , մահէն զէպի Սկզբնական Մեղքը : Հեւք մը ,  
 տուայտանք մը որ անբնականօրէն մեծ էր , հիւան-  
 դագին էր եւ որ իր շուքը կերկարէր թէ՛ իր տոշին  
 թէ իր ետին : Եւ զեռ ուրիշ բաներ : Շրջագայեցայ  
 սենեակիս մէջ ճիշդ խելագարի մը նման , ուղեցի  
 ոճիր գործել երբ պահ մը վառեցաւ Յոր երանե-  
 լի լոյսը եւ գրեթէ միշտ գացի իյնալ անկողնիս  
 վրայ որովհետեւ կը զողայի : Յուրտ ալ էր : Ինծի  
 անծահօթ ատեն մը անցաւ եւ յետոյ մրափեցի պահ  
 մը : Ահա երազս : Կը զտնուէի ահագին իրարան-  
 ցումի մը եւ մեծ բաղմութեան մը մէջ որ բաղմա-  
 թիւ կողներով կը յիշեցնէր Փարիզի Տօնալվաճառը :  
 Վտանգաւոր բան մը պատահած էր ետիս (չեմ գի-  
 տեր թէ ինչ) Եւ ես ամբողջ ոյժովս ամբոխը արմը-  
 կահարելով ճամբայ կը բանայի : Ամուռէքի կրպա-  
 կին առջեւ է որ նշմարեցի թէ քովս ի վեր կուզայ  
 սեւ կառնիթիւններով կարմիր հագուստ մը հաղած  
 աղջիկ մը : Ֆաննին էր : « Կեցիր , կեցիր , կ'ըսէր  
 ան . ինչո՞ւ զիս կը չարչարես , չե՞ս զիտեր թէ՝ կու-  
 զեմ միշտ քու քովդ ըլլալ : Միթէ քեզ չըսի՞ որ մա-  
 էս վերջն ալ պիտի զամ քովդ , պիտի հետեւիմ  
 քեզի » : Ես իրեն նայելով հանդերձ միշտ կը փախ-  
 չէի , մինչ ֆաննի կ'ըսէր ինձ « ամբողջ օքը չար-  
 չարուեցայ ետեւէդ վազելով : Ամբողջ օքը փախար  
 լեռնէ լեռ , հորիղոնէ հորիղոն : Այլեւս կեցիր , կե-  
 ցիր այլեւս սիրական . տես թէ ո'րքան յոզներ եմ ,

ո՞րքան անոյթ եմ » : Ֆաննի կ'ըսէր ինձ -- « ինչո՞ւ չես հաւատար թէ հոգիս քու մօտղ ըլլայ կ'ուղէ . ինչո՞ւ չես հաւատար թէ ևս հոգի մը ունիմ որ զեռ կ'ապրի » : Գրկեցի զայն ամբողջ ոյժովս եւ . . .

Նստայ անկողնիս մէջ : Առաջին խօսքս ուրացում մը եղաւ . բացարձակ ուրացում մը : « Զեմ հաւատար » ըսի , եւ ատով ոչ միայն ըսել կ'ուղէի թէ չեմ հաւատար հոգիներու երկրորդ կեանքին , սաացած պատղամիս անդրաշխարհէն եկած ըլլալուն , այլ նաեւ ըսել կ'ուղէի թէ չեմ հաւատար որ տեսածս երազ էր : Կէս քուն եւ կէս արթուն վիճակի մը մէջ էի պարզապէս : Վառեցի լոյսը : Կրկին մարկեցի զայն : « Զեմ հաւատար » ճշացի նորէն , բայց կը զգայի որ այդ անչափ յուղումս չվերաբերիր հոգիներու հանդէպ հաւատք ունենալուս կամ չունենալուս , այլ դվաաւոր պատճառը սա էր թէ չափազանց որոշ կերպով տեսած էի ֆաննին , իմ կարօտցած ֆաննիս , եւ զիանալով որ պիտի չկարենամ զսպել յուղումս , ուղած էի թեթեւնալ ճշալով : Ոտնաձայներ դվախս վրայէն յառաջացան դէպի պատռհան եւ տիկին Պէտքրիս հարցուց վերէն .

— Ի՞նչ պատահեցաւ Միշէլ . . . Անհանգի՞ստ էք . . .

Անմիջապէս պատռհան ելայ ևս ալ եւ պօռացի գլուխս վեր .

— Երա՛խող . քեզի՛ ալ չեմ հաւատար : Քու առողջացած . ըլլալո՛ւդ ալ չեմ հաւատար : Et voilà tout !

Բայց անմիջապէս յետոյ աւելցուցի .

— Եթէ առողջ ըլլայիր , գո՛ւն , զաղթահայու-

թիւն, մենք քեզ տուն կը կանչէինք, Հայաստանի դոները կը բանայինք քու առջեւ: Բայց դուք հիւա՞նդ ես, Դաշնակցութեան թոյնով վարակուած ես, դուն, զաղթահայութիւն: Եւ մենք կը թողունք որ մնաս օտարութեան մէջ, մինչեւ այն օրը...

Քաջուեցայ պատուհանէն ներս, կծկուեցայ վարագոյրին ետեւ, եւ սաստիկ զզջացի, եւ սաստիկ ցաւեցայ: Ականջ տուի ոտնաձայներուն, լսեցի դրան մը բացուիլը, եւ յետոյ մուճակներու թեթեւ աղմուկը՝ սանդուղին վրայ: Քիչ վերջ մատամ Լըմուանի հաղը բռնեց եւ դրեթէ միաժամանակ բացուեցաւ սենեակիս դուռը:

Կը խոստվանիմ որ տկարացայ այդ դիշեր, այսինքն լացի: Անկողնիս վրայ նստած, տիկին Պէտք թրիս մօր մը պէս օրօրեց զիս գլուխս շոյելով, եւ ըսաւ թէ գիշերային մղձաւանջը շուտով կը մոռցուի, թէ միւս կողմանէ՝ երազը դրեթէ միշտ օղտակար բան է քան թէ վնասակար: Յետոյ ըսաւ — «անչուշտ թէ ֆանին հոս է»:

... Յաջորդող առաւօտուն ինքինքս միշտ մեծապէս ամօթապարտ կ'զգայի տիկինոջ հանդէպ, եւ անտարակոյս կարելիս պիտի ընէի օր մը գոնէ խուսափելու համար իր ակնարկէն: Սակայն պէտք չմնաց այդ բանին եւ ես ուրսխութեամբ լսեցի որ տիկին Պէտք թրիս քաղաք իջած է: Մտածումս չարչարուեցաւ նոյն անծանօթին առջեւ, այսինքն ուղեցի գիտնալ թէ արդեօք տիկինը հասկցա՞ւ այն ինչ որ պօռացի նախորդ դիշեր պատուհանն իվեր: Մեր մէջ կայ բան մը որ կը տրամաբանէ աւելի ա-

բադ քան թէ մենք : Եւ այդ բանը անմիջապէս  
 անդրագառնալով որ ընելիքս որիկայութիւն մըն  
 է , փորձած էր մասամբ գոնէ մեղմել զայն՝ զիս  
 մզելով որ հայերէն խօսիմ : Եւ այժմ կը ջանամ  
 մխիթարաւիլ , խորհելով որ դուցէ կինը չհասկցաւ  
 արագօրէն թաւալող հայերէն բառերը : Գուցէ :  
 Բայց ինչո՞ւ անոր ձեռքերը կը դողային երր գլու-  
 խս կը շոյէր : Կը դողայի՞ն : Պէտք է ըսեմ նաեւ որ ,  
 շատ առաջ , այսինքն ֆաննիի ողջութեան ատեն ,  
 մէկ քանի անդամներ տիկին Պէտքրիսը նմանցու-  
 ցած էի դաղթահայութեան : Կնոջ կեանքը սէնպօլ  
 մը թուած էր ինձ ( սէնպօլիզմէ շատ չեմ ախոր-  
 ժիր ես ) : Ուղած էի ըսել նըւեանի ( տիկին Պէտք-  
 րիսի ամուսինին ) թէ դաղթահայութիւնը այլեւս  
 հիւանդ չէ , թէ ան բուժուած է Դաշնակցութեան  
 մանրէն , թէ այլեւս տուն պէտք է կանչել զայն :  
 Որովհետեւ , որքան ալ որ համայնավարութեան  
 մօտ ըլլամ , չեմ կրնար կէս մը գոնէ օտար չնկա-  
 տել միւսահայն ու վանցին : Իմ փափաքս է հոն  
 երթալ իմիններուս հետ , խմբովին : Ըսի արդէն՝  
 մէջս կայ քան մը որ կը տրամարանէ աւելի արագ-  
 քան թէ ես : Ապշեցուցիչ ճարտարութեամբ մը ան  
 անմիջապէս օդնութեան կանչած էր այս մոսցուած  
 եւ սիստի սէնպօլը ու զիս մզած էր խորամանկօ-  
 րէն մթաղնելու խօսքերս , կամովին աւելի տագ-  
 նապեցնելու մզձաւանջս : Այլպէսով յաջողա՞ծ էի  
 մեղմել իմ առաջին նախաղասութեանս անդթու-  
 թիւնը : Կը տարակուսիմ : Ապացոյց որ տիկին Պէ-  
 տքրիս առաւօտուն կանուխ քաղաք իջաւ ու չի վե-  
 րագարձաւ անկէ :

Գիշերը ճաշաբանին մէջ պարապ մնաց տիկին Պէաթրիսի սեղանը, եւ երբ վերջին շողեկառքին ատենն ալ անցաւ, հարցափորձեցի նախ Պ. էչրկօյչն, պանդոկապետը, յետոյ ծառան եւ հիւանդներ : Ոչ ոք բան մը դիտէր : Նոյն բացակայութիւնը՝ յաջորդ օրը, կէս օրին : Այս անդամ հեռածայնեցի քաղաք, Hotel d'Espagne, ուր տիկինը սովորութիւն ունէր իշնելու : Դարձեալ ոչինչ : « Բայց ի՞նչ պիտի ըսեմ երրոր զինքը տեսնեմ » կը խորհի առանց հարցումիս պատասխան մը դանելու, բայց հակառակ ատոր կ'ուզէի դանել հայուհին : Ելայ իր պարապ սենեակը եւ զայն դիտեցի զանազան անկիւններէ : Մասնաւոր հոտ մը կար՝ ոչ անախորժ . կար նաեւ իմ խղճմտանքս :

Ինքինքս այլեւս շփոթուած կ'զգայի կնոջ ամուսինին հետ, քանի որ նոյն վատութիւնը գործած էի : Ինչպէս ան, որ « նստած էր իր ասլահովութեանը մէջ », որ « չուզեր հաւատալ կնոջ մը առողջացած ըլլալուն », ես ալ նստած էի իմ ապահովութեանս մէջ եւ վանտած էի Ֆաննին, անոր Զայնը : Գործիս չէր զար հաւատալ :

Մեկնումիս առթիւ անհրաժեշտ գնումներ ընելու պատրուակին տակ նետուեցայ օրօֆառ եւ դացի քաղաք : Անօգութ արշաւ մը՝ այս ալ : « Կը յիշեմ, կ'ըսէր ինքնաշարժին վարիչը որուն քով նստած էի . չորեքշարթի առաւօտ ես է որ զինքը տարի, բայց այլեւս երեսը չտեսայ » :

... Հրաժեշտ առնելու դացի Տալուէն որ բաւական ատենէ իվեր մեր պանդոկէն հեռացած է եւ իր բարեկամուհիին հետ կը բնակի Զաթօսթէի միւս

ծայրը, բանսիօն մը : Իմ առաջարկիս վրայ Տալու զոցեց պատուհանը և մութին մէջ անդամ մը և ուցազրեց այն ֆիլմը զոր դարձուցած էր լաւ օրերուն և որուն մէջ դեր ունէինք բոլորս ալ : Բարե—  
—պէյպին կ'աշխատէր փեթակի աղմուկով և ես  
կը նայէի Ֆաննիին որ հարս եղած զուրս կ'ելլէր  
եկեղեցին թեւին ունեմալով Աթթիմօնը որուն  
ժիակնոցը վար կիյնար, և հաւեր կային, և արեւ  
կար : Ժէժէնը և ես ցարոն Ժ'հոներ եղած էինք,  
խել Լիւքսը անդադար կը հաչէր Երեսս իվեր, ո—  
րովհետեւ ... կեցուցի գործիքը :

... Բայց ո՞ւր է տիկին Պէաթրիս : Անցայ մեր  
եկեղեցիին առջեւէն որուն մուտքի զուռը քիչ ա—  
ռաջ տեսած էի պաստառին վրայ, և որ այժմ կը  
նուազէր մութին մէջ : Ո՛չ հարս, ոչ արեւ, այլ  
ժիայն — կարծէք — չուներ որոնք Երեսս իվեր  
պիտի հաչեն : Երբ պանդոկ հասայ՝ անմիջապէս  
զացի լուր առնելու : Վերադարձած էր տիկինը :  
Պարզապէս :

—Մի՛ մտահոգուիք յেսո հոմմե, կըսէր պան—  
դոկապեար, մենք զինքը կը ճանչնանք : Ան նախորդ  
անդամուն ալ այսպէս Երեք — չորս օր անհետա—  
ցաւ, և յետոյ եկաւ կրկին :

Պըն . Էջըկօյէն աւելցուց .

— Զզայիններու համար այս փախուստն ալ  
օգտակար է ... պայմանաւ որ շատ չյոդնին :

Եւ յետոյ — ուշ՝ ճաշէն վերջ բոլորս հաւաք—  
ուեցանք իմ սենեակս, Երկու շիշ պարպեցինք,  
զաւաթները իրարու զարնելով մնաք բարով ըսինք  
և մէկզմէկու մաղթեցինք — օ՛ առատօրէն — ա—

սողջութիւն : Համակրելի էր տիկին Պէտքիս : Ան նոյնիսկ ամբողջ գաւաթ մը զինի խմեց եւ ևս իրեն նայեցայ՝ հետպհետէ նուազ վարանումով : Նոյնիսկ առաջին անգամ ըլլալով չնեղացայ իրեն, երբ մատամ Լըմուանի կ'ըսէր թէ վաղը պիտի երթայ կշռուելու : Գիտէի թէ ինք պէտք չունի ոչ ջերմացափի եւ ոչ ալ կշխի, եւ ինձ անախորժ էին իր այդ աւելորդ ձեւակերպութիւնները : Բայց բնաւ չնեղացայ այլ միայն մտածեցի, մտածեցի . . . — Կերեւայ զլուխս կախեր իմ քիչ մը երկար ատեն եւ ժէժէն վիճակս նշմարեր է, քանի որ ըստ ական-ջըս իվար — «Պէտք է հանգիստ թողուլ մեռելիները» : Ոչ, Ֆաննիի մասին չէ որ կը մտածէի, այլ աչքիս առջեւ կուգար կնոջ մը փախուստը հորիզոնէ հորիզոն, այդ անօղուստ փորձին ջախջախումը առանձնութեան մերկ պատին վրայ, եւ յետոյ հարցումներ որոնք գիշերին դէմ կ'ուղղուին, եւ յետոյ համակերպութիւն : Աչքիս առջեւ կուգար Զաթօս-թէի ճամբուն վրայ վերադարձը երկու ձեռքերու, որոնք խելօք մը հանգչած են իրարու վրայ, եւ որոնք կապուած ըլլալու երեւոյթն ունին : Տես՝ հիմա ալ :

. . . Առաւօտուան եօթն էր եւ ոչ մէկ ճայն կար պանդոկին մէջ : Անոր դրան առջեւ պայուսակներուս հետ կ'սպասէի կառքին որ զիս կայարան պիտի տանէր : Իւսսիւլ դադրեցաւ աւլելէ եւ նըրբանցքին խորէն ըստ բաներ մը զոր լաւ չհասկըցայ : Եւ յանկարծ մեծապէս զարմացայ տեսնելով տիկին Պէտքիսը : Ուզած էր վերջին մնաք բարով մը ըսել ինձ եւ կը ժպտէր : Քով քովի նստանք ու-

զորահիւս երկար նստարանին վրայ, բլուրներում զէմ, և ևս վախցայ որ կինը գտոն խօսք մը պիտի ընէ ինձ, այն՝ զոր չկրցաւ ըսել նախորդ երեկոյ ներկաներուն պատճառաւ: Ըստ որ (եւ ևս աւելի վախցայ) իր կողմէ բարեւել լուսանկարիչ բարեկամո, Շառլը, երբոր տեսնեմ զայն Փարիզ: Լուցինք:

Տիկին Պէաթրիս ըստաւ.

— Մեծ բան կորսնցուցինք երկուքս ալ: Բայց մանաւանդ ես: Դուք զեռ երիտասարդ էք, այլեւս առողջ էք, կրկին պիտի գտնէք բարեկամուհի մը: Բայց ես անոր պէս հոգի մըպիտի չգտնեմ դիւրաւ:

Տիկին Պէաթրիս ըստաւ.

— Կը պնդէր թէ զալ ամառ աղէկցած պիտի ըստայ, և կ'ուղէր անպայման զիս իր տունը տանիլ ... կ'ուղէր զիս իր քովը ուժենալ եւ ես ալ կը փափաքէի մեծապէս ... Թուլուղի մօտ զեղեցիկ արուարձան մը ...

— Բայց տիկին, ըսի, վերջապէս դուք անոր հոն պիտի չապրէիք ... դուք ձեր տունը ունիք եւ հոն պիտի դառնաք անմիջապէս որ առողջանաք ...

— Անշո՛ւշտ, ըստ խօսքս կտրելով բայց անշո՛ւշտ ... տունինները անհամբեր ինձ կ'սպասեն ... զաւակ ունիմ, ամուսին ունիմ ... անշուշտ թէ հոն պիտի երթամ, բայց վե՛րջապէս ...

Բաւական մը վարանեցաւ հոս, թեթեւ մը հազար եւ յետոյ աւելցուց.

— Բայց վե՛րջապէս ... խոստովանեցէք որ ֆաննիի ըրածը մեծ բան էր: Ֆրանսացիները մե-

զի պէս չեն, Հիւրասէր չեն բնաւ։ Ֆաննիի ըրածը  
մեծ մարդկութիւն էր ...

Քիչ մը մշուշ կար ըլուրներու կողին վրայ,  
իսկ զետը աւելի կը գուշակուէր քան թէ կը ահս-  
նուէր։ Տիկին Պէտրիս իր վերարկուին օճիքնե-  
րուն մէջ սեղմուած՝ կրկին առած էր իր գէշ դի-  
մաղիծը, քէոն կապ եղած դիմաղիծը։

Երբոր կառքին մէջէն ձեռք երկարելով իրեն  
կը սեղմէի, անրացատրելի ժպիտով մը ըսաւ։ Եւ  
հայերէն ըսաւ։

— Մէյ մը տահա քեզի հոս տեղ չը տեսնամ ...

Ակնարկ մը կը նետեմ հեռացող պանդոկին վը-  
րայ, վարէն վեր։ Ամբողջ հոգիովս կը մաղթեմ որ  
բժշկուի ան, ամբողջութեամբ եւ շուտով։ Իսկ սա  
կինը որ երկու ձեռքերով իր օճիքները սեղմեր է  
կոկորդին վրայ եւ որ ճամբուն մէջտեղ կեցած ետ  
— ետ կերթայ, կը մաղթեմ որ հիւծախտէ վա-  
րակուի ան։

Շուտով, շա'տ շուտով։

# ՊԱԵԼ ՄԸ ԱՆՈՒԹ ՍԻՐՏ

---



Խոշոր ծրաբը մը թեւին տակ՝ բարձրացաւ 89  
թիւ հանրակառքը որ Օթէլ աը Վիլէն մեկնելով  
կ'երթայ մինչեւ Գրամառ։

Սովորականէն քիչ մը աւելի տատանեցաւ  
կանգ առած վակոնը, իր զսպանակներուն վրայ։  
Վակոնի մը համար բնաւ արհամարհելի չէր ներս  
մտնող կնոջ ծանրութիւնը։ Հաստամարմին մայ-  
րիկը ծիծաղելիօրէն պղտիկ ու սեւ դլխարկ մը ու-  
նի, խեղճուկ սեւ վերարկու մը ունի, ինչպէս նաեւ  
սեւ յօնքեր, սեւ վերին շրթունք եւ երկու սեւ ակ-  
ոայ։ Հատ մըն ալ Հայու սեւ ճակատագիր։

Եպրաքսէ հանրմ «փարտոն» ըսելով անցաւ  
անկիւն մը ու իր ծրաբը դրաւ ոտքերուն մէջտեղ։  
Տեղաւորուեցաւ, օ՛ֆ մը քաշեց, տոմսակը մա-  
տանիին մէջ անցուց եւ քննական ակնարկ մը  
պատցուց շուրջը։

Իր ճիշդ դէմը նստած էր քիչ մը տժզոյն ե-

ըիտաստրդ մը, թուվս եւ կոկիկ հաղուած : Եթէ ոչ տիտուր՝ գոնէ մելամազձոտ էր ան եւ ինքն իր վրայ կքած : Եպրաքսէ հանըմ նշմարեց որ անոր գիրկը գտնուող փոքրիկ ծրարը՝ հայերէն թերթի մը մէջ պլուած է : Առանց այլեւայլի բառ :

— Գիտես քի ես քեզ պիտի ճանչնամ : Դուն Փառանձեմին տղան չե՞ս :

Ո՛չ, Փառանձեմին տղան չեր, բայց Հայ էր : Անակնալին այնպէս մը ցնցուեցաւ՝ որ անմիջապէս տուաւ իր անունը :

— Կարապետեա՞ն ... Նորայր Կարապետեա՞ն : Քա ես վի՛ֆ շատ Կարապետեան կը ճանչնամ . Դուն Մարզուանի՞ Կարապետեաններէն ես ... Խասքէօյի՞ ... Զօֆ շէյ՝ քա՛մ Փառանձեմին տղուն կը նմանիս ... Հա՛րկաւ՝ Հայ ըլլալդ քիթէդ — բերնէդ կը վազէ կոր . հէմէն ըսի քի մեր արիւնէն ես ... Դորդդ ի՞նչ է ... ան ատեն մուրլախա պիտի ճանչնաս իմ տղաքս ... Պղտիկս եկեղեցին ճայնաւորութիւն կ'ընէ ... դուն եռաձայն չե՞ս ... ինչո՞ւ մայրիկդ քովդ բերել չես տար ... Քոյրիկդ քեզմէ մե՞ծ է ... կարզուա՞ծ է ... Քա ես ին՞նթ եմ ... Ա՛չքս ելլայ . ասանկ տղաքներ հասցուր տէ, վերջն ալ մը՛ վայելեր ... մայր չէք քի ինչ ըլլալը հասկնաք : Ես իմ տղոցս կ'ըսեմ — «Դուք իմին նիյերս էք, տպախս էք, պունապարս էք» : Իմին նիլվէս ալ ա՛ս է : Աս ըսելուս պէս տղաքս կը խնդան վրաս : Լուր չունին որ դիտմամբ կ'ըսեմ, միտքս իրենց խնդալը իմահալն է : Քա ինծի համար ուրիշ ի՞նչ կայ . — Վերը Աստուած՝ վարը մանչերս : Հարկա՛ւ անանկ կ'ըսեմ : Ինասո՞ր

Կ'ըլլայ որ չես ճանչնար կոր պղտիկո :

Եպրաքսէ հանըմ յանկարծ ականջները զոցեց ,  
որովհետեւ հանբակառքին անխւները գէշ կերպով  
կը ոկրթուէին , անկիւնադարձի մը ողատնառաւ :  
Յետոյ շունչ առաւ եւ հարցուց .

— Ան չէ ամա , զուն Սերովրէն կը ճանչնա՞ս  
... Սէն Միշէլի հայ նպարավաճառը ... Հա՛ նա-  
նըմ , շան զաւակ Մերովրէն ... Էյ ի՞նչ տեսակ Հայ  
ես զուն . Ժամ չե՛ս երթար , մեր նպարավաճառը  
չե՛ս ճանչնար , հետո չե՛ս խօսիր ...

Տղան կը ժպտէր թեթեւ մը եւ մտիկ կ'ընէր  
դլուխը կախ :

— Չե՛ս հարցներ , ըստ քիչ վերջ հայ մայրը ,  
չե՛ս հարցներ քի ի՞նչ է ծրարիդ մէջինը : Բսեմ նէ՝  
վրա՞ս պիտի խնդաս : Բայց էն առաջ զուն ինծի սա՛  
ըսէ — աեղ մը յարմար , աժանկեկ արարքըման  
մը կը ճանչնա՞ս : Երկու սենեակ՝ խոհանոց մը ըլ-  
լայ . . . Աս ի՞նչ զժուար բան է : Քաշածս միայն  
Տէ՛րը դիտէ : Նայէ՛ , ծրարիս մէջինը խալի է .  
դիտնաս ինչե՛ր քաշեցի ասոր ձեռքէն : Եւ սկսաւ  
պատմել թէ ինչեր քաշած է իր այս թրքական գոր-  
դին ձեռքէն : Ամէն բանէ առաջ ուզեց նկարագը-  
րել իր տունը : Բստ թէ իր երկու մանչերուն հետ  
կը բնակի հին եւ աշտարակի պէս նեղ տան մը ո՛չ  
թէ զադաթը , այլ զադաթին զազաթին գազաթը :  
Թէ անկարող է մէկ շունչով վեր բար-  
ձրանալու : Երեք անգամ կը նստի սանդուղներուն  
վրայ եւ կ'ըսէ — «Մեղա՞յ ամենասուրբ Երրոր-  
դութեանն՝ Հօր եւ Որդոյ եւ Հոգոյն սրբոյ»  
Խօ՞սք է ըրածդ . սիրտը վե՛ր կ'ելլայ : Իսկ յարկա-

բաժինը՝ Աստուած թշնամիիս չը ցուցնէ . . . :  
 Առաստաղը ցած է հոն եւ ծուռ։ Հո՛ս  
 ծուռ, հո՛ն ծուռ։ Ճշմարիս ուղափ կոնակ։  
 Այնքան որ՝ մարդ կը կարծէ թէ կոխած տեղն ալ  
 ծուռ է։ Ամառը շատ տաք կ'ընէ, տանիքին ճիշդ  
 տակը գտնուելուն համար, եւ Եպրաքսէ հանըմին  
 աչքերէն չոգի կ'ելլայ։ Սենեակներն ալ գրադանի  
 չափ են։ Պոլիս եղած ատեն Եպրաքսէ հանըմ ա-  
 սոնցմէ մեծ որմնազարան ունէր։ Չորս հատ որմ-  
 նազարան՝ որոնց յարգը չէր գիտեր եւ անոնց մէջ  
 սո՞խ կը կախէր, սերկե՛ւիլ կը կախէր։ Եւ յետոյ,  
 պատուհանները փոքր ու նեղ ըլլալնուն համար,  
 հայ մայրը ոչի՛նչ կրնայ թօթուել։ Իր օձիքն ան-  
 գամ չկրնար թօթուել։ Եւ Աստուած գիտէ թէ ո՞ր-  
 քան բան ունի մաքրելիք, քանի որ ծխնելոյնե-  
 րուն մուրը ուղղակի ներս կուգայ։ Հիմա գանք  
 սա թրքական գորգին։ Դո՛ւն ըսէ . ինչպէ՞ս զայն  
 թօթուէ եւ ո՞ւր թօթուէ։ Սկիզբները կ'իջնար եր-  
 կու յարկ վար, եւ սանդուղին վրայի մէկ պատու-  
 հանէն կը թօթուէր։ Բայց իր դէմը ելան նոյն յար-  
 կի երկու ջատուկները, ինչպէս նաեւ դռնապա-  
 նուհին։ Իբրեւ թէ Եպրաքսէ հանըմ ծայրայեղու-  
 թեան տարած է եղեր մաքրասիրութիւնը։ Ճշմա-  
 րիտ խենթ մըն է եղեր։ Իբրեւ թէ ամէն օր եւ օրն ի  
 բուն ջուր կը վազցնէ, տախտակ կը շփէ եւ բան կը  
 թօթուէ եղեր։ Թէ Փարիզի մէջ կայ եղեր օրէնք  
 մը՝ որ կ'արգիլէ առաւտեան ժամը ութէն վերջ  
 որեւէ բան թօթուել պատուհանէ մը՝ երբ այդ  
 պատուհանը փողոցի վրայ կը նայի։ Իսկ եթէ կը  
 նայի տան բակին վրայ, առ առաւելն մինչեւ ա-

սաւուեան տասը կարելի է եղեր թօթուել : Սուտ ,  
ամբո՞ղջ սուտ : Միթէ Եպրաքսէն օրէնքները չի՞  
ճանչնար : Ո՞ր խենթը աս օրէնքը դրեր է : Կարծ  
խօսք՝ զոնապանուհին անբացատրելի եւ բուռն  
հակառակութիւն մը ունի իրենց դէմ : Իր մեծա-  
պոյն փափաքն է ժամ առաջ հայ ընտանիքին մեկ-  
նումը տևոնել : Այդ պատճառաւ մատը պլորած է  
բան թօթուելու այս խնդիրը , եւ ոչ միայն ամէն  
տոթիւ հայ կնոջ երեսին յանդիմանութիւններ  
եր նետէ , այլ նաև վէճին մասնակից կ'ընէ Եպ-  
րաքսէ հանրմին ձագուկները՝ որոնք պարզ բան-  
ուորներ են կաշմրուոն : Եպրաքսէ հանրմ այս բա-  
նը չի սիրեր : Էրիկմարդ ըսածդ խառնուելու չէ  
առն զործերուն : Ան չուկան՝ կինն ալ տունը :  
Բայց եւ այնպէս խառնուեցան , եւ պոռալով-կան-  
չելով արդիլեցին իրենց մօր՝ որեւէ դժուհութեան  
աեզի տալ : «Փարիզի մէջ concierge ըսածդ Աստը-  
ռած է» բախն : Արտաքսումի սպառնալիքը ահա-  
րեկած էր զանոնք երկուքն ալ : Եւ այս բոլորը  
«Աստածոյ» պատճառաւ , որ անտանելի հրէշ մըն  
է , խստհամրոյր , դառնաբարոյ , դաժան : Բեր-  
նէն ելածը չդիտեր , հասակը կարծ է եւ տակառա-  
նման : Եպրաքսէ հանրմ աւելցուց՝ ըսելով .

— Ներտէ վար պիր պօտուք , Ալահըն պէլա-  
սը օ տըր :

Երիտասարդը համակարծիք զտնուեցաւ , «Օ  
տըր» բուաւ եւ կինը շարուհակեց .

— Ծո , ասչափ տարուան իմ կառու նո՞ր պի-  
տի փոխեմ : Ո՞չ . իր ասչափ տարուան ապրելա-  
կերողը , նիստուկացը նոր պիտի չփոխէ Եպրաքսէ

Հանրմ : Ինք այսպէս չէ վարժուած : Այս Ֆրան-  
սացիները ազտո՞ւ են, ազտո՞ւ : Արտաքուստ  
զարդազեղ են և ալճնազարդ (Ճիճիլի-պիճիլի)  
բայց եթէ իրենց Փէշը վեր առնես՝ քիթիզ դուռը  
վար կ'իյնայ : Առաջ Եպրաքսէին տունը զայիր և  
տեսնէիր . . . ձիւնի պէս . . . լզէ՛, ուր որ կ'ուզես  
լզէ՛ : Ծօ՛, մենք ասանկ վարժուած ենք : Ճիճակ  
ալ իր տղաքը սկսեր են արգելք ըլլաւ մաքրու-  
թեան : «Մ'ըներ մայրիկ» կ'ըսեն : «Ֆրանսացինե-  
րը մի՛ նեղացներ» կ'ըսեն : Ծօ՛, խելքի՛ս ոլիտի  
գայ . ինչո՞ւ կը նեղանան : Բայց պիտի ըսես որ  
աստուն կանուխ վար իջիր և գրան տոջեւ թօթ-  
ուէ : Եյ չէ՛ իշու . ըլլար կոր : Ամէն բան իր սըրան  
ունի . ինծի շաշըրքմիշ մընէք : Անտարակոյս՝  
պէտք չէ մայրիկը շփոթեցնել : Առաւոտեան այդ  
ժամուն՝ ուրի՛չ բաներ կ'ընէ ան : Պղտիկ մանչը  
ուշ դործի կը մեկնի և Եպրաքսէ հանրմ անոր  
շուրջը կը գասիայ : Ամէն մէկ բանին կը նայի : Իը  
գլխուն եթէ ձգես՝ վերարկու չհապած դուրս կ'ել-  
լէ «անառակ շունքը : Եւ ահա բազմաթիւ օրերէ ի  
վեր մայրիկը կը նայի իր դորդին վրայ ու սիրտը  
կը հատնի : Ճիմակ դուրս երած ատենը նորէն միտ-  
քը ինկաւ և արիւնը զլուխը խուժեց : Իրեն այն-  
պէս թուշցաւ որ սիրտը աքնանիներու մէջ առին :  
Եպրաքսէ ըլլալով՝ ասանկ բան չէր եղած : Տեղն  
ու տեղը եթէ չմաքրէր՝ վրան գէշութիւն ոլիտի  
գար : Ճանըմ, ինչո՞ւ չկարենամ, դո՛ւն ըսէ, ին-  
չո՞ւ . ունիմ չունիմ՝ մէ՛կ խալի մը ունիմ : Ամէն  
տեսակէտով թեւերնիս-ոտքերնիս կապեցին շան  
զաւակները . էյ աս խալի՛ն ալ թօթուել ոլիտի չը

ձգեն. Եկածն ալ ակում օրեր են: Ես ալ ի՞նչ ըրի. ծրաբելուս պէս հետս առի: Հիմա Սմբատեաններուն կ'երթամ կոր Գլամառ ... Զե՞ս ճանչնար Սմբատեանները. ամուսինը քոփիօի գործ կ'ընէ. ոթոփիքօ-Մասիսէ ... շա՞տ շնորքով մարդ է ... Քանի որ հոն պիտի երթամ, հետս կը տանիմ, ի-րենց պարտէզը կը թօթուեմ, լաւ մը կը մաքրեմ բաի ... Տանողը ես չե՞մ եա, թրամվայն է. ճիշդ տոջեւը կ'իջնայ: Ինչո՞ւ չպիտի ընեմ եղեր ... իմին անունս Եպրաքսէ է ... Անչափ հեռուներէն հոս բերելէս վերջը ...

Բայց որովհետեւ տղան բան մը չէր ըսեր, լուց, ծուռ մը նայեցաւ եւ քիչ յետոյ հարցուց.

— Ան չէ ամա, ասանկ օրով դուն ինչո՞ւ չես աշխատիր:

— Քիչ մը տկար եմ, պատասխանեց երիտասարդը:

— Տկա՞ր ես մի: Ի՞նչ ունիս ... ո՞ւրտեղդ ... քս հա՛ երեսդ կարմիր չէ մնացեր. ի՞նչպէս մէկ անգամէն չտեսոյ ... պաղ առած ըլլալու ես: Սա լիզուդ գուրս հանէ նայիմ ... հանէ՛ ... Ծօ՛ հանէ կ'ըսեմ կոր քեզի. քովիններուն գլո՛ւխը փսխեմ ... էյ չէ՛. զըսւխդ ալ շատ տաք չէ ... Տակէդ աղէկ հաղա՞ծ ես ... քակէ նայիմ սա կոճակներդ, ես տէքովս պիտի տեսնամ ... Ծօ՛, շան դաւակ, մայրդ ըսել եմ՝ քակէ ... նայէ՛, չըսի՞ ... ասանկ բարակուկ բաներ կը հաղնիք. ա՛խ նայիլութիւն ... բուրզէ՛, բուրզէ՛ ֆանելա կ'ուզես ... Մօ-րուքդ ալ մատ մը Եկեր է. ինչո՞ւ քոաշ չես ըլլար կոր ... փարա՞ չունիս ... սուտ ե՛ս ... ցուցուր

նայիմ սա փարադ՝ պարագ խօսք չուղեր ։ շուտով  
տուն պիտի երթաս, պիտի պատկիս ու քրանիս :  
… Ա՛խ ինչ ըսեմ ձեզի որ երկայն վարտիք հաղ-  
նիլը մեղք կը սեպէք …

Լոեցին : Հանրակառքը ճռչեց, կանգ առաւ,  
կրկին ճամբայ ելաւ սովորական սոյլէն յետոյ և  
Հայուհին աւազեց .

— Ա՛խ, ասանկ զայիփ զիւյիւփ աղաքը փո-  
ղոցներն են մնացեր … վրանին մայր չիկա՞յ քի  
… Ծօ՛ տղայ, մօտս ալ չես որ զամ վեց հատ շի-  
շէ քաշեմ եւ փիր ու փաք ըլլաս : Քանի՞ տարեկան  
ես … աչքս ելլայ …

Երիտասարդը պնդեց թէ եղածը մեծ բան մը  
չէ, թէ չարժեր այլքան մտահոգուիլ : Եպրաքսէ  
Հանրմ բարկացաւ բայց լոեց շուտով : Տղան կր-  
կին մնաց գլուխը կախ, մտածկոտ, վերաչու : Հայ  
մայրը «ա՛խ, աշխարհ» ըսաւ քիթին մէջէն եւ ար-  
ցունք մը սրբեց : Յետոյ յանկարծ պայթեցաւ .

— Գետնին տակը անցնին սա աղջիկները : Ծօ՛,  
ի՞նչ ունին որ ամէնքդ ալ անոնց փէշերէն . չէք  
զատուիր … Մեծ տղաս խելօք է, բայց պղտի-  
կս … փորձանք է, փորձանք : Ա՛խ սա աղջիկնե-  
րը … անիծուին ամէնքն ալ … ամէնքն ալ …

Փողոցները անցան իրարու ետեւէ, ճամբորդ-  
ները իջան ու ելան եւ տոմսակավաճառը կայա-  
րաններուն անունները պոտաց նոյն ճանձրանալի  
ձայնով : Երկու հայերը լուռ միացին բաւական ա-  
տեն, մինչեւ որ կրկին լեզու ելաւ կինը՝ կեղծ  
նեղսրտութեամբ մը ըսելով .

— Ծօ տղայ, ո՞ւբուղէն դէմս ելար … ինձի

տերու ողիսի ըլլառ ... Տղա՛քս ալ չես ճանճնար քե  
լուր մը տոնեմ վերջը ... Զեռքէս ալ բան մը չե  
դար որ ... Եյ զէմս չելա՛ծ ըլլայիր ...

Տխուր տղան շնորհակալ եղաւ, «աշխարհի  
գրայ զես մարդ կայ եղեր» ըսաւ ու լոեց :

Ճոնչեց, քերթեց, կճրտեց կառքը :

Յուցափեղի մը իր պարունակութեան վրայ  
հարիւրին յիսուն զեղչ ըրաւ, նորոգութեան պատ-  
ճառաւ սինէմա մը իր զոները զոցեց, զաւառէն  
թարմ հաւեկիթներ եկան ուղիղ զծովի, Եցրիը խը-  
միչքներուն լաւագոյնը հանդիսացաւ, երկու սեն-  
եակներ վարձու ելան շարադրութ մը միասին, սեփ-  
սեւ խանութ մը «սուլդ» պատրաստեց քսանըչորս  
ժամուան մէջ :

Երրոր ամէն ինչ սեւցաւ քսանըչորս ժամուան  
մէջ, նորայր ըսաւ զէմի կնոջ, զլուխը քիչ մը մօ-  
տեցնելով .

— Ինծի նայէ, մայրիկ, քանի որ ատանկ բուխ  
սիրու ունիս, քեզմէ ծառայութիւն մը կրնամ խըն-  
դրել: Զէ՛, մեծ բան մը չէ, բայց մը՝ մերժեր: Քիչ  
մը անզին միասին վար իջնանք: Քիչ մը անդին է,  
ողիսի աեսնես: Հոն քեղի թուղթ մը կուտամ եւ  
կը ցուցնեմ պանդոկ մը: Իմին պանդոկս: Բնաւ  
հեռու չէ: քոամվայի կայաբանէն քանի մը մեթրօ  
անդին: Աղ թուղթը իմ պանդոկս ձգէ, այդքան:  
Ուրիշ բան չեմ ուղեր: Ես քու քոամվայի փարադ  
կը վճարեմ, աւելին ալ կուտամ ... չէ մ'ըսեր, պի-  
տի առնես տուածս: Միայն թուղթը պանդոկապե-  
տին ձգէ՝ այդքան:

Եպրաքսէ հանըմ յօնքերը լըջօրէն պոստած

մտիկ ըրաւ այս առաջարկութիւնը, բայց շուտով  
չհաւանեցաւ որովհետեւ չէր ըմբոներ թէ ինչո՞ւ  
տղան իր պանդոկը երթալ չուզեր եւ զինքը կը դր-  
կէ : Զէր ըմբոներ թէ ի՞նչ կատ կայ տղուն տկա-  
րութեան եւ այդ առաջելութեան միջեւ :

— Նէ զուն հարցուր, նէ ալ ես քեզի բացատ-  
րեմ, ըստ տղան : Ես չեմ կրնար երթալ ևս ողէտք  
չէ որ երթամ : Բայց սա գիտցած եզիր որ ինծի  
մե՛ծ, շա՛տ մեծ ծառայութիւն մը պիտի մտառ-  
ցանես : Հաւատա՛ խօսքիս՝ քանի մը քայլ տեղէ ...  
մայրութիւն ըրած պիտի ըլլաս :

Կինը աւելի բացատրութիւն ուզեց, բայց Նո-  
րայր յամառօրէն կրկնեց նոյն բանը : Միայն թուղ-  
թը :

Որոշեալ տեղը երբոր վար կ'իջնային, տոմսա-  
կավաճառը ըստ :

— Ո՛չ, տիկին, Գլամառը հոս չէ :

Անշուշտ թէ հոն չէր, քանի որ Փարիզէն դուրս  
չէին ելած դեռ : Բայց Porteին հոտը կուզար : Երբ-  
որ հայ մայրը եւ երիտասարդ տղան վար իջան  
հանրակառքէն, կեցան մայթին վրայ : Նորայր որ  
կնոջ բեռը սռած էր, դրաւ նստարանի մը վրայ,  
ինքն ալ նստաւ քովը, ըսելով թէ վայրեանէ մը  
կը զրէ թուղթը եւ կուտայ : Կինը ոտքի՝ կը սոլա-  
սէր :

Նորայր թղթապանակէն էջ մը սոլիտար  
թուղթ հանեց, ինքնահոս զրիչը բացաւ եւ դրեց  
վճռականօրէն .

«Տիկին եւ Պարոն Տիւվէռ

«Ես այլեւս ոլանդոկ չպիտի զամ : Զիս այլեւս

բնաւ չպիտի տեսնէք : Կաղը պիտի իմանաք վախ-  
ճանս՝ թերթերէն : Անձնասպան պիտի ըլլամ :  
Պատճառները բոլորովին անձնական են : Որոշումս  
ոնդրդուելի է : Անդրդուելի : Չեմ ուղեր ապրիլ :  
Չեմ կրնար : Դիմացէք որ Փարիզի մէջ ...

Եպրաքսէ հանրմ տղուն արագասահ դրիչին  
հոյելով ըստ :

— Էօ-էօ՛ֆ , քալկմինտէն քա՞ն աքար ...

Դրիչը ծակեց թուղթը : Տղան քֆրեց (իրրեւ  
թէ ծայրին) եւ շարունակեց .

«...ոչ ոք ունիմ : Մա՛րդ չունիմ ոչ ոքի առմը  
որարաք ունիմ : Այս երկտողս ձեզ կը գրեմ , ընելու  
համար պահանջք մը : Այն կինը , հայընակեց կի-  
նը որ ձեզի կը բերէ այս երկտողս , ահա այդ կի-  
նը պէտք է տիրանայ այն բոլոր բաներուն զոր ու-  
նիմ սենեակիս մէջ : Ամէն ինչ այդ խեղճ կիոջ տը-  
ւէք : Անոր կը նուիրեմ : Չեմ ուղեր որ ոստիկա-  
նութիւնը դրաւէ : Կը խնդրեմ որ յարդուի այս  
մերջին փափաքս :

«Շնորհակալութեամբ եւ վերջին ողջոյնով

կը ստորագրեմ

ԱՅՊէՌ

(Նորայր Կարապետեան)

— Աս ի՞նչ շուտ լմնցուցիր , ըստ Եպրաքսէ  
հանրմ :

Նորայր պահարան կը փնտոէր թղթապահա-  
կին մէջ , առարդիւն կերպով : Խիստ գժգոհ էր չը-  
գոնելուն համար : Յանկարծ խելք ըրաւ եւ հար-  
ցուց կիոջ թէ Փրանսերէն կարդալ գիտէ՞ : «էյ  
միայն այդ էր պակաս» ըստ կինը : Այն ատեն տը-

զան ուղղակի ծալուած թուղթը ձեռքը դրաւ մայրիկին : Ո՞չ, ուրիշ ընելիք ունէր : Հանեց իր ինքնութեան թուղթը, ան ալ միասին տուաւ, դրած երկտողին տակ աւելցնելով .

«Նամակիս կը միացնեմ ինքնութեան թուղթս, որպէսզի աղահով ըլլաք թէ գրութիւնը ուղղակի ինձմէ կուզայ :»

Նորայր եւ կինը քովնոտի փողոց մը մտան ու յառաջացան : Բաւական մը քալեցին : Մսավաճառի մը առջեւ կանգ առաւ տղան, եւ դէմի եղերքը քիչ մը անդին ցոյց տուաւ պանդոկ մը մարմար զուռով, ոսկեզօծ տառերով : Հոն պէտք է տանէր իր տուած թուղթը եւ յանձնէր պանդոկապետին :

Նորայր կնոջ վերադարձուց զորդի ծրարը եւ միաժամանակ առաւ գրամատոմս մը՝ զոր եպրաքսէ հանըմ մերժեց խստօրէն :

... ... ... ... ... ... ... ... ...

Ճշմարիտ փոթորիկ մը փրցուց հայ մայրիկը :

Պիտի խենդանար, խելքին պիտի գար : Անպայման սխալմունք մը պատահած էր, որովհետեւ խելքին պիտի գար : Բայց լաւ կը կարդայի՞ն . ուշադրութեամբ կը կարդայի՞ն . վստա՞հ էին իրենց ըստածին : Բայց, Աստուած իմ, Հայ մը չկա՞յ սա մօտերս որ գայ ու պէտք եղածին պէս թարգմանէ : Ո՞ր սենեակին ունեցածը . ինք ի՞նչ զործ ունի ուտիկանութեան գրաւածներուն մէջ : Ռոսկ՞ու մի :

Փոքրակաղմ եւ սիրուն պանդոկապետուհին է որ նախապէս թուղթը առած էր եւ կարդալով դոյնը նետած : Դուրս նետուեցաւ գրասենեակէն եւ

առնդուղներն ի վեր ճշաց — Տէղիոէ՛, Տէղիոէ՛ :  
Եւ որովհետեւ իր ուղածին չափ շուտով չէր հաս-  
ներ ամուսինը, սկսաւ զբասնեակին ելեկտրական  
կոճակները բոլոր յարկերուն վրայ հնչեցնել : Վեր-  
ջապէս պահողոկապեար վար եկաւ ըսելով — «Բե-  
րի՞ն ապահովագրութեան պատասխանը» : Բայց  
զրեթէ միաժամանակ իր կնոջ տժգունութիւնը  
տեսնելով զէմքը կախեց ու բարկացաւ : «Աե՞նթ ես  
դուն կ'ըսէր . նորէն անկողին պիտի իյնաս . գեռ  
երկու օր է ոտքի ելեր ես . . . ի՞նչ կ'ըլլանք կոր» :

Երբոր ինքն ալ կարդաց Նորայրին թղթիկը,  
այս անդամ կնոջը հետ սկսաւ հարցումներու տա-  
րափ մը տեղացնել Եպրաքսէ հանըմին վրայ : Բը-  
նականաբար չէին համարձակեր շուտով այս վերջ-  
նոյն ըսել թէ ի՞նչ կ'անցնի կը դառնայ, քանի որ  
չէին գիտեր թէ ինչ կաղեր հայուհին կը միացնեն  
ազուն : Երբոր վերջապէս, մեծ դժուարութեամբ  
հասկցան թէ պարզ հայրենակից մըն է, տուին  
երկասղին իմաստը :

Ո՛չ, չէր կրնար հաւատալ, աչքերը կը մթաղ-  
նէին, արինը զլուխը ելած էր, ըլլալի՛ք բան չէր :  
Կը պահանջէր որ Հայ մը դանեն որպէսղի ան պէտք  
եղածին ովէս, չէնքով շնորքով թարգմանէ : Աստ-  
ուած'ծ իմ, շատ համբերութեան պէտք եղաւ հա-  
յուհիին հասկցնելու համար թէ սուտ ու սխալ չէ-  
ին ըսեր :

— Բայց այն ատեն ի՞նչ կեցեր էք, վաղեցէք,  
եռեւէ՛ն վաղեցէք, կը պոռար Եպրաքսէ հանըմ :  
Մայրիկ ունի, քոյրի՛կ ունի :

Եւ չէր կրնար ըմբոնել թէ ինչո՛ւ անմիջապէս

ևաեւէն չեն վազեր տղու մը՝ որ հեռու տեղ մայրիկ  
մը ունի:

Պանդոկապետին թեւէն քաշելով տարաւ մին-  
չեւ փողոցին գուռը, լսաւ թէ մինչեւ ուր իրեն ըն-  
կերացած էր Նորայր, եւ թէ մարդը եթէ քիչ մը  
վազէր, անպայման ետեւէն կը հասնէր: Պէտք էր  
կառք մը առնել եւ վազել, պէտք էր ջուրին եղերքը  
երթալ: այո՛, Մէնին եղերքը երթալ: պէտք էր լուր  
տալ մեր եկեղեցին, որուն մէթոօն «Շան զ'ելիզէ»ն  
էր: Բայց ինք չի՛ կրնար վազել որ . . .

Կրկին վերազարձան զրասենեակ: Եպրաքսէ  
Հանըմ կուլար: Այդպէս չպիտի լար անշուշտ, ե-  
թէ քիչ մը գոնիէ կարենար ինքվինքը պարզել: Բայց  
լեզուի զժուարութիւնը կրկնապէս կը նեղէր զին-  
քը: Հայերէն եւ թուրքերէն բառերը կը խառնուէ-  
ին իր չափազանց խեղճ, ծիծազելի Փրանսերէնին  
հետ, եւ իր ըսածները պանդոկապետը կը գուշա-  
կէր՝ քան թէ կը հասկնար:

Փոթորեկը քիչ մը խաղաղեցնելու համար  
մարդը խստութեամբ ըսաւ.

— Բայց քիչ մը զսպեցէ՛ք ինքվինքնիզ, տի-  
կին, մանուկ չէ՛ք: Մենք զինքը ձեղմէ աւելի կը  
ճանչնանք եւ սակայն . . . Զը չափազացե՞նք, վեր-  
ջապէս օտար մը ըսել էք . . .

Ի՞նչ, օտա՞ր. երբե՛ք, երբեք օտարներ չէին:  
Ինք շատո՞նց է որ կը ճանչնար Նորայրը: Քանի  
կիրակիներ եկեղեցին հանդիպած էր: Եւ յետոյ  
ան իրեն համար արառթըման պիտի վնտոէր . . .  
սկսած էր փնտուել . . . Եւ յետոյ, նոյն գիշերն իսկ  
ինք հոս պիտի գար եւ Նորայրին կոնակը վեց

Հաստ շիշէ պիտի քաշէր ։ ։ ։ առա՞ր մի ։ ։ ։ տակէն  
Հազած Փանելաներուն թիւը անդամ դիտէր ։ ։ ։  
առա՞ր մի ։ ։

Պանդոկապետուհին ըստւ.

— Ես արդէն կը զգայի որ այս տղան բան մը  
ունի: Երկու օր է որ պահդոկ չէ եկած: Այնպէս  
չէ, Տէղիուէ, Երկու գիշեր է որ չէ եկած:

— Դուն լոէ, ըստւ մարդը խստութեամբ:  
Դուն արդէն միշտ այսպէս ես. ամէն բան կը վե-  
րածես ողբերգութեան եւ ճեփ-ճերմակ կ'ըլլաս:  
Արդէն Հազիւ երկու օր կայ որ անկողնէն Ելեր ես  
։ ։ ։ Անձնասպան պիտի ըլլամ ըսելուն Համար գուք  
ալ Հաւաաացի՞ք: Սպասեցէք տեսնենք ։ ։ ։ ։  
իօս-  
քին եւ արարքին մէջ Հեռաւորութիւնը շա՞տ մեծ  
է: Ա՞ր երիտասարդ այդ տեսակ ցանկութիւն  
չէ ունեցեր: Ես անդամ քեզ չգրեցի՞ Լիլ Եղած ա-  
ռենիս թէ ։ ։ ։

— Ի՞նչ կ'ըսես կոր, միւսիւ, պոռաց Եպրաքսէ  
Հանրմ. զուն եւ ան մէջ էք: Անոր աչքերուի մէ-  
ջը նայո՞ղը միայն կը հասկնայ թէ որքան յամառ  
է: Իր զիտացածէն շեղող տղայ չէ՛: Միտքը գրեր  
է՝ պիտի ընէ: Ես մարդու մը երեսը եթէ նայիմ՝  
ինչ ըլլալը քեզի կ'ըսեմ:

Հայ կինը այս խօսքերը կ'ըսէր (կամ ըսել կը  
կարծէր) միշտ նոյն բարձրադաղակ ձայնովը,  
յուղուած ձայնովը եւ առաս շարժուծներով:  
Պանդոկապետը կրկին փորձեց զինքը հանդարտեց-  
նել, բայց տեսնելով որ դէմինը իր բոլոր ըսածնե-  
րը չի հասկնար, աւելցուց — la barbe!

— Հապա՞ , ըստւ Եպրաքսէ Հանըմ, մօրուքն

ալ մատ մը եկած էր : Ինքզինքը ձղա՛ծ էր , ձր-  
դա՛ծ ...

Ֆրանսացիները այս ախզա՛մ ա չ չխնդացին .  
կարելի չէր : Այն ատեն պանդոկապետուհին իր ա-  
մուսինին ըստ թէ պէտք է շուտով ոստիկանա-  
տուն երթալ եւ եղելութիւնը պատմել , տեղեակ  
ովահել իշխանութիւնը : Գուցէ անոնք միջոցաւ մը  
իրնային տղան դտնել , կրնային զայն ետ կեցնել :  
«Արդէն ուրիշ միջոց չկայ որ» ըստ մարդը եւ  
պատրաստուեցաւ ոստիկանատուն երթալ : Բայց  
որովհետեւ Հայ կնոջ աղմկալից ներկայութիւնը  
անհաճոյ էր գրասենեակին մէջ , բայց որպէս հետեւ  
չէր ուզեր զայն առանձին թողուլ իր կնոջը հետ  
«որ նորէն անկողին պիտի իյնայ» , Եպլաքսէ հա-  
նըմը դուրս հանեց : Միասին քանի մը յարկ բար-  
ձըրացան եւ պանդոկապետը դուռ մը բանալով ը-  
ստ թէ այդ էր կարապետեանին սենեակը : Յե-  
տոյ հայելիին վրայէն տղուն մէկ լուսանկարը առ-  
նելով աւելցուց — «Ես մարդոցը կ'ըսեմ ինչ որ  
պէտք է : Անոնք այս պատկերովը թերեւս կրնան  
դտնել : Մինչեւ որ չզամ հոսկէ մի՛ շարժիք : Շու-  
տով կուգամ» : Ու մեկնեցաւ՝ առանձին ձկելով  
կինը :

• • • • • • • • • • • • • • • • •

... Եւ յետոյ բացաւ հանդերձակալը : Հոն  
կախուած նոր հագուստը , վերարկուն եւ այլ գոյ-  
քեր տեսնելով բացազանչեց — «Ձեմ ուզեր , ծօ ;  
չե՛մ ուզեր» : Հայելիին վրայ տեսաւ տարեց կնոջ  
մը լուսանկարը որ ապահովաբար նորայրին մայ-

րըն էր : Մասամբ ճերմկած մաղերով այդ կինը կը ժպտէր քաղցրօրէն : «Ակնոցս ալ քովս չէ , բայց խաթուն կնիկ մը կ'երեւաս կոր» ըսաւ եպրաքսէ հանրմ եւ հեռացաւ հայելիէն՝ սաստիկ յուղուած :

Որքան որ չուտով հեռացած էր , նոյնքան չուտով մատեցաւ զարձեալ պատկերին : «Մուխդ մարիցա՞ւ , կնիկ ... Ա՛շկս ելլայ ... քա՛մ ալ զաւկիդ կը նմանիս կոր . քիթէդ ինկեր է ... զիտես քի ես քեզ տեղ մը տեսած եմ ... » :

Եւ յանկարծ սաստիկ բարկացաւ նորայրին դէմ : Սաստիկ զայրացաւ : Ո՛չ , այս բանը ընելու չէր քանի որ մայր ունի . իր ծնողքին խնայելու էր այս վիշտը : Ի՞նչ ես եղեր , ա՞յ տղայ . ձեռքդ ոտք կը բոնէ՛ փառք Աստծոյ . չէի՞ր կրնար քիչ մը ակսագ սեղմել : Եւ յիտոյ , «ինձմէ՞ ինչ կ'ուղէիր . ես քեղի ի՞նչ զէշութիւն ըրի որ սիրտս վեր հանեցիր . չէի՞ն օգտեր իմ քաշածներս : Ի՞նչ կ'ուղէիր ինձմէ որ հոս զրկեցիր . ես մեղքը չե՞մ ... Ա՛խ , նայիլութիւն . տէլի զանլը ըսեր եր նէ հայլս ունին . արիւննիդ խենթէ ... քա ո՞ւր տեսնուած է որ թուամվայրն մէջ առաջին անգամ հանդպած կնկանդ ... »

Եպրաքսէ հանրմ նայեցաւ պատին վրայ հասաւուած Illustrationի գունաւոր նկարներուն , առանց զանոնք տեսնելու : Վերմակը վեր առնելով ուսւաններուն սպիտակութիւնը քննութենէ մը անցուց եւ գլուխու երեցուց ըսելով «տէլի՛ զանլը» : Յետոյ զնաց անզամ մը եւս բացաւ հանդերձակալը , նայեցաւ ճերմակեղիններուն եւ մատներով շօշափեց ու քննեց նոր զգեստին կերպասը : Երդում

ըրաւ որ դանոնք աղքատի մը պիտի տայ եւ հեռացաւ իսկապէս յուզուած :

Իսկապէս յուզուած էր, որովհետեւ աչքին առջեւ եկաւ իր պղտիկ տղան որ դրեթէ նոյն տարեքը ունի : Իր «անառակ շուն»ը մտածումին ներկայացաւ տիսուր, ինքն իր վրայ կքած, մօրուքը մատ մը եկած : Այդ սիրելի դէմքը կը տժդունէր հետղհետէ աւելի, հետղհետէ աւելի : Եպրաքսէ հանըմ աթոռի մը վրայ ինկաւ յոդնարեկ : Տղուն պատկերը չէր հեռանար սակայն : Ան յուսահատ էր եւ լքուած : Տակէն շատ թեթեւ ու հին փանէլաներ հազած էր, շիշէ քաշող չունէր եւ իր սենեակին առարկաները կը կտակէր որեւէ մէկուն : Յանկարծ «անառակ շուն»ին դէմքը ծածկուեցաւ արիւնով : Արիւնը կը վազէր բերնէն, ոռւնդերէն, քունքէն : Յանկարծ գլուխը ջախջախուեցաւ հանրակառքի մը տակ եւ մարդիկ սկսան պոսալ, աղաղակել, օգնութիւն խնդրել : Յանկարծ աղուն կոկորդը կտրուեցաւ ածելիի ահաւոր հարուածով մը : Յանկարծ ... — Եպրաքսէ հանըմ կուլար : Իր ուսուած տղան գուրս կը քաշէին Սէն գետէն . կանաչ էր եղած ան . խխում հագուստիներով կը բերէին տուն : Հաստ ու գաժան conciergeը թեւերը վեր կ'առնէր սարսափով եւ «Ես քեզ մեղա՛յ» կ'ըսէր Եպրաքսէ հանըմին : Իսկ ան իր աղուն պաղ դիակին վրայ ինկած՝ մազերը կը փետտէր ... — ոտքի ելաւ Եպրաքսէ հանըմ : Անտանելի էր իր վիճակը : Պիտի խեղդուէք :

Անհամբերութեամբ սենեակին դուռը բացաւ ու նայեցաւ սանդուղներէն վար : Պանդոկապէտը

միշտ կ'ուշանար : Կրկին ներս անցնելով սկսաւ երթուղարձել եւ խոչոր ճիդ մը ընել՝ այս մահաբոյք մտածումները հեռացնելու համար : Վայրկեանները իրեն անսահման կը թուէին եւ ինք կ'ուզէր ժամանակը գուրս փախչիլ այս անտանելի մեռելատունէն : Դյատուն քիչ մը պաղ ջուր դարկաւ , հառաչեց , ու մնաց յուսակառուր , մնաց ջախջախուած՝ ակնարկը պարապին :

Այդպէս ակնարկը պարապին սկսաւ կրկին մը-տածել չըթունքները անշարժ , բայց գլուխը ճօճելով .

— «Տղայ մը պակա՞ս է եղեր ... որո՞ւն հոգն է ... հաշիւ բոնողը ո՞վ է ... ո՞վ պիտի զայ հոս մարդ պիտի վիստոէ ... չմեռնի՞ս եօխսամ ... Ասչափ մարդ ջարզեցին , ասչափ մարդ դարկին , ասչափ անմեղի արիւն մտան ... Ո՞վ որի ... կէնէ ամէն մարդ իր օրուան հացին ետեւէն կը վաղէ , ամէն մարդ իր վաղուանը կը մտածէ ... չմեռնի՞ս եօխսամ ... պարէ հրաշք մը ըլլար եւ սա տղան գանէին , հրաշք մը ըլլար՝ սա տղան փրկէին ...

Մտածումներու առթած թմրութենէն յանկարծ սթափեցաւ Եսլրաքսէ հանրմ : Գաղափար մը ինկած էր իր մէջ , երկինքէն քար իյնալու պէս : Մէկը այն դաղափարներէն որոնք մարդս կը մզեն յանկարծական գործունէութեան , առանց անդրադարձումի բոսէ մ'իսկ շնորհելու : Բայց անշո՛ւշտ , ինչո՞ւ պիտի չըներ : Ո՞վ կրնար տեսնել զինքը : Ո՞վ որի :

Եւ անմիջապէս պատուհանը ամբողջութեամբ բանալէ յևաոյ , զնաց իր ծրարը քակեց եւ դուրս

Համեց գորգը : Պիտի թօթուէր :

Սկսաւ թօթուել ուժով , զոհունակութեամբ ,  
առուգութեամբ : «Եյ աս փէ՛ք աղէկ յարմարեցաւ»  
մտածեց , եւ թեւերը պիրկ՝ մարմինը պատուհա-  
նէն դուրս՝ սկսաւ զարնել ու զարնել : Բա՛թ ,  
քի՛ւթ · բա՛թ , քի՛ւթ : Ո՞վ պիտի դար զինքը արդի-  
լել : Ո՞վ որի : Բա՛թ , քի՛ւթ ... բայց սահեցաւ :

Շատ մաշած , նոր փայլեցուած , եւ փայլը  
դեռ բնաւ չաղարտուած տախտակամածին վրայ  
սահեցաւ Եպրաքսէ հանըմ , իր մաշած կրուկնե-  
րուն եւ իր աճապարանքին պատճառաւ : Գնաց ե-  
րեսի վրայ :

Ակնթարթ մը : Խուլ ձիչ մը՝ կնոջ վորոտի-  
քին մէջ : Ճարտարապետական դիմեր , ողատուհան-  
ներու մէջ կախուած ճերմակեղիններ եւ վարի-  
շուր աչքերուն մէջ դարձան , շրջեցան , ընկլու-  
ղեցան , բայց կինը կառչեցաւ :

Կրցաւ կառչիլ պատուհանի շրջանակին , դոնէ  
մէկ ձեռքով : Դժուարութեամբ ու շնչահեղձ՝ ներս  
անցաւ : Ներս անցաւ՝ առանց գորգի : Ան վար հա-  
սած էր արդէն ու կը հանգչէր երկու աղբամաննե-  
րու միջեւ :

Լեղին պատուած էր : Եպրաքսէ հանըմին սար-  
սափը աննախընթաց էր : Երկու ձեռքները գլխուն  
զարկաւ իր բոլոր ուժով եւ կանչեց սրաին խո-  
րունկէն «Ամա՛ն , ամա՛ն սուրբ Աստուածամար» :

Կարծես վտանգէն հեռու փախչելու համար ,  
կարծես աւելի ապահովութիւն գտնելու համար ,  
գնաց սենեակին խորը , սկսաւ դառնալ ու դառնալ

նոյն անկիւնին մէջ եւ դողացող ձեռքերը կրկին  
դիմուն դարնելով ըստ պատ կ'երթայի՛ կոր ...  
քա մանչե՛րս ... ամա՞ն սուրբ Աստուածա-  
մար ... :

Ո՛չ, չէր դացած : Կասկած չկայ թէ վար չէր  
իրկած : Հոս էր, սենեակին մէջն էր, վտանգը ան-  
ցած էր : Տեսաւ ինքղինքը հայելիին մէջ : Շառա-  
զունած էր եւ այլայլած : Խաչ հանեց եւ վճռեց  
կիրակի օր «մոմ երթալ եւ եկեղեցի մը վատել» :  
Երբ ինքղինքը կը դիտէր հայելիին մէջ, հոն տե-  
սաւ նաև անծանօթ մօր պատկերը : Ան միշտ կը  
ժպտէր քաղցրօրէն :

Ան միշտ կը ժպտէր քաղցրօրէն :

— Քա էտէպսիդ, զետնիք տա՛կը անցնելիք  
Եպրաքսէ ...

Կատաղօրէն սկսաւ յանդիմանել ինքղինքը  
եւ ըստ թէ Փրանսացիները իրաւո՛ւնք ունին, թէ  
ինք ճշմարիտ խենթ մըն է, թէ ծայրայեղութեան  
տարած է մաքրասիրութիւնը : Ամէն օր եւ օրն ի  
րուն ջուր կը վաղցնէ, տախտակ կը շփէ եւ բան կը  
թօթուէ : Եւ այժմ վերջապէս կուղէր գիտնալ, կ'ու-  
ղէր անպայման գիտնալ թէ ե՞րբ պիտի փոխէ իս  
յոտի ընաւորութիւնը : Հարց կուտաք եւ կը փափա-  
քէր հասկնալ թէ ե՞րբ պիտի հբաժարի իր անի-  
մաստ սովորութիւններէն : «Հէ՞, ըսէ նայիմ» կը  
կրկնէր ամէն նախաղասութեան սկիզբն ու վեր-  
ջը, եւ քանի որ յանցապարտ Եպրաքսէ կը մնար  
լուս, ինք աւելի ուժ կ'առնէր եւ կը պնդէր թէ ար-

ժանի է պատիժի : «Հա՛խ» է , ինչ որ պատահեցաւ «Հախ» է : Այս՝ , արդարութիւն է : Իրեն պէս ջատուկ մը որ իր երկու աննման մանչերն իսկ մեղքընալ չգիտեր , այս տեսակ գախճան մը . պէտք է ունենայ : Պէտք է ճղակոտոր ելլայ : «Ամա՞ն սուրբ Աստուածամար» : Սկսաւ լալ եպրաքսէ հանըմ :

Երբեք , երբեք պիտի չհամարձակի վար իշնել եւ պանդոկապետուհիէն խնդրել որ իրեն վերադարձնէ զորդը : Երբեք , երբեք պիտի չհոմարձակի խոստովանիլ թէ զորդ թօթուելու ելած էր մեռնող տղու մը սենեակին մէջ որ հեռու տեղ մայրիկ մը ունի : Հայելիին վրայ էր միշտ իր մեղքը : Բայց ուրեմն ի՞նչ պիտի ընէ : Լսուեցաւ պանդոկապետին ձայնը որ ոստիկաններու հետ շփուած ըլլալուն համար աւելի գոռ եղած էր : Մարդը վերադարձեր է : Եպրաքսէ հանըմ անմիջապէս դոցեց պատուհանը :

Բնականաբար ոտնաձայները կը մօտենային եւ ոանդուղը կը ճռնչէր հետզհետէ աւելի յստակօրէն : Հայ մայրը յանկարծ նշմարեց իր սեւ լաթը : Այն՝ որուն մէջ պլորած էր իր զորդը : Պարա՞պ , պարա՞պ , պարա՞պ սեւ լաթը :

Այնքան արագ որքան արագ բացած էր ոլտուհանը զորդը թօթուելու համար , Եպրաքսէ հանըմ շուրջը նայեցաւ եւ անմիջապէս վերմակին տակէն խլեց մեծ բարձը : Զայն պլիեց սեւ լաթին մէջ : Հօփլա : Կրկին զոցեց վերմակիը :

Յաղթանդամ բեռնակիրներ կառքէ մը վար

կ'առնեն պոչաւոր դաշնակ մը , մինչ կառքին ձի-  
 երը կը խածնեն մէկզմէկու վիզ : Զանձրեւեց այ-  
 սոր բացառարար եւ ապրիլեան յետմէջօրէն յա-  
 ռաջացած է պատերու տակէ , գլխիկոր : Մօտակայ  
 բարձր ծխնելոյզին մուխը կ'իյնար վար , ողառնառ  
 ըլլալով որ աւելածուն գլուխը ցցէ , նայի եւ քըթ-  
 մնջէ : Իր ատելի խանութին առջեւ նստած է անց-  
 եալը մութ մսաղործ մը , խոչոր շան մը հետ : Հաս-  
 տափոր մսաղործը բերնին անկիւնէն կը նետէ սի-  
 կառէթի գարշելի կոտորակ մը եւ վերջապէս կը  
 զարմանայ : Զարմացումով կը նայի սեւեր հաղած  
 խեղճուկ կնոջ մը , որուն շարժումքերը առնուազն  
 արաւառց են : Լայնածաւալ կինը սեւ ծրար մը ու-  
 նի թեւին տակ : Զզազրգիռ զնացքով կ'երթայ ան  
 փողոցին ծայրը եւ հոն կը կենայ : Հոն կը կենայ  
 ու յետոյ կը վերապարհայ : Այս երրորդ անդամն է  
 որ կինը կ'երթուղարձէ : Կը մօտենայ մարմար  
 զունով եւ սոկեզօծ տառերով պանդոկին , կար-  
 ծես ներսը մանելու հաստա՛տ , անխախտե՛լի որո-  
 շումով , բայց կը վարանի , քիչ յետոյ հեռանալու  
 համար աճապարանօք : Ծրարը կը բանայ , կը նայի  
 սոլիտակ բանի մը եւ անհասկնալի բաներ կը բա-  
 ցաղանչէ : Բայց մանաւանդ ձեռքը կը զարնէ դըլ-  
 խին , արագ եւ բաղմաթիւ հարուածներով : Ծուր-  
 ջըն ալ կը նայի կարծես օդնութիւն հայցելու պէս ,  
 բայց ոչ ոք օդնութեան չի հանիր անոր՝ որ խեղ-  
 ճուկ մը կեցեր է պանդոկին գրան առջեւ , անոր՝  
 զոր ևս կոչեցի Եպրաքսէ հանըմ , բայց դուն գի-  
 տես , ընթերցող , որ պճեղ մը անուշ սիրտ է :

ՅԱՐԱԼԵԶՆԵՐՈՒՆ  
ԴԱԻԱԶԱՆՈՒԹԻՒՆԸ

---

Հո՞վ կայ : Պօլսոյ եօրը բլուրներուն վրայէն  
զիշերը իր սլայծառութիւնը կ'անցընէ քունաւոր  
շեղրի մը պէս ու կը կաղկանձէ : Չորակներուն խո-  
րը տուները անհետացեր են անհիմն զրոյցներու  
պէս սա կողկողաճայն մութին մէջ ուր հով կայ :  
Պողպատէ գամերով բուժը կը սանտրէ մահաշունչ  
ծառուղին , եւ կը սկրդէ սառած լորձունիքը որ  
պարտուած ժաղաքը ծածկեց : Առժամաբար կրօնիք-  
ները փար կ'առնեն իրենց ցուցամատը՝ մինարէն ,  
զանգակառունը : Գերեզմանաքար մը կը տապալի  
յանկարծ եւ խոշոր փարքոցը անջառուելով կը  
գլորի , կոկորդը վեր կը խրի : Ընդելուզուած ու  
ուկեզօծ տառերը ժարին վրայ կը գալարուին խի-  
րերու պէս , այս բոլորը այսպէս է , այս բոլորը  
այսպէս կ'ըլլայ , եւ յետոյ կը վերսկսի :

Կծկուած նոնիի մը ոտքերուն մէջտեղ եւ գը-  
լուխը յանձնած ստուերին պաշտպանութեան՝ կը

դողդայ լքուած տղան, ահարեկած տղան։ Կը նզի արհամարհել ականջներուն խժլդուքը եւ կը կծկուի, կը պգտիկմայ, մորքին ծակերը կը գոցէ։ Կ'սպասէ շնչահատ ու խռով։ Բայց աչքերը կը յամառին չտեսնել խաղաղութեան եւ բերկրութեան այն բնանկարները զոր երեւակայութիւնը կը տքնի պարտադրել, քանի որ սպառնալիքներ կուգան ամէն կոզմէ։ Մեռելի ճայն մը լսուեցաւ։ Ճիշտ մօտիկէն ոգիի մը ճայնը լսուեցաւ։ Կարծէք հոդէն, կարծէք նոնիին բունէն ելլող անդրաշխարհային ճայն մը.

— Ատնա՛ն, ի՛մ Ատնան ...

Պազ ճայնը խարխափեց, զօրացաւ ու ըսաւ.

— Ատնա՛ն, ես ֆեղ փնտռեցի երկարօրէն ու չգտայ։ Շրջեցայ ամէն կողմ, ֆեղ հարցուցի Արեւելքին եւ Արեւմուտքին ու չնստայ։ Ատնա՛ն, ի՛մ Ատնան. յուսացի ֆեղ գտնել այն պատուհանին առջեւ որ քէեւ փոքր է ու գոց բայց որ երկիմք կը նայի։ Եւ ահա ֆեղ կը գտնեմ նոյն փոքր ու գոց պատուհանին դուրսի՝ կողմը, եւ դուն դէպի բանտ կը նայիս։ Ես ուզեցի ֆեղ գտնել այն նամրուն վըրայ որ երեք անգամ կը բարձրանայ հոգ չէ քէ տեղ մը չի տանիք։ Եւ ահա ֆեղ կը գտնեմ նամրու մը վրայ որ քէեւ տեղ մը չի տանիք՝ բայց որ երեք անգամ կը ցածնայ։

Ստուերին մէջ կծկտած տղան ըսաւ կափկափելով.

— Ես ... Ես ...

Եւ իր ձեռքերը ըսին — «Ես Ատնանը չեմ»։

Եւ իր աչքերը ըսին — «Ես Ատնանը չեմ»։

Զայնը շարունակեց վատահամբաւ գիշերով .

— Դում կը պատկիս կոնակի վրայ , սպասելով որ գիշերը ժու լժուած միսերդ հողին տակ դրկէ եւ մնանաւ : Հրաժարած ամէն քանէ՝ այլեւս միայն մեռնիլ կրոգես , կուզես ժուն , անվերջ ժուն : Ո՞վ Ատնան , բայր շուկաներուն վրայ ծախու ելած ողնասիւներդ տեսայ : Զանոնք ձեռքէ հանած էիր եւ իս տեսայ : Շուկաներուն վրայ ծախու ելած ժուրագմարիւ սիրտերդ տեսայ : Վերջինը՝ բանը-հինգ տարեկանի սիրտդ՝ յափշտակեցին ձեռքէ ձեռք :

Յուսահատ տղան կակագեց իր պգտիկութեա-նը մէջէն .

— Իմ անունս ... իմ ...

Եւ իր ձեռքերը ըսին — «Իմ անունս Համբար-ձում է» :

Եւ իր աչքերը ըսին — «Իմ անունս Համբար-ձում է» :

Զայնը շարունակեց վտանգաւոր գիշերին մէջ ուր հով կայ .

— Ատնա՞ն , ի՞մ Ատնան . եեզ երկարօրէն փնտ-ռեցի ամէն կողմ ու չգտայ , որովհետեւ դուն ոչ կենդանի էիր եւ ոչ մեռեալ : Ան որ միայն մեռնիլ կը ցանկայ , ան ոչ կենդանի է եւ ոչ մեռեալ : Բայց գիտցիր որ դեռ կան արծանազրութիւններ զոր չես ժակած , զազանակներ որոնց չես դպած : Բա՞ց , բա՞ց կազմանքները : Գիտցիր որ յոյսը կը ծնի լու-սաւոր թէ մքին նամբէն , քրիչի մը մէջէն թէ հե-կեկանքի : Ես եկայ ու մեկնեցայ , բայց ան միշտ կ'ոստուած զիրար սեղմող ձեռքերու զորովին հետ :

Ես եկայ ու մեկնեցայ, բայց կուզիմ որ դուն յուսաս անյուսութեանդ մէջէն։ Ամէն անկիւնադարձի յոյսը ծնաւ ու երեւցաւ բոլոր անոնց որոնիք աչք ունէին, եւ անոնց՝ որոնիք կոյր էին։ Բայց դուն ոչինչ տեսար իմ Ատման։ Այն որ միայն մեռնիլ կը ցանկայ, ան ոչ կենդանի է եւ ոչ մեռեալ։

Երիտասարդը աւելի սեղմուեցաւ նոճիի քունին ու ըսաւ։

— Իմ անունս Համ ... Համբարձում է ...

Եւ իր ճեռքերը ըսին — «Ես քեզ չեմ նանչնար» :

Զայնը շարունակեց միօրինակ։

— Անել փողոցներ շինուած են որպէսզի յոյսը աւելի շուտով գայ։ Հոտաւետ նամակներ մնացած են անպատախանի, որպէսզի յոյսը աւելի ուժով գայ։ Բոլո՞ր, բոլո՞ր սիրելիները մեկնած են անվերադա՛ եւ յոյսը եկած է կրկին։ Կը յիշե՞ս, ծագող արեւը իր նառագայրները նախ մեր փողոցին մէջ կը նետէր, եւ ֆիչ յետոյ ճերիմին մէջ։ Կ'ըսէինք քէ անկողնէն ելլող արեւը իր տարատը կը հագնի։ Որքա՞ն կը խայտայինք մեր գեղափայլ զարքօնիքի պահուն։ Բայց կը տեսնես որ ապագայի մասին յուսալից ըլլալը աղջամուղջին մէջ միայն արժէք ունի, դժբախտութեան մէջ միայն առաւելութիւն է։ Ատման, ի՞մ Ատման։ ոչ մէկ նառագայր կ'իյնայ շրբներուդ, մինչեւ որ լոյսին չնայիս, եւ ոչ մէկ լոյս կրնայ գոյութիւն ունենալ ֆեզի համար եքէ չգտնուիս կեանիքին ա'յս կամ այն կողմը։ Կամ այս կողմը, կամ այն կողմը։

Ահարեկած տղան ըսաւ դարձեալ.

— Դուն զիս ուր ... ուրիշին հետ ... կը շփո-

թես : Իմ անունս Համ ...

Զայնը շարումնակեց վտանգաւոր գիշերով .

— Յուսացի քեզ տեսնել այն նամբուն վրայ որ  
երեք անգամ կը բարձրանայ , հոգ չէ թէ տեղ մը չի  
տանիք : Եւ ահա որ քեզ կը գտնեմ նամբու մը  
վրայ որ թէեւ տեղ մը չի տանիք , բայց որ երեք  
անգամ կը ցածնայ : Որովհետեւ ազգովին պար-  
տուեր ենի աներեւակայելի ջախջախումով՝ դուն  
այլեւս միայն մեռնիլ կուզես : Բայց դուն յուսա՞յ  
իմ Ատման : Մեր հայրենիքին ընդերքէն ըմբոստ  
նիչը բարձրացաւ , ու դուն յուսա՞ : Գրոհի մեր ա-  
ռաջին օրերուն խոկ ես ինկայ՝ բայց անմիջապէս  
վերջ քեզ հարցուցի ամեն կողմ , որովհետեւ կու-  
զէի ըսել — Ելի՛ր դուրս ստուերէն , ելիր վեր յու-  
սալքումէն , ելի՛ր ...

Զայնը հալեցաւ , նուաղեցաւ , անշուշտ միւս  
կողմը ընկղմեցաւ : Այն որ կուզար նիշտ մօտիկէն ,  
կարծէք հողէն , կարծէք նոնիին բունէն , անհու-  
նօրէն հեռացաւ : Մօտակայ թիթեղի կտոր մը հո-  
վին դէմ կրկնեց նոյն նոնչոցը — «Եա՞զը մը թուղ-  
րա մը եա՞զը մը թուղուա» :

Երիտասարդը մնաց ուր որ էր , այնպէս ինչ-  
պէս որ էր : Դեռ երկարօրէն դողը շրջագայեցաւ իր  
մէջ ցնցումներով , բմահանոյենով եւ ինք բաւական  
ատեն կրկնեց նոյն վանկերը — «Իմ ・・・ իմ անունս  
・・・ կը շփորես ・・・ չե՞մ նանչնար» :

Յետոյ է որ ծառուղին մէջ եռակայմ նաւ մը  
տապալեցաւ , կոտրող նիւղերու նարհատումնե-  
րով :

Հա՞րը - տափարակ : Աչքի առածին չափ դաշտագետիներ կան՝ ուղիղ, միօրինակ : Փռուեր է բաղաբակրուած հողը իր ոռոգումներով , իր գիտական բերքերով : Կանաչի եւ գորշի բոլոր երանցները պառկեր են կողք կողքի , կանոնաւոր բառանկիւններու մէջ որոնք կը նմանին մեծ կարկտաններու , արեւելիան խեղճուկ բաղմոցներու : Եւ հարը , եւ տափարակ : Քանի մը տնակ ու դդեակ մը՝ որ կը հալի երեկոյեան մքաստուերին մէջ , իսկ հեռուն կ'երեւայ երկար երիզը անտառին որ սեւցաւ : Երկինքը իջաւ վար , բանձրացաւ չափէ դուրս , կորսուող արեւը մրուեց ու անուանարկեց՝ եւ սպառնաց : Փոքորիկ մը կը մօտենայ : Յանկարծական եւ խոր լուութիւն :

Երիտասարդը նստեր է խնձորենիի մը առջեւ ու կը նայի գետակին , որ կը հոսի դանդա՞ղ , դանդա՞ղ : Զի հոսիք : Շուրջի քուփերը կեցած են իրենց մէկ ոտքին վրայ եւ կ'սպասեն շունչ բռնած մքնոլորտին պէս : Ոչ մէկ նիւղ կը շարժի , ոչ մէկ աղմուկ կը բարձրանայ : Զկայ որ բարձրանայ : Զուրը մուր է եւ չարաշումք , քանի որ մռայլ երկինքը սաւրնը կը բափէ հորիզոնէ հորիզոն , եւ քմբուկի մը կաշին կը պրկէ հերսուտ նուագածուի մը նման :

Տղան նստեր է խնձորենիի մը առջեւ ու կը նայի գետակին : Նստեր է միս - մինակ , պարտուած , յոգնարեկ , անդամները ջախջախուած : Իր արինուտ արեւելիքն եկաւ մինչեւ հոս , ծայրագոյն արեւմուտք : Բերին մինչեւ հոս եւ ինք բալեց մինչեւ հոս , ծայրագոյն արեւմուտք : Կոպերը կ'իջնան ,

կը ծփան ու անոնց տակ բան մը կայ որ կ'ուզէ  
պառկի երեսի վրայ : Ահարեկիշ փսխութներ կան  
յօնիքներուն ետիւ եւ աղմուկներ գլխին մէջ : Գլխին  
մէջ կան հարուածներ կանոնաւոր, յամառ, անօ-  
գուստ : Եւ ճայնը բարձրացաւ գետափէն, բերեւ  
խնձորենիկն կամ հողէն : Ագիի մը ճայնը, ան-  
դրաշխարհային ճայն մը .

— Փազօ՞ , Փազօ՞ ...

Բնա՛ւ, բնա՛ւ չուզեց հաւատալ, ցցուեցաւ ու-  
ժի, դիտեց չորս կազմը եւ միաժամանակ փնտուեց  
արձագանգներ : Պուաց — «Ո՞վ է ան» : Արձագան-  
գը չըսաւ — «է ան» : Զարհուրեցաւ ու փախաւ,  
որովհետիւ ճայնը կը կրկնուէր միշտ : Հասաւ երկ-  
րորդ կամ ուրերրդ ծառի մը մօս ուր կոտրած ա-  
նիւ մը կար, ինչպէս նաեւ ճուկի ուռկան մը : Կամ  
չկար : Նասաւ այն տեղ ու հեւաց : Զայնը կրկնեց  
առաջուան պէս իր անձանօր աշխարհէն .

— Փազօ՞ , Փազօ՞ ...

Կրկին փախաւ բայց այս անգամ չկրցաւ շատ  
հեռու երրալ որովհետեւ երկնիքի մէկ լեզուն իր  
նամքան կտրել կը սպառասառուէր, բացորդ  
սպառնալիքով մը : Թերեւս ոչ : Բայց լուրիքինը  
կրկնապատկուեցաւ ու ճայնը սկսաւ խօսիլ մեղմ,  
քաղցր ու փափուկ .

— Քեզմէ բաժնուեցայ վտանգաւոր գիշերին  
մէջ : Դիտեմ թէ երբոր այլեւս մեր խրամը չվերա-  
դարձայ, դուն զիս փնտուեցիր պատուական Փա-  
զօս : Դիտեմ թէ ականջներդ ցցեցիր ու մտիկ ը-  
րիր խուլ հանդիւնները երկու խրամներուն միջեւ  
ինկած վիրաւորներուն որոնք չէին կրնար բաշկո-

տուիլ : Մտիկը ըրիր եւ իմ անունս պօռացիր : Դիտեմ քէ այդպէս ըրիր , առանց տեղեակ ըլլակու որ իմ անդամներս տարտղնուած էին պատառ պատառ :

«Քեզմէ բաժնուեցայ վտանգաւոր գիշերին մէջ : Յօշտուեցայ ակնք-արքի մը ընք-ացքին , բայց գիտեմ քէ դուն զիս փնտուեցիր տու vieux ժագո : Զեխերուն մէջ նստած՝ ծխամորնդ խածիր եւ մայրիկիս գրեցիր — «Զերքէն թերեւ մը վիրաւորուած է» : Գիտեմ քէ այդպէս ըրիր , քանի որ մենին այդպէս ըրինք Մոռխսին համար երբոր անոր աղիքները գուրս ինկան :

«Քեզմէ բաժնուեցայ վտանգաւոր գիշերին մէջ : Եւ անկէ իվեր անդադար քեզ փնտուեցի ուրավիետեւ կը դոզայի քու պայծառ աչքերուդ համար , քու մաքուր եռգիիդ համար : Եւ ահա որ դուն ինձ կը ներկայանաս դա՛րձեալ փոք-որիկին տակ , նո՛րէն սպառնալիքին մօտ , միս – մինակ : Քեզ ի՞նչ ըրին իմ ժագոս ...

Լսուեցան փոք-որիկին առաջին եւ հեռաւոր թաւալումները : Զուկի ուռկանք կարծէք մեծցաւ , տղան շրջապատեց , եւ բազմապատկուած անիւները սկսան դառնալ : Թոռչուն մը փախաւ շատ ցածէն եւ երիտասարդը կմկմաց արգահատելի ճայնով մը .

— Իմ ... իմ անունս Համ ... բարձում է : Ես ... չեմ ...

Բայց ճայնը շարումնակեց միշտ մեղմ , միշտ քաղցր , միշտ փափուկ .

— Քեզմէ բաժնուեցայ վտանգաւոր գիշերին մէջ : Դոզացի քու պայծառ ակնարկիդ , քու թա-

կազին հոգիիդ համար : Որովհետեւ գիտէի քէ ա-  
նոնիք զայրագնած էին, խելագարելու չափ զայ-  
րագնած : Զարդեցին մեզ : Երէցները ջարդեցին  
մեզ հազարներով, միլիոններով, անասուններու  
պէս եւ աւելի խժդութեամբ : Այս սպանդին չկր-  
ցաւ դէմ դնել ոչ մէկը այն գաղափարներէն որոնց  
նուիրուած էինք աղէտէն առաջ : Ամէն ինչ որ գե-  
ղեցիկ էր, բարձր էր, դատապարտուեցաւ լոռու-  
թեան, անշարժութեան : Ուզեցին մեզ անբանացնել  
զինուորականութեան պողպատէ նիրանին մէջ եւ  
խլացուցիչ որոտումին տակ ռմբակոծութիւննե-  
րուն : Եւ մենք մեր ակռաները կճրտեցինք խուլօ-  
րէն, ատելով ամէ՞ն բան, ամէ՞ն բան : իմ տիսո՞ւր  
Ժագոս ...

Հայը կմկմաց .

— Կը շփոքես ... դուն զիս կը ...

Բայց անդրաշխարհային ճայնը շարունակեց  
նոյնի ժաղցրութեամբ .

— Քեզմէ բաժնուեցայ վտանգաւոր գիշերին  
մէջ : Երբ մեր հոգիները կը յորդէին ֆինախնդրու-  
թեամբ, ատելութեամբ : Անկէ յետոյ քեզ վնտու-  
ցի ցեխերու եւ տողանցքներու մէջ, վիրակապե-  
րու եւ նոյն իսկ պատուանշաններու տակ : Բայց  
քեզ վնտուցի մանաւանդ գնդակահարուածներու  
ցիցերուն վրայ : Ժագոս, իմ արի' ժագոս, երբոր  
վերջապէս քեզ գտայ, դուն դարձեալ քէնու ու  
դժբախտ ես, դուն դարձեալ փոքրիկին տակն  
ես :

«Գայը ակղութեամբ լեցուն բերաններ կան՝  
սպանդանոցներու պէս զարշահոտ . յամառ եւ բոր-

բոսած ցանկութիւններ կան՝ մելամաղձուր խուցերու պէս ննշիչ անցեալներ կան՝ մշուշով խըխում։ Գարշելի հոտը կը կոչուի ատելութիւն եւ ննշիչը նմանապէս։ Ժագօ, քո՞ղ ծերունիներուն հանդէպ ունեցած ատելութիւնդ եւ քու լապտերդ վառէ։ Լուսաւո՞րէ դարձեալ ուղիդ, սի՞րէ ժագօ։

«Բեզմէ բաժնուեցայ վտանգաւոր գիշերին մէջ։ Գիշերին մէջ պիտի մնաս դարձեալ եթէ ուզես հասկնալ, եթէ ուզես տեսածդ բացատրել, մըտածել եւ խոկալ։ Սիրէ՛ նախ ժագօ։ Այս որ քունալից է եւ այդպէս կը մնայ որովհետեւ ցեխ ու խաւար կայ շուրջ բոլորը, ան չպիտի սիրէր երբոր նոյնիսկ ապրէր էլտորատօ։ Կամ եթէ սիրէր իսկ՝ զինքը չպիտի օծէինք փեսայ։ Անիրաժեշտ չէ եւ միշտ կարելի չէ մեծ ըլլալ, բայց միշտ ոլէտք է եւ կարելի է սիրել։ Սիրէ՛ գործելու եւ յառաջանալու համար, սիրէ սիրելու համար։

«Բեզմէ բաժնուեցայ վտանգաւոր գիշերին մէջ։ Կաշկանդեցին մեր արքան, դաշունահարեցին մեր բարի արքան։ Բայց որպէսզի անզամ մը եւս այդ երաժշտութիւնը գտնես, պէտք է սա գետակէն աւելի վեր ելլես, խնճորենիէն աւելի բարձրանաս։ Նայէ՛ երկնքին։ Երկինք մը որ սեւ է՝ երկինք չէ։ Պէտք է աւելի վեր ելլես քան փոք-որիկը, որովհետեւ փոք-որիկները միշտ գետնաքարշ են։ Անոնք կուզեն քանդել ինչ որ չհասկցան։ Դուն լապտերդ վառէ՛ իմ ժագօս։ Ան չի կրնար մարիլ բարձունքին վրայ, վե՛րը, վե՛րը, համբոյրին մէջ, եղբայրացումէ մը վերջ։ Փոք-որիկները միշտ գետ-

նախարշ են։ Անոնք կը բանդեն, կը տարտղնեն, կը ցրուեն, բայց միշտ, միշտ կը փոխեն։ Միակ նամայ մը կայ որ կը մնայ այնպէս ինչպէս որ էր՝ ծիրանի գոտին։ Եւ դեռ ինչ որ լոյս է ու կը բալէ։ Ժագօ, ժեզմէ բաժնուեցայ գիշերին մէջ, բայց յաղթենիք թէ պարտուինք, դուն վառէ՛, դուն վառէ՛ . . .

Զայնը հալեցաւ, հեռացաւ, անշուշտ միւս կողմը ընկդմեցաւ։ Ան որ կուգար գետափէն, կարծէք խնձորենիին բունեն, բաղցրութեամբ նուազեցաւ։ «Դուն վառէ՞ն նախ եղաւ «բուրվառէ», եւ յետոյ ցնդեցաւ։

Թափանցող գովութիւն մը տիրեց։ Յայտնի է թէ անձրեւը ինկած էր ոչ շատ հեռուն եւ թերեւ հով մըն էր ելած։ Թուփերը իրենց երկրորդ ոտքը վար էին առած հովին դէմ։ Երկինքը կը բացուէր մէկ անկիւնին եւ իր թաւալումները հետզհետէ կը խուլնային։ Գիշերը կը մօսենար։

Հայր երկար ատեն մնաց հոնի ուր որ էր, այնպէս ինչպէս որ էր։ Կկզած՝ խնձորենիին տակ։ Այն առաջին խնձորենիին՝ ուրկէ երբեք չէր հեռացած, երբեք չէր փախած, չէր իսկ ցցուած ոտքի։ Շրբները ատենը անզամ մը շարժեցան, բայց ոչինչ լսուեցաւ։ Դողլը հետզհետէ մեղմացաւ երբոր զանգակները պատմեցին խորհրդաւոր բաներ։

Տղան ըստ ինքն իր մէջ — երէ մարդ չպիտի նաև չնամ, ինչո՞ւ ոգի ըլլամ։

Երկար ատեն վերջ կկզած տղան դարձեալ ըստ — Յոյս եւ Սէր։

Ապահովաբար այս երկու բառերը իր մէջ եր-

կարօրէն կրկնուեցան, քանի որ փլած մարմինը ցցուեցաւ նախ անզգալաքար՝ յետոյ քացէ ի քաց:

Զանգակները պատմեցին խորհրդաւոր քաներ եւ յետոյ լոեցին, որովհետեւ երկու մեծ ազլաւներ այդ քաներուն վրայէն խոշոր խաչ մը քաշեցին՝ կռկռալով:

Հայը ըստ — Աշխարհի մէկ արեւելեա'ն մասին համար ... եւ անոնցմով՝ որոնք իրենց էռոքեանը մէջ կը կրեն աշխարհի արեւելեա'ն մէկ մասը:

Ներքին նամբորդութիւնը շարունակեց երիտասարդը եւ հոգեկան մէկ ծայրավիճակէն հասաւ ուրիշ ծայրավիճակի մը, անշուշտ դժնդակ անդաստաններէ վերջ: Ոչ միայն հետքը չը մնաց իր սարսափին, իր պղտիկութեան, այլ ինքն է որ այս անգամ կանգնեցաւ քանի մը դիմաց:

Կանգնեցաւ զուրին եղերքը գտնաւող քարի մը վրայ եւ մէկէն ի մէկ քազկատարած՝ աղաղակեց դէպի երկինք, պաղատեցաւ հոգիէն ժայրքող յորդ վանկերով, աննկարագրելի բարձրացումով.

— Ո՞վ Աստուածդ իմ, նայէ՛ անիծեալներուս, գքա՛ այլեւս մեզի: Մինչեւ ո՞ւր, մինչեւ ե՞րբ այս նամբան ու իր պատիժը: Հրեա՛յ Աստուած, աղերսը դէպի քեզ չէ որ կը բարձրացնեմ: Գիտեմ քէ սա բոլոր խաչակիր ազգերը, եղբայրասպան եւ քշուառական ազգերը, ամենքն ալ իրենց խօսքը կ'ուզդեն քեզ, իրարու հակառակ, իրարու դէմ, հակասակամ: Եւ դո՛ւն ալ չես գիտեր ինչպէս շարժիլ, որո՛ւն երբալ, գո՛վ քեւարկել: Աղերսս կ'ուզդեմ քեզի՛, Հայոց Անահիտ, գեղափայլ, աստուածական անուանուած անուանուած:

ծիմաստ Անահիտ : Իչիր կրկին հօսիդ մէջ , փառքդ գեղո՞ւ Հայորդիներուն վրայ , զրաւէ՛ դարձեալ բու քափուր բազինդ : Դի՛ր , դի՛ր լուսապասկդ մեր ցնցոտիներուն շուրջ , մեր վասուրիններուն , մեր ուրացումներուն շուրջ : Այո՞ւ , սէրը նուազած է մեր մէջ բայց չէ անհետացած . յոյսը նուազած է մեր մէջ բայց չէ ցամքած : Մերին Անահիտ , շո՞ղ մը միայն նանանչէ եւ մենի պիտի ցցուինի կրկին ան-նառելի արշալոյսին մէջ . պիտի յառնենի՛ որպէս թէ համբուրուած ըլլայինի ամենազօր յարալեզ-ներէ : Շո՞ղ մը , շո՞ղ մը միայն նանանչէ եւ մեզ ժողուտէ՛ բոլոր ժառուղիներէն , բոլոր ծովափներէն ու բանտերէն , բոլոր լեզուներէն : Մահամերձ ենի , Ասուուա՛ծդ իմ : Շտապէ՛ , անապարէ՛ , ըրէ ինչ որ տառուածները սովոր են ընել երկնքին մէջ եւ հա-սի՞ր մէզ օգնուրեան : Խոկ երէ կը պահանջես որ նախ մենի սկսինի , նախ ե՞ս սկսիմ , ո՞վ Անահիտ , անհունօրէն , անհունօրէն դառնացած է իմ հոգին՝ բայց պիտի սիրե՞մ ես : Անյառակ անյուսուրեան մը մէջ ենի զլորուեր , բայց պիտի յուսա՞մ :

Շունչ առաւ : Զարմանալիօրէն բաց՝ աչքերը կը խուզարկէին , կը քափանցէին երկինքը ուր գի-շերը կ'իջնար : Հայուն կոկորդին մէջ կար հեկե-կանի մը՝ կոկորդին աւելի լայն հեկեկանի մը : Շարունակեց .

— Եւ ես կ'ազադակեմ դեպի սբանչելին : Եւ ես կը պապատիմ անոր՝ որ երկրպագելի է , անոր՝ որ մեծառուններուն մէջէն միա՞կ սիրելին է : Ո՞վ Տէր , նշմարտուրին ունիս դուն , բայց այնպէս մը ըրէ որ նշմարտուրինդ գործէ եւ վաստակաւոր

ըլլայ : Ոյժ ունիս դուն , բայց այնպէս մը ըրէ որ  
ոյժդ գործէ եւ ըլլայ նոյնապէս : Ես պիտի սիրեմ եւ  
պիտի յուսամ , բայց ո՞վ փառայեղ Անահիտ , այս  
օտար երկիրներուն մէջ ...

Զայն մը ըսաւ — «Իմ անունս Անահիտ չէ :  
Դուն զիս ուրիշին հետ կը շփորես» :

Եւ սակայն նոյն ձայնը կրկնեց իր աներեւոյք-  
աշխարհին — «իմ անունս Անահիտ չէ : Ես ֆեզ չեմ  
ճանչնար» :

«Արդեօֆ մեռա՞ծ եմ . արդեօֆ ե՞ս ալ մեռած  
եմ» . այս եղաւ իր մտածումը եւ սկսաւ միսերը  
կսմբել , եղունգները մխրնել զիստերուն մէջ : Քա-  
նի որ կրցած էր ոգիներու հետ խօսիլ , քանի որ  
նիշդ իր պատասխանները տուած էր անդրաշխար-  
հային ձայն մըն ալ , կը կարծէր թէ ինչն ալ կ'ապ-  
րի անդենականին մէջ : Ահաւոր ու լեզապատառ՝  
կը փախչէր լալով , պոռալով : Կը սայրագէր ու կը  
գարնուէր կռնդերու :

Մարմնին կոյտը փլաւ ցած պատի մը տակ եւ  
Հայը փղակեցաւ անդնդախոր անձկուքեամբ : Կ'ո-  
րոշուէին բառեր .

— Սո՞ւտ է , ես չեմ մեռած , ես ... դեռ կրնամ  
յուսալ ... կրնամ սիրել ... կուզե՛մ սիրել ...  
սո՞ւտ է ... այս ձայները ամբողջ ... ինձմէ է որ

կ'ելլեն . ե'ս եմ . . . խօսողը միայն ե'ս եմ . . . անդե-  
նական չկայ . . . մայրիկ , զավեցէ՞ք սա գլուխս  
· . . ես շատ , շատ եմ տառապեր · . . գլուխս . . .

Լացաւ դառնօրէն :

Շողիքը կ'իջնար իր ճեռքին վրայ :

Գիշեր :

Այն որ այս գրութեան մէջ գրած էր իր անձը  
Համբարձում անունին տակ , ընթերցանութիւնը  
աւարտեց , սպիտակ թերթերը սեղանին ծայրը դը-  
րաւ ու յետոյ երկարեցաւ անկողնին վրայ : Վեց  
օրեր անցած էին այն երեկոյին իվեր Երբ իր դոդ-  
զզացող ու պիրկ մատներովը լեցուցած էր այս է-  
ջերը , և հիմայ որ բաժանումի այդ շրջանէն վերջ  
կրկին մխրճուած էր իր հեռաւոր մտածումին մէջ ,  
ան իրեն երեւցած էր զրեթէ բալորովին նոր , ան-  
ծանօթ : Ուրիշ որեւէ ժամանակ քիչ մը հոգեկան  
զոհումակութիւն պիտի զզար ապահովար քա-  
նի որ այս էջերը արհամարհելի չէին թուեր իրեն ,  
բայց այսօր որեւէ խանդավառութիւն չէր ծաղկեր  
իր հոգիին մէջ : Երկարեցաւ անկողնին վրայ :  
Սաստիկ յոզնած էր և անոյժ՝ մանաւանդ իր սը-  
րունքներուն մէջ որոնց համար առ այժմ անշար-  
ժութենէն զատ որեւէ հրճուանք չէր-կրնար դո-  
յութիւն ունենալ : Անսնք ամբողջ մարմին հետ  
համախորհուրդ՝ պիտի վասփաքէին զաղջ լոգանքի  
մը մէջ երկարիլ ու մնալ թմբած՝ զարնան ծոմա-  
պահութեան եօթը շարաթիւներուն չափ երկար շրե-  
ջան մը : Բայց պէտք է ծածկուիլ որովհետեւ ցուրտ

կ'ընէ, որովհետեւ երեկոն կը դանուի ձմբան ու  
 դարնան միջեւ մութ անկիւն մը, իոնաւ անկիւնմը :  
 Ծոմապահութեան եօթը շարաթներու յիշատակու-  
 թիւնը զինքը առաջնորդեց մոոցուած զարունիե-  
 րու, Զատկուան տօներու, իր մանկութեան՝ որ  
 զրեթէ բոլոր մարդոց մանկութեան պէս լաց կը  
 պատճառէ եւ կը դանուի կուրծքին ձախ կողմը :  
 Տեսաւ զարդարուն խորան մը, հաղորդութիւնը,  
 մեղքը : Բսաւ թէ ինք մեղք գործած էր քանի որ  
 զրած էր այս էջերը : Թեթև բան մըն էր իր տկա-  
 րութիւնը եւ կը բաւէր հանդարտ մնալ այն օրը,  
 ինչ որ չկըցաւ : Չկըցաւ զապել իր երեւակայու-  
 թիւնը, այն թաւալող սպառիչ անիւը, սիրոը փը-  
 ռեց անոր տակ որպէս զառիթափ ու եփ ելաւ :  
 Կը յիշէր թէ ինչպէս կը կանդնէր իր այս անկող-  
 նին մէջ, կը խօսէր ձեռքի լայն շարժումներով,  
 երբեմն բարձրածայն եւ յետոյ կը գըէր : Կ'երթար  
 անկողնին վարի ծայրը, այսինքն պատուհանի լոյ-  
 սին մօտ եւ կարծանագրէր Անահիտի հետ ունեցած  
 իր խօսակցութիւնը, հայութեան համար զգացած  
 իր տառապանքը : Յաջորդ օրը՝ հիւանդանոց : Հի-  
 մայ որ վերադարձած էր անկէ, կ'ուղէր ներողու-  
 թիւն խնդրել իր գործած մեղքին համար, բայց ոչ  
 ուժգնութեամբ այլ մեղմիւ : Մէկ երկու բառով  
 ներողութիւն խնդրել ու խոստվանիլ թէ իր ըրա-  
 ծը աւելորդ բան էր, անօդուտ էր եւ զէշ : Աւելի  
 բան չըսել, որովհետեւ չէր կընար ընդլայնել ու  
 պարզաբանել իր տարտամ մտածումները, որոնք  
 տարտամ էին պարզ այն պատճառաւ որ կը կըտ-  
 րատուէին զանազան տեսիլներով : Կը տեսնէր հի-

ւանդանոցի սրահը եւ սպիտակութիւններ, շատ  
տժզոյն դէմք մը եւ մարդոց առանձնութիւնը, յե-  
տոյ ուրիշ լերկ ծովափներ : Անշուշտ, կ'ըսէր, այս  
պահուս տեղ մը կայ ընդարձակութիւնը խոպան  
դաշտերու, եւ անոնց մէջտեղ փոքրիկ տնակ մը,  
եւ անակին մէջտեղ փոքրիկ օճախ մը, եւ օճախին  
մէջտեղ փոքրիկ կայծ մը : Անշուշտ, կ'ըսէր, հոն  
կայ ապացոյց մը :

Եթէ այսակէս տկար չըլլար, պիտի ելլէր դուրս  
ու քալէր ըստ բախտի, բայց կը միար իր մանսառ-  
տին մէջ, անոր ծուռ առաստաղին եւ տիսուր անց-  
հալին մէջ : Ապահով էր մեղք մը գործած ըլլալուն  
քանի որ զրած էր կրկին, հակառակ այդ արարքին  
դէմ իր բազմաթիւ երգումներուն : Գրելը իրեն հա-  
մար կը նշանակէր եթէ ոչ միշտ չարութիւն, պիղծ  
կիրք, sadisme, զոնէ հաղորդակցութիւն մը ոյժե-  
րու հետ որոնք ոչ հակալչուիլի են եւ ոչ ալ վստա-  
հելի : Գրելը իրեն համար ոչ միայն կը նշանակէր  
անսահման մէծամտութիւն, այլ նաև սատանա-  
յութիւն : Իրեն համար կը նշանակէր անվերջ ստա-  
խօսութիւն մը որ կրնար գեղեցիկ ըլլալ, բայց ինք  
պիտի չկրնար ընել գեղեցիկ, քանի որ ինքզինքը  
անկարող կ'զգար տալու իր ըմբռնած լաւագոյն,  
բարձրագոյն գեղեցիկը, այսինքն տարտամ երազը,  
անորոշ՝ եւ ատով իսկ ընդհանրական մտածումը,  
անշօշափելի գեղուհին, պատէն անդիի փայլատա-  
կումը : Եւ ոյժը պիտի չունենար երգելու իր միակ  
ու իսկական խորքը, այսինքն մահուան ցանկու-  
թիւնը :

Զմբան ու գարնահ միջեւ կորսուած մութ կէ-

սօրէ վերջ մըն էր որ կը նուաղէր : Այն որ ինքդինքը  
 կոչած էր Համբարձում , կը խոստովաճէր որ որ-  
 տած էր իր մէջ Հայը անսահմանօրէն տառապակոծ  
 ցոյց տալով : Գիտէր թէ կան իրեն նման ուրիշ մը-  
 տառարական երիտասարդներ որոնք նմանապէս կը  
 տառապին Հայութեան ճակատագրով , բայց տ-  
 նոնց անկեղծութեանը վրայ ալ կը տարակուսէր :  
 Ո՛չ միայն այն մտածումով թէ հաւաքական ցաւե-  
 րը անսահման չեն կրնար ըլլալ , կամ այն մտածու-  
 մով թէ ամէնէն աւելի երկար տեւող ցաւերը ա-  
 մէնէն անտանելիները չեն , այլ որովհետեւ այդ  
 երիտասարդներուն համար ալ ազգութիւնէն վեր  
 կայ , կ'ըսէր , ուրիշ բան մը : Կայ առաւոտ մը զոր  
 դեռ չէ զիմաւորած աքաղաղը , որ դեռ մութին  
 մէջն է , եւ ահա որ կը լառին թեւարախումբեր :  
 Զարաշուք թափահարումներով չաստուածները  
 ճամբայ կ'ելլեն մութին մէջ , արշալոյսէն առաջ ու  
 կը մեկնին : Յարալէզները կը դաւաճանեն ու կը  
 մեկնին : Մինչեւ մեր երեսուն տարիներուն մօտերը  
 կը կարծէինք բարձրանալ , հակառակ մեր մտահա-  
 սութեան կը կարծէինք համբառնալ , միւսը ետեւ  
 ձգել ու վեր ելլել , հասնիլ արշալոյսին : Եւ ահա  
 դաւաճանութիւնը՝ ու կ'զդանք թէ շատ մը բաներ  
 կանդ կառնեն : Թէ այլեւս բնաւ պիտի չկրնանք  
 ճանչնալ մեր ընկերակիցը , պիտի չկրնանք անոր  
 յայտնել մեր իսկութիւնը , պիտի չկրնանք իրա-  
 գործել ինչ որ կը փափաքէինք , իսկապէս պիտի  
 չդիտանանք թէ ինչ կը փափաքինք եւ գրեթէ միշտ  
 պիտի պատասխանենք հաստատականօրէն երբոր  
 պէտք է պատասխանել ժխտականօրէն : Բայց ի՞նչ

ողեաք է : Յարալէզները կը լդէնն եւ Գեղեցիկը  
պիտի արթննար : Բայց ան այլեւս պիտի չելլէ ոտ-  
քի : Համբարձումը ահիկողնին վրայ է :

Երկու ամպեր կողմնակցութիւն ըբին եւ վեր-  
ջալոյար կենդանութիւն ստացաւ : Կարմիր ճառա-  
գայթները մտան փոքրիկ պատռհանէն ներս Եւ  
պատին վրայ ներկեցին քառանկիւն մը որ կատար-  
եալ պիտի ըլլար եթէ հոն քիթը խոթած ըլլար  
ժինելոյզներու ամուլ մը : Անկողնին վրայէն ապա-  
քնողը փորձեց մտերժանալ Երեկոյեան այդ այ-  
ցելուներուն հետ , բայց գրագետի professional մո-  
լութեամբ մը վերապարձաւ իր մտածումին : Փոր-  
ձեց բուել թէ Յարալէզները մեկնած էին նաեւ հա-  
յութեան այս հատուածին վրայէն ալ , թէ մենք  
խմբավին վերելքի մը մէջ էինք մինչեւ երէկ , բայց  
ահա որ չաստուածները մեզ դաւաճանեցին , Անա-  
հիտները մեզ ուրացան Եւ այլեւս ամէն բան անօ-  
դուած կ'երեւայ Հայութեան , ան ընելիք չտեսներ  
եւ կը լրէ ինքզինքը , կը նուազի : Ծինելոյզներէն  
մէկը , այն որ ամուսինի Երեւոյթն ունէր , նուա-  
զեցաւ Եւ ապաքինողը հեռացաւ իր մտածումին :  
Մանաւանդ որ կ'զզար թէ ան լաւ չի պատշաճիր  
հաւաքականութեան մը , Եւ յետոյ ձանձրացած էր :  
Անշուշտ առաջին անդամ չէ որ կունենար այս մը-  
տածումները եւ զանոնք կրկնած էր այնքան շատ  
որ այլեւս իրմէ անջատուած կը թուէին : Կը թուէ-  
ին պատկանիլ աւելի տիսուր վերջալոյսին քան թէ  
իրեն : Այս' , եթէ ոյժով ըլլար , պիտի ելլէր  
դուրս իր խուցէն ու քալէր ըստ բախտի , պի-  
տի աշխատացնէր իր մարմինը , այսինքն

ինքղինքը պիտի պարպէր վարի դոնէն : Մինչդեռ  
 մնալով փակուած՝ կը տարուէր երազելու, այսին-  
 քըն փախուտներ կազմակերպելու՝ վերի դոնէն :  
 Այդ բանը ըրած էր այնքան շատ որ երեւոյթը ու-  
 նէր դարեր ապրած ըլլալու եւ իր սովորական կ-  
 եանքը լեցուցած էր մեծ զէպքերով, անվերջ պա-  
 տահարներով : Յարափոփիս տեսիլներու կողքին  
 ունէր մէկ քանի մտերիմներ որոնք միշտ կուզային  
 առաջին բլանի վրայ, ամէն անգամ որ զուրս ել-  
 էր վերի դոնէն : Ունէր ճենողկուզակներու արա-  
 կետը որ ծով կ'իջնէ, ունէր սեւուլիկ աչուկներով  
 աղջնակ մը որ կեցած է նուազարանի մը մօտ, եւ  
 դեռ ուրիշ կզզեակներ՝ ծովեր անդին : Ինք մնաւ  
 չէր ամչնար այս օրօրոցներուն հասարակութիւ-  
 նէն հակառակ որ օր մը իրեն պատահած էր հետեւ-  
 եալ զէպքը : Մրճարանի մը մէջ Հայեր կը խօսէին  
 Հայութեան վրայ եւ խօսակցութիւնը քանի կը յա-  
 ռաջանար այնքան շատ կը տիրէր յուսափեկումը :  
 Յանկարծ մտքով իրապէս խղճալի երիտասարդ մը  
 ըստու թէ միշտ կ'երազէր հրաշք մը, այսինքն կը  
 փափաքէր կարենալ կոճակի մը վրայ կոխել եւ մէկ  
 անգամէն կործանել թուրքիան : Յետոյ կոխել ու-  
 րիշ կոճակի մը վրայ եւ կառուցանել հրաշալի Հա-  
 յաստան : Ուրիշներ անմիջապէս ձայնակցեցան ի-  
 րեն եւ ըսին թէ նոյն մտածումը ունեցած էին ի-  
 րենք ալ՝ փոքրիկ փոփոխումներով : Սաստիկ յուղ-  
 ուեցաւ Համբարձումը տեսնելով թէ ինք ընաւ  
 տարրեր չէր մտածած խեղճուկ տղոցմէ, թէ՝ ան-  
 կարելիին առջեւ կը նոյնանային մարդիկ, եւ հոն  
 է որ մանաւանդ իյայտ կուզար իրենց երեւակա-

յութեան խեղճութիւնը : Անսահման թուող այդ  
երեւակայութիւնը կը ըլլար իսկապէս աղքատ :  
Այլեւս գիտէր թէ ամէն ոք ունի զրեթէ նոյն ճե-  
նողկուզակներու արահետը, զրեթէ նոյն աղջնակը  
եւ կզզիներ : Բայց այժմ յողնած էր : Վերի զրան  
մէջ կեցած՝ կը վարանէր փախչելու : Որովհետեւ  
գիտէր թէ ամէնէն աւելի անմեղ փախուստները,  
անոնք որ ամէնէն աւելի հաճելի են ու մանկունակ,  
կրնան շուտով իյնալ ոյլբերդութեան մէջ : Զափա-  
զանց քաղցրութեամբ սկսած էր Համբարձումին  
խօսակցութիւնը բարի մեռելներու հետ, բայց ան  
շուտով եղած էր վտանգաւոր : Կը մնար զրան մէջ՝  
տարտամ, անորոշ եւ տխուր : Ի՞նչ ուղել, ի՞նչ ը-  
նել : Բայց ինչո՞ւ միշտ ուղել ու ցանկալ : Որքան  
լու պիտի ըլլար թմրիլ, զինովնալ կամ քնանալ,  
օ՛ մանաւանդ քնանալ : Իրականին մէջ քունը չէ որ  
կը պաշտէր, այլ իր մշտարթուն վիճակն է որ կա-  
տէր : Եւ իր այդ մշտարթուն վիճակը կը կրկնէր  
զարձեալ այս պահուս — ի՞նչ ուղել : Գիտէր թէ  
մարդ ինքզինքը պէտք է շատ հարցաքննէ գիտնա-  
լու համար թէ ինչ կ'ուղէ : Ամէնուն գործը չէ այդ  
հարցաքննութիւնը եւ շատ քիչնը միայն կրնան ի-  
րենք իրենց ոյժերով կտրել անցնիլ հանգրուանիե-  
րը, համնիլ վերջին կէտին, այսինքն բարձրագոյն  
ցանկութեան : Բայց, կ'ըսէր, այդ վերջին կէտը  
ուր մարդիկ պիտի հասնին ուրիշներու օգնու-  
թեամբ կամ անձնական ոյժերով, միշտ նոյնն է :  
Մարդ արարածը կը ցանկայ մէկ բան — հրաշք :

Երկար ատեն մը անկողնին վրայ մնաց բա-  
ցարձակ անշարժութեան մը մէջ, նայելով իր դէ-

մը չեշտակի , եւ իր արիւնը եւ կուգար անդամիւներէն զանոնք պաղեցնելու առտիճան , եւ իր բոլոր դսները բաց էին՝ կոնակի վրայ :

Յետոյ ըստւ թէ իրեն հրաշք մը եթէ պատահէր ան պիտի ըլլար մեծաղոյնը քանի որ պիտի կոչուէր — Համբարձումին հրաշքը :

Բայց իր այս ներքնախօսութիւնն իսկ առաջոյց է որ սկսած էր իր մէջ փայլատակումը նուազիլ , սպառիլ : Եւ երիտասարդը զոցեց իր մեծ զոները որպէս պղարիկ զոնակներ , մէկը միւսին ետեւէն , եւ իր մարմինը ծանրացաւ , հրաշալի որլացքէն վերջ կրկնապէս տիսուր :

Յետոյ խոստովանեցաւ որ կան երջանկութիւններ որոնց երբեք արժանի պիտի չըլլայ : Կան գըժբաղզութիւններ որոնց երբեք արժանի պիտի չըլլայ : Ֆիշդ ինչպէս այս արարածը որ կը կոչուի մարդ : Դաւաճանած են յարալէզները եւ արարածը կը կոչուի պարզապէս մարդ : Միայն թէ , մտածեց , իդուր չէ եղած անոնց անցեալ ներկայութիւնը , քանի որ այս պահուս կայ փոքրիկ տնակ մը , եւ տնակին մէջտեղ փոքրիկ օճախս մը օճախին մէջտեղ փոքրիկ կայծ մը : Թերեւս սէր է , թերեւս յոյս է , թերեւս ոչ մէկն է եւ ոչ ալ միւսը , բայց անշուշտ ապացոյց մըն է այդ կայծը մեր տնակին մէջ :

Եւ երիտասարդը անդրադարձաւ որ իր գըութեան մէջ ուրիշ բան չէր ըրած՝ եթէ ոչ ջատաղովել այդ կայծը որ թերեւս յոյսն է , թերեւս սէրն է : Անմիջապէս ելաւ վեր եւ էջերը ժողվելով ուզեց կրկն կարդալ : Բայց նախ վառեց լոյսը որովհետեւ մութը կատարեալ էր եւ կարդաց բարձրա-

ձայն մեծ խռանդով, մեծ խանդով : Հաւնեցաւ ինք-  
զինքին եւ ըստ թէ անշուշտ գրականութիւնը ա-  
ռևլորդ բան չէ՝ երբ իր ընտրած նիւթը կայծն է :  
Ինք հրթիւնն է որ չէր սիրեր, որովհետեւ զայն կը  
նկատէր մութի ծնուցիչ : Կ'ըսէր թէ ամենախոր  
մութը այն մութն է որ տիրէ՝ երբ հրթիոը մարի :  
Բայց կայծը, մշտաբորբ կայծը՝ բանալին է հրաշ-  
քին : Եւ Համբարձում պահ մը կանդ առնելով խօս-  
քի մը առջեւ որ իրեն կը թուէր մասնաւրաբար  
թանկաղին, ջերմ չնորհաւորականներ ուղղեց  
ինքինքին, իր կախուած գլխարկին, աջ կողմի  
պատին, ձախ կողմի օճառին :

Իրականին մէջ սակայն ինք զոհ չէր այս գրու-  
թենէն եւ կարդացած ատեն անոր պարունակած  
բառերէն աւելի ետեւը ընդնշմարուած ճշմարտու-  
թիւնն է որ զինքը կը խանդավառէր : Ճիշտ ինչպէս  
որ մարդ կարծէք կը ժպտի պատուհանի ժանիկա-  
հիւս վարագոյքներու, երբ կը ժպտի ետեւի երկ-  
իակաղոյտին : Գոհ չէր այս գրութիւնն որովհե-  
տեւ հոն կար ազգային մտահոգութիւն՝ բան մը որ  
միմիայն յուսահատութեան կրնայ յանդիլ, ինչ-  
պէս որ եղած էր գրութեան մէջ : Եւ ան բարդուե-  
լով արդէն առանց ատոր իսկ ահաւոր մարդկային  
յուսահատութեան վրայ՝ կ'ըլլայ բացարձակապէս  
վատառողջ : Համբարձումին համար անհրաժեշտ  
էր հեռանալ վատառողջէն, ազգայինէն, Հայէն :  
Պէտք էր լքե՛լ Հայը : Որքան ատեն որ, կ'ըսէր,  
ոէր չկայ մեր մէջ, այսինքն Հայը իր ազգակեցը  
ըս սիրեր, որքան ատեն որ Հայը իր ազգային փր-  
կութեանը մասին այլեւս յոյս չունի եւ ատով իսկ

ոչինչ կ'ընէ , ալէտք է հեռանալ Հայէն : Թանի որ  
ինք փրկութիւնը կը տեսնէր սիրոյ եւ յոյսի մէջ :  
Միշտ աւելի մեծ ոէր , միշտ աւելի մեծ յոյս : Այդ  
ճամբուն վրայ՝ այլեւս իր խօսքը ամէնէն առաջ  
պիտի չուղղէր Անահիտին , անդրաշխարհային եւ  
ուրացող Անահիտին , այլ Աստծոյ մը որ ազգու-  
թիւն չի ճանչնար , որ թէ՛ մեր եւ թէ միւս աշխար-  
հը կապրի , եւ ատով իսկ աւելի իրական Աստուած  
մըն է :

Այս կէտին վրայ՝ Համբարձում փորձեց այդ  
Աստուածը աւելի յստակօրէն ներկայացնել ինքն  
իրեն , աւելի սահմանել , բայց ժպտեցաւ միայն ու-  
շաւ թէ Աստուածը չէ որ զինքը կը մտահոգէ , այլ  
ճամբան : Իր գրութիւնը կրկնելով ըստ թէ շատ  
հաւանաբար Աստուածը միմիայն պարապին է , բա-  
ցարձակ պարապը , բայց ի՞նչ փոյթ՝ երբ դէպի հոն  
գացող ճամբան կը բարձրանայ երեք անդամ : Երե-  
սուն երեք անդամ :


... Ահա այսպէս , երիտասարդ Հայը որ իր  
իսկական խորքին մէջ միմիայն մահը կը ցանկար ,  
կեանքին մէկ առինքնող երեսը վինտոեց , գտաւ ,  
ու կառչեցաւ անոր : Ինք որ իսկապէս կ'ուղէր խոյս  
տալ դրականութենէն որովհետեւ ան դեղեցիկ  
բայց գէշ բան մըն է , դրականութիւնը սիրելի  
դարձնելու համար պլլուեցաւ բացատրութեան մը :  
Ինք որ միսկ չէր անցներ առանց հայութեամբ  
տառապելու , պատճառ մը գտաւ անկէ հեռանալու  
դոնէ մասամբ , դոնէ ժամանակաւորապէս : Եւ  
դեռ ուրիշ այս տեսակ ուրացումներ :

Այս բոլորը այսպէս եղաւ որովհետեւ իր ճիշդ  
մօտն էր մահը : Իր ճիշտ մօտը : Եւ ինք անկէ է որ  
կը խուսափէր բնազդաբար : Կը կարծէր արամա-  
րանութեամբ, գատաստաններով, այսինքն իր ար-  
թուն եսովը յառաջանալ, մինչդեռ կը յառաջանար  
ամենահասարակ եւ ամէնէն աւելի մարդկային  
ինքնապաշտպանութեամբ մը : Մութովը :

Ինքն ալ անդրադարձաւ այդ բանին, բայց չու-  
նեցաւ ոչ մէկ հակազդեցութիւն : Բնդունեց իր տը-  
կարութիւնը, իր ուրացումներն ու սուտը, քանի  
որ յարալէզները գաւաճանած էին եւ ինք պարզա-  
պէս մարդ էր, ինչպէս ես, ինչպէս դուն : Քունը  
տարաւ վերջապէս :

Շողիքը կ'իջնար իր ձեռքին վրայ :

Դիշեր :



## ՑԱՆԿ

	Եղ.
<b>ԱՐԱԽՈՏԵԱՆ ՇԵՓՈՐ</b>	7
<b>ՀՈՍԱՆՔԻՆ ԵԶՐԼ</b>	73
<b>ՄԱՆՈՒԿ ՄԸ ՏԱՐԵՑՆԵՐՈՒ ՄԵԶ</b>	99
<b>ԴԵՐՁԱԿ ՄԸ, ԻՐ ԵՐԿՈՒ ՀԻՒՐԵՐԼ ԵՒ ԶԱՆԱՉԱՆ ԴԵՊՔԵՐ</b>	145
<b>ԶԱԹՐՈԹԷ</b>	184
<b>ՊՃԵՂ ՄԸ ԱՆՈՒՇ ՍԻՐՏ</b>	225
<b>ՅԱՐԱԼԻՉՆԵՐՈՒՆ ԴԱՒԱՃԱՆՈՒԹԻՒՆԸ</b>	225

---

Ներկայ հատորը նախապէս կը կրէր ՄԵՆԱ-  
ԽՈՍՈՒԹԻՒՆ տիտղոսը եւ այդպէս էր յայտաբար-  
ուած ՆԱՀԱՆՁԸ ԱՌԱՆՑ ԵՐԳԻՒի կողքին վրայ :

---



5m





ԳԱԱ Հանճարյան Գիտ. պատ.



220046831

ЦЕНА

A 11  
46831